

Namo tassa bhagavato arahato sammāsambuddhassa

# Abhidhammapiṭake

## Pañcapakaraṇa-mūlaṭīkā

### Dhātukathāpakaraṇa-mūlaṭīkā

#### Ganthārambhavaṇṇanā

Dhātukathāpakaraṇaṃ desento bhagavā yasmiṃ samaye desesi, taṃ samayaṃ dassetuṃ, vibhaṅgānantaraṃ desitassa pakaraṇassa dhātukathābhāvaṃ dassetuṃ vā “**aṭṭhārasahī**”tiādimāha. Tattha balavidhamanavisayātikkanavasena devaputtamārassa, appavattikaraṇavasena kilesābhisankhāramārānaṃ, samudayappahānapariññāvasena khandhamārassa, maccumārassa ca bodhimūle eva bhañjitatā parūpanissayarahitaṃ niratisayaṃ taṃ bhañjanaṃ upādāya bhagavā eva “mārabhañjano”ti thomito. Tattha māre abhañjesi, mārabhañjanaṃ vā etassa, na pararājādibhañjananti **mārabhañjano**. Mahāvikkanto mahāvīriyoti **mahāvīro**.

Khandhādayo araṇantā dhammā sabhāvaṭṭhena dhātuyo, abhidhammakathādhiṭṭhānaṭṭhena vāti katvā tesam kathanato imassa pakaraṇassa **dhātukathā**ti adhvacaṇaṃ. Yadi pi aññesu ca pakaraṇesu te sabhāvā kathitā, ettha pana tesam sabbesam saṅgahāsaṅgahādīsū cuddasasu navesu ekekaṃ kathitattā sātisaṃyamaṃ kathananti idameva evaṃnāmaṃ. Ekadesakathanameva hi aññattha katanti. Khandhāyatanadhātūhi vā khandhādīnaṃ araṇantānaṃ saṅgahāsaṅgahādayo nayā vuttāti tattha mahāvisayānaṃ dhātūnaṃ vasena dhātūhi kathā **dhātukathā**ti evaṃ assa nāmaṃ vuttanti veditaḃbaṃ. Dvidhā tidhā chadhā aṭṭhārasadhāti anekadhā dhātubhedam pakāsesīti **dhātubhedappakāsanoti**. **Tassatthanti** tassā dhātukathāya atthaṃ. A-kāre ā-kārassa lopo daṭṭhabbo. “Yaṃ dhātukatha”nti vā ettha pakaraṇanti vacanaseso sattanaṃ pakaraṇānaṃ kamena vaṇṇanāya pavattattāti tena yojanaṃ katvā tassa pakaraṇassa atthaṃ **tassatthanti** a-kāralopo vā. **Tanti** taṃ dīpanaṃ suṇātha, **taṃ** vā atthaṃ taṃdīpanavacanasavena upadhārethāti attho. **Samāhitā**ti nānakiccehi avikkhittacittā, attano citte āhitāti vā attho.

Ganthārambhavaṇṇanā niṭṭhitā.

#### 1. Mātikāvaṇṇanā

##### 1. Nayamātikāvaṇṇanā

1. Ko panetassa pakaraṇassa paricchedoti? Na so idha vattabbo, **aṭṭhasālīniyaṃ** (dha. sa. aṭṭha. nidānakathā) pakaraṇaparichedo vutto evāti dassento āha “**cuddasavidhena vibhattanti vutta**”nti. Khandhādīnaṃ desanā nīyati pavattiyati etehi, khandhādayo eva vā nīyanti nīyanti etehi pakārehīti nayā, nayānaṃ mātikā uddeso, nayā eva vā mātikāti **nayamātikā**. **Etesaṃ padānaṃ mūlabhūtattāti** “mūlamātikā”ti vattabbānaṃ saṅgahāsaṅgahādīnaṃ cuddasannaṃ padānaṃ khandhādidhammavibhajanassa imassa pakaraṇassa mūlabhūtattā nissayabhūtattāti attho.

##### 2. Abbhantaramātikāvaṇṇanā

2. “Pañcakkhandhā”tiādīhi rūpakkhandhādīpadāni dassitāni, paṭiccasamuppādavacanaṃ ca yesu dvādasasu aṅgesu paccekaṃ paṭiccasamuppādasaddo vattati, tadatthāni dvādasa padāni dassitānīti tesam

tathā dassetānaṃ sarūpeneva dassetānaṃ phassādīnañca padānaṃ vasena āha “**pañcavīsādhikena padasatena**”ti. Tattha kammupapattikāmbhavādīnaṃ idha vibhattānaṃ bhāvanabhāvanabhāvena bhāve viya sokādīnaṃ jarāmarāṇassa viya anīṭṭhattā tannidānadukkhabhāvena ca jarāmarāṇe antogadhatāya paṭiccasamuppādassa dvādasapadatā daṭṭhabbā. Ettha ca pāḷiyaṃ bhinditvā avissajjitānampi satipaṭṭhānādīnaṃ bhinditvā gahaṇaṃ karonto tesāṃ bhinditvāpi vissajjitabbaṃ dassetīti veditabbaṃ.

Nayamātikādīkā lakkhaṇamātikantā mātīkā pakaraṇantarāsādhāraṇatāya dhātukathāya mātīkā nāma, tassā abbhantare vutto vibhajitabbānaṃ uddeso abbhantaramātikā nāmāti imamatthaṃ pakāsento “**ayañhī**”tiādīmāha. Tattha **evaṃ avatvāti** yathā “sabbāpi...pe... mātīkā”ti ayaṃ dhātukathāmātikato bahiddhā vuttā, evaṃ avatvāti attho. **Dhātukathāya abbhantareyevāti** ca dhātukathāmātikāya abbhantareyevāti attho daṭṭhabbo. Tadāveṇikamātikābbhantare hi ṭhapitā tassāyeva abbhantare ṭhapitāti vuttā. Atha vā **evaṃ avatvāti** yathā “sabbāpi...pe... mātīkā”ti etena vacanena dhātukathāto bahibhūtā kusalādīraṇantā mātīkā pakaraṇantaragatā vuttā, evaṃ avatvāti attho. **Dhātukathāya abbhantareyevāti** ca imassa pakaraṇassa abbhantare eva sarūpato dassetvā ṭhapitattāti attho. Sabbassa abhidhammassa mātīkāya asaṅgahitattā vikiṇṇabhāvena **pakiṇṇakatā** veditabbā.

### 3. Nayamukhamātikāvaṇṇanā

3. Nayānaṃ pavattidvārabhūtā saṅgahāsaṅgahavīyogīsahayogīdhammā nayamukhānīti tesāṃ uddeso **nayamukhamātikā**. Cuddasapi hi saṅgahāsaṅgahasampayogavīppayogānaṃ vomissakatāvasena pavattāti yehi te cattāropi honti, te dhammā cuddasannampi nayānaṃ mukhāni hontīti. Tattha saṅgahitenaasaṅgahitapadādīsu saccādīhipi yathāsaṅgahavaṃ saṅgahāsaṅgaho yadipi vutto, so pana saṅgāhakabhūtehi tehi vutto, na saṅgahabhūtehi, sopi “cakkhāyatanena ye dhammā khandhasaṅgahena saṅgahitā āyatanasaṅgahena asaṅgahitā”tiādīnā pucchitabbavissajjitabbadhammuddhāre tatthāpi khandhādīheva saṅgahehi niyametvā vutto, tasmā “**tīhi saṅgaho, tīhi asaṅgaho**”ti vuttaṃ. Pucchitabbavissajjitabbadhammuddhārepi pana pucchāvissajjanesu ca rūpakkhandhādīnaṃ araṇantānaṃ yathāsaṅgahavaṃ sampayogavīppayogā catūheva khandhehi hontīti “**catūhi sampayogo, catūhi vīppayogo**”ti vuttaṃ.

Nanu ca vīppayogo rūpanibbānehi hoti, kasmā “catūhi vīppayogo”ti vuttanti? Rūpanibbānehi bhavantassapi catūheva bhāvato. Na hi rūpaṃ rūpena nibbānena vā vīppayuttaṃ hoti, nibbānaṃ vā rūpena, catūheva pana khandhehi hotīti catunnaṃ khandhānaṃ rūpanibbānehi vīppayogopi vīppayujjamānehi catūhi khandhehi niyamito tehi vinā vīppayogābhāvato. So cāyaṃ vīppayogo anārammaṇassa, anārammaṇaanārammaṇamissakehi missakassa ca na hoti, anārammaṇassa pana missakassa ca sārammaṇena, sārammaṇassa sārammaṇena anārammaṇena missakena ca hotīti veditabbo.

### 4. Lakkhaṇamātikāvaṇṇanā

4. Saṅgahoyeva **saṅgahanayo. Sabhāgo. Visabhāgoti** etassa “tīhi saṅgaho, tīhi asaṅgaho”ti etena, “catūhi sampayogo, catūhi vīppayogo”ti etenapi viṣuṃ yojanā kātābbā. Tena saṅgaho asaṅgaho ca sabhāgo visabhāgo ca bhāvo, tathā sampayogo vīppayogo cāti ayamatto viññāyati. Yassa vā saṅgaho ca asaṅgaho ca, so dhammo sabhāgo visabhāgo ca, tathā yassa sampayogo vīppayogo ca, sopi sabhāgo visabhāgo cāti. Tattha yena rūpakkhando...pe... manoviññādhātūti dhammā gaṇanaṃ gacchanti, so rupanādīko samānabhāvo saṅgahe sabhāgatā, ekuppādādīko sampayoge veditabbo.

### 5. Bāhiramātikāvaṇṇanā

5. **Evaṃ dhātukathāya mātīkato bahi ṭhapitattāti** “sabbāpi...pe... mātīkā”ti etena ṭhapanākārena bahi piṭṭhito ṭhapitattāti attho. Etena vā ṭhapanākārena kusalādīnaṃ araṇantānaṃ idha

aṭṭhapetvā dhātukathāya mātikato bahi pakaraṇantaramātikāya imassa pakaraṇassa mātikābhāvena ṭhapitattā tathā pakāsittattāti attho.

**Saṅgaho asaṅgahoti**ādiṣu saṅgaho ekavidhova, so kasmā “catubbidho”ti vuttoti? Saṅgahoti atthaṃ avatvā aniddhāritatthassa saddasseva vuttattā. **Saṅgaho asaṅgahoti**ādiṣu saddesu saṅgahasaddo tāva attano atthavasena catubbidhoti ayañhetthattho. Atthopi vā aniddhāritaviseso sāmāñña gahetabbataṃ patto “saṅgaho asaṅgaho”tiādiṣu “saṅgaho”ti vuttoti na koci doso. Niddhārite hi visese tassa ekavidhatā siyā, na tato pubbeti. Jātisaddassa sāpekkhasaddattā “jātiyā saṅgaho”ti vutte “attano jātiyā”ti viññāyati sambandhārahassa aññaassa avuttattāti **jātiṣaṅgahoti** rūpakaṇḍe vutto sajātiṣaṅgaho vutto hoti.

Ettha nayamātikāya “saṅgaho asaṅgaho, sampayogo vippayogo”ti ime dve pucchitabbavissajjitabbadhammavisesaṃ aniddhāretvā sāmāñña dhammānaṃ pucchavissajjananayauddesā, avasesā niddhāretvā. “Saṅgahitena asaṅgahita”nti hi “saṅgahitena asaṅgahitaṃ asaṅgahita”nti vattabbe ekassa asaṅgahitasaddassa lopo daṭṭhabbo. Tena saṅgahitavisesavisiṭṭho yo asaṅgahito dhammaviseso, tannissito asaṅgahitatāsankhāto pucchāvissajjananayo uddiṭṭho hoti, “saṅgahitenā”ti ca visesane karaṇavacanaṃ daṭṭhabbaṃ. Esa nayo tatiyādiṣu dasamāvasānesu nayuddesesu chaṭṭhavajjesu. Tesupi hi vuttanayena dvīhi dvīhi padehi pucchitabbavissajjitabbadhammavisesaniddhāraṇaṃ katvā tattha tattha antimapadasadisena tatiyapadena pucchavissajjananayā uddiṭṭhāti. Tattha catutthapañcomesu kattuatthe karaṇaniddeso, sattamādiṣu ca catūsu sahayoge daṭṭhabbo, na dutiyatatiyesu viya samānādhikaraṇe visesane. Tattha hi sabhāvantarena sabhāvantarassa visesanaṃ kataṃ, etesu dhammantarena dhammantarassāti. Ekādasamādiṣu pana catūsu ādipadeneva dhammavisesaniddhāraṇaṃ katvā itarehi pucchavissajjananayā uddiṭṭhā. Visese eva cettha karaṇavacanaṃ daṭṭhabbaṃ. Pucchāvissajjanānañhi nissayabhūtā dhammā saṅgahitatādivisesena karaṇabhūtena sampayuttavippayuttādivihāvaṃ attano visesentīti.

**Vikappatoti** vividhakappanato, vibhāgatoti attho. **Sanniṭṭhānavasenāti** adhimokkhasampayogavasena. Sanniṭṭhānavasena vuttā ca sabbe ca cittuppādā sanniṭṭhānavasena **vuttasabbacittuppādā**, tesam sādharmaṇavasenāti evamettha attho daṭṭhabbo. Adhimokkho hi sanniṭṭhānavasena vuttānaṃ cittuppādānaṃ sādharmaṇavasena vutto, itare sabbesanti. Tattha sādharmaṇa pasatā pākāṭā cāti ādito pariggahetabbā, tasmā tesam saṅgahādi-pariggahatthaṃ uddeso kato, asādharmaṇāpi pana pariggahetabbāvāti tesu mahāvisayena aññesampi saṅgahādi-pariggahaṃ dassetuṃ adhimokkho uddiṭṭho. “Sanniṭṭhānavasena vuttā”ti ca **dhammasaṅgahavaṇṇanāyaṃ paṭiccasamuppādavibhaṅge** ca vacanaṃ sandhāya vuttanti veditabbaṃ. Sanniṭṭhānavasena ye vuttā, tesam sabbesaṃ sādharmaṇatoti pana atthe sati sādharmaṇāsādharmaṇesu vattabbesu yo asādharmaṇesu mahāvisayo adhimokkho, tassa vasena vuttasabbacittuppādasādharmaṇato phassādayo sabbasādharmaṇāti adhimokkho ca asādharmaṇesu mahāvisayoti katvā vutto aññaassa tādisassa abhāvāti ayamadhippāyo daṭṭhabbo.

Jīvitindriyaṃ panettha rūpamissakattā na vuttanti veditabbaṃ, cittekaggatā pana asamādhisabhāvā sāmāññasaddeneva sāmāññavisesasaddehi ca samādhisabhāvā visesasaddavacanīyaṃ aññaṃ byāpetabbaṃ nivattetabbañca natthīti anaññabyāpakanivattakasāmāññavisesadīpanato tasseva dhammassa bhedaḍḍipakehi vattabbā, na sukhādisabhāvā vedanā viya vuttalakkaṇaviparītehi sāmāññavisesasaddeheva, tasmā “cittetekaggatā”ti ayaṃ sāmāññasaddo samādhisabhāve visesasaddanirapekkho pavattamāno sayameva visesasaddamāpajjitvā asamādhisabhāvameva pakāseyya, itaro ca samādhisabhāvamevāti dvidhā bhinnā cittekaggatā asādharmaṇā ceva appavisaṃyā cāti idha uddesaṃ na arahati. Abhinnāpi vā phassādīnaṃ viya pākāṭattābhāvato aññadhammanissayena vattabato ca sā jīvitañca na arahatīti na uddiṭṭhāti.

Mātikāvaṇṇanā niṭṭhitā.

## 2. Niddesavaṇṇanā

### 1. Paṭhamanayo saṅgahāsaṅgahapadavaṇṇanā

#### 1. Khandhapadavaṇṇanā

6. Khandhāyatanadhātuyomahantare abhiññeyyadhammabhāvena vuttā, tesam pana sabhāvato abhiññātānaṃ dhammānaṃ pariññeyyatādivisesadassanatthaṃ saccāni, adhipatīyādikkavisesadassanatthaṃ indriyādāni ca vuttānti saccādiviseso viya saṅgahāsaṅgahaviseso ca abhiññeyyanissito vuccamāno suviññeyyo hotīti **“tīhi saṅgaho. Tīhi asaṅgaho”**ti **nayamukhamātikā ṭhapitā**ti veditabbā. Evañca katvā “catūhī”ti vuttā sampayogavippayogā ca abhiññeyyanissayena khandhādīheva pucchitvā vissajjitāti. **Rūpakkhandho ekena khandhenā**ti ye dhammā “rūpakkhandho”ti vuccanti, tesam pañcasu khandhesu rūpakkhandhabhāvena sabhāgatā hotīti rūpakkhandhabhāvasaṅkhātena, rūpakkhandhavacanasaṅkhātena vā gaṇanena saṅgahaṃ gaṇanaṃ dasseti. Tenāha **“yañhi kiñci”**tiādi. **Rūpakkhandho**ti hi saṅgahitabbadhammo dassito. Yena saṅgahena saṅgayhati, tassa saṅgahassa dassanaṃ “ekena khandhenā”ti vacanaṃ. Pañcasu khandhagaṇanesu ekena khandhagaṇanena gaṇitoti ayañhettha attho. Yasmā ca khandhādivacanehi saṅgaho vuccati, tasmā upari “khandhasaṅgahena saṅgahitā”tiādiṃ vakkhatīti.

**Asaṅghanayaniddeseti** idaṃ “saṅgaho asaṅgaho”ti etasseva nayassa ekadesanayabhāvena vuttaṃ, na nayantarātāyāti daṭṭhabbaṃ. **Rūpakkhandhamūlakāyeva cettha dukatikacatukkā dassitā**ti etena vedanākkhandhamūlakā purimena yojyamāne viseso natthīti pacchimeheva yojetvā tayo dukā dve tikā eko catukko, saññākkhandhamūlakā dve dukā eko tiko, saṅkhārakkhandhamūlako eko dukoti ete labbhantīti dasseti. Tesam pana bhedato pañcakapucchāvissajjanānantaraṃ pucchāvissajjanaṃ kātappaṃ saṃkhittanti daṭṭhabbaṃ, vuttanayena vā sakkā ñātunti pāḷiṃ na āropitanti.

#### Āyatanapadādivaṇṇanā

40. **Yasmā ca dukatikesūti** yadipi ekakepi sadisaṃ vissajjanaṃ, ekake pana sadisavissajjanānaṃ cakkhundriyasotindriyasukhindriyādānaṃ dukādīsu asadisavissajjanaṃ diṭṭhaṃ. Na hettha cakkhusotacakkhusukhindriyadukānaṃ aññamaññasadisavissajjanaṃ, nāpi dukehi tikassa, idha pana dukkhasamudayadukkhmaggadukānaṃ aññamaññaṃ tikena ca sadisaṃ vissajjananti dukatikesveva sadisavissajjanataṃ samudayānantaraṃ maggasaccassa vacane kāraṇaṃ vadati.

### 6. Paṭiccasamuppādavaṇṇanā

61. “Pucchaṃ anārabhitvā avijjā ekena khandhena, avijjāpaccayā saṅkhārā ekena khandhenā”ti likhitabbepi pamādasena “avijjā ekena khandhenā”ti idaṃ na likhitanti daṭṭhabbaṃ. Sarūpekasesaṃ vā katvā avijjāvacaṇena avijjāvissajjanaṃ dassitanti. **Sabbampi vipākaviññānti** ettha vipākaggahaṇena visesaṃ na kātappaṃ. Kusalādānampi hi viññāṇānaṃ dhātukathāyaṃ saṅkhārapaccayāvīññāṇādīpadehi saṅgahitā vippayuttenasaṅgahitāsaṅgahitapadaniddese “vipākā dhammā”ti imassa vissajjanāsadisena tesam vissajjanena dassitā, idha ca nāmarūpassa ekādasahāyatanehi saṅgahavacaṇena akammajānampi saṅgahitā viññāyatīti.

71. Jāyamānaparipaccamānabhijjāmānānaṃ jāyamānādibhāvamattattā jātījarāmarāṇāni paramatthato vinibbhujjivā anupalabbhamānāni paramatthānaṃ sabhāvamattabhūtāni, tāni rūpassa nibbattipākabhedabhūtāni rupanabhāvena gayhantīti rūpakkhandhadhammasabhāgāni, arūpānaṃ pana nibbattīdibhūtāni rūpakalāpajātīdāni viya sahuppajjāmānacatukkhandhakalāpanibbattīdibhāvato ekekabhūtāni vediyanaṣaṅgānavijjānanehi ekantaparamatthakiccehi agayhamānāni saṅkhatābhisaṅkharāṇena anekantaparamatthakiccena gayhantīti saṅkhārakkhandhadhammasabhāgāni, tathā duvidhānīpi tāni cakkhāyatanādīhi ekantaparamatthakiccehi agayhamānāni nissattaṭṭhena

dhammāyatanadhammadhātudhammehi sabhāgāni, tena tehi khandhādīhi saṅgayhantīti “**jāti dvīhi khandhehi**”tiādimāha.

Paṭhamanayasaṅgahāsaṅgahapadavaṇṇanā niṭṭhitā.

## 2. Dutīyanayo saṅgahitenaasaṅgahitapadavaṇṇanā

171. Saṅgahitenaasaṅgahitapadaniddese yaṃ taṃ uddese asaṅgahitatāya pucchitabbaṃ vissajjitabbañca saṅgahitatāvisiṭṭhaṃ asaṅgahitaṃ dhammajātaṃ niddhāritaṃ, tadeva tāva dassento “**cakkhāyatanena ye dhammā khandhasaṅgahena saṅgahitā āyatanadhātusaṅgahena asaṅgahitā**”ti āha. Sabbattha khandhādīsaṅgahasāmaññānaṃ niccaṃ visesāpekkhattā bhedanissitattā ca pucchāvissajjanānaṃ savisesāva khandhādīgaṇanā suddhā. Tattha saṅgahitenaasaṅgahitavacanamatte dhammavisesassa niddhāritattā tīsu saṅgahesu ekena dvīhi vā ye saṅgahitā hutvā aññehi asaṅgahitā, teyeva dhammā “khandhasaṅgahena saṅgahitā āyatanadhātusaṅgahena asaṅgahitā”ti ettakeneva dassetabbā siyuṃ, tesam̐ pana evaṃvidhānaṃ asambhavā nayamātikāya ca abhantarabāhiramātikāpekkhattā uddeseṃpi yaṃ yaṃ rūpakkhandhādīsu araṇṇtesu saṅgāhakaṃ, taṃ taṃ apekkhitvā saṅgahitenaasaṅgahitaṃ niddhāritanti viññāyatīti tena tena saṅgāhakena yathāniddhāritaṃ dhammaṃ niyametvā dassetuṃ “**cakkhāyatanenā**”tiādimāha. Yattha hi pucchitabbavissajjitabbadhammavisesaniddhāraṇaṃ natthi, tasmīṃ paṭhamanaye chaṭṭhanaye ca pucchitabbavissajjitabbabhāvena, itaresu ca yaṃ yaṃ pucchitabbavissajjitabbaṃ niddhāritaṃ, tassa tassa niyāmakabhāvena rūpakkhandhādayo araṇṇantā uddiṭṭhāti.

Tattha “cakkhāyatanena...pe... phoṭṭhabbadhātuyā”ti kattuatthe karaṇaniddeso daṭṭhabbo, “khandhasaṅgahena āyatanasaṅgahena dhātusaṅgahenā”ti karaṇatthe. Ettha ca yena yena saṅgāhakena khandhādīsaṅgahesu tena tena saṅgahetabbāsaṅgahetabbaṃ aññaṃ atthi, taṃ tadeva saṅgāhakāsaṅgāhakabhāvena uddhaṭaṃ. Rūpakkhandhena pana khandhasaṅgahena saṅgahetabbo añño dhammo natthi, tathā vedanākkhandhādīhi, na ca so eva tassa saṅgāhako asaṅgāhako vā hoti. Yañca “rūpakkhandho ekena khandhena saṅgahito”ti vuttaṃ, tañca na tasseva tena saṅgahitamaṃ sandhāya vuttaṃ, rūpakkhandhabhāvena pana rūpakkhandhavacanena vā gahitamaṃ sandhāya vuttanti pakāsītoyamattho.

Yadi ca so eva tena saṅgayheyya, saṅgahitenasampayuttavippayuttapadaniddese – “vedanākkhandhena ye dhammā khandhasaṅgahena saṅgahitā āyatanasaṅgahena saṅgahitā dhātusaṅgahena saṅgahitā, te dhammā tīhi khandhehi ekenāyatanena sattahi dhātūhi sampayuttā”tiādi vattabbaṃ siyā, na ca vuttaṃ, tasmā yathā cittaṃ cittaṃ sampayuttaṃ vippayuttañca na hoti, evaṃ rūpakkhandho rūpakkhandhena saṅgahito asaṅgahito ca na hoti, tathā vedanākkhandhādayo vedanākkhandhādīhi. Na hi so eva tassa sabhāgo visabhāgo cāti. Teneva na ekadesā viya samudāyassa, samudāyo ekadesānaṃ saṅgāhako asaṅgāhako ca. Yathā rūpakkhandho cakkhāyatanādīnaṃ, dhammāyatanamaṃ vedanākkhandhādīnaṃ, saraṇā dhammā catunnaṃ khandhānaṃ. Samudāyantogadhānañhi ekadesānaṃ na vibhāgo atthi, yena te samudāyassa samudāyo ca tesam̐ sabhāgo visabhāgo ca siyāti, tathā na samudāyo ekadesasabhāgavisabhāgānaṃ saṅgāhako asaṅgāhako ca. Yathā dhammāyatanamaṃ sukhumarūpasabhāgassa vedanādīvisabhāgassa ca rūpakkhandhekadesassa khandhasaṅgahena, jīvitindriyamaṃ rūpārūpajīvitasabhāgavisabhāgassa rūpakkhandhekadesassa saṅkhārakkhandhekadesassa ca jīvitavajjassa khandhasaṅgaheneva. Na hi ekadesasabhāgaṃ samudāyasabhāgaṃ, nāpi ekadesavisabhāgaṃ samudāyavisabhāganti, tasmā satipi attato attani antogadhato attekadesasabhāgato ca aññassa asaṅgāhakatte saṅgāhakattameva etesam̐ natthi, yena saṅgahitassa asaṅgāhakā siyunti saṅgāhakattābhāvato eva evarūpānaṃ aggahaṇaṃ veditabbaṃ.

Yaṃ pana “dhammāyatanamaṃ asaṅkhatamaṃ khandhato ṭhapetvā catūhi khandhehi saṅgahita”nti (dhātu. 25), “cakkhāyatanañca sotāyatanañca ekena khandhena saṅgahita”nti (dhātu. 26) ca vuttaṃ, na tena ekadesānaṃ samudāyasaṅgāhakattaṃ, samudāyassa ca ekadesasaṅgāhakattaṃ dasseti,

catukkhandhagaṇanabhedeḥi pana dhammāyatanassa gaṇetabbāgaṇetabbabhāvena pañcadhā bhinnataṃ, cakkhāyatanādīnaṃ ekakkhandhagaṇanena gaṇetabbatāya ekavidhatañca dasseti. Saṅgāhakāsaṅgāhakanirapekkhānaṃ gaṇetabbāgaṇetabbānaṃ taṃtaṃgaṇanehi gaṇanadassanamattameva hi paṭhamanayo kammakaraṇamattasabbhāvā, dutiyādayo pana saṅgāhakāsaṅgāhakehi saṅgahitāsaṅgahitānaṃ agaṇanādīdassanāni kattukaraṇakammattayasabbhāvā. Tathā paṭhamanaye tathā tathā gaṇetabbāgaṇetabbabhāvasaṅkhāto taṃtaṃkhandhādibhāvābhāvo sabhāgavisabhāgatā, dutiyādīsu yathānidhāritadhammadassane saṅgāhakasaṅgahetabbānaṃ samānakkhandhādibhāvo sabhāgatā, tadabhāvo ca visabhāgatā. Pucchāvissajjanesu taṃtaṃkhandhādibhāvābhāvo evāti ayametesam vireseti.

Samudayasaccasukhindriyasadisāni pana tehi saṅgahetabbameva atthi, na saṅgahitaṃ asaṅgahetabbanti asaṅgāhakattābhāvato na uddhaṭāni. Dukkhasaccasadisāni tehi visabhāgasamudāyabhūtehi anekakkhandhehi khandhasaṅgahena saṅgahetabbam, itarehi asaṅgahetabbānaṃ natthīti saṅgāhakattāsaṅgāhakattābhāvato. Evaṃ saṅgāhakattābhāvato asaṅgāhakattābhāvato ubhayābhāvato ca yathāvuttasadisāni anuddharitvā saṅgāhakattāsaṅgāhakattābhāvato cakkhāyatanādīneva uddhaṭānīti veditabbāni. Tattha “cakkhāyatanena ye dhammā khandhasaṅgahena saṅgahitā”ti cakkhāyatanavajjā rūpadhammā khandhasaṅgahena saṅgahitāti veditabbā, na rūpakkhandhoti. Na hi ekadeso samudāyasaṅgāhakoti dassitametanti.

Aṭṭhakathāyaṃ pana **khandhapadenā**ti khandhapadasaṅgahenāti attho, na saṅgāhakenāti. “Kenaci saṅgāhakenā”ti idaṃ pana ānetvā vattabbaṃ. **Taṃ pana rūpakkhandhādīsu na yujjati**ti taṃ vissajjanaṃ rūpakkhandhādīsu saṅgāhakesu na yujjati attho. **Rūpakkhandhena hi...pe... saṅgahitoti** etena nayena cakkhāyatanena rūpakkhandhova saṅgahito, so ca aḍḍhekādasahi āyatanadhātūhi asaṅgahito nāma natthīti evaṃ cakkhāyatanādīnipi na gahetabbānīti āpajjati ce? Nāpajjati. Na hi aññamattanivāraṇaṃ evasaddassa attho, atha kho saṅgāhakato aññanivāraṇaṃ. **So cāti**adi ca na nirapekkhavacanaṃ, atha kho saṅgāhakāpekkhanti. Kathaṃ? **Rūpakkhandhena hi rūpakkhandhova saṅgahitoti** yathā cakkhāyatanena cakkhāyatanato aññampi khandhasaṅgahena saṅgahitaṃ atthi, yaṃ āyatanadhātusaṅgahehi asaṅgahitaṃ hoti, na evaṃ rūpakkhandhena rūpakkhandhato aññaṃ khandhasaṅgahena saṅgahitaṃ atthi, yaṃ āyatanadhātusaṅgahehi asaṅgahitaṃ siyā, rūpakkhandhena pana rūpakkhandhova khandhasaṅgahena saṅgahitoti ayañhettha adhippāyo yutto. Siyā panetaṃ “so eva rūpakkhandho rūpakkhandhena āyatanadhātusaṅgahehi asaṅgahito hotū”ti, taṃ nivārento āha “**so ca aḍḍhekādasahi āyatanadhātūhi asaṅgahito nāma natthī**”ti. Ettha ca “rūpakkhandhenā”ti ānetvā vattabbaṃ. Tattha rūpakkhandho rūpakkhandhassa vā tadekadesānaṃ vā cakkhādīnaṃ āyatanadhātusaṅgahehi saṅgāhako asaṅgāhako ca na hotīti iminā pariyāyena asaṅgahitatāya abhāvo vuttoti yujjati, na rūpakkhandhena rūpakkhandhassa tadekadesānaṃ vā aḍḍhekādasahi āyatanadhātusaṅgahehi saṅgahitatāya. Na hi sā saṅgahitatā atthi. Yadi siyā, saṅgahitenasampayuttavippayuttapadaniddese rūpakkhandhopi uddharitabbo siyā. Tena hi tīhipi saṅgahehi rūpakkhandho tadekadeso vā saṅgahitā siyumaṃ, atthi ca tesam vippayuttatāti.

**Evaṃ asaṅgahitatāya abhāvato etāni, aññāni cāti** etthāpi cakkhāyatanādīhi viya etehi aññehi ca saṅgahitānaṃ asaṅgahitatāya abhāvato etāni aññāni ca yathā vā tathā vā etāni viya ayujjamānavissajjanattā evarūpāni padāni saṅgāhakabhāvena na gahitānīti adhippāyo.

Tattha yaṃ vuttaṃ “rūpakkhandhena hi rūpakkhandhova saṅgahito”ti, taṃ teneva tassa saṅgahitattāsaṅgahitattābhāvadassanena nivāritaṃ. Yañhettha aggahaṇe kāraṇaṃ vuttaṃ, tañca satipi saṅgahitatte asaṅgahitatāya abhāvato viññāyamānaṃ samudayasaccādīsu yujjeyya sati tehi saṅgahite tadasaṅgahitattābhāvato. Rūpakkhandhādīhi pana saṅgahitameva natthi, kuto tassa asaṅgahitatā bhavissati, tasmā saṅgāhakattābhāvo evettha aggahaṇe kāraṇanti yuttaṃ. Saṅgahitattābhāvena asaṅgahitattaṃ yaḍipi rūpakkhandhādīnaṃ attano attani antogadhassa attekadesasabhāgassa ca natthi, aññassa pana atthīti na dukkhasaccādīsu viya ubhayābhāvo cettha aggahaṇe kāraṇaṃ bhavituṃ yuttoti. Dhammāyatanajīvitindriyādīnañca khandhacatukkadukādisaṅgāhakatte sati na tesam saṅgahitānaṃ tehi

dhammāyatanajīvitindriyādīhi āyatanadhātusaṅgahehi asaṅgahitatā natthīti asaṅgahitatāya abhāvo anekantiko, tasmā pubbe vuttanayeneva aggahitānaṃ aggahaṇe, gahitānañca gahaṇe kāraṇaṃ veditabbanti.

**Anidassanaṃ punadeva sappatiḅhanti** ettha **anidassananti** etena “sanidassanasappaṭiḅha”nti ettha vuttena sappatiḅhasaddena saddhiṃ yojetvā anidassanasappaṭiḅhā dassitā. **Punadevāti** etena tattheva avisiṭṭhaṃ sanidassanapadaṃ nivattetvā gaṇhanto sanidassanadukapadaṃ dasseti. “Cakkhāyatanena cakkhāyatanamevekaṃ saṅgahita”nti idaṃ na sakkā vattum. Na hi “cakkhāyatanena cakkhāyatanāṃ āyatanasaṅgahena saṅgahita”nti ca “asaṅgahita”nti ca vattabbanti dassitoyaṃ nayoti. Evaṃ sabbattha tasseva samudāyekadesānañca saṅgāhakaṃsaṅgahitanti vacanesu asaṅgāhakaṃsaṅgahitanti vacanesu ca tadavattabbatā yojetabbā. Asaṅgāhakattābhāvato eva hi cakkhāyatanādīni cakkhāyatanādīhi asaṅgahitānīti na vuccanti, na saṅgāhakattābhāvato.

Dutiyānayaṃsaṅgahitenaṃsaṅgahitapadavaṇṇanā niṭṭhitā.

### 3. Tatiyanayo saṅgahitenaṃsaṅgahitapadavaṇṇanā

**179.** Saṅgahitenaṃsaṅgahitapadaniddese rūpakkhandhena khandhasaṅgahena asaṅgahitesu vedanādīnaṃ tiṇṇaṃ khandhānaṃ nibbānassa ca sukhumarūpena saha āyatanadhātusabhāgatte satipi na sukhumarūpameva rūpakkhandhoti rūpakkhandhena āyatanadhātusabhāgattaṃ natthi, tasmā na tena tāni āyatanadhātusaṅgahehi saṅgahitāni. Na kevalaṃ saṅgahitāneva, asaṅgahitānipi tena tāni tehi saṅgahehi na honteva tadekadesena sukhumarūpena āyatanadhātusabhāgattā, saṅgahitābhāvo eva pana idhādhippeto, viññāṇakkhandhacakkhāyatanādīhi pana asaṅgahitā na te tehi kathañci sammissāti sabbathā te tehi na saṅgahitā. Dukkhasaccādīhi ca pañcakkhandhasamudāyabhūtehi khandhasaṅgahena asaṅgahitaṃ nibbānaṃ rūpakkhandhena viya āyatanadhātusaṅgahehi saṅgahitaṃ tehi na hoti, tasmā saṅgāhakattābhāvato eva evarūpānaṃ asaṅgāhakabhāvena aggahaṇaṃ veditabbāṃ, sanibbānapañcakkhandhasamudāyabhūtānaṃ pana abyākatadhammādīnaṃ asaṅgāhakattābhāvato. Na hi taṃ kañci atthi, yassa te khandhasaṅgahena asaṅgāhakā siyumaṃ, na ca attano ekadeso attekadesasabhāgo ca attanā asaṅgahito hotīti attanā asaṅgahitasāṅgāhakattā pana vedanākkhandhādīnaṃ gahaṇaṃ katanti.

Yaṃ pana aṭṭhakathāyaṃ vuttaṃ “**ye dhammāyatanena saṅgahitā**”ti, taṃ na sakkā vattum. Dhammāyatanena hi na koci dhammo kenaci saṅgahena saṅgahito atthi visabhāgakkhandhanibbānasamudāyattā, khandhasaṅgahena sayameva attano saṅgāhakaṃ na hotīti āyatanadhātusaṅgahehi ca saṅgāhakattābhāvato dassitoyaṃ nayoti etassa dhammāyatanagaṇanena gaṇitāti attho. **Yāni...pe... gahitānīti** etena viññāṇasammissaṃ dhammāyatanekadesaṃ dīpentāni iddhipādādīpadāni, oḷārikarūpasammissaṃ dīpentāni rūpakkhandhādīpadāni, sabbena sabbāṃ dhammāyatanāṃ adīpentāni viññāṇakkhandhacakkhāyatanādīpadāni, sakaladhammāyatanadīpakāni dhammāyatanādīpadāni ca vajjetvā dhammāyatanekadesaṃ aññāyatanena asammissaṃ dīpentāni gahitānīti dasseti.

Tatiyanayaṃsaṅgahitenaṃsaṅgahitapadavaṇṇanā niṭṭhitā.

### 4. Catutthanayo saṅgahitenaṃsaṅgahitapadavaṇṇanā

**191.** Saṅgahitenaṃsaṅgahitapadaniddese yasmā yathā dutiyatatiyanayā tiṇṇaṃ saṅgahānaṃ saṅgahaṇāsaṅgahaṇappavattivisesena “saṅgahitena asaṅgahitaṃ, asaṅgahitena saṅgahita”nti ca uddiṭṭhā, nevaṃ catutthapañcamā. Saṅgahaṇappavattiyā eva hi saṅgahitena saṅgahitaṃ uddiṭṭhaṃ, asaṅgahaṇappavattiyā eva ca asaṅgahitena asaṅgahitanti, tasmā saṅgahaṇappavattivisesavirahe saṅgahitadhammāsaṅgahitadhammaviseso nissitā ete dve nayāti ettha kenaci saṅgahitena dhammavisesena puna saṅgahito dhammaviseso saṅgahitena saṅgahito saṅgahitatāya pucchitabbo

vissajjitabbo ca, tameva tāva yathāniddhāritam dassento “**samudayasaccena ye dhammā khandha...pe... saṅgahitā, tehi dhammehi ye dhammā khandha...pe... saṅgahitā**”ti āha. Ettha ca ye tīhipi saṅgahehi na saṅgāhakā rūpakkhandhaviññāṅakkhandhadhammāyanadukkhassaccādīni viya, ye ca dvīhāyanadhātusaṅgahehi asaṅgāhakā cakkhāyanādīni viya, ye ca ekena khandhasaṅgaheneva dhātusaṅgaheneva ca na saṅgāhakā vedanādikkhandhanirodhasaccajīvitindriyādīni viya cakkhuvīññādhātādayo viya ca, te dhammā saṅgāhakattābhāvasabbhāvā saṅgāhakabhāvena na uddhaṭā, tīhipi pana saṅgahehi ye saṅgāhakā, te saṅgāhakattābhāvābhāvato idha uddhaṭā. Tehi saṅgahitāpi hi ekantena attano saṅgāhakassa saṅgāhakā honti, yassa puna saṅgaho pucchitabbo vissajjitabbo cāti.

Aṭṭhakathāyaṃ pana **sakalena hi khandhādīpadenāti** sakalavācakena rūpakkhandhādīpadenāti attho. Yaṃ panetaṃ vuttaṃ “yaṃ attano saṅgāhakaṃ saṅgaṇhitvā puna teneva saṅgahaṃ gaccheyyā”ti, taṃ tena khandhādīpadenāti evaṃ ayojetvā taṃ aññaṃ saṅgahitaṃ nāma natthīti evaṃ na sakkā vuttaṃ. Na hi yena yaṃ saṅgahitaṃ, teneva tassa saṅgaho pucchito vissajjito, na ca tasseeva, atha kho tena saṅgahitassāti. Yathā vedanā saddo ca khandho āyatanañca, na evaṃ sukhumarūpaṃ, taṃ pana khandhāyanānaṃ ekadesova, tasmā “sukhumarūpekadesaṃ vā”ti avatvā “**sukhumarūpaṃ vā**”ti vuttaṃ. Sabbattha ca aññaṃ asammissanti yojettabbaṃ. Yampi cetam vuttaṃ “tadeva yehi dhammehi khandhādivasena saṅgahitaṃ, te dhamme sandhāyā”ti, tampi tathā na sakkā vuttaṃ. Na hi saṅgahitena saṅgahitassa saṅgahitena saṅgaho ettha pucchito vissajjito ca, atha kho saṅgahova, tasmā **ekena khandhenāti** ekena khandhagaṇanenaṭi ayamevettha attho, na saṅgāhakenāti. Na hi eko khandho attano ekadesassa saṅgāhakoti.

Catutthanayasaṅgahitenasaṅgahitapadavaṇṇanā niṭṭhitā.

## 5. Pañcamaṇayo asaṅgahitenaasaṅgahitapadavaṇṇanā

**193.** Asaṅgahitenaasaṅgahitapadaniddeseṇi vuttanayeneva yathāniddhāritadhammadassanaṃ veditabbaṃ. Ettha ca sasukhumarūpaviññāṇasahitadhammasamudāyā ye te dukkhasaccānidassanaappaṭiṅghacetāsikānupādāsadisā satipi ekena dvīhi vā saṅgahehi kesañci asaṅgāhakatte tīhipi asaṅgahetabbassa abhāvato paripuññasāṅgahāsāṅgāhakā na honti, abyākatadhammasadisā kenaci saṅgahena asaṅgahetabbabhāvato asaṅgāhakā eva na honti, tena te asaṅgāhakabhāvena na uddhaṭā, itare pana tabbipariyāyena uddhaṭāti.

Yaṃ pana aṭṭhakathāyaṃ “**tādisena hi padena nibbānaṃ khandhasaṅgahamattaṃ na gaccheyyā**”ti vuttaṃ, taṃ dukkhasaccaṃ sandhāya vuttaṃ. Anidassanaappaṭiṅghesu pana asaṅgāhakesu nibbānaṃ antogadhaṃ, na ca tadeva tassa asaṅgāhakanti. **Sadisavissajjanānaṃ vasena samodhānetvā katehi saddhinti** evaṃ katehi dutiyapañhādīhi saddhiṃ paṭhamapañhanāmarūpapañhādayo sabbeṇi catuttimsa hontīti attho. **Yaṃ pucchāya uddhaṭaṃ padaṃ, tadevāti** rūpakkhandhādivisesakapadaṃ vadati, na niddhārite pucchitabbadhamme. Te hi lakkhaṇato dassitā, na padena sarūpatoti. Tatha **tadevāti** eva-saddena na taṃ kadāci saṅgahitena asaṅgahitaṃ na hotīti uddhaṭasseva asaṅgahitenaasaṅgahitabhāve niyatataṃ aññaṃ ca aniyatataṃ dassetīti veditabbaṃ. “**Tadeva yehi asaṅgahita**”nti ettha hi “niyamato”ti sakkā vacanaseso yojetunti. Atha vā **tadevāti** pucchāya uddhaṭameva evaṃpakārameva hutvā **yehi asaṅgahitanti** tassa pucchāya uddhaṭabhāvena evaṃ asaṅgahitenaasaṅgahitabhāvaniyamanattho eva-saddo, na aññaṃ asaṅgahitenaasaṅgahitatānivāraṇatthoti daṭṭhabbo. Pucchāya uddhaṭaṇhi aññasahitaṃ asahitañca asaṅgahitena asaṅgahitaṃ hoti. Rūpakkhandhādīni hi aññasahitāni viññāṅakkhandhādīni asahitānti.

**Avasesā saṅgahitāti** idaṃ avasesā asaṅgahitā na hontīti evaṃ daṭṭhabbaṃ. **Tehipi viññāṇadhammehi te rūpadhammāva tīhi saṅgahehi asaṅgahitāti** pucchāya uddhaṭā tīhipi saṅgahehi asaṅgāhakā hutvā asaṅgahitāti adhippāyo. Anuddhaṭā vedanādayopi hi asaṅgahitā evāti. Ettha ca paṭhame naye vedanādayopi viññāṇena asaṅgahitāti vuttā, dutiye rūpadhammāvāti ayaṃ viseso.



**Vedanādayo hi rūpaviññāṇeheva khandhādisaṅgahena asaṅgahitāti** oḷārikarūpehi viññāṇena ca tīhipi saṅgahehi asaṅgahitāti attho. Rūpekadeso hi ettha rūpaggahaṇena gahitoti.

**196.** Catutthapañhe **cakkhāyatanam vedanādīhi catūhīti** ettha **cakkhāyatananti** etena pucchāya uddhaṭam asaṅgāhakaṃ dassetīti daṭṭhabbam. Cakkhāyatanena pana asaṅgahitena asaṅgahitāni dasa oḷārikāyatanāni na cakkhāyatanamevāti. **“Rūpañca dhammāyatana”**ntiādīnā yehi dhammehi tīhipi saṅgahehi asaṅgahitaṃ taṃ viññāṇameva hoti, asaṅgahitena tena asaṅgahitañca viññāṇavajjam sabbam teva dhamme udāneti. Sadisavissajjanā hi ekato udānetvā dassetabbā. Tattha paṭhamena rūpakkhandhena sadisavissajjanesu ekato udānetvā dassitesu aññe visadisavissajjanā nayadānena dassitā honti. Tenāha **“rūpañca dhammāyatananti...pe... aññenākārena saṅkhipitvā dassitā”**ti. Tattha **dve bhavāti** asaṅgahitānāvā. **Dveti** bāhirupādādhamme eva sandhāya vuttaṃ. Yena asaṅgāhakena asaṅgahitena asaṅgahitaṃ pucchitabbam vissajjitabbañca paricchijjati, so rūpakkhandhādiko tassa pucchāvissajjanānañca nissayabhāvato **“visayo”**ti vutto, yathādassitassa pana uddānassa nayadānamattattā **“nayo”**ti vuttaṃ. **“Dvevīsanayo cā”**tipi pāṭho, dvevīsapadiko esa nayo cāti attho.

Pañcamanayaasaṅgahitenaasaṅgahitapadavaṇṇanā niṭṭhitā.

## 6. Chaṭṭhanayo sampayogavippayogapadavaṇṇanā

**228.** Sampayogavippayogapade **yaṃ labbhati, yañca na labbhati, taṃ sabbam pucchāya gahitanti** idaṃ na rūpakkhandhādīni padāni sandhāya vuttaṃ, atha kho sampayogapadaṃ vippayogapadañcāti vedītabbam. Rūpakkhandhādīsū hi yaṃ dhammāyatanādīpadam na labbhati, taṃ pucchāyapi na gahitaṃ. Sampayogapadaṃ pana rūpakkhandhādīsū alabbhamānampi **“rūpakkhandho katihi...pe... sampayutto”**ti evaṃ pucchāya gahitaṃ, vedanākkhandhādīsū labbhamānaṃ, vippayogapadaṃ pana sabbattha labbhamānamevāti. **Rūpadhammānaṃ pana rūpena nibbānena vā, nibbānassa ca rūpena saddhiṃ sampayogo nāma natthīti** ekuppādādisabhāgatāya bhāvato sampayogaṃ nivārentena sā eva ekuppādādītā etesaṃ visabhāgatāti tadabhāvato vippayogopi nivārito eva hotīti daṭṭhabbo. Catūsū hi khandhesu vijjamānā ekuppādādītā tesam aññamaññaṃ sabhāgatā hoti rūpanibbānehi tesam tehi ca rūpanibbānaṃ visabhāgatā ca, na ca rūpekadesassa nibbānassa vā sā ekuppādādītā atthi, yā rūpekadesena rūpekadesanibbānaṃ nibbānena ca rūpassa visabhāgatā siyā. Teneva **“catūhi vippayogo”**ti vuttanti.

**Sattasu viññāṇadhātūsū ekāyapi avippayutteti** yathā rūpabhavo tīhi viññāṇadhātūhi, nevavipākanavipākadhhammadhammā pañcahi, avitakkaavicārā ekāya vippayutte anārammaṇamissake dhamme dīpentī, evaṃ adīpetvā ekāyapi vippayutte ahonte sattahipi sampayutte sattapī vā tā dīpentīti adhippāyo. **Avippayutteti** hi ye vippayuttā na honti, te dhammeti vuttaṃ hoti, na sampayutteti. Tena yāni tāhi sampayutte dīpentī dhammāyatanādīpadāni, yāni ca sampayuttavippayuttabhāvehi navattabbam dīpentī acetasikādīpadāni, yāni ca sampayuttanavattabbāni dīpentī dukkhasaccādīpadāni, tesam sabbesaṃ anārammaṇamissakadhhammadīpakānaṃ aggahaṇaṃ vuttaṃ hoti. Na hi anārammaṇamissakasabbaviññāṇadhātutaṃsampayuttatadubhayasamudāyānaṃ khandhāyatanadhātūsū kenaci sampayogo vippayogo vā atthīti.

Yadi evaṃ vippayuttenavippayuttapadaniddese **“kusalehi dhammehi ye dhammā vippayuttā, tehi dhammehi ye dhammā vippayuttā”**ti na vattabbam. Akusalābyākatā hi anārammaṇamissobhayadhammāti? Na, yathāvuttasamudāyānaṃ khandhādīheva sampayogavippayogābhāvavacanato. Khandhādayo hi tadekadesā tadekadesaññasamudāyā ca, samudāyekadesānañca vibhāgābhāvato na sabhāgavisabhāgatā atthi, tena tesam khandhādīhi sampayogavippayogābhāvo hoti. Kusalā pana dhammā akusalābyākatehi vibhattā, te ca kusalehi, na tesam samudāyekadesabhāvo tadekadesaññasamudāyabhāvo vā, tasmā khandhādīni anāmasitvā vippayuttatāmattena yathānidhāritadhammadassane kusalehi itaresam, itarehi ca kusalānaṃ vippayogo na na hoti visabhāgatāsbhāvatoṭi tesam aññamaññavippayuttatā vuttā. Esa nayo sabbesu evarūpesu.

Uddāne pana **aṭṭhārasa tato pareti** idam “soḷasa”ti vattabbaṃ, **tevīsanti** idañca “ekavīsa”nti. Sabbattha ca kālasantānabhedarahitārahitabahudhammasamodhānānaṃ saṅkhārakkhandhadhammāyatanadhammadhātūnaṃ ekadesā samudayasaccavedanākkhandhādayo ekadesasammissā ca iddhipādādayo anārammaṇehi asammissā rūpakkhandhādayo ca sārammaṇehi asammissā sampayogīvippayogībhāvena samānakālasantānehi ca ekadesantarehi vibhattā eva gahitāti tehi te kehici ekadesantarehi vibhattehi yathāyogaṃ sampayogaṃ vippayogañca labhanti. Atthi hi tesam ekuppādādītā sabhāgatā visabhāgatā cāti. Tena tattha tattha “ekena khandhena ekenāyatanena ekāya dhātuyā kehici sampayutta”nti ca, “ekena yatanena ekāya dhātuyā kehici vippayutta”nti ca vuttaṃ. Bhinnakālasamudāyā eva pana vedanāsaññāviññānakkhandhā vattamānā ca ekekadhammā eva, tasmā tesam samānakālassa vibhajitabbassa abhāvato na sukhindriyādīni vedanākkhandhassa vibhāgaṃ karonti, cakkhuvīññānadhātādayo ca viññānakkhandhassa manāyatanassa ca. Tena “sukhindriyam ekena khandhena kehici vippayutta”nti, “cakkhuvīññānadhātu ekena khandhena ekenāyatanena kehici vippayuttā”ti ca evamādi na vuttaṃ, khandhāyatanavibhāgavirahitampi pana viññānaṃ dhātuvibhāgena vibhattameva vuttanti “cakkhuvīññānadhātu...pe... manovīññānadhātu soḷasahi dhātūhi vippayuttā”ti vuttaṃ, evamevaṃ indriyavibhāgena vibhattānaṃ sukhindriyādīnaṃ “sukhindriyena ye dhammā vippayuttā”tiādīsu yathāyogaṃ vippayogo daṭṭhabbo, nāvibhattassa vedanākkhandhassāti.

**235.** Yathā taṃsampayogībhāvaṃ sandhāya “samudayasaccaṃ tīhi khandhehi sampayutta”nti vuttaṃ, evaṃ taṃvippayogībhāvaṃ sandhāya “tīhi khandhehi vippayutta”nti kasmā na vuttanti ce? Avibhāgehi tehi vippayogavacanassa ayuttattā. Vibhāge hi sati samudayasaccaṃ sukhadukkhadomanassindriyehi manovīññānadhātuto aññaviññānadhātūhi vippayuttanti yuttaṃ vuttaṃ vibhāgeneva visabhāgatāya saṅgahitattā, vibhāgarahitehi pana vedanākkhandhādīhi na yuttaṃ, tehi vijjamānehi vijjamānassa samudayassa visabhāgabhāvābhāvato. Yañhi anuppannā dhammā viya āmaṭṭhakālabhedam na hoti saṅkhatam uddharitabbam, taṃ paccuppannabhāvaṃ nissāya sampayogīvippayogībhāvena uddharīyati, tañca vibhāgarahitehi khandhādīhi saṅkhatēhi paccuppannabhāvameva nissāya anāmaṭṭhakālabhede atthitāya eva nissitabbattā. Avijjamānassa hi avijjamānena, avijjamānassa ca vijjamānena, vijjamānassa ca avijjamānena sampayogo natthi, vippayogo pana avijjamānatādīpake bhede gahite teneva visabhāgatāpi gahitā evāti hoti. Bhede pana aggahite tena tena gahaṇena visabhāgatāya aggahitattā sati sabhāgatte vijjamānatāya eva dhammānaṃ sabhāgassa paricchindanato vijjamānatā dassitāti ekuppādādībhāvasaṅkhātā sabhāgatāpi gahitā eva hoti. Tassā ca gahitattā sampayogova labbhati, na vippayogo, tasmā samudayasaccaṃ vedanākkhandhādīhi sampayuttattena vuttaṃ, na vippayuttattenāti. Esa nayo maggasaccādīsūpīti.

**262.** “**Dutiyajjhānavicāraṇhi ṭhapetvā sesā avitakkavicāramattā**”ti aṭṭhakathāvacanaṃ ye padhānā vitakko viya koṭṭhāsaracittuppādesu alīnā, te eva idha avitakkavicāramattāti adhippetāti dasseti. Teneva hi anantaranaye samudayasaccena samānagatikā na savitakkasavicārehīti te na gahitā. Dasamosānanayesu ca tehi vippayuttehi vippayuttānaṃ tehi vippayuttānañca soḷasahi dhātūhi vippayogo aṭṭhārasasaṅgahito ca vutto. Vitakkasahitesupi pana tesu gahitesu sabbepi te vicārena sampayuttāti “ekena khandhena kehici sampayuttā”ti sakkā vuttaṃ. So hi samudāyo vicāraṃ vajjetvā aññena kenaci sampayutto na hoti. Na hi tadekadesassa vitakkassa vicārato aññena sampayogo samudāyassa hoti. Yathā nānācittuppādesu uppaṃjāmanānaṃ iddhipādānaṃ samudāyassa iddhipādassa ekadesānaṃ tīhi khandhehi sampayogo samudāyassa na hoti, evamidhāpi daṭṭhabbaṃ. Yathā pana tesu ekopi vedanāsaññākkhandhehi saṅkhārakkhandhekadesena ca asampayutto nāma natthīti samudāyassa tehi sampayuttatā vuttā, evamidhāpi vicārena asampayuttassa avitakkavicāramattassa kassaci abhāvato samudāyassa tena sampayuttatā na na sakkā vuttaṃ. Na hi avitakkavicāramattānaṃ dassanenapahātabbahetukādīnaṃ viya sampayuttatā na vattabbā. Yathā hi dassanenapahātabbahetukesu keci saṅkhārakkhandhekadesena mohena sampayuttā, keci asampayuttāti na samudāyo tena sampayutto, nāpi añño koci dhammo atthi, yena so samudāyo sampayutto siyāti “dassanenapahātabbahetukā dhammā sampayuttāti natthī”ti vuttaṃ, evaṃ bhāvanāyapahātabbahetukasahetukādayopi. Na panevaṃ yena avitakkavicāramattasamudāyo sampayutto siyā, taṃ natthi avitakkavicāramattesu kassaci vicārena asampayuttassa abhāvā, tasmā te “sampayuttā”ti na na vattabbāti. Sabbattha ca ekadhammepi kehicīti

bahuvacananiddeso saṅkhāya aniyamittā katoti vedittabbo.

Chaṭṭhanayasampayogavippayogapadavaṇṇanā niṭṭhitā.

### 7. Sattamanayo sampayuttenavippayuttapadavaṇṇanā

**306.** Sampayuttenavippayuttapadaniddese rūpakkhandhādayo tehi sampayuttābhāvato na gahitā. Samudayasaccādīni satipi tehi sampayutte, sampayuttehi ca vippayutte sampayuttenavippayuttānaṃ khandhādīhi vippayogābhāvato. Na hi samudayasaccena sampayuttehi lobhasahagatacittuppādehi vippayuttānaṃ tato aññadhammānaṃ khandhādīsu kenaci vippayogo atthi. Nanu ca te eva cittuppādā cattāro khandhā aḍḍhadutiyaṇi āyatanāni aḍḍhadutiya dhātuyo ca hontīti tehi vippayogo vattabboti? Na, tadaññadhammānaṃ khandhādībhāvato. Na hi te eva dhammā cattāro khandhā, atha kho te ca tato aññe ca, tathā aḍḍhadutiyaāyatanadhātuyopi. Na ca tadaññasamudāyehi aññe vippayuttā honti samudāyekadesānaṃ ekadesaññasamudāyānañca vippayogābhāvato. Esa nayo maggasaccasukhindriyādīsu. Avitakkavicāramattesupi niravasesesu adhippetesu tesam savitakkasavicārasamānagatikattā aggahaṇe kāraṇaṃ na dissati.

Aṭṭhakathāyaṃ pana **evarūpānīti** yathā rūpakkhandhe vissajjanaṃ na yujjati, evaṃ yesu aññesupi na yujjati, tāni vissajjanassa ayogena “**evarūpānī**”ti vuttāni, na sampayuttābhāvenāti daṭṭhabbaṃ. **Yāni pana padāni dhammadhātuyā sampayutte dhamme dīpentīti** etena vedanākkhandhādīpadāni dasseti, **viññāṇaṇca aññena asammissanti** viññāṇakkhandhamanāyatanādīpadāni. Tattha **aññena asammissanti** asampayuttana asammissanti attho. Adukkhamasukhāyavedanāyāsampayuttapadānīpi hi sampayuttehi sammissaviññāḍīpadāni idha gahitānīti. Etena ca lakkhaṇena evarūpāneva gahitānīti dasseti, na evarūpāni gahitānevāti samudayasaccādiiddhipādādīpadānaṃ asaṅgahittā. “**Atha phassasattakaṃ cittaṃ saha yuttapadehi sattā**”ti purāṇapāṭho, ayaṃ pana ūnoti katvā “**atha phassasattakaṃ, tike tayo satta mahantare cā**”ti pāṭho kato.

**309. Pucchāya uddhaṭapadeneva saddhiṃ vippayuttānaṃ vassenāti** idaṃ pucchāya uddhaṭapadena sampayuttehi vippayuttā tena saddhiṃ vippayuttā hontīti katvā vuttaṃ. Pāḷiuddānagāthāyaṃ **dve ca manena yuttā, vitakkavicāraṇāti** manodhātuyā ekantasampayuttā dve vitakkavicārāti savitakkapadaṃ savicārapadañca dasseti.

Sattamanayasampayuttenavippayuttapadavaṇṇanā niṭṭhitā.

### 8. Aṭṭhamanayo vippayuttenasampayuttapadavaṇṇanā

**317.** Vippayuttenasampayuttapadaniddese rūpakkhandhādīhi vippayuttenasampayuttameva yathānidhāritam natthīti “rūpakkhandhena ye dhammā vippayuttā, tehi dhammehi ye dhammā sampayuttā”ti avatvā “**rūpakkhandhena ye dhammā vippayuttā, te dhammā katīhi khandhehi... pe... sampayuttāti natthī**”ti vuttaṃ. Tena rūpakkhandhena vippayuttānaṃ kenaci khandhādīnā sampayogābhāvato yathānidhāritam vippayuttenasampayuttameva natthi, kuto tassa puna khandhādīhi sampayuttatāti dasseti.

Aṭṭhamanayavippayuttenasampayuttapadavaṇṇanā niṭṭhitā.

### 9. Navamanayo sampayuttenasampayuttapadavaṇṇanā

**319.** Sampayuttenasampayuttapadavaṇṇanāyaṃ **yaṃkhandhādivassenāti** samāsapadaṃ idaṃ daṭṭhabbaṃ, yassa khandhādīno vassenāti attho. **Tassevāti** ca tasseva khandhādīnoti attho. Idaṃ vuttaṃ hoti – yaṃ idha sampayuttam vuttaṃ, tam rūpakkhandhādīsu araṇantesu yena vedanākkhandhādīnā sampayuttam, puna tasseva vedanākkhandhādīno khandhādīhi sampayogaṃ pucchitvā vissajjanaṃ

katam. Tañhi attanā sampayuttana sampayuttattā “sampayuttana sampayutta”nti niddhāritanti. **Rūpena vāti** etena nirodhasaccaappaccayaasaṅkhathehi ayogo vutto hotīti daṭṭhabbo, tathā **rūpamissakehi vāti** etena anupādinnaanupādāniyādīhi nibbānamissakehi. Vakkhati hi “**nibbānaṃ pana sukhumarūpagatikamevā**”ti. **Sabbārūpakkhandaṅgāhakehī** vattamānānameva sampayogo labbhatīti vattamānesu ekampi dhammaṃ anapanetvā avikalacatukkhandhasaṅgāhakehi arūpabhavādīhīti attho. Ayaṃ panettha saṅkhepo – ye sampayogaṃ na labhanti rūpakkhandaḍayo, te sabbe na gahitā, itare ca vedanākkhandhādayo sabbe gahitāti.

Navamanayasampayuttanasampayuttapadavaṇṇanā niṭṭhitā.

### 10. Dasamanayo vippayuttanavippayuttapadavaṇṇanā

**353.** Vippayuttanavippayuttapadaniddese aggahitesu dhammāyatanādidhammā anārammaṇamissakasabbacittuppādagatadhammabhāvato tehi vippayuttassa abhāvā na gahitā, dukkhasaccacatumahābhavaabyākatādidhammā tehi vippayuttehi vippayuttānaṃ khandhādīhi vippayogābhāvatoti ayaṃ viseso vedītabboti.

Dasamanayavippayuttanavippayuttapadavaṇṇanā niṭṭhitā.

### 11. Ekādasamanayo saṅgahitenasampayuttavippayuttapadavaṇṇanā

**409.** Ekādasamanayavaṇṇanāyaṃ “**te ca sesehi tīhi khandhehi ekena manāyatanena sattahi viññānadhātūhi**”ti etesaṃ padānaṃ “**sampayuttā nāmā**”ti etena saha sambandho. “**Kehicī**”ti etassa panatthaṃ dassetuṃ “**saṅkhārakkhandhe dhammāyatanadhammadhātūsu ca ṭhapetvā taṇha**”nti etena “**te cā**”ti vutte samudayasaccena khandhādīsaṅgahena saṅgahitadhamme visesetvā tesāṃ eva visesitānaṃ attavajjehi sesehi saṅkhārakkhandhe taṇhāya dhammāyatanadhammadhātūsu ca taṇhāya vedanāsaññākkhandhehi sampayogārahehi sampayuttataṃ sandhāyāha “**sesehi sampayuttattā kehici sampayuttā nāmā**”ti.

Ekādasamanayasaṅgahitenasampayuttavippayuttapadavaṇṇanā niṭṭhitā.

### 12. Dvādasamanayo sampayuttanaṅgahitāsaṅgahitapadavaṇṇanā

**417.** Dvādasamanaye ca navamanaye viya sampayogārahāva labbhantīti āha “**teyeva uddhaṭā**”ti.

Dvādasamanayasampayuttanaṅgahitāsaṅgahitapadavaṇṇanā niṭṭhitā.

### 13. Terasamanayo asaṅgahitenasampayuttavippayuttapadavaṇṇanā

**448.** Terasamanayavaṇṇanāyaṃ yehi tīhipi saṅgahehi asaṅgahitaṃ viññānameva hoti, te pāliyaṃ “**rūpaṅca dhammāyatana**”ntiādiuddānagāthāya dassitā bāvīsa dhammā “**rūpakkhandaṅgā sadisapañhā dhammā**”ti vuttā. Yehi pana tīhipi saṅgahehi asaṅgahitāni arūpabhavena viya oḷārikāyatanāneva hontī, te vuttāvasesā sabbe idha uddhaṭā “**arūpabhavena sadisā**”ti vuttā. **Sesā**ti sesā pañcamanaye āgatā vedanākkhandhādayo satipi asaṅgāhakatte idha vissajjanaṃ na ruhantīti na uddhaṭā. Ye pana asaṅgāhakā eva na hontī dukkhasaccādidhammā, tesu vattabbameva natthi. Yathā pana vedanākkhandhādayo na ruhanti, taṃ dassetuṃ “**vedanākkhandhena hi**”tiādimāha. Tattha **tesaṅca sampayogo nāma natthī**ti rūpārūpadhammānaṃ asampayogehi vomissatāya sampayogo natthīti attho.

Yadi pana te kadāci asabbaviññānadhātusampayuttā arūpadhammā rūpadhammā ca siyuṃ, na tesāṃ vippayogo natthīti “**vippayogo ca natthī**”ti na vuttaṃ, na vedanākkhandhena asaṅgahitānaṃ

vippayogassa atthitāyāti veditabbaṃ. Ubhayābhāvato hi vedanākkhandhādayo idha na ruhanṭīti. Evaṃ panettha siyā “vedanākkhandhena hi khandhādivasena anārammaṇamissakā sattaviññāṇadhātudhammā asaṅgahitā honti, tesaṅca sampayogo vippayogo ca natthī”ti. Anārammaṇasahitānaṅhi sabbaviññāṇadhātūnaṃ sabbaviññāṇadhātusampayuttānaṃ tadubhayadhammānaṅca vedanākkhandhādiviññāṅkhandhādicakkhāyatanādīhi tīhipi saṅgahehi asaṅgahitānaṃ sampayogavippayogābhāvo aruhaṇe kāraṇaṃ. Jātivippayogabhūmikālasantānavippayogato catubbidho vippayogo. Tattha **jātivippayogo** “kusalā dhammā, akusalā dhammā”tiādi, **bhūmivippayogo** “kāmvacarā, rūpāvacarā”tiādi, **kālavippayogo** “atītā dhammā, anāgatā dhammā”tiādi, **santānavippayogo** “ajjhata dhammā, bahiddhā dhammā”tiādi. Evaṃ vippayogo catudhā veditabbo.

Terasamanayaasaṅgahitenasampayuttavippayuttapadavaṇṇanā niṭṭhitā.

#### 14. Cuddasamanayo vippayuttenasaṅgahitāsaṅgahitapadavaṇṇanā

**456.** Cuddasamanaye dhammāyatanādīnaṃ anārammaṇamissakasabbacittuppādagatadhammabhāvato vippayogassa aruhaṇaṃ daṭṭhabbaṃ. Jātiādittayassa cettha dhammasabhāvamattattā na kathaṅci sampayogo vippayogo ca ruhati ajjhatabhiddhadhammānaṃ sabbadhammasamodhānattā, anidassanaappaṭighādīnaṃ anārammaṇamissakasabbacittuppādattā. Dukkhasaccādidhammāva idha tehi vippayuttānaṃ saṅgahāsaṅgahasabbhāvā gahitāti.

Pāḷiuddānagāthāyaṃ **samucchede na labbhantīti** pariyoṣāne naye na labbhantīti attho. **Moghapucchakena cāti** alabbhamānā ca te moghapucchakena hetunā na labbhanti tesam pucchāya moghattāti vuttaṃ hoti. Atha vā **moghapucchako** aṭṭhamo nayo, tena ca saha osānanaye ete dhammā vippayogassapi abhāvā sabbathāpi na labbhantīti attho.

Cuddasamanayavippayuttenasaṅgahitāsaṅgahitapadavaṇṇanā niṭṭhitā.

Dhātukathāpakaraṇa-mūlaṭīkā samattā.

### Puggalapaññattipakaraṇa-mūlaṭīkā

#### 1. Mātikāvaṇṇanā

1. Dhammasaṅgahe tikadukavasena saṅgahitānaṃ dhammānaṃ vibhaṅge khandhādivibhāgaṃ dassetvā tathāsaṅgahitavibhattānaṃ dhātukathāya saṅgahāsaṅgahādippabhedam vatvā yāya paññattiyā tesam sabhāvato upādāya ca paññāpanaṃ hoti, taṃ pabhedato dassetuṃ “**cha paññattiyo**”tiādinā puggalapaññatti āradhā. Tattha ye dhamme pubbāpariyabhāvena pavattamāne asabhāvasamūhavasena upādāya “puggalo, itthī, puriso, devo, manusso”tiādikā **puggalapaññatti** hoti, tesam aññesaṅca bāhirarūpanibbānānaṃ sasabhāvasamūhasasabhāvabhedavasena paññāpanā sabhāvapaññattīti **khandhapaññatti**ādikā pañcavidhā veditabbā. Tāya dhammasaṅgahādīsu vibhattā **sabhāvapaññatti** sabbāpi saṅgahitā hoti. Puggalapaññatti pana **asabhāvapaññatti**. Tāya ca samayavimuttādippabhedāya sattasantānagate pariññeyyādisabhāvadhamme upādāya pavattito padhānāya “vihāro maṅco”tiādikā ca sabbā **asabhāvapaññatti** saṅgahitā hoti.

Ettāvatā ca paññatti nāma vijjamānapaññatti avijjamānapaññatti ca. Tā eva hi vomissā itarā catassoti. Tasmā tāsam dassanena imasmiṃ pakaraṇe sabbā paññattiyo dassitāti veditabbā. Khandhādīpaññattīsu pana chasu aññattha adassitappabhedam idheva ca dassitappabhedam puggalapaññattim upādāya imassa pakaraṇassa **puggalapaññattīti** nāmaṃ vuttanti veditabbaṃ. **Ye**

**dhamme idha paññapetukāmoti** paññattiyā vatthubhāvena dassetukāmoti adhippāyo. Na hi etasmim pakaraṇe paññāpanam karoti, vatthūhi pana paññattiyō dasseti.

**Khandhāti paññāpanāti** idam khandhāti rūpam pathavītiādikā sabbāpi sāmāññappabhedapaññāpanā nāma hoti, tam sandhāya vuttanti daṭṭhabbam. **Paññāpanāti** etassa pana **dassanā ṭhapanāti** ete dve atthā, tesam **pakāsanā nikkhipanāti**. Tattha “rūpakkhandho...pe... aññātāvindriyam samayavimutto” tiādinā idamevaṃnāmakaṃ idamevaṃnāmakanti tamtamkoṭṭhāsikakaraṇam bodhanameva nikkhipanā, na paññapetabbānam mañcādīnam viya ṭhānasambandhakaraṇam. Yo panāyam “nāmapaññatti hi dasseti ca ṭhabeti cā” ti kattuniddeso kato, so bhāvabhūtāya karaṇabhūtāya vā nāmapaññattiyā tesam tesam dhammānam diṭṭhatāya ṭhapitatāya ca tamnimittatam sandhāya katoti veditabbo.

**Vijjamānapaññattī**tiādinā vacanena pāliyam anāgatam sandhāya “**pālimuttakenā**” tiādimāha. **Kusalākusalassevāti** kusalākusalassa viya. **Vijjamānassāti** etassa attho satoti, tassa attho **sambhūtassāti**. **Vijjamānassa satoti** vā vijjamānabhūtassāti attho. Tamevattham dassento āha “**sambhūtassā**” ti. Tena avijjamānabhāvam paṭikkhipati. **Tathā avijjamānassāti** yathā kusalādīni akusalādisabhāvato, phassādayo ca vedanādisabhāvato vinivattasabhāvāni vijjanti, tathā avijjamānassa ye dhamme upādāya “itthī, puriso” ti upaladdhi hoti, te apantvā tehi vinivattassa itthiādisabhāvassa abhāvato asambhūtassāti attho. Yam panetassa “tenākārena avijjamānassa aññenākārena vijjamānassā” ti attham keci vadanti, tattha yam vattabam, tam paññattiduke vuttameva. Avijjamānepi sabhāve lokaniruttim anugantvā anabhinivesena cittena “itthī, puriso” ti gahaṇasabbhāvā “**lokaniruttimattasiddhassā**” ti āha. Sābhinivesena pana cittena gayhamānam pañcamasaccādikaṃ na sabhāvato, nāpi saṅketena siddhanti “**sabbākārenapi anupalabbhaneyya**” nti vuttam. **Tāsu imasmim...pe... labbhantī** imasmim pakaraṇe sarūpato tissannaṃ āgatam sandhāya vuttam.

Yathāvuttassa pana aṭṭhakathānayasā avirodhena ācariyavādā yojetabbā, tasmā **paññapetabbatṭhena cesā paññattī** etassa sabhāvato avijjamānattā paññapetabbamattatṭhena paññattī attho. Paññapetabbampi hi sasabhāvam tajjaparamatthanāmalābhato na parato labhitabbam paññattināmaṃ labhati, nisabhāvam pana sabhāvābhāvato na attano sabhāvena nāmaṃ labhatī. Sattotiādikena nāmena paññapitabbamattatṭhena paññattī nāmaṃ labhati, nisabhāvā ca sattādayo. Na hi sasabhāvassa rūpādīhi ekattena aññattena vā anupalabbhasabhāvātā atthīti.

Kirītam makuṭam, tam assa atthīti **kirīṭi**. Etasmiṃca ācariyavāde anūnena lakkhaṇena bhavitabbanti sabbasamorodho kātabbo. Dutiyam tatiyanti evampakārā hi upanidhāpaññatti upanikkhittakapaññatti ca saṅkhātabbappadhānattā chapi paññattiyō bhajattī yuttam vuttam, itarā ca yathāyogaṃ tam tam paññattinti. Dutiyam tatiyam dve tīṇītiādi pana saṅkhā nāma kāci natthīti tāsam upādāsantatipaññattīnam avijjamānapaññattibhāvam, itarāsaṅka upanidhāpaññattīnam yathānidassitānam avijjamānenaavijjamānapaññattibhāvam maññamāno āha “**sesā avijjamānapakkhañceva avijjamānenaavijjamānapakkhañca bhajanti**” ti. Dutiyam tatiyam dve tīṇītiādīnam upanidhāupanikkhittakapaññattīnam avijjamānenaavijjamānapaññattibhāvameva maññati. Yañhi paṭhamādikaṃ apekkhitvā yassa cekādikassa upanikkhipitvā paññāpiyati, taṅca saṅkhānam kiñci natthīti. Tathā santatipaññattiyā ca. Na hi asīti āsītiko ca vijjamānoti.

**Ekaccā bhūmipaññattī**ti kāmāvacarādīpaññattim sandhāyāha. Kāmāvacarādī hi sabhāvadhammāti adhippāyo. Kāmōti pana okāse gahite avijjamānenavijjamānapaññatti esā bhavitum arahati, kammanibbattakkhandhesu gahitesu vijjamānenavijjamānapaññatti. Yathā pana vacanasāṅkhātāya vacanasamuṭṭhāpakacetanāsaṅkhātāya vā kiriyāya bhāṇakoti puggalassa paññatti vijjamānenaavijjamānapaññattipakkham bhajati, evam kiso thūloti rūpāyatanaṅkhātena saṅghānena puggalādīnam paññāpanā vijjamānenaavijjamānapaññatti bhavitum arahati. Saṅghānanti vā rūpāyatane aggahite avijjamānenaavijjamānapaññatti. Rūpam phassotiādikā pana vijjamānapaññatti rupanādikkavasena kiccapaññattiyam, paccattadhammanāmasena paccatapaññattiyam vā

avarodhetabbā. Vijjamānāvijjamānapaññattīsu ca vuttāsu tāsam vomissatāvasena pavattā itarāpi vuttāyeva hotīti ayampi ācariyavādo sabbasaṅgāhakoti daṭṭhabbo.

2. “**Yāvatā pañcakkhandhā**”tiādikassa atthaṃ dassento “**yattakena paññāpanenā**”tiādimāha. Tattha **yāvatā pañcakkhandhāti** yāvatā rūpakkkhandho...pe... viññāṇakkhandhoti khandhānaṃ khandhapaññatti, ettāvatā khandhānaṃ khandhapaññatti, evaṃ pāliyojanaṃ katvā saṅkhepappabhedavasena ayaṃ attho vuttoti veditabbo. “**Yāvatā pañcakkhandhā**”ti, “**khandhānaṃ khandhapaññatti**”ti hi imassa attho “**yattakena paññāpanena saṅkhepato pañcakkhandhāti vā**”ti etena dassito, “**yāvatā rūpakkkhandho**”tiādikassa pana “**pabhedato rūpakkkhandho**”tiādikenāti. Tattha **rūpakkkhandho...pe... viññāṇakkhandhoti** pabhedanidassanamattametam. Tena avuttopi sabbo saṅgahito hotīti “**tatrāpi rūpakkkhandho kāmāvacaro**”tiādi vuttaṃ. Ayaṃ vā ettha pāliyā atthayojanā – “yāvatā”ti idaṃ sabbehi padehi yojetvā yattakā pañcakkhandhā, tattakā khandhānaṃ khandhapaññatti. Yattako pañcannaṃ khandhānaṃ tappabhedānañca rūpakkkhandhādīnaṃ pabhedo, tattako khandhānaṃ khandhapaññattiyā pabhedoti pakaraṇantare vuttena vatthubhedena khandhapaññattiyā pabhedam dasseti. Esa nayo “**yāvatā āyatanāna**”ntiādīsūpi.

7. **Ekadesenevāti** uddesamattenevāti attho.

Mātikāvaṇṇanā niṭṭhitā.

## 2. Niddesavaṇṇanā

### 1. Ekakaniddesavaṇṇanā

1. Jhānaṅgāneva vimokkhoti iminā adhippāyenāha “**vimokkhasahajātena nāmakāyenā**”ti. **Yena hi saddhintiādinā** paṭhamam saṅgāyibhāvattam vivarati. **Phassenapi phutṭhāyeva nāmāti** etena “apicesā”tiādinā vuttaṃ dutiyam samphassena phusanattham, itarehi itare kāraṇatthe. Samaṅgibhāvaphusanakāraṇabhāvā hi phusanāti vuttāti. Punapi paṭhamatthameva dubbiññeyyattā vivaranto “**tatrāssā**”tiādimāha. **Ṭhapetvā tāni aṅgāni sesā atirekapaṇṇāsadhammāti** ettha vedanāsomanassindriyāni saṅgahitānīti āha “**cattāro khandhā hontī**”ti. Evaṃ sati vedanāsomanassindriyehi sukhasa phusitabbattā tiṇṇaṅca tesam anaññattā teneva tassa phusanā āpajjati? Nāpajjati, vedayitādhipatiyattṭhehi upanijjhāyanabhāvapaṭilābhassa vuttattā. Atha vā **ṭhapetvā tāni aṅgānīti** aṅgānaṃ bahuttā bahuvacanaṃ. Tesu pana paccekampi yojanā kātabbā “vitakkaṃ ṭhapetvā”tiādinā. Tattha “sukham ṭhapetvā”ti imissā yojanāya sesā tayo khandhā hontī, itarāsu cattāroti. Sabbayojanāsu ca tayo anto katvā “**cattāro khandhā hontī**”ti vuttaṃ.

2. Yo asamayavimokkhena ekaccehi āsavehi vimutto asamayavimokkhūpanissayalābhena ca sātisayena samayavimokkhena, so eva **samayavimutto**. So hi tena vimutto jhānalābhī sekkho rūpārūpabhavato apunarāvaṭṭako kāmarāgādīhi tathāvimuttova hotīti samayavimuttapaññattim laddhum arahati. Puthujjano pana jhānalābhī punarāvaṭṭakadhammo puna kāmarāgādisamudācārabhāvato vimutto nāma na hotīti samayavimuttapaññattim nārahati, tena so “samayavimutto”ti na vutto. Arahato pana aparikkhīṇā āsavā natthi, yato vimucceyya. Diṭṭhadhammasukhavihāramattā hi tassa aṭṭha vimokkhāti. Tasmā tassa na aṭṭha vimokkhā samayavimuttapaññattibhāvassa asamayavimuttapaññattibhāvassa vā kāraṇam. Tadakāraṇabhāvameva dassetuṃ “**na heva kho...pe... viharatī**”ti vuttaṃ, na sukkhavipassakasseva asamayavimuttabhāvaṃ dassetunti daṭṭhabbam. Sabbopi hi arahā asamayavimuttoti. **Bāhirānanti** lokuttarato bahibhūtānaṃ, lokiyānanti attho.

3. Arūpakkkhandhanibbānamattavācako arūpasaddo na hotīti dassanattham “**rūpato añña**”ntiādi vuttaṃ. **Cittamañjūsanti** samādhiṃ. Abhiññādīnañhi dhammānaṃ pādakabhāvena samādhi mañjūsāsadisō hoti. **Addhānaṃ pharitunti** dīghakālam byāpetuṃ, pavattetunti attho. “**Sammajjitabba**”nti cintevā tattha ādarassa akatattā vattabhedoti veditabbo. Evaṃ vattabhedamattena

naṭṭhā pana samāpatti kāmaccchandādīhi naṭṭhā viya na kiñcena paccāharitabbā hoti mandapāripanthakattā, tasmā vattasamitakaraṇamatteneva paccāharitabbattā “**appentova nisīdī**”ti āha.

**4. Attano anurūpena pamādena vītināmentānampi samāpatti na kuppattī** parihīno nāma na hoti, tasmim̄ tasmim̄ byāsaṅge paṭisaṃhaṭamatte samāpajjituṃ samatthatāyāti adhippāyo. “Kissa pana, bhante, khīṇāsavassa bhikkhuno lābhasakkārasiloko antarāyāyāti? Yā hissa sā, ānanda, akuppā cetovimutti, nāhaṃ tassā lābhasakkārasilokaṃ antarāyāya vadāmi. Ye ca khvassa, ānanda, appamattassa ātāpino pahitattassa viharato diṭṭhadhammasukhavihārā adhigatā, tesāhamassa lābhasakkārasilokaṃ antarāyāya vadāmī”ti **sutte** (saṃ. ni. 2.179) pana samayena samayaṃ āpajjanena pariharitabbānaṃ samāpattisukhavihārānaṃ tasmim̄ tasmim̄ byāsaṅgakāle anipphattito lābhasakkārasiloko antarāyoti vuttoti adhippāyenassa tena avirodho veditabbo.

**5. Dhammānaṃ...pe... pīti** ettha “dhammehī”ti vattabbaṃ. Idha hi tāhi samāpattīhi parihāyeyyāti dhammehi puggalassa parihānampi aparihānampi vuttaṃ. Tattha ca puggalassa pamādamāgama tā samāpattiyo kuppeyyunti dhammānaṃ kuppanaṃ akuppanaṃca vuttaṃ, puggalassa pana parihānadhammānameva vināsoti vacananānattamattena vacanathanānattamattena vā pariyāyantaratā vuttāti daṭṭhabbā.

**7-8. Cetanā** samāpatticetanā tadāyūhanā ca. **Anurakkhaṇā** samāpattiupakārānupakārapariggāhikā paññāsahitā sati. Tāhi cetiyamānaanurakkhiyamānasamāpattīnaṃ bhabbā cetanābhabbā anurakkhaṇābhabbā.

**10. Puthujjanagottanti** puthujjanasikkhaṃ, puthujjanagatā tisso sikkhā atikkantāti attho. Tā hi saṃyojanattayānupacchedena “puthujjanasikkhā”ti vuccantīti.

**11.** Arahattamaggaṭṭho ca vaṭṭabhayato paññubbegena ubbijjanto uddhambhāgiyasamyojanehi uparatoti bhayūparato nāmāti āha “**satta sekkhā bhayūparatā**”ti.

**12.** Bhavaṅgapaññāviraḥitā “vipākāvaraṇena samannāgatā”ti iminā gahitāti tihetukapaṭisaṃdhiḥikā keci “duppaññā”ti iminā gayhantīti dassento āha “**appaṭiladdhamaggaphalūpanissayā**”ti. Paññāya hi vinā na tadupanissayo atthīti.

**14.** Yattha niyatāniyatavomissā pavatti atthi, tattheva niyatadhammā hontīti uttarakurūsu tadabhāvā niyatato nāma natthīti dassento “**yā pana uttarakurukāna**”ntiādīmāha.

**16.** Terasasu sīsesu palibodhasīsādīni pavattasīsāṅca pariyādiyitabbāni, adhimokkhasīsādīni pariyādakāni, pariyādakaphalaṃ gocarasiṃsaṃ. Tañhi visayajjhattaphalavimokkhoti. Pariyādakassa maggassa phalassa ca ārammaṇaṃ saṅkhārasīsaṃ saṅkhāravivekabhūto nirodhoti pariyādiyitabbānaṃ pariyādakaphalārammaṇānaṃ saha viya saṃsiddhidassanena samasīsibhāvaṃ dassetuṃ **paṭisambhidāyaṃ** (paṭi. ma. 1.87) terasa sīsāni vuttāni. Idha pana “apubbaṃ acarimaṃ āsavapariyādānaṃca hoti jīvitapariyādānaṃca”ti vacanato tesu kilesapavattasīsānameva vasena yojanaṃ karonto “**tattha kilesasīsa**”ntiādīmāha. Tattha pavattasīsampi vaṭṭato vuṭṭahanto maggo cutito uddhaṃ appavattikaraṇavasena yadipi pariyādiyati, yāva pana cuti, tāva pavattisabbhāvato “**pavattasīsaṃ jīvitindriyaṃ cuticittaṃ pariyādiyati**”ti āha. Kilesapariyādānena pana attano anantaraṃ viya nipphādetabbā paccavekkhaṇavārā ca kilesapariyādānasēva vārāti vattabbaṃ arahanti. “Vimuttasmiṃ vimuttamiti ñāṇaṃ hoti”ti (ma. ni. 1.78; saṃ. ni. 3.12, 14) vacanato hi paccavekkhaṇaparisaṃāpanena kilesapariyādānaṃ samāpitāṃ nāma hoti. Taṃ pana parisamāpanaṃ yadi cuticittena hoti, teneva jīvitaparisaṃāpanaṃca hotīti imāya vāracutisamatāya kilesapariyādānaṃjīvitapariyādānaṃ apubbācarimatā hotīti āha “**vārasamatāyā**”ti. **Bhavaṅgaṃ otarivā parinibbāyatīti** ettha parinibbānacittameva bhavaṅgotaraṇabhāvena vuttanti daṭṭhabbaṃ.



17. **Mahāpayogoti** mahākiriyo vipattikaraṇamahāmeghuṭṭhānākāravinaṣo. **Tiṭṭheyāti** vinaṣo nappavatteyyāti attho.

18. **Araṇiyattāti** payirupāsitaḍḍattā.

20. Yāya katakiccatā hoti, tāya aggavijjāya adhigatāya tevijjatābhāvo nippariyāyatā, sā ca āgamanavasena siddhā sātisayā tevijjatāti āha “**āgamanīyameva dhura**”nti.

22. **Tattha cāti** nimittatthe bhummaṃ, sabbaññutaññāṇappattiyā ādhārabhāve vā. Tattheva hi sabbaññutaṃ patto nāma hotīti.

23. **Ananussutesu dhammesūti** ca ananussutesu saccesūti attho.

24. “Rūpī rūpāni passaṭī”tiādike (ma. ni. 2.248; 3.312; paṭi. ma. 1.209; dha. sa. 248) nirodhasamāpattiante aṭṭha vimokkhe vatvā “yato kho, ānanda, bhikkhu ime aṭṭha vimokkhe kāyena phusitvā viharati, paññāya cassa disvā āsavā parikkhīṇā hontī. Ayaṃ vuccati, ānanda, bhikkhu ubhatobhāgavimutto”ti yadipi mahānidānasutte vuttaṃ, taṃ pana ubhatobhāgavimuttaseṭṭhavasena vuttanti idha kīṭāgirisuttavasena sabbaubhatobhāgavimuttasaṅghatthaṃ “**aṭṭha samāpattiyō sahaḍḍānāmākāyena paṭilabhitvā viharati**”ti āha. Kīṭāgirisutte hi “idha, bhikkhave, ekacco puggalo ye te santā vimokkhā atikkamma rūpe āruppā, te kāyena phusitvā viharati, paññāya cassa disvā āsavā parikkhīṇā hontī. Ayaṃ vuccati, bhikkhave, puggalo ubhatobhāgavimutto”ti (ma. ni. 2.182) arūpasamāpattivasena cattāro ubhatobhāgavimuttā vuttā, ubhatobhāgavimuttaseṭṭho ca vuttalakkhaṇopapattitoti. Kāyasakkhimhipi eseva nayo.

**Paññāya cassa disvā āsavā parikkhīṇā hontīti** na āsavā paññāya passanti, dassanakāraṇā pana parikkhīṇā disvā parikkhīṇāti vuttā. Dassanāyattaparikkhayattā eva hi dassanaṃ purimakiriya hotīti. **Nāmanissitako esoti** eso ubhatobhāgavimutto rūpato muccitvā nāmaṃ nissāya ṭhito puna tato muccanato “nāmanissitako”ti vatvā tassa ca sādhaḍḍaṃ suttaṃ vatvā “kāyadvayato suvimuttattā ubhatobhāgavimutto”ti āhāti attho. Sutte hi ākiṇcaññāyatanaḷābhino upasīvabrāhmaṇassa bhagavatā nāmākāyā vimuttoti ubhatobhāgavimuttoti muni akkhātoti.

**Paṭhamattheravāde** dvīhi bhāgehi vimutto ubhatobhāgavimutto, **duṭṭiyattheravāde** ubhato bhāgato vimuttoti ubhatobhāgavimuttoti, **tatiyattheravāde** dvīhi bhāgehi dve vāre vimuttoti ayametesam vireso. Tattha **vimuttoti** kilesehi vimutto, kilesavikkhambhanasamucchadanehi vā kāyadvayato vimuttoti attho daṭṭhabbo. **Arūpāvacaṃ pana nāmākāyato ca vimuttanti** nīvaraṇasaṅkhātānāmākāyato vimuttanti vuttaṃ hoti. Tañhi nīvaraṇadūribhāvena nāmākāyato rūpataṇhāvikkhambhanena rūpakāyato ca vimuttattā ekadesena ubhatobhāgavimuttaṃ nāma hotīti arahattamaggassa pādakabhūtaṃ ubhatobhāgavimuttanāmalābhassa kāraṇaṃ bhavituṃ yuttanti adhippāyo.

25. **Etesu hi ekopi aṭṭhavimokkhalābhī na hotīti** ubhatobhāgavimuttabhāvassa kāraṇabhūtaṃ rūpakāyato vimuttaṃ ekampi vimokkhaṃ anadhigatoti adhippāyo. Arūpāvacaṃ hi ekampi adhigato ubhatobhāgavimuttabhāvākāraṇapaṭilābhato aṭṭhavimokkhekadesena tena taṃnāmadāne samatthena “aṭṭhavimokkhalābhī”tveva vuccati. Tenāha “**arūpāvacaṃ rajjhānesu panā**”tiādi.

26. **Phuṭṭhantaṃ sacchikarotīti** phuṭṭhānaṃ anto phuṭṭhanto, phuṭṭhānaṃ arūpāvacaṃ rajjhānānaṃ anantaro kāloti adhippāyo. Accantasamyoge cettha upayogavacanaṃ daṭṭhabbaṃ. Phuṭṭhānantarakālema sacchikaroti sacchikātabbopāyenāti vuttaṃ hoti. “Ekamantaṃ nisīdī”tiādīsu (dī. ni. 1.165) viya bhāvanapūṃsakaṃ vā etaṃ. Yo hi arūpajjhānena rūpakāyato nāmākāyekadesato ca vikkhambhanavimokkhena vimutto, tena nirodhasaṅkhāto vimokkho ālocito pakāsito viya hoti, na pana kāyena sacchikato. Nirodhaṃ pana ārammaṇaṃ katvā ekaccesu āsavesu khepitesu tena so sacchikato

hoti, tasmā so sacchikātabbaṃ nirodhaṃ yathāālocitaṃ nāmakāyena sacchikarotīti **kāyasakkhīti** vuccati, na tu vimuttoti ekaccānaṃ āsavānaṃ aparikkhīṇattā.

**27. Diṭṭhattā pattoti** etena catusaccadassanasāṅkhātāya diṭṭhiyā nirodhassa pattataṃ dīpeti. “Diṭṭhantaṃ patto”ti vā pāṭho, dassanasāṅkhātassa sotāpattimaggañāṇassa anantaraṃ pattoti vuttaṃ hoti. Paṭhamaphalato paṭṭhāya hi yāva aggamaṅgā diṭṭhippattoti.

**28. Imaṃ pana nayaṃ “no”ti paṭikkhipivāti** ettha diṭṭhippattasaddhāvimumtabhāvappattānaṃ paññānānattaṃ vuttaṃ, na pana yena visesena so viseso patto, so vuttoti imaṃ dosaṃ disvā paṭikkhepo katoti daṭṭhabbo. **Āgamaṭṭhakathāsūti** ca vacanena āgamanīyanānattasanniṭṭhānameva thiraṃ karotīti veditabbaṃ. **Saddahanto vimuttoti** etena sabbathā avimumtassapi saddhāmattena vimuttabhāvaṃ dasseti. **Saddhāvimumtoti** vā saddhāya adhimuttoti attho.

**29. Paññaṃ vāhetīti** paññaṃ sātisayaṃ pavattetīti attho. **Paññā imaṃ puggalaṃ vahaṭīti** nibbānābhimukhaṃ gametīti attho.

**31. Evaṃ maggakkhaṇepīti** ayaṃ api-saddo kasmā vutto, nanu ariyena aṭṭhaṅgikena maggena samannāgato maggakkhaṇe eva hotīti tadā eva sotāpanno nāmāti āpannanti? Nāpannaṃ. Maggena hi attanā sadisassa aṭṭhaṅgikassa vā sattaṅgikassa vā phalassa sototi nāmaṃ dinnanti tenapi samannāgatassa sotāpannabhāvato, sotena vā maggena pavattetuṃ aparihīnena phalaṭṭhopi samannāgato eva nāma, na ca tena paṭhamamaggakkhaṇe viya soto samāpajjiyamāno, tasmā samāpannasotattā paṭhamaphalato paṭṭhāya “sotāpanno”ti vattuṃ yutto. Vuttañhi “ye keci, bhikkhave, mayi aveccappasannā, sabbe te sotāpannā. Tesam sotāpannānaṃ pañcannaṃ idha niṭṭhā, pañcannaṃ idha vihāya niṭṭhā”ti (a. ni. 10.64). Tattha dutiyaphalaṭṭhādīnaṃ visuṃ nāmaṃ atthīti paṭhamaphalaṭṭho eva itarehi visesiyamāno “sotāpanno”ti vattuṃ yuttoti so eva idhādhippeto. **Paṭiladdhamaggena bujḥatīti** etena paṭiladdhamaggassa catusaccapaccavekkhaṇādīnaṃ upanissayabhāvaṃ dasseti. Sambodhi paraṃ ayanam nissayo etassāti hi **sambodhiparāyaṇoti**. Dutiyenatthena sambodhi paraṃ ayanam gati etassāti **sambodhiparāyaṇo**.

**32.** Kevalena kulasaddena mahākulameva vuccatīti āha “**mahābhogakulesuyeva nibbattatīti attho**”ti.

**33. Khandhabījaṃ nāma** paṭisandhiviññānaṃ. **Ihaṭṭhakanijjhānikavaseneva imasmiṃ thāne kathitāti** sajjhānako ajjhattasamyojanasamucchede akatepi anāgāmisabhāgo anāvattidhammo idha gaṇanūpago na hoti, heṭṭhā upari ca saṃsaraṇako kāmabhavagato hīnajiḥhānako idha gaṇanūpagoti adhippāyo.

**34. Yaṃ vattabbanti** “dvīhi kāraṇehi tanubhāvo veditabbo”tiādi yaṃ vattabbaṃ siyāti attho.

**36. Upapannaṃ vā samanantarāti** upapannaṃ vā etena puggalena hoti, atha samanantarā ariyamaggaṃ sañjaneti. **Appattaṃ vā vemajjhaṃ āyuppamāṇanti** āyuppamāṇaṃ tassa puggalassa vemajjhaṃ appattaṃ hoti, etthantare ariyamaggaṃ sañjanetīti ayamettha pāḷiattho. Aṭṭhakathāyaṃ pana “appatvā pabbataṃ nadī”ti viya **āyuppamāṇaṃ vemajjhaṃ appattaṃ vā hutvāti** parasaddayoḃe parato bhūto hutvā saddo vacanasesabhūto payuttoti veditabbo.

**37. Upahaccāti** etassa upagantvāti attho, tena vemajjhātikkamo kālakiriyopagamanañca saṅgahitaṃ hoti. Tena vuttaṃ “**atikkamitvā vemajjha**”ntiādi.

**40. Uddhamvāhibhāvenāti** uddham vahaṭīti uddhamvāhī, taṇhāsotaṃ vaṭṭasotaṃ vā, tassa bhāvo, tena uddhamvāhibhāvenāti vuttaṃ hoti. Avihesu uddhamṣoto yadipi tattha parinibbāyī na hoti, yattha vā tattha vā gantvā parinibbāyatu, parinibbāyino pana tassa asaṅkhāraparinibbāyitā sasaṅkhāraparinibbāyitā



**91. Sesasaṃvarabhedanā**ti manosamvarabhedena, satisamvarādibhedena vā.

**Akusalasīlasamannāgamenā**ti “katame ca thapati akusalā sīlā? Akusalaṃ kāyakammaṃ akusalaṃ vacīkammaṃ pāpako ājīvo”ti vuttehi samannāgamena. **Tassa hi...pe... evaṃ sāsāṅkasamācāro hotīti** evaṃ sāsāṅko samācāro hotīti attho.

**94.** Samānavisayānaṃ puggalānaṃ visesadassanavasena “**kāyasakkhī**”tiādikaṃ vuttaṃ.

**107. Samādhi vā ādīti** lokuttaradhammā hi paramatthato sāsananāti tadattho pādakasamādhi tassa ādi vutto, tadāsannattā **vipassanā**, tassa mūlekadesattā **maggo**.

**108. Ucchaṅgo viya ucchaṅgapañño puggalo daṭṭhabboti** ucchaṅgasadisapaññatāya eva paññā viya puggalopi ucchaṅgo viya hoti, tasmim dhammānaṃ aciraṭṭhānatoti adhippāyena vuttaṃ. Vakkhati hi “**ucchaṅgasadisapañnotiattho**”ti.

**109.** Yathā ca ucchaṅgasadisā paññā, evaṃ nikkujjakumbhasadisā paññā evāti daṭṭhabbo, tattha dhammānaṃ anavaṭṭhānato.

**113.** Ciraṭṭhānato thiraṭṭhānato ca pāsāṅkhasadisā parāparādhanibbattā kodhalekhā yassa so pāsāṅkhekhūpamasamannāgato **pāsāṅkhekhūpamoti** vutto, evaṃ itarepi.

**118.** Sutādivatthurahito tucchamāno naḷo viyāti “naḷo”ti vuccati, so uggato naḷo etassāti **unnaḷo**.

**122.** “Sīlakathā ca no bhavissatī”ti ettha vuttaṃ sīlakathābhavanaṃ paṭhamārambhopi dussīlena saha na hotīti dassento āha **neva sīlakathā hotīti**”ti.

**123. Tattha tatthāti** tasmim tasmim anuggahetabbe paññāya sodhetabbe ca vaḍḍhetabbe ca adhikasīlaṃ nissāya uppannapaññāya anuggaṇhāti nāmāti attho.

**124. Gūthakūpo viya dussīlyanti** etena dussīlyassa gūthasadisattameva dasseti.

**130. No ca sammā paññapetuṃ sakkontīti** yebhuyyena na sakkontīti imamatthaṃ sandhāya vuttaṃ, uppanne tathāgate tasmim anādariyaṃ katvā samāpattim uppādetuṃ vāyamantassa asamatthabhāvaṃ vā. **Titthiyā** vā pūraṇādayo adhippetā.

Tikaniddesavaṇṇanā niṭṭhitā.

#### **4. Catukkaniddesavaṇṇanā**

**133.** Parena kataṃ dussīlyaṃ āṇattiyā attanā ca payogena katanti āṇattiyā pāpassa dāyādo “**tato upaḍḍhassa dāyādo**”ti vutto.

**145.** Ayanti “tesu paṭhamo”tiādikaṃ nayaṃ vadati.

**148.** Desanāya dhammānaṃ nāṇassa āpāthabhāvasampādanam **nāṇugghāṇanam. Saha udāhaṭavelāyāti** udāhaṭavelāya saddhim tasmim kāle anatikkante evāti attho.

**152. Tanti anantaravacanaṃ vadati.** “Katamo loko”ti vutte “pañcupādānakkhandhā”ti mahantaṃ atthaṃ saṅgahitvā ṭhitavacanaṃ **atthayuttaṃ**. Lujjati lokoti **kāraṇayuttaṃ**.

**156. Sahitāsahitassāti** sahitāsahiteti attho, sahitāsahitassa paricchindaneti vā. **Dveyevāti**

dutiyacatutthāyeva. Desakasāvakasampattiyā bodhetuṃ samatthatāya **sabhāvadhammakathikā**, saccadhammakathikāti attho.

**157.** Kusaladhammehi cittassa vāsanābhāvanā **vāsadhuraṃ. Ayaṃ pāpapuggaloti** catuttho vutto, na paṭhamo. Paṭhamo hi avisaṃvādetukāmo verañjabrāhmaṇasadiso adhippetoti.

**159. Puggalepi ariyānaṃ abhikkamanādisadisatāti** puggale abhikkamanādīnaṃ ariyānaṃ abhikkamanādisadisatāti attho, ariyānaṃ abhikkamanādīnā puggalassa sadisatāti vā sadisābhikkamanādītāti attho.

**166.** Dussīlaṃ “dussīlo”ti vadanto **bhūtaṃ bhāsati** nāma. Pāṇātipātena dussīlaṃ adinnādānena dussīloti avatvā pāṇātipātenevāti vadanto **tacchaṃ bhāsati** nāma. Yamidaṃ “kālenā”ti vuttaṃ, tatra tasmim vacane, yo “kālena bhaṇatī”ti vutto, so kīdisoti dassanatthaṃ “kālaññū hotī”tiādi vuttanti dassento “yamidaṃ kālenāti vuttaṃ, tatra yo puggalo”tiādimāha.

**168. Āgamanavipatti** nāma kammaṃ, **pubbuppannapaccayavipatti** sukkasoṇitaṃ. Pavatte, pavattassa vā paccayā **pavattapaccayā**, āhārādayo. Jotetīti **joti**, āloko. Kulasampattiyādīhi jotamāno ca joti viyāti **joti**.

**173.** Pahīnāvasiṭṭhakilesapaccavekkhaṇāpi yehi kilesehi vimutto avimutto ca, tesam dassanavasena vimuttidassanameva hotīti āha “**vimuttiññādadassanaṃ ekūnavīsatividhaṃ paccavekkhaṇāñña**”nti.

**174. Yāni kānici tantāvutānanti** tantāvutānaṃ vatthānaṃ yāni kānici vatthānīti vuttaṃ hoti. Sāyaṃ tatiyaṃ assāti **sāyatatiyo**. Anuyuñjanaṃ **anuyogo**. Taṃ **anuyuttoti** upayogavacanaṃ daṭṭhabbaṃ, bhāvanapumsakaṃ vā.

**178. Tattha sikkhanabhāvenāti** sikkhāya sājīve ca sikkhanabhāvena. **Sikkhaṃ paripūrentoti** sīlasaṃvamaṃ paripūrento. **Sājīvañca avītikkamantoti** “nāmakāyo padakāyo niruttikāyo byañjanakāyo”ti vuttaṃ sikkhāpadaṃ bhagavato vacanaṃ avītikkamanto hutvāti attho. Idameva ca dvayaṃ “sikkhana”nti vuttaṃ. Tattha sājīvānatikkamo sikkhāparipūriyā paccayo. Tato hi yāva maggā saṃvarapāripūrī hotīti. **Vināsanabhāvato**ti hiṃsanabhāvato. **Haliddirāgo viya na thirakatho hotīti** ettha kathāya aṭṭhitabhāvena haliddirāgasadisatā veditabbā, na puggalassa.

**179. Dārumāsakoti ye vohāraṃ gacchantīti iti**-saddena evaṃpakāre dasseti. **Aññaṃ dassetvā aññassa parivattananti** dasagghanakaṃ vatthayugaṃ dassetvā tassa ajānantassa pañcagghanakassa dānaṃ.

**181. Avikiññasukhanti** rūpādīsū subhādīparikappanavasena avisaṭasukhaṃ.

**187.** Khandhadhammesu aniccādivasena pavattā vipassanā maggaphalalābhena paṭiladdhā nāma hoti tadalābhena anavaṭṭhānatoti maggaphalalābhī eva “adhīpaññādhammavipassanālābhī”ti vutto, maggaphalaññaṃameva ca adhīkapaññābhāvato catusaccadhamme sabbadhammassa vare nibbāne eva vā visiṭṭhadassanabhāvato ca **adhīpaññādhammavipassanāti** daṭṭhabbā.

**189. Sutena anupapannoti** yathāsutena vā atthena vā na samannāgatoti attho.

Catukkaniddesavaṇṇanā niṭṭhitā.

## 5. Pañcakaniddesavaṇṇanā

191. Paṭhamapañcake uddeseneva puggalavibhāgo viññāyatīti yathā tesu paṭipajjitabbaṃ, tāya paṭipattiyā te vibhajanto “**tatra yvāya**”ntiādimāha. **Ārambhasaddoti** ārambhakiriyāvācako saddoti attho. Phaluppattiyā maggakiccaṃ niṭṭhitaṃ hotīti “**maggakiccavasena phalameva vutta**”nti āha. **Āyācanasādhūti** na pasamsanādisādhūti attho.

192. Ādito dheyyaṃ ṭhapetabbaṃ **ādheyyaṃ**, dassanasavanapaṭivacanadānavasena mukhena viya pavattaṃ gahaṇaṃ **mukhanti** daṭṭhabbaṃ. Taṃ mukhaṃ ādheyyaṃ, gahaṇatthaṃ pakatimukhameva vā ādheyyaṃ yassa so **ādheyyamukho**, avicāretvā ādikathāya eva ṭhapitagahaṇoti vuttaṃ hoti.

194. **Rajaggasminti** rajaggabhāve.

199. Gavā khīraṃ aggamakkhāyatīti na evaṃ sambandho, uppattito pana pañca gorase dassetvā tesu sappimaṇḍassa aggabhāvadassanatthaṃ “**gavā khīra**”ntiādi vuttaṃ. Tenāha “**gāvito khīraṃ nāma hoti**”tiādi.

Pañcakaniddesavaṇṇanā niṭṭhitā.

## 6. Chakkaniddesavaṇṇanā

202. Chakke ekantato pākaṭā sammāsambuddhādayo te yathāvuttaguṇā puggalāti dassento “**sammāsambuddho tena daṭṭhabbo**”tiādimāha. Tattha **tenāti** sāmaṃ saccābhisamayo tattha ca sabbaññutappattibalesu ca vasibhāvappattīti etena sabbena samuditena. “Sabbaññutaññāṇenā”ti pana vutte sabbamidam saṅgahitaṃ hoti sāmaṃ saccābhisamayena balesu ca vasibhāvappattiyā ca vinā sabbaññutaññāṇassa abhāvā, tasmā aṭṭhakathāyaṃ “**sabbaññutaññāṇenā**”ti ettakameva vuttaṃ. Tattha **anācariyakena attanā uppāditenāti** vacanena sabbaññutaññāṇassa sācariyakattaṃ parato uppattīṇca paṭisedheti, na sācariyakam parehi uppāditaṇca sabbaññutaññāṇam. Na hi taṃ tādisaṃ nivāretabbaṃ atthīti.

Chakkaniddesavaṇṇanā niṭṭhitā.

## 7. Sattakaniddesavaṇṇanā

203. **Saddhā nāma sādhuḷaddhikāti ummujjati**ti etena kusalesu dhammesu antogadhā, bodhipakkhiyadhammesu vā adhimokkhabhūtā saddhā sādhuṭi ummujjamānaṃ kusalaṃ dasseti, evaṃ **hiriyādīsu** ca. **Kusalesu dhammesūti** ettha bhummaniddeso tadantogadhatāya tadupakāratāya vā veditabbo. Ettha ca **ummujjati sāhu saddhā kusalesu dhammesūti**ādinā saddhādīnaṃ ummujjanapaññāya saddhādīnaṃ uppattiṃ dasseti. Teneva “**tassa sā saddhā neva tiṭṭhatī**”tiādi vuttaṃ. “**Sāhu saddhā kusalesu dhammesū**”ti vā ummujjanassa upakāraṃ ānisamsadassanaṃ vatvā “**ummujjati**”ti etena saddhāsāṅkhātameva ummujjanaṃ dassitanti veditabbaṃ. **Caṅkavāreti** rajakānaṃ khāraparisāvane. Ekakammanibbattā paṭisandhibhavaṅgacutisantati eko cittavāroti cutito anantaro yathāgahito dutiyo hotīti āha “**dutiyacittavārenā**”ti. Ummujjitvā ṭhitādayo cattāro tāya tāya jātiyā arahattaṃ asacchikarontā aneke puggalā veditabbā, sacchikaronto pana ekopi pubbabhāge tatiyapuggalādibhāvaṃ āpajjitvā ante sattamapuggalo hotīti.

Sattakaniddesavaṇṇanā niṭṭhitā.

## 10. Dasakaniddesavaṇṇanā

209. **Pañcannaṃ idha niṭṭhā, pañcannaṃ idha vihāya niṭṭhāti** ettha ye sotāpannādayo rūpārūpabhāve upapajjitvā parinibbāyissanti, te idha vihāya niṭṭhāpakkhaṃ bhajamānāpi

ajjhattasaṃyojanānaṃ asamucchinnattā puthujjanasādhāraṇe ca ṭhāne upapattiyā na gahitā. Asādhāraṇaṭṭhānupattivasena pana antarāparinibbāyīdayo eva “idha vihāya niṭṭhā”ti vuttāti veditabbāti.

Dasakaniddesavaṇṇanā niṭṭhitā.

Puggalapaññattipakaraṇa-mūlaṭṭikā samattā.

## Kathāvattthupakaraṇa-mūlaṭṭikā

Ganthārambhakathāvaṇṇanā

**Kathānaṃ vatthubhāvato**ti kathāsamudāyassa pakaraṇassa attano ekadesānaṃ okāsabhāvaṃ vadati. Samudāye hi ekadesā antogadhāti. Yena pakārena saṅkhepena adesayi, taṃ dassento “**mātikāṭṭhapaneneva ṭhapitassā**”ti āha.

Nidānakathāvaṇṇanā

**Anupādisesāya nibbānadhātuyā parinibbāyī**ti parinibbānameva parinibbānassa parinibbānantarato viśesanatthaṃ karaṇabhāvena vuttaṃ. Yāya vā nibbānadhātuyā adhiḡatāya pacchimacittāṃ appaṭṭisandhikāṃ jātaṃ, sā tassa appaṭṭisandhivūpasamassa karaṇabhāvena vuttāti. **Dubbalapakkhanti** na kāḷāsokaṃ viya balavantaṃ, atha kho ekamaṇḍalikanti vadanti. Dhammavādīdhammavādīviśesajananasamattāya pana paññāya abhāvato dubbalatā vuttā. **Tesaṃyevāti** bāhuliyānameva, bahussutikātipi nāmaṃ. **Bhinnakāti** mūlasaṅgītito mūlanikāyato vā bhinnā, laddhiyā suttantehi liṅgākappehi ca viśadisabhāvaṃ gatāti attho.

**Mūlasaṅgahanti** pañcasatikasaṅgītiṃ. **Aññatra saṅgahitāti**ādīsu dīghādīsu aññatra saṅgahitato suttantarāsito taṃ taṃ suttāṃ nikkadḡhitvā aññatra akariṃsūti vuttaṃ hoti. Saṅgahitato vā aññatra asaṅgahitaṃ suttāṃ aññatra katthaci akariṃsu, aññaṃ vā akariṃsūti attho. **Atthaṃ dhammañcāti** pāḷiyā atthaṃ pāḷīna. **Vinaye nikāyesu ca pañcasūti** vinaye ca avasesapañcanikāyesu ca.

“Dvepānanda, vedanā vuttā mayā pariyāyēnā”tiādi (ma. ni. 2.89) **pariyāyadesitaṃ**. Upekkhāvedanā hi santasmiṃ paṇīte sukhe vuttā bhagavatāti ayañhettha pariyāyo. “Tisso imā, bhikkhave, vedanā sukhā dukkhā upekkhā vedanā”tiādi (saṃ. ni. 4.249-251) **nippariyāyadesitaṃ**. Vedanāsabhāvo hi tividhoti ayamettha nippariyāyatā. “Sukhāpi vedanā aniccā saṅkhatā”tiādi (dī. ni. 2.123) **nitatthaṃ**. “Yaṃ kiñci vedayitaṃ, sabbaṃ taṃ dukkha”ntiādi (saṃ. ni. 2.32) **neyyatthaṃ**. “Tīhi, bhikkhave, ṭhānehi jambudīpakā manussā uttarakuruke ca manusse adhiḡgaṇhanti deve ca tāvatimse”tiādikaṃ (a. ni. 9.21) **aññaṃ sandhāya bhaṇitaṃ** gahetvā **aññaṃ atthaṃ ṭhapayimsu**. “Natthi devesu brahmacariyavāso”tiādikaṃ (kathā. 270) suttañca aññaṃ sandhāya bhaṇitaṃ atthañca aññaṃ ṭhapayimsuṃti evamettha attho daṭṭhabbo. “Atthekacco puggalo atthitāya paṭipanno”tiādi (pu. pa. mātikā 4.24) **byañjanacchāyāya** saṅhasukhumaṃ suññatādi**atthaṃ bahuṃ vināsayuṃ**.

**Vinayagambhīranti** vinaye gambhīrañca ekadesaṃ chaḡḡetvāti attho. Kilesavinayena vā gambhīraṃ ekadesaṃ suttāṃ chaḡḡetvāti attho. **Patirūpanti** attano adhippāyānurūpaṃ **suttaṃ**, suttapatirūpakaṃ vā asuttaṃ. Ekacce aṭṭhakathākaṇḡameva viśajjimsu, ekacce sakalaṃ abhidhammapiṭakanti āha “**atthuddhāraṃ abhidhammaṃ chappakaraṇa**”nti. Kathāvattthussa savivādattepi avivāḡāni chappakaraṇāni paṭhitabbāni siyuṃ, tāni nappavattantīti hi dassanatthaṃ “**chappakaraṇa**”nti vuttanti. Tatiyasaṅgītito vā pubbe pavattamānānaṃ vasena “**chappakaraṇa**”nti vuttaṃ. **Aññānti** aññāni abhidhammapakaraṇādīni. **Nāmantī** yaṃ buddhādīpaṭisaṃyuttaṃ na hoti mañjusirītiādikaṃ, taṃ nikāyanāmaṃ. **Liṅganti** nivāsanapārūpanādīviśesakataṃ saṅṭhānavisesaṃ.

Sikkādikaṃ **parikkhāraṃ**. **Ākappo** ṭhānādīsu aṅgaṭṭhapanaviseso daṭṭhabbo. **Karaṇanti** cīvarasibbanādikiccaviseso.

**Saṅkantikassapikena** nikāyena vādena vā bhinnā **saṅkantikāti** attho. **Saṅkantikānaṃ** bheda **suttavādī anupubbena bhijjatha** bhijjimsūti attho. **Bhinnavādenāti** bhinnā vādā etasminti bhinnavādo, tena abhinnena theravādena saha aṭṭhārasa hontīti vuttaṃ hoti. **Bhinnavādenāti** vā bhinnāya laddhiyā aṭṭhārasa honti, te sabbepi sahāti attho. **Theravādānamuttamoti** ettha **thera**-iti avibhattiko niddeso. Therānaṃ ayanti thero. Ko so? Vādo. Thero vādānamuttamoti ayamettha attho.

Uppanne vāde sandhāya “**parappavādamathana**”nti āha. Āyatim uppajjanakavādānaṃ paṭisedhanalakkaṇabhāvato “**āyatilakkaṇa**”nti vuttaṃ.

Nidānakathāvaṇṇanā niṭṭhitā.

## Mahāvaggo

### 1. Puggalakathā

#### 1. Suddhasaccikaṭṭho

#### 1. Anulomapaccanikavaṇṇanā

1. Māyāya amaṇiādayo maṇiādiākārena dissamānā “māyā”ti vuttā. Abhūtena maṇiudakādiākārena gayhamānā māyāmarīciādayo abhūtaññeyyākārattā asaccikaṭṭhā. Yo tathā na hoti, so saccikaṭṭhoti dassento āha “**māyā...pe... bhūtatto**”ti. Anussavādivasena gayhamāno tathāpi hoti aññathāpīti tādiso ñeyyo na paramattho, attapaccakkho pana paramatthoti dassento āha “**anussavā...pe... uttamatto**”ti.

**Chalavādassāti** atthīti vacanasāmaññena atthīti vuttehi rūpādīhi sāmāññavacanassāti adhippāyo. “So sacci...pe... laddhim gahetvā āmantāti paṭijānātī”ti vacanato pana “chalavādassā”ti na sakkā vattum. Na hi laddhi chalanti. **Okāsaṃ adadamānoti** patiṭṭhaṃ pacchindanto. Yadi saccikaṭṭhena upalabbhati, rūpādayo viya upalabbheyya, tathā anupalabbhaniyato na tava vādo tiṭṭhatīti nivattentoti adhippāyo. **Taṃ sandhāyāti** “yo saccikaṭṭho”ti ettha vutto yo saccikaṭṭho, so sappaccayādiabhāvena dīpito “rūpaṅca upalabbhati”tiādīsu āgato dhammappabhedoti dasseti.

“**Tena saccikaṭṭhaparamatthenā**”ti vatvā “**tenākārenā**”ti vadato ayamadhippāyo – saccikaṭṭhaparamatthākārena upalabbhamānaṃ saccikaṭṭhaparamatthena upalabbhamānaṃ nāma hotīti. Aññathā tatoti tassa tenākārenāti vattabbaṃ siyā. Ko panetissā purimapucchāya ca visesoti? Purimapucchāya sattapaññāsavidho dhammappabhedo yathā bhūtena sabhāvatthena upalabbhati, evaṃ puggalo upalabbhatīti vuttaṃ. Idha pana bhūtasabhāvatthena upalabbhamāno so dhammappabhedo yena rupanādisappaccayādiākārena upalabbhati, kiṃ tenākārena puggalopi upalabbhatīti esa viseso. Yathā pana rūpaṃ viya bhūtasabhāvatthena upalabbhamānā vedanā na rupanākārena upalabbhati, evaṃ dhammappabhedo viya bhūtasabhāvatthena upalabbhamāno puggalo na rupanādisappaccayādiākārena upalabbhatīti sakkā paravādinā vattunti acodanīyaṃ etaṃ siyā. Avajānanaṅca tassa yuttanti niggaho ca na kātabbo. Dhammappabhedato pana aññassa saccikaṭṭhassa asiddhattā dhammappabhedākāreneva codeti. Avajānaneneva niggahaṃ dasseti. Anujānanāvajānanapakkhā sāmāññavisesehi paṭiññāpaṭikkhepapakkhā anulomapaṭilomapakkhā paṭhamadutiyanayāti ayametesam viseso veditabbo.

“**Tena vata re vattabbe**”ti vadanto vattabassa avacane dosaṃ pāpetīti iminā adhippāyena “**niggahassa pāpitattā**”ti vuttanti daṭṭhabbaṃ. “**Evametaṃ niggahassa ca anulomapaṭilomato catunnaṃ pāpanāropanaṅca vuttattā upalabbhatītiādikaṃ anulomapaṅcakaṃ nāmā**”ti vuttaṃ,



anulomapaṭilomato pana dvīhi ṭhapanāhi saha sattakena bhavitabbaṃ, taṃvajjane vā kāraṇaṃ vattabbaṃ. Yaṃ pana vakkhati “ṭhapanā nāma paravādīpakkhassa ṭhapanato ‘ayaṃ tava doso’ ti dassetuṃ ṭhapanamattameva hoti, na niggahassa vā paṭikammassa vā pākaṭabhāvakaraṇa” nti (kathā. aṭṭha. 2). Tenādhippāyena idhāpi ṭhapanādvayaṃ vajjeti. Yathā pana tattha paṭikammaṇaṃ avatvā paṭikammacatukkabhāvaṃ vakkhati, evamidhāpi niggahacatukkabhāvo vattabbo siyā. Suddhikaniggahassa pana niggahappadhānattā uddesabhāvena vutto niggahova visuṃ vuttoti daṭṭhabbo. Ye pana “ayathābhūtaniggahattā tattha paṭikammaṃ visuṃ na vutta” nti vadanti, tesam̐ dutiye vādamukhe niggahacatukkabhāvo paṭikammaṇaṃ ca āpajjati.

**2. Attanā adhippetam̐ saccikaṭṭhamevāti** sammutisaccaṃ sandhāyāti adhippāyo. Vakkhati hi “suddhasammutisaccaṃ vā paramatthamissakam̐ vā sammutisaccaṃ sandhāya ‘yo saccikaṭṭho’ ti puna anuyogo paravādissā” ti (kathā. aṭṭha. 6). Tattha yadi paravādinā attanā adhippetasaccikaṭṭho sammutisaccaṃ, sammutisaccākārena puggalo upalabbhatīti vadantena samānaladdhiko nappaṭisedhitabbo, kathā evāyaṃ nārabhitabbā. Atha sakavādinā attanā ca adhippetasaccikaṭṭham̐yeva sandhāya paravādī “**yo saccikaṭṭho**” tiādīmāhāti ayamattho. Sakavādinā sammutisaccaṃyeva saccikaṭṭhoti adhippetanti āpajjati. Yadi ubhayaṃ adhippetam̐, puna “sammutisaccaparamatthasaccāni vā ekato katvāpi evamāhā” ti na vattabbaṃ siyāti. Yadi ca dvepi saccāni saccikaṭṭhaparamatthā, saccikaṭṭhekadesena upaladdhiṃ icchantena “puggalo upalabbhati saccikaṭṭhaparamatthenā” tiādi anuyogo na kātabbo, na ca saccikaṭṭhekadesena anuyogo yutto. Na hi vedayitākārena upalabbhamānā vedanā ruppanākārena upalabbhatīti anuyuñjitabbā, na ca paravādī ruppanādisabhāvaṃ puggalaṃ icchati, atha kho saccikaṭṭhaparamatthamevāti. Paramatthasaccato aññasmiṃ saccikaṭṭhe vijjāmāne nāssa paramatthasaccatā anuyuñjitabbā. Asaccikaṭṭhe saccikaṭṭhavohāraṃ āropetvā taṃ sandhāya pucchatīti vadantānaṃ voharitasaccikaṭṭhassa attanā adhippetasaccikaṭṭhatā na yuttā. Voharitaparamatthasaccikaṭṭhānaṃca dvinnam̐ saccikaṭṭhabhāve vuttanayova doso. Sammutisaccākārena upalabbhamānaṃca bhūtasabhāvatthena upalabbheyya vā na vā. Yadi bhūtasabhāvatthena upalabbhati, puggalopi upalabbhati saccikaṭṭhaparamatthenāti anujānanto nānyuñjitabbo. Atha na bhūtasabhāvatthena, taṃvinimutto sammutisaccassa saccikaṭṭhaparamatthākāro na vattabbo asiddhattā. Vakkhati ca “yathā rūpādayo paccattalakkhaṇasāmaññalakkhaṇavasena atthi, na evaṃ puggalo” ti. Tasmā maggitabbo ettha adhippāyo.

**Dvinnam̐ saccānanti** ettha saccadvayākārena anupalabbhanīyato anuññeyyametaṃ siyā, na vā kiñci vattabbaṃ. Yathā hi ekadesena paramatthākārena anupalabbhanīyatā anujānanassa na kāraṇaṃ, evaṃ ekadesena sammutiyākārena upalabbhanīyatā paṭikkhepassa cāti maggitabbo etthāpi adhippāyo. **Nupalabbhatīti vacanasāmaññamattanti** nupalabbhatīti idameva vacanaṃ anuññātaṃ paṭikkhittaṃcāti etaṃ chalavādaṃ nissāyāti adhippāyo. Yathā **upalabbhatīti** etasseva anujānanapaṭikkhepehi ahaṃ niggahetabbo, evaṃ **nupalabbhatīti** etasseva anujānanapaṭikkhepehi tvanti evaṃ sambhavantassa sāmaññena asambhavantassa kappanaṃ panettha chalavādo bhavituṃ arahati. Tena nupalabbhatīti vacanasāmaññamattaṃ chalavādassa kāraṇattā “chalavādo” ti vuttanti daṭṭhabbaṃ. Vacanasāmaññamattaṃca chalavādaṃca nissāyāti vā attho. Ṭhapanā niggahappaṭikammānaṃ pākaṭabhāvakaraṇaṃ na hotīti idaṃ vicāretabbaṃ. Na hi pakkhaṭṭhapanena vinā purimaṃ anujānitvā pacchimassa avajānanaṃ, pacchimaṃ vā avajānantassa purimānujānanaṃ micchāti sakkā āropetunti.

**3. Tavāti, paṭijānantanti** ca paccatte sāmiupayogavacanānīti adhippāyena “**tvam̐yeva paṭijānanto**” ti āha.

**4-5. Catūhi pāpanāropanāhi niggahassa upanītattāti** “dunniggahitā ca homa, hañci” tiādinā tayā mama kato niggaho, mayā tava kato niggaho viya micchāti evaṃ tena anulomapaṇcake catūhi pāpanāropanāhi katassa niggahassa tena niyāmena dukkaṭabhāvassa attanā kataniggahena saha upanītattā aniggahabhāvassa vā upagamitattāti attho daṭṭhabbo. Evameva **tena hi yaṃ niggaṇhāsi hañci...pe... idaṃ te micchāti** etassa aniggahabhāvanigamanasseva niggamanacatukkatā veditabbā.

Anulomapaccanīkavaṇṇanā niṭṭhitā.

## 2. Paccanīkānulomavaṇṇanā

7-10. “Attano laddhiṃ nissāya paṭiññā paravādissā”ti vatvā puna “paramatthavasena puggalassa abhāvato paṭikkhepo paravādissā”ti vuttaṃ. Tatrāyaṃ paṭikkhepo attano laddhiyā yadi kato, paramatthato aññena saccikaṭṭhaparamatthena puggalo upalabbhatīti ayamassa laddhīti āpajjati. Tathā ca sati nāyaṃ sammutisaccavasena upaladdhiṃ icchantena niggahetabbo. Atha attano laddhiṃ niggūhitvā parassa laddhivasena paṭikkhipati, purimapaṭiññāya avirodhitattā na niggahetabbo. Na hi attano ca parassa ca laddhiṃ vadantassa doso āpajjati. Attano pana laddhiyā paṭijānitvā paraladdhiyā paṭikkhipantena attano laddhiṃ chaḍḍetvā paraladdhi gahitā hotīti niggahetabboti ayamettha adhippāyo siyā.

Paccanīkānulomavaṇṇanā niṭṭhitā.

Suddhasaccikaṭṭhavaṇṇanā niṭṭhitā.

## 2. Okāsasaccikaṭṭho

### 1. Anulomapaccanīkavaṇṇanā

11. Sabbatthāti sabbasmiṃ sarīreti ayamatthoti dassento āha “sarīraṃ sandhāyā”ti. Tatthāti tasmīṃ saṃkhittapāṭhe. Yasmā sarīraṃ sandhāyā “sabbattha na upalabbhatī”ti vutte sarīrato bahi upalabbhatīti āpajjati, tasmā paccanīke paṭikkhepo sakavādissāti etena na kenaci sabhāvena puggalo upalabbhatīti ayamattho vutto hoti. Na hi kenaci sabhāvena upalabbhamānassa sarīratadaññāvimutto upaladdhiokāso atthīti.

## 3. Kālasaccikaṭṭho

### 1. Anulomapaccanīkavaṇṇanā

12. Purimapacchimajātikālañcāti majjhimajātikāle upalabbhamānassa tasseva purimapacchimajātikālesu upaladdhiṃ sandhāyāti adhippāyo. Sesam paṭhamanaye vuttasadisamevāti imesu tīsu paṭhame “sabbatthā”ti etasmīṃ naye vuttasadisameva, kiṃ taṃ? Pāṭhassa saṃkhittatāti attho. Idhāpi hi yasmā “sabbadā na upalabbhatī”ti vutte ekadā upalabbhatīti āpajjati, tasmā paccanīke paṭikkhepo sakavādissāti yojetabbanti.

## 4. Avayavasaccikaṭṭho

### 1. Anulomapaccanīkavaṇṇanā

13. Tatiyanaye ca yasmā “sabbesu na upalabbhatī”ti vutte ekasmiṃ upalabbhatīti āpajjati, tasmā paccanīke paṭikkhepo sakavādissāti yojetabbaṃ. Tenāha “tādisamevā”ti.

## Okāsādisaccikaṭṭho

### 2. Paccanīkānulomavaṇṇanā

14. Tattha anulomapañcakassātiādīmhi anulomapañcakanti niggahapañcakaṃ, paccanīkanti ca paṭikammaṃ vuttanti daṭṭhabbaṃ. Tattha anulomapañcakassa “sabbattha puggalo

nupalabbhatī”tiādikassa attho “sabbattha puggalo nupalabbhatī”tiādipāliṃ saṃkhipitvā āgate sarūpena avutte “yasmā sarīraṃ sandhāyā”tiādinā (kathā. aṭṭha. 11) vuttanayena veditabbo, paccanīkassa ca “sabbattha puggalo upalabbhatī”tiādikassa paṭikammakaraṇavasena vuttassa attho paṭikammādiṭṭhāṃ saṃkhipitvā ādimattadassanena āgate “puggalo upalabbhatī”tiādimhi anulome “sabbatthāti sarīraṃ sandhāya anuyogo sakavādissā”tiādinā (kathā. aṭṭha. 11) vuttanayena veditabboti evamattho daṭṭhabbo. Atha vā **tatthāti** yaṃ āradham, tasminti evaṃ attham aggaḥetvā **tattha** tesu tīsu mukhesūti attho gahetabbo. Anulomapañcakamūlakā cettha sabbānulomapaccanīkapañcakapāli anulomapañcakassa pāḷīti vuttā, tathā paccanīkānulomapañcakapāli ca paccanīkassa pāḷīti. Taṃ saṃkhipitvā paṭikammavasena āgate sarūpena avutte “puggalo nupalabbhatī”tiādike paccanīke “upalabbhatī”tiādike anulome ca attho heṭṭhā suddhikasaccikaṭṭhe vuttanayeneva veditabboti vuttam hoti.

Saccikaṭṭhavaṇṇanā niṭṭhitā.

## 5. Suddhikaṣaṃsandanaṇṇanā

**17-27. Rūpādīhi saddhiṃ saccikaṭṭhasaṃsandananti** saccikaṭṭhassa puggalassa rūpādīhi saddhiṃ saṃsandanaṃ, saccikaṭṭhe vā rūpādīhi saddhiṃ puggalassa saṃsandananti adhippāyo. **Puggalo rūpañcāti ca-kāra**ssa samuccayatthattā **yathā rūpanti** evaṃ nidassanavasena vutto attho vicāretabbo. Rūpādīhi añño anañño ca puggalo na vattabboti laddhi **samayo**. “Aññaṃ jīvaṃ aññaṃ sarīranti abyākatametam bhagavatā”tiādikaṃ (saṃ. ni. 4.416) **suttam**. Anuññāyamāne tadubhayavirodho āpajjatīti imamattham sandhāyāha “**samayasuttavirodham divā**”ti.

**Dhammatoti** pāḷito. “Paṭikammacatukkādīni saṃkhattāni. Paravādī...pe... dassitāni”ti vadantehi **puggalo nupalabbhati...pe... ājānāhi paṭikammanti** ettha **ājānāhi niggahanti** pāṭho diṭṭho bhavissati. **Aññattam paṭijānāpanatthanti** yathā mayā aññattam vattabbaṃ, tathā ca tayāpi tam vattabbanti aññattapaṭiññāya codanattanti attho. **Sammutiparamatthānam ekattanānattapañhassa ṭhapanīyattāti** abyākatattāti attho. Yadi ṭhapanīyattā paṭikkhipitabbaṃ, parenapi ṭhapanīyattā laddhimeva nissāya paṭikkhepo katoti sopi na niggahetabbo siyā. Paro pana puggaloti kañci sabhāvaṃ gahetvā tassa ṭhapanīyattam icchati, sati ca sabhāve ṭhapanīyatā na yuttāti niggahetabbo. Sammuti pana koci sabhāvo natthi. Tenevassa ekattanānattapañhassa ṭhapanīyatam vadanto na niggahetabboti sakavādīnā paṭikkhepo katoti ayamettha adhippāyo yutto.

Suddhikaṣaṃsandanaṇṇanā niṭṭhitā.

## 6. Opammasaṃsandanaṇṇanā

**28-36. Upaladdhisāmaññaena aññattapucchā cāti** idañca dvinnaṃ samānatā no aññattassa kāraṇam yuttam, atha kho viṣuṃ attano sabhāvena saccikaṭṭhaparamatthena upalabbhanīyatāti vicāretabbaṃ. “Ekavīsādhikāni”ti purimapaṭho, **vīsādhikāni**ti pana paṭhitabbaṃ.

**37-45.** “Atthi puggalo”ti suttam anujānāpentena upaladdhi anujānitā hotīti maññaṃāno āha “**upaladdhisāmaññaṃ āropetvā**”ti. **Vīsādhikāni nava paṭikammaapañcakasatāni dassitāni** etena suddhikaṣaṃsandanepi “ājānāhi paṭikamma”micceva pāṭhoti viññāyati. Yañca vādamukhesu suddhikasaccikaṭṭhe “paṭikammacatukka”nti vuttam, tampi “paṭikammaapañcaka”nti.

Opammasaṃsandanaṇṇanā niṭṭhitā.

## 7. Catukkanayasamāsandanaṇṇanā

**46-52.** Ekadhammatopi aññattam anicchanto rūpādiekekadhamavasena nānuyuñjitabbo.

Samudāyato hi ayaṃ aññattaṃ anicchanto ekadesato anaññattaṃ paṭikkhipanto na niggahāraho siyāti etaṃ vacanokāsaṃ nivattetuṃ “**ayañca anuyogo**”tiādīmāha. **Sakalanti** sattapaññāsavidho dhammappabhedo puggaloti vā paramatthasaccaṃ puggaloti vā evaṃ sakalaṃ sandhāyāti attho. Evaṃ sakalaṃ paramatthaṃ cintetvā tantivasena anuyogalakkaṇassa ṭhapitattā sakalaparamatthato ca aññassa saccikaṭṭhassa abhāvā saccikaṭṭhena puggalena tato aññena na bhavitabbanti “rūpaṃ puggalo”ti imaṃ pañhaṃ paṭikkhipantassa niggahāropanaṃ yuttanti attho.

**Sabhāgavinibbhogatoti** rūpato aññasabhāgattāti vuttaṃ hoti. **Sabbadhammāti** rūpavajje sabbadhamme vadati. “Rūpasmim puggalo”ti ettha nissayavināse vināsāpattibhayena paṭikkhipatīti adhippāyenāha “**ucchedadiṭṭhibhayena cevā**”ti. Tīsu pana **samayavirodhena** paṭikkhepo adhippeto. Na hi so sakkāyadiṭṭhiṃ icchati, apica sassatadiṭṭhibhayena paṭikkhipatīti yuttaṃ vattum. Sakkāyadiṭṭhīsu hi pañceva ucchedadiṭṭhiyo, sesāsassatadiṭṭhiyoti. **Aññatra rūpāti** ettha ca rūpavā puggaloti ayamattho saṅgahitoti vedītabbo.

Catukkanayasamsandanavaṇṇanā niṭṭhitā.

Niṭṭhitā ca samsandanakathāvaṇṇanā.

## 8. Lakkhaṇayuttivaṇṇanā

**54. Paccanīkānulometi** idaṃ yaṃ vakkhati “chalavasena pana vattabbaṃ ‘ājānāhi paṭikamma’ntiādī”ti (kathā. aṭṭha. 54), tena pana na sameti. Paccanīkānulome hi paccanīke “ājānāhi niggaha”nti vattabbaṃ, na pana “paṭikamma”nti.

Lakkhaṇayuttivaṇṇanā niṭṭhitā.

## 9. Vacanasodhanavaṇṇanā

**55-59. Puggalo upalabbhatīti padadvayassa atthato ekatteti** ettha tadeva ekattaṃ parena sampaṭicchitaṃ asampaṭicchitanti vicāretabbametam. Puggalassa hi avibhajitabbataṃ, upalabbhatīti etassa vibhajitabbataṃ vadanto vibhajitabbāvibhajitabbatthānaṃ upalabbhatipuggala-saddānaṃ kathaṃ atthato ekattaṃ sampaṭiccheyyāti? Yathā ca vibhajitabbāvibhajitabbatthānaṃ upalabbhati-rūpa-saddānaṃ taṃ vibhāgaṃ vadato rūpaṃ kiñci upalabbhati, kiñci na upalabbhatīti ayaṃ pasaṅgo nāpajjati, evaṃ etassapi yathāvuttavibhāgaṃ vadato yathāpādītena pasaṅgena na bhavitabbanti maggitabbo ettha adhippāyo.

**60.** “Suññato lokaṃ avekkhassū”ti (su. ni. 1125) etena atthato puggalo natthīti vuttaṃ hotīti āha “**natthītipi vutta**”nti.

Vacanasodhanavaṇṇanā niṭṭhitā.

## 10. Paññattānuyogavaṇṇanā

**61-66.** Rūpakāyāviraṃsaṃ sandhāya “**rūpakāyasabbhāvato**”ti āha. “Rūpino vā arūpino vā”ti (itīvu. 90) sutte āgatapaññattim sandhāya “**tathārūpāya ca paññattiyā atthitāyā**”ti. **Vītarāgasabbhāvato**ti kāmībhāvassa anekantikattā kāmādhātuyā āyattattābhāvato ca “kāmī”ti na vattabboti paṭikkhipatīti adhippāyo.

**67. Kāyānupassanāyāti** kāraṇavacanametam, kāyānupassanāya kāraṇabhūtāya evaṃladdhikattāti attho. **Āhacca bhāsīti** “aññaṃ jīvaṃ aññaṃ sarīranti abyākatametam mayā”ti (ma. ni. 2.128) āhacca

bhāsitaṃ.

Paññattānuyogavaṇṇanā niṭṭhitā.

### 11. Gatianuyogavaṇṇanā

**69-72. “Dassento ‘tena hi puggalo sandhāvati’ tiādīmāhā”** ti vuttaṃ, “dassento ‘na vattabbaṃ puggalo sandhāvati’ tiādīmāhā” ti pana bhavitabbaṃ, dassetvāti vā vattabbaṃ.

**91. Yena rūpasāṅkhātena sarīrena saddhiṃ gacchatī** ettha “rūpena saddhiṃ gacchatī” ti vadantena “rūpaṃ puggalo” ti ananuññātattā yenākārena taṃ jīvaṃ taṃ sarīraṃ idam āpajjati, so vattabbo. **Asaññūpapattiṃ sandhāyāti** nirayūpagassa puggalassa asaññūpagassa arūpūpagassa ca antarābhavaṃ na icchatīti cutito anantaraṃ upapattiṃ sandhāyāti attho daṭṭhabbo. Ye pana cutikāle upapattikāle ca asaññūpapattikāle ca asaññasattesu saññā atthīti gahetvā asaññūpagassa ca antarābhavaṃ iccheyyūṃ, tesam antarābhavabhāvato “asaññūpapatti avedanā” ti na sakkā vattunti.

**92. Avedanotiādīsu tadaññanti** saññabhavato aññaṃ asaññānevasaññānāsaññāyatanupapattiṃ. Nevasaññānāsaññāyatanepi hi na vattabbaṃ saññā atthīti icchanti.

**93. Yasmā rūpādīdhamme vinā puggalo natthīti** indhanupādāno aggi viya indhanena rūpādīupādāno puggalo rūpādīnā vinā natthīti laddhivasena vadati.

Gatianuyogavaṇṇanā niṭṭhitā.

### 12. Upādāpaññattānuyogavaṇṇanā

**97. Nīlaṃ rūpaṃ upādāya nīlotiādīsūti** “nīlaṃ rūpaṃ upādāya nīlakassa puggalassa paññattī” ti ettha yo puṭṭho nīlaṃ upādāya nīloti, tadādīsūti attho.

**98. Chekaṭṭhaṃ sandhāyāti** chekaṭṭhaṃ sandhāya vuttaṃ, na kusalapaññattī. “Kusalaṃ vedanaṃ upādāyā” ti maññamāno paṭijjānātīti attho daṭṭhabbo.

**112. Idāni ...pe... dassetuṃ “yathā rukkhā” ntiādīmāhāti** pubbapakkhaṃ dassetvā uttaramāhāti vuttaṃ hoti.

**115.** “Yassa rūpaṃ so rūpavā” ti uttarapakkhe vuttaṃ vacanaṃ uddharitvā “**yasmā**” tiādīmāha.

**116. Cittānupassanāvasenāti** cittānupassanāvasena paridīpitassa sarāgādicittayogassa vasenāti adhippāyo.

**118. Yenāti cakkhūti** “yenā” ti vuttaṃ karaṇaṃ cakkhūti attho. **Cakkhumeva rūpaṃ passatīti** viññāṇanissayaabhāvūpagamanameva cakkhussa dassanaṃ nāma hotīti sandhāya vadati.

Upādāpaññattānuyogavaṇṇanā niṭṭhitā.

### 13. Purisakārānuyogavaṇṇanā

**123. Karaṇamattanti** kammānaṃ nipphādakappayojakabhāvena pavattā khandhā.

**124.** Purimakammena vinā puggalassa jāti, jātassa ca vijjaṭṭhānādīsū sammā micchā vā pavatti

natthīti sandhāya “**purimakammameva tassā**”tiādimāha.

**125. Kammavaṭṭassāti** ettha kammakārakassa yo kārako, tenapī aññaṃ kammaṃ kātappaṃ, tassa kārakenapī aññanti evaṃ kammavaṭṭassa anupacchedaṃ vadanti. Puggalassa kārako kammassa kārako āpajjatīti vicāretabbametam. Mātāpitūhi janitatādinā tassa kārakaṃ icchantassa kammakārakānaṃ kārakaparamparā āpajjatīti idaṅca vicāretabbam.

**170. Suttavirodhabhayenāti** “so karoti so paṭisaṃvedayatīti kho, brāhmaṇa, ayameko anto”tiādīhi (saṃ. ni. 2.46) virodhabhayā.

**171.** “Idha nandati pecca nandatī”ti (dha. pa. 18) vacanato kammakaraṇakāle vipākapaṭisaṃvedanakāle ca soyevatī paṭijānātīti adhippāyo. **Sayaṃkataṃ sukhadukkhanti** ca puṭṭho “kiṃ nu kho, bho gotama, sayaṃkataṃ sukhaṃ dukkhanti? Mā hevaṃ kassapā”tiādisuttavirodhā (saṃ. ni. 2.18) paṭikkhipati.

**176. Laddhimattamevetanti** soyeveko neva so hoti na aññoti idaṃ pana nattheva, tasmā evaṃvādino asayaṃkārantiādi āpajjatīti adhippāyo. **Apicāti**tiādinā idaṃ dasseti – na parassa icchāvaseneva “so karotī”tiādi anuyogo vutto, atha kho “so karotī”tiādīsu ekaṃ anicchantassa itaraṃ, taṅca anicchantassa aññaṃ āpannanti evaṃ kārakavedakicchāya ṭhatvā “so karotī”tiādīsu taṃ taṃ anicchāya āpannavasenāpīti. Atha vā na kevalaṃ “so karotī”tiādīnaṃ sabbesaṃ āpannattā, atha kho ekekasseva ca āpannattā ayaṃ anuyogo katoti dasseti. **Purimanayenevatī** etena “idha nandati”tiādi sabbam paṭijānanādikāraṇaṃ ekato yojetabbanti dasseti.

Purisakārānuyogavaṇṇanā niṭṭhitā.

Kalyāṇavaggo niṭṭhito.

#### 14. Abhiññānuyogavaṇṇanā

**193. Abhiññānuyogādivasena arahattasādhanāti** ettha “nanu atthi koci iddhiṃ vikubbatī”ti abhiññānuyogo ca “hañci atthi koci iddhiṃ vikubbatī”ti ṭhapanā ca “tena vata re”tiādi pāpanā ca ādisaddasaṅgahito atthova daṭṭhabbo. Āsavakkhayaññaṃ panettha abhiññā vuttāti tadabhiññāvato arahato sādhanam “**arahattasādhanā**”ti āha. Arahato hi sādhanā tabbhāvassa ca sādhanā hotiyevāti.

Abhiññānuyogavaṇṇanā niṭṭhitā.

#### 15-18. Ñātakānuyogādivaṇṇanā

**209. Tathārūpassāti** tatiyakoṭibhūtaṃ saccikaṭṭhassa abhāvāti adhippāyo. Evaṃ pana paṭikkhipanto asaccikaṭṭhaṃ tatiyakoṭibhūtaṃ puggalaṃ vadeyyāti tādisaṃ puggalaṃ icchanto hi suttena niggahetabbo siyā. Kasmā? **Tathārūpassa saccikaṭṭhassa abhāvato**ti, tathārūpassa kassaci sabhāvassa abhāvato paṭikkhepārahattā attano laddhiṃ nigūhitvā paṭikkhepo paravādissāti ayamatto daṭṭhabbo.

Ñātakānuyogādivaṇṇanā niṭṭhitā.

#### 19. Paṭivedhānuyogādivaṇṇanā

**218. Pariggahitavedanoti** vacanena apariggahitavedanassa “sukhitoṃ, dukkhitosmi”ti jānaṃ pajānaṃ nāma na hotīti dasseti yogāvacarassa sukhumānampi vedanānaṃ paricchedanasamatthataṅca.

**228. Lakkhaṇavacananti** rūpabbhantaragamanam saharūpabhāvo, bahiddhā nikkhamanam vinārūpabhāvoti adhippāyo.

**237. Imā khoti** oḷāriko attapaṭilābho manomayo attapaṭilābho arūpo attapaṭilābhoti imā lokassa samaññā, yāhi tathāgato voharati aparāmasam, yo sacco mogho vā siyā, tasmim anupalabbhamānepi attani tadanupalabbhatoyeva parāmāsam attadiṭṭhim anuppādentō loke attapaṭilābhoti pavattavohāravaseneva voharatīti ayamettha attho. Ettha ca paccattasāmaññalakkhaṇavasena puggalassa atthitam paṭikkhipivā lokavohārena atthitam vadantena puggaloti koci sabhāvo natthīti vuttam hoti. Sati hi tasmim attano sabhāveneva atthitā vattabbā siyā, na lokavohārenāti. Iminā pana yathā sameti, yathā ca parāmāso na hoti, evam ito purimā ca atthavaṇṇanā yojetabbā.

**Lokasammutikāraṇanti** yasmā lokasammutivasena pavattam, tasmā saccanti vuttam hoti. **Tathalakkhaṇanti** tathakāraṇam. Yasmā dhammānam tathatāya pavattam, tasmā saccanti dasseti.

Paṭivedhānuyogādivaṇṇanā niṭṭhitā.

Puggalakathāvaṇṇanā niṭṭhitā.

## 2. Parihānikathā

### 1. Vādayuttiparihānikathāvaṇṇanā

**239.** “Dveme, bhikkhave, dhammā sekkhassa bhikkhuno parihānāya samvattantī”ti (a. ni. 2.185) idaṃ suttaṃ arahato parihāniladdhiyā na nissayo, atha kho anāgāmiādīnam parihāniladdhiyā, tasmā **arahatopi parihāniṃ icchantīti** ettha pi-saddena anāgāmissapi sakadāgāmissapīti yojetabbam.

“**Tatiyasmimpi mudindriyāva adhippetā. Tesañhi sabbesampi parihāni na hotīti tassa laddhī**”ti purimapāṭho, mudindriyesveva pana adhippetesu parikkhepo na kātabbo siyā, kato ca, tasmā “**tatiyasmimpi tikkhindriyāva adhippetā. Tesañhi sabbesampi parihāni na hotīti tassa laddhī**”ti paṭhanti.

**Ayoniso attham gahetvā**ti sotāpannoyeva niyatoti vuttoti soyeva na parihāyati, na itareti attham gahetvā. “Uparimaggatthāyā”ti vuttam attham aggahetvā niyatoti sotāpattiphalā na parihāyatīti etamattham gaṇhīti pana vadanti.

Vādayuttiparihānikathāvaṇṇanā niṭṭhitā.

### 2. Ariyapuggalasamsandanaparihānivaṇṇanā

**241. Yam panetthāti**ādīmhi dassanamaggaphale ṭhitassa anantaram arahattappattim, tato parihāyivā tattha ca ṭhānam icchanto puna vāyāmena tadanantaram arahattappattim na icchatīti vicāretabbametam.

**262. Avasippatto jhānalābhīti** sekkho vuttoti daṭṭhabbo. Puthujjano pana vasippatto avasippatto ca samayavimuttaasamayavimuttatantiyā aggahito, bhajāpiyamāno pana samāpattivikkhambhitānam kilesānam vasena samayavimuttabhāvam bhajeyyāti vuttoti.

Ariyapuggalasamsandanaparihānivaṇṇanā niṭṭhitā.

### 3. Suttasāadhanaparihānivaṇṇanā

**265. Uttamahīnabhedo** “tatra yāyaṃ paṭipadā sukhā khippābhiññā, sā ubhayeneva paṇītā akkhāyati” tiadisuttavasena (dī. ni. 3.152) vutto. “Diṭṭhaṃ suttaṃ muta” nti ettha viya mutasaddo pattabbaṃ vadatīti āha “**phusanāraha**” nti.

**267. Appattaparihānāya ceva saṃvattanti** yathākatasanniṭṭhānassa samayavimuttassāti adhippāyo.

Suttasādhanaparihānivaṇṇanā niṭṭhitā.

Parihānikathāvaṇṇanā niṭṭhitā.

### 3. Brahmācariyakathā

#### 1. Suddhabrahmacariyakathāvaṇṇanā

**269. “Paranimmitavasavattideve upādāya taduparī”** ti vuttaṃ, “tīhi, bhikkhave, ṭhānehī” ti (a. ni. 9.21) pana suttassa vacanena heṭṭhāpi maggabhāvanampi na icchantīti viññāyati.

**270. “Gihīnañceva ekaccānañca devānaṃ maggapaṭilābhaṃ sandhāya paṭikkhepo tassevā”** ti vuttaṃ, “yattha natthī” ti pana okāsavasena puṭṭho puggalavasena tassa paṭikkhepo na yutto. Yadi ca tassāyaṃ adhippāyo, sakavādinā samānādhippāyattā na niggahetabbo.

**271. Ekantarikapañhāti** paravādīsakavādīnaṃ aññamaññaṃ pañhantarikā pañhā.

Suddhabrahmacariyakathāvaṇṇanā niṭṭhitā.

#### 2. Saṃsandanabrahmacariyakathāvaṇṇanā

**273. Rūpāvacaramaggena hi so idhavihāyaniṭṭho nāma jātoti** idaṃ “idha bhāvitamaggo hi anāgāmī idhavihāyaniṭṭho nāma hotī” tiādikena laddhikittanena kathaṃ sametīti vicāretabbaṃ. Pubbe pana anāgāmī eva anāgāmīti vutto, idha jhānānāgāmisotāpannādikoti adhippāyo. Idha arahattamaggaṃ bhāvetvā idheva phalaṃ sacchikarontaṃ “idhāparinibbāyī” ti vadati, idha pana maggaṃ bhāvetvā tattha phalaṃ sacchikarontaṃ “tatthāparinibbāyī arahā” ti.

Saṃsandanabrahmacariyakathāvaṇṇanā niṭṭhitā.

Brahmacariyakathāvaṇṇanā niṭṭhitā.

#### 4. Odhisokathāvaṇṇanā

**274. Odhiso odhisoti** etassa atthaṃ dassento “**ekadesena ekadesenā**” ti āha.

Odhisokathāvaṇṇanā niṭṭhitā.

#### 4. Jahatikathāvaṇṇanā

##### 1. Nasuttāharaṇakathāvaṇṇanā

**280. Kiccasabbhāvanti** tīhi pahātabbassa pahīnataṃ. Taṃ pana kiccaṃ yadi teneva maggena sijjhatīti laddhi, puthujjanakāle eva kāmarāgabyāpādā pahīnāti laddhīti etaṃ na sameti, tasmā



puthujjanakāle pahīnānampi dassanamagge uppanne puna kadāci anuppattito tiṇṇaṃ maggānaṃ kiccaṃ sambhavatīti adhippāyo.

Nasuttāharaṇakathāvaṇṇanā niṭṭhitā.

Jahatikathāvaṇṇanā niṭṭhitā.

## 5. Sabbamatthīkathā

### 1. Vādayuttivaṇṇanā

**282. Sabbasmiṃ sarīre sabbanti** sirasi pādā pacchato cakkhūnīti evaṃ sabbam sabbattha atthīti attho. **Sabbasmiṃ kāleti** bālakāle yuvatā, vuḍḍhakāle bālatā, evaṃ sabbasmiṃ kāle sabbam. **Sabbenākārenāti** nīlakārena pītaṃ, pītākārena lohitaṃ evaṃ. **Sabbesu dhammesūti** cakkhusmiṃ sotaṃ, sotasmiṃ ghānanti evaṃ. **Ayuttanti** yogarahaṃ vadati, taṃ pana ekasabhāvaṃ. Kathaṃ pana ekasabhāvassa yogarahaṃ taṃ dassento “**nānāsabhāvānañhi**” tiādimāha. Dvinnañhi nānāsabhāvānaṃ aṅgulīnaṃ meṇḍakānaṃ vā aññamaññayogo hoti, na ekasseva sato, tasmā yo nānāsabhāvesu hoti yogo, tena rahaṃ ekasabhāvaṃ ayoganti vuttaṃ. **Idaṃ pucchati** paravādīdiṭṭhiyā micchādiṭṭhibhāvaṃ gahetvā uppanāya attano diṭṭhiyā sammādiṭṭhibhāvo atthīti vuttaṃ hoti.

Vādayuttivaṇṇanā niṭṭhitā.

### 2. Kālasaṃsandanaṇṇanā

**285. Atītānāgataṃ pahāya paccuppannarūpameva appiyaṃ avibhajitabbam karitvāti** paccuppannasaddena rūpasaddena cāti ubhohipi paccuppannarūpameva vattabbam katvāti vuttaṃ hoti. **Paññattiyā avigatattāti** etena idaṃ viññāyati “na rūpapaññatti viya vatthapaññatti sabhāvaparicchinne pavattā vijjamānapaññatti, atha kho pubbāpariyavasena pavattamānaṃ rūpasamūhaṃ upādāya pavattā avijjamānapaññatti, tasmā vatthabhāvassa odātabhāvavigame vigamāvattabbatā yuttā, na pana rūpabhāvassa paccuppannabhāvavigame” ti.

Kālasaṃsandanaṇṇanā niṭṭhitā.

### Vacanasodhanaṇṇanā

**288. Anāgataṃ vā paccuppannaṃ vā hutvā hotīti vuttanti** ettha anāgataṃ anāgataṃ hutvā puna paccuppannaṃ hontaṃ hutvā hotīti, tathā paccuppannaṃ paccuppannaṃ hontaṃ pubbe anāgataṃ hutvā paccuppannaṃ hotīti hutvā hotīti vuttanti daṭṭhabbam. **Kiṃ te tampi hutvā hotīti** tabbhāvavigamato hutvāhotibhāvānuparamaṃ anupacchedaṃ pucchati adhippāyo yutto. **Hutvā bhūtassa puna hutvā abhāvato**ti anāgataṃ hutvā paccuppannabhūtassa puna anāgataṃ hutvā paccuppannabhāvato.

**Yasmā tanti** taṃ hutvā bhūtaṃ paccuppannaṃ yasmā anāgataṃ hutvā paccuppannaṃ hontaṃ “hutvā hotī” ti saṅkhyāṃ gataṃ, tasmā dutiyampi “hutvā hotī” ti vacanaṃ arahatīti paṭijānātīti adhippāyo. Evaṃ pana dhamme hutvāhotibhāvānuparamaṃ vadantassa adhamme sasavisāṇe nahutvāna hotibhāvānuparamo āpajjatīti adhippāyena “**atha na**” tiādimāha.

**Paṭikkhittanayenāti** kālanānattena. **Paṭiññātanayenāti** atthānānattena. Atthānānattaṃ icchantopi pana anāgataṃ paccuppanne vuttaṃ hotibhāvaṃ, paccuppannaṃ ca anāgate vuttaṃ hutvābhāvaṃ kathaṃ paṭijānātīti vicāretabbam. Atthānānattameva hi tena anuññāyati, na anāgate paccuppannabhāvo, paccuppanne vā anāgatabhāvato. **Purimaṃ paṭikkhittapañhaṃ parivattitvāti** anuññātapañhassa hutvā

hoti hutvā hotīti doso vuttoti avuttadosaṃ atikkamma paṭikkhittapañhaṃ puna gahetvā tena codetīti attho. Ettha ca atthānānattena hutvāhotīti anujānantassa doso kālanānattāyeva anāgataṃ paccuppananti paṭikkhepena kathaṃ hotīti? Tasseva anujānapaṭikkhepatoti adhippāyo.

**Ekekanti** anāgatampi na hutvā na hoti paccuppannampīti tadubhayaṃ gahetvā “**ekekam na hutvā na hoti na hutvā na hotī**”ti vuttaṃ, na ekekameva na hutvā na hoti na hutvā na hotīti. Esa nayo purimasmim “**ekekam hutvā hoti hutvā hotī**”ti vacanepi. Anāgatassa hi “hutvā hotī”ti nāmaṃ paccuppanassa cāti dvepi nāmāni saṅgahetvā “hutvā hoti hutvā hotī”ti coditaṃ, tathā “na hutvā na hoti na hutvā na hotī”ti cāti adhippāyo. **Sabbato andhakārena pariyanaddho viyāti** etena apariyanaddhena paṭijānitabbaṃ siyāti dasseti. Ettha ca purimanaye hutvā bhūtassa puna hutvāhotibhāvo codito, dutiyanaye anāgatādīsu ekekassa hutvāhotināmatāti ayaṃ viseso.

Vacanasodhanavaṇṇanā niṭṭhitā.

### Atītañāṇādikathāvaṇṇanā

**290. Puna puṭṭho...pe... atthitāya paṭijānātīti** ettha paccuppannaṃ ñāṇaṃ tenāti etena anuvattamānāpekkhanavacanena kathaṃ vuccatīti vicāretabbaṃ.

Atītañāṇādikathāvaṇṇanā niṭṭhitā.

### Arahantādikathāvaṇṇanā

**291. Yuttivirodho** arahato sarāgādibhāve puthujjanena anānattaṃ brahmacariyavāsassa aphaḷatāti evamādiko daṭṭhabbo.

Arahantādikathāvaṇṇanā niṭṭhitā.

### Padasodhanakathāvaṇṇanā

**295. Tena kāraṇenāti** atītaatthisaddānaṃ ekatthattā atthisaddatthassa ca nvātītabhāvato “atītaṃ nvātītaṃ, nvātītañca atītaṃ hotī”ti vuttaṃ hoti. Ettha pana atītādīnaṃ atthitaṃ vadantassa paravādissevāyaṃ doso yathā āpajjati, na pana “nibbānaṃ atthī”ti vadantassa sakavādissa, tathā paṭipādetabbaṃ.

Padasodhanakathāvaṇṇanā niṭṭhitā.

Sabbamatthītikathāvaṇṇanā niṭṭhitā.

## 7. Ekaccaṃatthītikathā

### 1. Atītādiekaccakathāvaṇṇanā

**299. Tiṇṇaṃ rāsīnanti** avipakkavipākavipakkavipākaavipākānaṃ. Vohāravasena avipakkavipākānaṃ atthitaṃ vadanto kathaṃ codetabboti vicāreti “kammupacayaṃ cittavippayuttaṃ saṅkhāraṃ icchantī”ti.

Ekaccaṃatthītikathāvaṇṇanā niṭṭhitā.

### 8. Satipaṭṭhānakathāvaṇṇanā

**301. Lokuttarabhāvaṃ pucchanatthāyāti** lokiyalokuttarāya sammāsatiyā satipaṭṭhānattā, lokuttarāyayeva vā paramatthasatipaṭṭhānattā tassā vasena lokuttarabhāvaṃ pucchanatthāyāti attho. **Pabhedapucchāvasenāti** lokiyalokuttarasatipaṭṭhānasamudāyabhūtaṃ satipaṭṭhānassa pabhedānaṃ pucchāvasena.

Satipaṭṭhānakathāvaṇṇanā niṭṭhitā.

## 9. Hevatthikathāvaṇṇanā

**304. Ayoniso patiṭṭhāpitattāti** avattabbuttarena upekkhitabbena patiṭṭhāpitattāti attho daṭṭhabbo.

Hevatthikathāvaṇṇanā niṭṭhitā.

Mahāvaggavaṇṇanā niṭṭhitā.

## 2. Dutiyavaggo

### 1. Parūpahāraṇṇanā

**307. Adhimānikānaṃ** sukkavissaṭṭhidassanaṃ vicāretabbaṃ. Te hi samādhivipassanāhi vikkhambhitarāgāva, bāhirakānaṃpi ca kāmesu vītarāgānaṃ sukkavissaṭṭhiyā abhāvo vuttoti. Adhimānikapubbā pana adhippetā siyuṃ.

**308. Vacasāyattheti** nicchayatthe, “kiṃ kāraṇā”ti pana kāraṇassa pucchitattā brahmacariyakathāyaṃ viya kāraṇattheti yuttaṃ.

Parūpahāraṇṇanā niṭṭhitā.

### 5. Vacībhedaṃkathāvaṇṇanā

**326. Vacībhedaṃkathāyaṃ lokuttaraṃ paṭhamajjhānaṃ samāpannoti** paṭhamamaggaṃ sandhāya vadati, yasmā so dukkhanti vipassati, tasmā dukkhamicceva vācaṃ bhāsati, na samudayotiādīnīti adhippāyo.

**328. Yena taṃ saddaṃ suṇātīti** idaṃ vacīsamuṭṭhāpanakkhaṇe eva etaṃ saddaṃ suṇātīti icchite āropite vā yujjati.

**332. Lokuttaramaggaṃkhaṇe vacībhedaṃ icchato** parassa abhibhūsuttāharaṇe adhippāyo vattabbo.

Vacībhedaṃkathāvaṇṇanā niṭṭhitā.

### 7. Cittatṭhitikathāvaṇṇanā

**335. Cittatṭhitikathāyaṃ cullāsīti...pe... ādivacanavasenaṃ** āruppeyeva evaṃ yāvatāyukaṭṭhānaṃ vuttaṃ, na aññatthāti katvā paṭikkhipatīti adhippāyo. Etena pana “na tveva tepi tiṭṭhanti, dvīhi cīttasamohitā”ti (mahāni. 10 thokaṃ visadisam) dutiyāpi aḍḍhakathā passitabbā. Purimāya ca vassasatādiṭṭhānānuññāya avirodho vibhāvetabbo. **Muhuttaṃ muhuttanti** pañho sakavādinā pucchito viya vutto, paravādinā pana pucchitoti daṭṭhabbo.

Cittatṭhitikathāvaṇṇanā niṭṭhitā.

## 9. Anupubbābhisamayakathāvaṇṇanā

**339.** Anupubbābhisamayakathāyaṃ **athavā**tiādinā idaṃ dasseti – catunnaṃ ñāṇaṃ ekamaggabhāvato na ekamaggassa bahubhāvāpatti, anupubbena ca sotāpattimaggaṃ bhāvetīti upapannanti paṭijānātīti.

**344. Tadāti** dassane pariniṭṭhite.

**345. Aṭṭhahi ñāṇehī**ti ettha paṭisambhidāñāṇehi saha aṭṭhasu gahitesu niruttapaṭibhānapaṭisambhidāhi sotāpattiphalasacchikiriyā kathaṃ hotīti vicāretabbaṃ.

Anupubbābhisamayakathāvaṇṇanā niṭṭhitā.

## 10. Vohārakathāvaṇṇanā

**347.** Vohārakathāyaṃ **udāhu sotādīnipī**ti ekantalokiyesu visayavisayāsu visayasseva lokuttarabhāvo, na visayānanti natthettha kāraṇaṃ. Yathā ca visayānaṃ lokuttarabhāvo asiddho, tathā visayassa saddāyanassa. Tattha yathā asiddhalokuttarabhāvassa tassa lokuttaratā, evaṃ sotādīnaṃ āpannāti kinti tānīpi lokuttarānīti attho daṭṭhabbo.

**Yadi lokuttare paṭihaññeyya, lokuttaro siyāti attho na gahetabbo.** Na hi lokuttare paṭihaññatīti parikappitepi saddassa lokuttarabhāvo atthīti adhippāyo. **“Lokiyena ñāṇena”**ti uddhaṭaṃ, **“viññāṇena”**ti pana pāḷi, tañca viññāṇaṃ sotasambandhena sotaviññāṇanti viññāyātīti. **Anekantatāti** lokiyena ñāṇena jānitabbato lokiyoti etassa hetussa lokiye lokuttare ca sambhavato anekantabhāvo siyāti adhippāyo.

Vohārakathāvaṇṇanā niṭṭhitā.

## 11. Nirodhakathāvaṇṇanā

**353. Dve dukkhasaccāni na icchatīti** yesaṃ dvinnaṃ dvīhi nirodhehi bhavitabbaṃ, tāni dve dukkhasaccāni na icchatīti vuttaṃ hoti. **Ye paṭisaṅkhāya lokuttarena ñāṇena aniruddhā**tiādinā paṭisaṅkhāya vinā niruddhā asamudācaraṇasaṅkhārā appaṭisaṅkhāniruddhāti dasseti, na uppajjitvā bhaṅgāti. Tena appaṭisaṅkhānirodho ca asamudācaraṇanirodhoti dassitaṃ hoti.

Nirodhakathāvaṇṇanā niṭṭhitā.

Dutiyavaggavaṇṇanā niṭṭhitā.

## 3. Tatiyavaggo

### 1. Balakathāvaṇṇanā

**354. Indriyaparopariyattaṃ asādhāraṇanti** yathā niddesato vitthārato sabbaṃ sabbākāraṃ ṭhānāṭṭhānādīṃ ajānantāpi “aṭṭhānametaṃ anavakāso, yaṃ diṭṭhisampanno puggalo kañci saṅkhāraṃ niccato upagaccheyyā”tiādinā (a. ni. 1.268) ṭhānāṭṭhānāni uddesato saṅkhepato sāvakā jānanti, na evaṃ “āsayaṃ jānāti anusayaṃ jānāti”tiādinā (paṭi. ma. 1.113) uddesamattenapi indriyaparopariyattaṃ jānantīti **“asādhāraṇa”**nti āha. Therena pana saddhādīnaṃ indriyānaṃ tikkhamudubhāvajānanamattaṃ sandhāya “sattānaṃ indriyaparopariyattaṃ yathābhūtaṃ pajānāmī”ti (paṭi. ma. 2.44) vuttaṃ, na yathāvuttaṃ indriyaparopariyattañāṇaṃ tathāgatabalanti ayamettha adhippāyo daṭṭhabbo. **“Uddesato**

**ṭhānāṭṭhānādīmattajānanavasena paṭijānāti**’ti vuttaṃ, evaṃ pana paṭijānantena “**tathāgatabalaṃ sāvakasādhāraṇa**”nti idampi evameva paṭiññātaṃ siyāti kathamayāṃ codetabbo siyā.

**356. Sesesu paṭikkhepo sakavādissa** ṭhānāṭṭhānañānādīnaṃ sādharmaṇāsādhāraṇattā tattha sādharmaṇapakkhaṃ sandhāyāti adhippāyo.

Balakathāvaṇṇanā niṭṭhitā.

## 2. Ariyantikathāvaṇṇanā

**357.** Saṅkhāre sandhāya paṭijānantassa dvinnāṃ phassānaṃ samodhānaṃ kathaṃ āpajjati yathāvuttanāyēnāti vicāretabbaṃ. Parikkappanavasena āropetvā ṭhapetabbatāya satto “paṇidhī”ti vutto. So pana ekasmimpi āropetvā na ṭhapetabboti ekasmimpi āropetvā ṭhapetabbena tena rahitatā vuttā.

Ariyantikathāvaṇṇanā niṭṭhitā.

## 4. Vimuccamānakathāvaṇṇanā

**366. Jhānena vikkhambhanavimuttiyā vimuttaṃ cittaṃ maggakkhaṇe samucchadavimuttiyā vimuccamānaṃ nāma hotīti** etissā laddhiyā ko dosoti vicāretabbaṃ. Yadi vippakataniddese doso, tatrāpi tena vimuccamānatāya “**vimuttaṃ vimuccamāna**”nti vuttaṃ. Sati ca dose uppādakkaṇe vimuttaṃ, vāyakkhaṇe vimuccamānanti vimuttavimuccamānavacanassa na codetabbaṃ siyā, atha kho vimuccamānavacanamevāti. Ekadesena, ekadeso vā vimuccamānassa ca vimuttakiriyāya ekadeso visesanaṃ hotīti “**bhāvanapumsaka**”nti vuttaṃ. **Kaṭādayoti** kaṭapaṭādayo. **Ekeneva cittenāti** ekeneva phalacittenāti adhippāyo.

Vimuccamānakathāvaṇṇanā niṭṭhitā.

## 5. Aṭṭhamakakathāvaṇṇanā

**368.** Anulomagotrabhukkaṇepi asamudācarantā maggakkhaṇepi pahīnā eva nāma bhaveyyunti laddhi uppannāti adhippāyena **anulomagotrabhuggahaṇaṃ** karoti.

Aṭṭhamakakathāvaṇṇanā niṭṭhitā.

## 6. Aṭṭhamakassa indriyakathāvaṇṇanā

**371. Indriyāni paṭilabhati** appaṭiladdhindriyattā anindriyabhūtāni saddhādīni niyyānikāni bhāvento indriyāni paṭilabhati, na pana indriyāni bhāventoti adhippāyo.

Aṭṭhamakassa indriyakathāvaṇṇanā niṭṭhitā.

## 7. Dibbacakkhukathāvaṇṇanā

**373. Upatthaddhanti** yathā visayānubhāvagocarehi visiṭṭhaṃ hoti, tathā paccayabhūtena katabalādhānanti attho. **Tammattamevāti** purimaṃ maṃsacakkhumattameva dhammupatthaddhaṃ na hotīti attho. **Anāpāthagatanti** maṃsacakkhunā gahetabbaṭṭhānaṃ āpāthaṃ nāgataṃ. Ettha ca visayassa dīpakaṃ ānubhāvagocarānameva asadisataṃ vadanto yādiso maṃsacakkhussa visayoti visayaggahaṇaṃ na visayavisesadassanattaṃ, atha kho yādise visaye ānubhāvagocaravisesā honti, tādisassa

rūpavisayassa dassanattanti dīpeti, sadisassa vā visayassa ānubhāvagocaravisesova visesaṃ.

**Na ca maṃsacakkhumeva dibbacakkhūti icchatīti** dhammupatthaddhakāle purimaṃ maṃsacakkhumevāti na icchatīti adhippāyo. **Maṃsacakkhussa uppādo maggoti** maṃsacakkhupaccayatādassanattameva vuttaṃ, na tena anupādinnaṭṭhānaṭṭhaṃ.

**Rūpāvacarikānanti** rūpāvacarajjhānapaccayena uppannāni mahābhūtāni rūpāvacarikānīti so icchatīti adhippāyo. Esa nayo “**arūpāvacarikāna**”nti etthāpi. **Arūpāvacarakkhaṇe rūpāvacaracittassa abhāvā paṭikkhipatīti** tasmīṃyeva khaṇe rūpāvacaraṃ hutvā arūpāvacaraṃ na jātanti paṭikkhipatīti adhippāyo.

**374. Kiñcāpi dibbacakkhuno dhammupatthaddhassa paññācakkhubhāvaṃ na icchati**, yena tīṇi cakkhūni dhammupatthambhena cakkhūntarabhāvaṃ vadato bhaveyyunti adhippāyo.

Dibbacakkhukathāvaṇṇanā niṭṭhitā.

## 9. Yathākammūpagatañāṇakathāvaṇṇanā

**377. Dibbena cakkhunā yathākammūpage satte pajānātīti** yathākammūpagatañāṇassa upanissaye dibbacakkhumhi karaṇaniddeso kato, na yathākammūpagatajānanakiccake. Taṃkiccakeyeva pana paro karaṇaniddesaṃ maññatīti āha “**ayoniso gahetvā**”ti. **Yathākammūpagatañāṇameva dibbacakkhūnti laddhīti** iminā vacanena dibbacakkhumeva yathākammūpagatañāṇanti evaṃ bhavitabbaṃ. **Eva-saddo ca aṭṭhāne** tīto dibbacakkhusaddassa parato yojetabbo. Yathākammūpagatañāṇassa hi so dibbacakkhuto atthantarabhāvaṃ nivāreti. Na hi dibbacakkhussa yathākammūpagatañāṇatoti.

Yathākammūpagatañāṇakathāvaṇṇanā niṭṭhitā.

## 10. Saṃvarakathāvaṇṇanā

**379. Cātumahārājikānaṃ saṃvarāsaṃvarasabbhāvo āṭṭhānāṭṭhāyassuttena pakāsitoti** “**tāvatiṃse deve upādāyā**”ti āha. Evaṃ sati sugatikathāyaṃ “**tāvatiṃse saṅgahitānaṃ pubbadevānaṃ surāpānaṃ, sakkadevānaṃ surāpānanivāraṇaṃ suyayati, taṃ tesaṃ surāpānaṃ asaṃvaro na hoti**”ti vattabbaṃ hoti.

Saṃvarakathāvaṇṇanā niṭṭhitā.

Tatīyavaggavaṇṇanā niṭṭhitā.

## 4. Catutthavaggo

### 1. Gihissa arahātikathāvaṇṇanā

**387. Gihisaṃyojanasampayuttatāyāti** etena gihichandarāgasampayuttatāya eva “**gihī**”ti vuccati, na byañjanamattenāti imamattamaṃ dasseti.

Gihissa arahātikathāvaṇṇanā niṭṭhitā.

### 2. Upapattikathāvaṇṇanā

**388. Ayonisoti** opapātiko hoti, tattha tassāyevūpapattiyā parinibbāyīti atthamaṃ gahetvāti adhippāyo.

Uppattikathāvaṇṇanā niṭṭhitā.

#### 4. Samannāgatakathāvaṇṇanā

**393.** Samannāgatakathāyaṃ pattim sandhāya paṭijānanto catūhi khandhehi viya samannāgamaṃ na vadatīti tassa catūhi phassādīhi samannāgamappasaṅgo yathā hoti, taṃ vattabbaṃ.

Samannāgatakathāvaṇṇanā niṭṭhitā.

#### 5. Upekkhāsamannāgatakathāvaṇṇanā

**397. Imināva nāyēnāti** “tatha dve samannāgamā”tiādi sabbaṃ yojetabbaṃ. Tattha pattidhammo nāma rūpāvacarādīsu aññatarabhūmiṃ paṭhamajjhānādivasena pāpuṇantassa paṭhamajjhānādīnaṃ paṭilābho. Niruddhesupi paṭhamajjhānādīsu anirujjhanato cittavippayutto saṅkhāro, yena supanto sajjhāyādīpasuto ca tehi samannāgatoti vuccatīti vadanti.

Upekkhāsamannāgatakathāvaṇṇanā niṭṭhitā.

#### 6. Bodhiyābuddhotikathāvaṇṇanā

**398. Tasmāti** yathāvuttassa ñāṇadvayassa bodhibhāvato. Taṃ aggahetvā pattidhamavasena natthitāya bodhiyā samannāgato buddhoti yesaṃ laddhi, te sandhāya pucchā ca anuyogo ca sakavādissāti yojanā daṭṭhabbā.

Bodhiyābuddhotikathāvaṇṇanā niṭṭhitā.

#### 7. Lakkhaṇakathāvaṇṇanā

**402. Bodhisattameva sandhāya vuttanti** lakkhaṇasamannāgatesu abodhisatte chaḍḍetvā bodhisattameva gahetvā idaṃ suttaṃ vuttaṃ, na bodhisattato añño lakkhaṇasamannāgato natthīti. Nāpi sabbesaṃ lakkhaṇasamannāgatānaṃ bodhisattatā, tasmā asādhakanti adhippāyo.

Lakkhaṇakathāvaṇṇanā niṭṭhitā.

#### 8. Niyāmokkantikathāvaṇṇanā

**403. Ṭhapetvā pāramīpūraṇanti** pāramīpūraṇeneva te “bodhiyā niyatā narā”ti vuccantīti dasseti. **Kevalañhi** nantīdinā ca na niyāmakassa nāma kassaci uppannattā byākarontīti dasseti.

Niyāmokkantikathāvaṇṇanā niṭṭhitā.

#### 10. Sabbasaṃyojanappahānakathāvaṇṇanā

**413. Nipariyāyēnevāti** avasiṭṭhassa pahātabbassa abhāvā “sabbasaṃyojanappahāna”nti imaṃ pariyaṃ aggahetvā arahattamaggena pajahanato evāti gaṇhātīti vuttaṃ hoti. **Appahīnassa abhāvāti** avasiṭṭhassa pahātabbassa abhāvā **paṭijānātīti** vadanti, tathā “**anavasesappahāna**”nti etthāpi. Evaṃ sati tena attano laddhiṃ chaḍḍetvā sakavādissa laddhiyā paṭiññātanti āpajjati.

Sabbasaṃyojanappahānakathāvaṇṇanā niṭṭhitā.

Catutthavaggaṇṇanā niṭṭhitā.

## 5. Pañcamavaggo

### 1. Vimuttikathāvaṇṇanā

**418.** Phalaññaṃ na hotīti “**vimuttānī**”ti vā tadaṅgavimuttiyādibhāvato maggena pahīnānaṃ puna anuppattito ca “**avimuttānī**”ti vā na vattabbānīti adhippāyo. Gotrabhuññañcetta vipassanāggahaṇena gahitanti daṭṭhabbaṃ.

Vimuttikathāvaṇṇanā niṭṭhitā.

### 2. Asekhaññaṅkathāvaṇṇanā

**421.** Na **panetaṃ asekhanti** etena asekhavisayattā asekhameva ñāṇanti parassa laddhi, na pana asekhassāti imamattaṃ dasseti.

Asekhaññaṅkathāvaṇṇanā niṭṭhitā.

### 3. Viparītakathāvaṇṇanā

**424.** Na **pathaviyevāti** lakkhaṇapathaviyeva, sasambhārapathaviyeva vā na hotīti attho. **Anicce niccantiādivipariyeso pana viparītaññaṃ nāmāti** aññāṇepi ñāṇavohāraṃ āropetvā vadatīti daṭṭhabbaṃ.

Viparītakathāvaṇṇanā niṭṭhitā.

### 4. Niyāmakathāvaṇṇanā

**428-431.** **Ñāṇaṃ atthi**, yaṃ saccānulomaṃ maggañāṇānugatikaṃ passanto bhagavā “bhabbo”ti jānātīti laddhi. **Paṭhamapañhameva catutthaṃ katvāti** ettha “niyatassa aniyāmagamanāyā”ti viparītanuyogato pabhuti gaṇetvā “catuttha”nti āha.

Niyāmakathāvaṇṇanā niṭṭhitā.

### 5. Paṭisambhidākathāvaṇṇanā

**432-433.** **Yaṃkiñci ariyānaṃ ñāṇaṃ, sabbaṃ lokuttaramevāti** gaṇhantenapi sabbaṃ ñāṇaṃ paṭisambhidāti na sakkā vattaṃ. Anariyānampi hi ñāṇaṃ ñāṇamevāti. Tassa vā ñāṇataṃ na icchatīti vattabbaṃ. **Pathavīkasiṇasammutiyaṃ samāpattiññaṃ sandhāyāti** anariyassa etaṃ ñāṇaṃ sandhāyāti adhippāyo siyā.

Paṭisambhidākathāvaṇṇanā niṭṭhitā.

### 6. Sammutiññaṅkathāvaṇṇanā

**434-435.** **Saccanti vacanasāmañña** ubhayassapi saccasāmaññaṃ gahetvā vadatīti dassento “**tatthā**”tiādīmāha.

Sammutiññaṅkathāvaṇṇanā niṭṭhitā.



## 7. Cittārammaṇakathāvaṇṇanā

436-438. **Phassassa phusanalakkhaṇaṃ manasikarototi** etena purimā vattabbapaṭiññā anupadadhammanasikārato aññaṃ samudāyamanasikāraṃ sandhāya katāti dasseti.

Cittārammaṇakathāvaṇṇanā niṭṭhitā.

## 8. Anāgataññaṇakathāvaṇṇanā

439-440. **Sabbasmimpīti** “pāḷaliputtassa kho” tiādinā anāgate ñāṇanti vuttanti anāgatabhāvasāmaññaena anantarānāgatepi ñāṇaṃ icchantīti vuttaṃ hoti.

Anāgataññaṇakathāvaṇṇanā niṭṭhitā.

## 9. Paṭuppannaññaṇakathāvaṇṇanā

441-442. **Vacanaṃ nissāyāti** atthato āpannaṃ vacanaṃ, anujānanavacanaṃ vā nissāya. **Santatiṃ sandhāyāti** bhaṅgānupassanānaṃ bhaṅgato anupassanāsantatiṃ sandhāyāti adhippāyo.

Paṭuppannaññaṇakathāvaṇṇanā niṭṭhitā.

## 10. Phalaññaṇakathāvaṇṇanā

443-444. **Buddhānaṃ viyāti** yathā buddhā sabbappakāraphalaparopariyattajānanavasena attano eva ca balena phalaṃ jānanti, evanti vuttaṃ hoti.

Phalaññaṇakathāvaṇṇanā niṭṭhitā.

Pañcamavaggavaṇṇanā niṭṭhitā.

Mahāpaṇṇāsako samatto.

## 6. Chaṭṭhavaggo

### 1. Niyāmakathāvaṇṇanā

445-447. **Aniyato nāma na hotīti** yathā micchattaniyatassa bhavantare aniyataṃ nāma hoti, evaṃ etassa kadācīpi aniyatā na hotīti yo niyāmo, so asaṅkhatoti adhippāyo.

Niyāmakathāvaṇṇanā niṭṭhitā.

### 2. Paṭiccasamuppādakathāvaṇṇanā

451. **Kāraṇaṭṭhena ṭhitatāti** kāraṇabhāvoyeva. Etena ca dhammānaṃ kāraṇabhāvo **dhammaṭṭhitatāti** etamatthaṃ dasseti. Tathā “**dhammaniyāmatā**” ti etthāpi.

Paṭiccasamuppādakathāvaṇṇanā niṭṭhitā.

### 3. Saccakathāvaṇṇanā

**452-454. Vatthusaccanti** jātiyādi kāmataṇhādi sammāditṭhiādi ca. Bādhanapabhavaniyyānikalakkhaṇehi **lakkhaṇasaccam** bādhanādi.

Saccakathāvaṇṇanā niṭṭhitā.

## 5. Nirodhasamāpattikathāvaṇṇanā

**457-459. Kariyamānā kariyatīti** arūpakkhandhānaṃ pavattamānānaṃ samathavipassanānukkamena appavatti sādhiyatīti attho. **Saṅkhatāsaṅkhatalakkhaṇānaṃ pana abhāvenāti** vadanto sabhāvadhammataṃ paṭisedheti. **Vodānaṅca** vuṭṭhānapariyāyova. **Asaṅkhatabhāve kāraṇaṃ na hoti** sabhāvadhammattāsādhakattāti adhippāyo.

Nirodhasamāpattikathāvaṇṇanā niṭṭhitā.

Chaṭṭhavaggavaṇṇanā niṭṭhitā.

## 7. Sattamavaggo

### 1. Saṅgahitakathāvaṇṇanā

**471-472. Saṅgahitāti** sambandhā.

Saṅgahitakathāvaṇṇanā niṭṭhitā.

### 2. Sampayuttakathāvaṇṇanā

**473-474. Nānattavavatthānaṃ natthīti** vadanto “tilamhi telam anupaviṭṭha”nti vacanameva na yujjatīti “na heva”nti paṭikkhittanti dasseti.

Sampayuttakathāvaṇṇanā niṭṭhitā.

### 3. Cetasikakathāvaṇṇanā

**475-477. Phassādīnaṃ ekuppādatādivirahitā sahaṅgātātā natthīti** āha “sampayuttasahajātataṃ sandhāyā”ti.

Cetasikakathāvaṇṇanā niṭṭhitā.

### 4. Dānakathāvaṇṇanā

**478. Deyyadhammasena codetunti** yadi cetasikova dhammo dānaṃ, “diyyatīti dāna”nti imināpi atthena cetasikasessa dānabhāvo āpajjatīti codetunti attho.

**479. Aniṭṭhaphalantiādi acetasikassa dhammassa dānabhāvadīpanatthaṃ vuttanti** phaladānabhāvadīpanatthaṃ na vuttanti attho daṭṭhabbo. **Aniṭṭhaphalantiādinā acetasikassa dhammassa phaladānaṃ vuttaṃ viya hoti**, na dānabhāvo, tannivāraṇatthañcetamāhāti. Evañca katvā anantaramevāha “**na hi acetasiko annādidhammo āyatim vipākaṃ deti**”ti. **Iṭṭhaphalabhāvaniyamanatthanti** deyyadhammo viya kenaci pariyāyena aniṭṭhaphalatā dānassa natthi, ekantaṃ pana iṭṭhaphalamevāti niyamanatthanti attho.

**Itarenāti** “diyyatīti dāna”nti iminā pariyāyena. **Na pana ekenatthenāti** “deyyadhammova dāna”nti imaṃ sakavādīvādaṃ nivattetuṃ “saddhā hiriyā”ntiādikaṃ suttasādhanam paravādīvāde yujjati, “idhekacco annaṃ detī”tiādikañca, “cetasikova dhammo dāna”nti imaṃ nivattetuṃ “cetasiko dhammo dāna”nti imaṃ pana sādhetuṃ “saddhā hiriyā”ntiādikaṃ sakavādīvāde yujjati, “idhekacco annaṃ detī”tiādikaṃ vā “deyyadhammo dāna”nti sādhetunti evaṃ nivattanasādhanatthanānattam sandhāya “na pana ekenatthenā”ti vuttanti daṭṭhabbaṃ. Tattha yathā paravādīvāde ca suttasādhanattham “na vattabbaṃ cetasiko dhammo dāna”nti pucchāyaṃ cetasikovāti attho daṭṭhabbo, tathā “na vattabbaṃ deyyadhammo dāna”nti pucchāya ca deyyadhammovāti. **Deyyadhammo iṭṭhaphaloti iṭṭhaphalābhāvamattameva paṭikkhittanti** ettha “iṭṭhaphalābhāvamattameva paṭikkhitta”nti pāṭhena bhavitabbanti. “Iṭṭhaphalābhāvamattameva disvā paṭikkhitta”nti vā vattabbaṃ. **Saṅkarabhāvamocanattanti** cetasikassa dātabbatṭhena deyyadhammassa ca iṭṭhaphalattṭhena dānabhāvamocanattanti vuttaṃ hoti.

Dānakathāvaṇṇanā niṭṭhitā.

### 5. Paribhogamayapuñṇakathāvaṇṇanā

**483.** Paribhogamayaṃ nāma cittavippayuttaṃ puñṇaṃ atthīti laddhi. Tañhi te sandhāya paribhogamayaṃ puñṇaṃ pavaḍḍhatīti vadantīti adhippāyo.

**485. Tassāpi vassenāti** tassāpi laddhiyā vasena. Pañcaviññāṇaṃ viya etesampi samodhānaṃ siyāti paṭijānātīti vadanti. Pañcaviññāṇaphassādīnameva pana samodhānaṃ sandhāya paṭijānātīti adhippāyo.

**486. Aparibhuttepīti** iminā “paṭiggāhako paṭiggahetvā na paribhuñjati chaḍḍetī”tiādikaṃ dasseti. Aparibhutte deyyadhamme puñṇabhāvato paribhogamayaṃ puñṇaṃ pavaḍḍhatīti ayaṃ vādo hīyati. Tasmiñca hīne sakavādīvādo balavā. Cāgacetaṇāya eva hi puñṇabhāvo evaṃ siddho hotīti adhippāyo. Aparibhuttepi deyyadhamme puñṇabhāve cāgacetaṇāya eva puñṇabhāvoti āha “**sakavādīvādo va balavā**”ti.

Paribhogamayapuñṇakathāvaṇṇanā niṭṭhitā.

### 6. Itodinnakathāvaṇṇanā

**488-491. Teneva yāpentīti** teneva cīvarādinā yāpenti, teneva vā cīvarādidānena yāpenti, sayamkatena kammunā vināpīti adhippāyo. **Iminā kāraṇenāti** yadi yaṃ ito cīvarādi dinnam, na tena yāpeyyuṃ, kathaṃ anumodeyyuṃ...pe... somanassaṃ paṭilabheyanti laddhiṃ paṭiṭṭhapentassapīti vuttaṃ hoti.

Itodinnakathāvaṇṇanā niṭṭhitā.

### 7. Pathavīkammavipākotikathāvaṇṇanā

**492. Phasso sukhavedanīyādibhedo hotīti** phassena sabbampi kammavipākaṃ dassetvā puna attavajjehi sampayogadassanattam “**so ca saññādayo cā**”tiādi vuttaṃ. **Atthi ca nesanti** sāvajjane cakkhuvīññāṇādisahajātadhamme sandhāya vuttaṃ. **Yo tattha iṭṭhāvīpāko, tassa patthanāti** iṭṭhāvīpāke eva patthanam katvā kammaṃ karontīti kammūpanissayabhūtameva patthanam dasseti, paccuppannavedanāpaccayaṃ vā taṇhaṃ upādānādinibbattanavasena dukkhassa pabhāvitaṃ. **Mūlatanāhāti** paccuppannavipākavaṭṭanibbattakakammassa upanissayabhūtam purimatanāham, kammahāyaṃ vā vipākassa upanissayabhūtam.

493. Sakasamayavasena ca codanāya payujjamānataṃ dassetuṃ “**tesañca laddhiyā**”tiādīmāha.

494. **Paṭilābhavasenā**ti kamme sati pathaviyādīnaṃ paṭilābho hotīti kammaṃ taṃsaṃvattanikaṃ nāma hotīti dasseti.

Pathavīkammavipākotikathāvaṇṇanā niṭṭhitā.

### 8. Jarāmaṇaṃvipākotikathāvaṇṇanā

495. **Sampayogalakkaṇābhāvā**ti “ekārammaṇā”ti imassa sampayogalakkaṇassa abhāvāti adhippāyo.

496. **Pariyāyo natthī**ti sakavādinā attanā vattabbatāya pariyāyo natthīti abyākatānaṃ jarāmaṇassa vipākanivāraṇatthaṃ **abyākatavasena pucchā na katā**ti dasseti.

497. **Aparisuddhavaṇṇatā** jarāyevāti keci, taṃ **akusalakammaṃ kammamuṭṭhānassā**tiādīnā rūpasseva dubbaṇṇatādassanena samamevāti.

Jarāmaṇaṃvipākotikathāvaṇṇanā niṭṭhitā.

### 9. Ariyadhammavipākakathāvaṇṇanā

500. **Vaṭṭanti** kammādivaṭṭaṃ.

Ariyadhammavipākakathāvaṇṇanā niṭṭhitā.

### 10. Vipākovipākadhammadhammotikathāvaṇṇanā

501. **Tappaccayāpī**ti yassa vipākassa vipāko aññaṃaññaṃpaccayo hoti tappaccayāpi aññaṃaññaṃpaccayabhūtatopīti adhippāyo. **So hī**tiādīnā purimapaṭiññāya imassa codanassa kāraṇabhāvaṃ dasseti. **Aññaṃaññaṃpaccayādīsu paccayaṭṭhenā**ti **ādi**-saddena sahaṃjātādīpaccaye saṅgaṇhitvā tesu tena tena paccayabhāvenāti dasseti.

Vipākovipākadhammadhammotikathāvaṇṇanā niṭṭhitā.

Sattamavaggavaṇṇanā niṭṭhitā.

### 8. Aṭṭhamavaggo

#### 1. Chagatikathāvaṇṇanā

503-504. Vaṇṇoti vaṇṇanibhā saṅṭhānañca vuccatīti āha “**sadisarūpasanṭhānā**”ti.

Chagatikathāvaṇṇanā niṭṭhitā.

#### 2. Antarābhavakathāvaṇṇanā

505. Atidūrassa antaritassa pattabbassa desassa dassanato **dibbacakkhuko viya**. Ākāsenā pathavantaraṭṭhānāni bhinditvā gamanato **iddhimā viya**. **Na sahadhammenā**ti yadi so bhavānaṃ antarā na siyā, na nāma antarābhavoti paṭikkhepe karaṇaṃ natthīti adhippāyo.

**506. Tattha jātījarāmarañāni ceva cutipaṭṭisandhiparamparañca anicchantoti** etena cutianantaraṃ antarābhavaṃ khandhāti, vattamānā jātīti, mātukucchimeva pavīṭṭhā antaradhāyamānā marañanti na icchati.

**507. Yathā kāmabhavādīsu** tattha tattheva punappunaṃ cavitvā upapattivāsena cutipaṭṭisandhiparamparā hoti, evaṃ taṃ tattha na icchatīti dasseti.

Antarābhavakathāvaṇṇanā niṭṭhitā.

### 3. Kāmaguṇakathāvaṇṇanā

**510.** Kāmabhavassa kamaṇaṭṭhena kāmabhavabhāvo sabbepi kāmāvacarā khandhādayo kāmabhavoti iminā adhippāyena daṭṭhabbo. Upādinnaṃkhandhānameva pana kāmabhavabhāvo dhātukathāyaṃ dassito, na kamaṇaṭṭhena kāmabhavabhāvo. **“Pañcime, bhikkhave, kāmaguṇā”**ti vacanamattaṃ nissāyāti pañceva kāmakoṭṭhāsā **“kāmo”**ti vuttāti **kāmadhātū**ti vacanaṃ na aññassa nāmanti iminā adhippāyenevaṃ vacanamattaṃ nissāyāti attho.

Kāmaguṇakathāvaṇṇanā niṭṭhitā.

### 5. Rūpadhātukathāvaṇṇanā

**515-516.** Rūpadhātukathāyaṃ **rūpadhātū**ti vacanato rūpīdhammeheva rūpadhātuyā bhavitabbanti laddhi daṭṭhabbā. Suttasu **“tayome bhavā”**tiādinā (dī. ni. 3.305) paricchinnabhūmiyova **bhūmiparicchedo**, **“heṭṭhato avīcinirayaṃ pariyantaṃ karitvā”**tiādikamma paricchindanampi (vibha. 182) vadanti.

Rūpadhātukathāvaṇṇanā niṭṭhitā.

### 6. Arūpadhātukathāvaṇṇanā

**517-518. Imināvupāyenāti** yathā hi purimakathāyaṃ rūpino dhammā avisesena **“rūpadhātū”**ti vuttā, evamidhāpi arūpino dhammā avisesena **“arūpadhātū”**ti vuttāti tattha vuttanayo idhāpi samānoti adhippāyo.

Arūpadhātukathāvaṇṇanā niṭṭhitā.

### 7. Rūpadhātuyāāyatanakathāvaṇṇanā

**519. Ghānanimittānipīti** idaṃ ghānādinimittānipīti vattabbaṃ. **Nimittanti** ghānādīnaṃ okāsabhāvena upalakkhitaṃ tathāvidhasaṅghānaṃ rūpasamudāyamāha.

Rūpadhātuyāāyatanakathāvaṇṇanā niṭṭhitā.

### 8. Arūperūpakathāvaṇṇanā

**524-526. Sukhumarūpaṃ atthi**, yato nissaraṇaṃ taṃ āruppanti adhippāyo.

Arūperūpakathāvaṇṇanā niṭṭhitā.

### 9. Rūpaṃkammantikathāvaṇṇanā

**527-537. Pakappayamānāti** āyūhamānā, sampayuttesu adhikaṃ byāpāraṃ kurumānāti attho. **Purimavāreti** “yaṃkiñci akusalena cittaena samuṭṭhitaṃ rūpaṃ, sabbaṃ taṃ akusala”nti imaṃ pañhaṃ vadati.

Rūpaṃkammantikathāvaṇṇanā niṭṭhitā.

## 10. Jīvitindriyakathāvaṇṇanā

**540. Arūpajīvitindriyantipañhe** “atthi arūpīnaṃ dhammānaṃ āyū”tiādikaṃ pañhaṃ antaṃ gahetvā vadati. **Arūpadhammānaṃ cittavippayuttaṃ jīvitindriyasantānaṃ nāma atthīti icchatīti** ettha rūpārūpadhammānaṃ taṃ icchanto arūpadhammānaṃ icchatīti vattuṃ yuttoti “arūpadhammāna”nti vuttanti daṭṭhabbaṃ.

**541. Sattasantāne rūpino vā dhammā hontūti**ādināpi tameva jīvitindriyasantānaṃ vadatīti veditabbaṃ.

**542. Pubbāparabhāgaṃ sandhāyāti** samāpattiyā āsannabhāvato tadāpi samāpannoyevāti adhippāyo.

**544-545. Dve jīvitindriyānīti** “pucchā sakavādissa, paṭiññā itarassā”ti purimapaṭho. “Pucchā paravādissa, paṭiññā sakavādissā”ti pacchimapaṭho, so yutto.

Jīvitindriyakathāvaṇṇanā niṭṭhitā.

## 11. Kammahetukathāvaṇṇanā

**546. Sesanti** pāṇātipātādikammaṃsa hetūti ito purimaṃ sotāpannānianuyogaṃ vadati. **Handa hīti** paravādissevetamaṃ sampaṭicchana vacananti sampaṭicchāpetunti na sakkā vattuṃ, “katamassa kammaṃsa hetū”ti pana sakavādī taṃ sampaṭicchāpetuṃ vadatīti yujjeyya, sampaṭicchāpetunti pana pakkhaṃ paṭijānāpetunti atthaṃ aggahetvā paravādī attano laddhiṃ sakavādiṃ gāhāpetunti attho daṭṭhabbo.

Kammahetukathāvaṇṇanā niṭṭhitā.

Aṭṭhamavaggavaṇṇanā niṭṭhitā.

## 9. Navamavaggo

### 1. Ānisaṃsadassāvīkathāvaṇṇanā

**547. Vibhāgadassanattanti** visabhāgadassanattanti vuttaṃ hoti. Nānācittavasena paṭijānantassa adhippāyamaddanaṃ kathaṃ yuttanti vicāretabbaṃ. Ārammaṇavasena hi dassanadvayaṃ saha vadantassa tadabhāvadassanattamaṃ idaṃ āradhanti yuttanti. **Anussavavasenā**tiādinā na kevalaṃ aniccādiārammaṇameva ñāṇaṃ vipassanā, atha kho “anuppādo khema”ntiādikaṃ nibbāne ānisaṃsadassanañcāti dīpeti.

Ānisaṃsadassāvīkathāvaṇṇanā niṭṭhitā.

### 2. Amatārammaṇakathāvaṇṇanā

**549. Suttabhayenāti** “pārimaṃ tīraṃ khemaṃ appaṭibhayanti kho, bhikkhave, nibbānassetamaṃ

adhivacana’’nti (saṃ. ni. 4.238) asaṃyojanīyādibhāvaṃ sandhāya khemādibhāvo vuttoti evamādinā suttabhayenāti daṭṭhabbaṃ.

Amatārammaṇakathāvaṇṇanā niṭṭhitā.

### 3. Rūpaṃsārammaṇantikathāvaṇṇanā

**552-553. Ārammaṇatthassa vibhāgadassanattanti** paccayaṭṭho olubbhaṭṭhoti evaṃ vibhāge vijjamāne paccayolubbhānaṃ viśesābhāvaṃ kappetvā akappetvā vā sappaccayaṭṭā olubbhārammaṇenapi sārammaṇamevāti na gahetabbanti dassanattanti vuttaṃ hoti.

Rūpaṃsārammaṇantikathāvaṇṇanā niṭṭhitā.

### 4. Anusayānārammaṇātikathāvaṇṇanā

**554-556. Appahīnattāva atthīti vuccati**, na pana vijjamānattāti adhippāyo.

Anusayānārammaṇātikathāvaṇṇanā niṭṭhitā.

### 5. Ñāṇaṃanārammaṇantikathāvaṇṇanā

**557-8. Tassa ñāṇassāti** maggañāṇassāti vadanti.

Ñāṇaṃanārammaṇantikathāvaṇṇanā niṭṭhitā.

### 7. Vitakkānupatitakathāvaṇṇanā

**562. Avisesenevāti** ārammaṇasampayogehi dvīhipīti attho.

Vitakkānupatitakathāvaṇṇanā niṭṭhitā.

### 8. Vitakkavipphārasaddakathāvaṇṇanā

**563. Sabbasoti** savitakkacittesu sabbattha sabbadā vāti imamattaṃ dassento āha “**antamaso manodhātupavattikālepī**”ti. **Vitakkavipphāramattanti** vitakkassa pavattimattanti adhippāyo.

Vitakkavipphārasaddakathāvaṇṇanā niṭṭhitā.

### 9. Nayathācittassavācātikathāvaṇṇanā

**565. Anāpattīti** viśaṃvādanādhippāyassa abhāvā musāvādo na hotīti vuttaṃ.

Nayathācittassavācātikathāvaṇṇanā niṭṭhitā.

### 11. Atītānāgatasamannāgatakathāvaṇṇanā

**568-570. Tāsūti** tāsū paññattīsu. Samannāgamapaññattiyā **samannāgatoti vuccati**, paṭilābhapaññattiyā **lābhīti vuccati**. **Samannāgatoti vuccati** ayaṃ samannāgamapaññatti nāma. **Lābhīti vuccati** ayaṃ paṭilābhapaññatti nāmāti vā adhippāyo yojetabbo.

Atītānāgatasamannāgatakathāvaṇṇanā niṭṭhitā.

Navamavaggavaṇṇanā niṭṭhitā.

## 10. Dasamavaggo

### 1. Nirodhakathāvaṇṇanā

**571-2. Bhavaṅgacittassa bhaṅgakkhaṇena sahevāti**ādiṃ vadantena kiriyakhandhānaṃ bhaṅgakkhaṇena saha upapattesiyaṃ khandhā uppajjanṭi ca vattabbaṃ, tathā upapattesiyaṃ bhaṅgakkhaṇena saha upapattesiyaṃ, kiriyānaṃ bhaṅgakkhaṇena saha kiriyāti. Cakkhuvīññāḍīnaṃ kiriyācatukkhandhaggahaṇena gahaṇaṃ. **Ñāṇanti** maggaññaṃ yuttaṃ.

Nirodhakathāvaṇṇanā niṭṭhitā.

### 3. Pañcaviññāṇasamaṅgissamaggakathāvaṇṇanā

**576. Taṃ lakkhaṇanti** “cha viññāṇā”ti avatvā “pañcaviññāṇā uppannavatthukā”tiādinā vuttaṃ lakkhaṇaṃ. “Cha viññāṇā”ti avacaṇaṃ panettha “no ca vata re vattabbe”tiādivacanassa kāraṇanti adhippettaṃ.

**577. Lokiyoti** vipassanāmaggamāha. **Yaṃ tattha animittanti** cakkhuvīññāṇasamaṅgikkhaṇe yaṃ animittaṃ gaṇhanto na nimittaggāhīti vutto, tadeva suññatanti adhippāyo.

Pañcaviññāṇasamaṅgissamaggakathāvaṇṇanā niṭṭhitā.

### 5. Pañcaviññāṇāsābhogātikathāvaṇṇanā

**584-586. Kusalākusalavasena namīti** kusalākusalabhāvena namitvā pavattīti vuttaṃ hoti. Sā pana ārammaṇappakāraggahaṇaṃ yena alobhādīhi lobhādīhi ca sampayogo hotīti daṭṭhabbo “sukhamiti cetaso abhāgo”tiādisu viya.

Pañcaviññāṇāsābhogātikathāvaṇṇanā niṭṭhitā.

### 6. Dvīhisīlehītikathāvaṇṇanā

**587-589. Khaṇabhaṅganirodhaṃ**, na appavattinirodhaṃ, sīlavītikkamanirodhaṃ vā. **Vītikkamaṃ viyāti** yathā vītikkame kate dussīlo, evaṃ niruddhepīti evaṃ vītikkamena ninnānaṃ sallakkhentoti attho.

Dvīhisīlehītikathāvaṇṇanā niṭṭhitā.

### 7. Sīlammaetasikantikathāvaṇṇanā

**590-594. Yena so sīlavāyeva nāma hotīti** yena cittavippayuttena ṭhitena upacayena akusalābyākatacittasamaṅgī sīlavāyeva nāma hotīti adhippāyo. **Sesamettha “dānaṃ acetasika”nti kathāyaṃ vuttanayeneva veditabbanti** vuttaṃ, sā pana kathā maggitabbā.

Sīlammaetasikantikathāvaṇṇanā niṭṭhitā.



## 9. Samādānahetukathāvaṇṇanā

**598-600.** Samādānahetukathāyaṃ \100 **purimakathāsadisamevāti** paribhogakathekadesasadisatā daṭṭhabbā.

Samādānahetukathāvaṇṇanā niṭṭhitā.

## 11. Aviññattidussīlyantikathāvaṇṇanā

**603-604.** Āṇattiyā ca pāṇātipātādīsu aṅgapāripūrinti ekasmiṃ divase āṇattassa aparasmim divase pāṇātipātaṃ karontassa tadā sā āṇatti viññattiṃ vināyeva aṅgaṃ hotīti **aviññatti dussīlyanti** adhippāyo.

Aviññattidussīlyantikathāvaṇṇanā niṭṭhitā.

Dasamavaggavaṇṇanā niṭṭhitā.

Dutiyo paṇṇāsako samatto.

## 11. Ekādasamavaggo

## 4. Nāṇakathāvaṇṇanā

**614-615.** Nāṇakathāyaṃ seyyathāpi mahāsaṅghikānanti pubbe **ñāṇamaṇārammaṇantikathāyaṃ** (kathā. 557 ādayo) vuttehi andhakehi aññe idha mahāsaṅghikā bhaveyyuṃ. **Yadi aññāṇe vigateti**ādīnā rāgavigamo viya vītarāgapaññattiyā aññāṇavigamo ñāṇīpaññattiyā kāraṇanti dasseti. Na hi ñāṇaṃ assa atthīti ñāṇī, atha kho aññāṇīpaṭipakkhato ñāṇīti. **Yasmā ñāṇapaṭilābhenāti** ettha ca ñāṇapaṭilābhena aññāṇassa vigatattā so ñāṇīti vattabbaṃ āpajjatīti attho daṭṭhabbo.

Nāṇakathāvaṇṇanā niṭṭhitā.

## 6. Idaṃdukkhantikathāvaṇṇanā

**618-620.** Itaro pana sakasamayeti paravādī attano samayeti attho.

Idaṃdukkhantikathāvaṇṇanā niṭṭhitā.

## 7. Iddhibalakathāvaṇṇanā

**621-624.** Kammasa vipākavasena vāti nirayaṃva sandhāya vuttaṃ. Tattha hi abbudātiparicchedo tādisassa kammavipākassa vasena vutto. **Vassagaṇanāya vāti** manusse cātumahārājikādideve ca sandhāya. Tesañhi asaṅkhyeyampi kālaṃ vipākadānasamatthaṃ kammaṃ vassagaṇanāya paricchijjatīti.

Iddhibalakathāvaṇṇanā niṭṭhitā.

## 8. Samādhikathāvaṇṇanā

**625-626.** Samādhānaṭṭhenāti samaṃ ṭhapanatṭhena samādhi nāma cetasikantaraṃ atthīti

aggahetvāti attho. **Chalenāti** ekacittakkhaṇikatte cakkhuviññāṇassa ca jhānacittassa ca na koci visesoti etena sāmāññamattenāti adhippāyo.

Samādhikathāvaṇṇanā niṭṭhitā.

### 9. Dhammaṭṭhitatākathāvaṇṇanā

**627. Anantarapaccayatañcevāti** avijjā saṅkhārānaṃ anantarapaccayo avijjāya yā ṭhitatā tato hoti, tāya ṭhitatāya anantarapaccayabhāvasaṅkhātā ṭhitatā hotīti adhippāyo. Anantarapaccayaggahaṇaṇcettā aññamaññapaccayabhāvarahitassa ekassa paccayassa dassanatthanti daṭṭhabbam. Tena hi sabbo tādiso paccayo dassito hotīti. **Aññamaññapaccayatañcāti** avijjā saṅkhārānaṃ paccayo, saṅkhārā ca avijjāya. Tattha avijjāya saṅkhārānaṃ paccayabhāvasaṅkhātāya ṭhitatāya saṅkhārānaṃ avijjāya paccayabhāvasaṅkhātā ṭhitatā hoti, tassā ca itarāti adhippāyo.

Dhammaṭṭhitatākathāvaṇṇanā niṭṭhitā.

### 10. Aniccatākathāvaṇṇanā

**628. Rūpādayo viya parinipphannāti** rūpādīhi saha uppajjitvā nirujjhanato parinipphannāti attho. **Aniccatāvibhāgānuyuñjanavasena**ti tīsu daṇḍesu daṇḍavohāro viya tīsu lakkhaṇesu aniccatāvohāro hotīti tassā vibhāgānuyuñjanavasena ti vadanti.

Aniccatākathāvaṇṇanā niṭṭhitā.

Ekādasamavaggavaṇṇanā niṭṭhitā.

### 12. Dvādasamavaggo

#### 1. Saṃvarokammantikathāvaṇṇanā

**630-632. Vipākadvāranti** bhavaṅgamaṇaṃ vadati. **Kammadvāranti** kusalākusalamaṇaṃ.

Saṃvarokammantikathāvaṇṇanā niṭṭhitā.

#### 2. Kammakathāvaṇṇanā

**633-635. Abyākaṭaṃ sandhāya paṭikkhepoti** sakasamayalakkhaṇena paṭikkhepo katoti vadanti. Avipākacetanāya sarūpena dassitāya savipākāpi dassitāyeva nāma hotīti maññamāno āha “savipākāvipākacetanaṃ sarūpena dassetu”nti.

Kammakathāvaṇṇanā niṭṭhitā.

#### 3. Saddovipākotikathāvaṇṇanā

**636-637. Kammasamuṭṭhānā arūpadhammāvāti**adinā kammasamuṭṭhānesu cakkhādīsupi vipākavohāro natthi, ko pana vādo akammasamuṭṭhāne saddeti dasseti.

Saddovipākotikathāvaṇṇanā niṭṭhitā.

#### 4. Saḷāyatanakathāvaṇṇanā

**638-640. Tasmā vipākoti** avisesena saḷāyatanam vipākoti yesam laddhīti vuttam hoti.

Saḷāyatanakathāvaṇṇanā niṭṭhitā.

### 5. Sattakkhattuparamakathāvaṇṇanā

**641-645. Sattakkhattuparamatāniyatoti** sattakkhattuparamatāya niyato. **Imam vibhāganti** imam visesam. **Tvam panassa niyāmam icchasīti** avinipātadhammatāphalappattīhi aññasmiṃ sattakkhattuparamabhāve ca niyāmam icchasīti attho.

**Ānantariyābhāvanti** yena so dhammābhisamayena bhabbo nāma hoti, tassa ānantariyakammasa abhāvanti attho, puggalassa vā ānantariyabhāvassa abhāvanti. Kiṃ pana so antarādhammam abhisamissatīti? Keci vadanti “sattakkhattuparamo sattamam bhavam nātikkamati, orato pana natthi paṭisedho”ti. Apare “yo bhagavatā nāṇabalena byākato, tassa antarā abhisamayo nāma natthi, tathāpi bhavaniyāmassa kassaci abhāvā bhoboti vuccati. Yathā kusalā abhiññācetanā kadāci vipākam adadamānāpi sati kāraṇe dātum bhabbatāya vipākadhammadhammā nāma, tathā indriyānam mudutāya sattakkhattuparamo, na niyāmasabbhāvā nāpi bhagavatā byākatattā, na ca indriyamudutā abhabbatākaro dhammoti na so abhabbo nāma. Abhabbatākaradhammābhāvato cettha abhabbatā paṭisedhitā, na pana antarā abhisametum bhabbatā vuttā. Yadi ca sattakkhattuparamo antarā abhisameyya, kolaṃkolo siyā”ti. Visesam pana akatvā bhabbasabhāvātāya bhoboti vuttam yuttam. **Na bhavaniyāmakam kiñcīti** ettha passivāti vacanaseso, byākarotīti vā sambandho.

Sattakkhattuparamakathāvaṇṇanā niṭṭhitā.

Dvādasamavaggavaṇṇanā niṭṭhitā.

### 13. Terasamavaggo

#### 1. Kappaṭṭhakathāvaṇṇanā

**654-657. Kappaṭṭhakathāyam heṭṭhāti** iddhibalakathāyam.

Kappaṭṭhakathāvaṇṇanā niṭṭhitā.

#### 3. Anantarāpayuttakathāvaṇṇanā

**660-662. Anantarāpayuttakathāyam ānantariyam payuttam etenāti anantarāpayuttoti** ānantariye anantarāsaddam āropetvā aṭṭhakathāyam attho vuttoti daṭṭhabbo. “Anantarapayutto”tipi pāḷi dissati.

Anantarāpayuttakathāvaṇṇanā niṭṭhitā.

#### 4. Niyatassaniyāmakathāvaṇṇanā

**663-664. Sesā tebhūmakadhammā aniyatā nāmāti** ettha appattaniyāmānam dhamme sandhāya “tebhūmakadhammā”ti āha. Eteva hi sandhāya “tehi samannāgatopi aniyatoyevā”ti vuttanti. Iti imam vohāramattam gahetvā “niyato bodhisatto pacchimabhaviko bhabbo dhammam abhisametum okkamitu”nti adhippāyena “niyāmam okkamati”ti yesam laddhīti atthayojanā. Evam pana vohāramattasabbhāvo “niyato”ti vacanassa, dhammam abhisametum bhabbatā ca “niyāmam okkamati”ti vacanassa kāraṇabhāvena vuttā hoti, bhabbatāyeva pana ubhayassapi kāraṇanti yuttam. **Aññenāti** yadi niyato niyāmam okkameyya, micchattaniyato sammattaniyāmam, sammattaniyato vā

micchattaniyāmaṃ okkameyya, na ca taṃ atthīti dassanattanti attho.

Niyatassaniyāmakathāvaṇṇanā niṭṭhitā.

### 8. Asātarāgakathāvaṇṇanā

**674.** Asātarāgakathāyaṃ “**aho vata me etadeva bhaveyyā**”ti rajjanāti iminā evaṃ pavattamānoyeva lobho idha “rāgo”ti adhippeto, na aññathāti dasseti.

**675. Sutte panāti** etassa “adhippāyo”ti etena sambandho.

Asātarāgakathāvaṇṇanā niṭṭhitā.

### 9. Dhammataṇhāabyākatātikathāvaṇṇanā

**676-680.** Yasmā dhammataṇhāti vuttā, tasmā abyākatāti kusalesu dhammesu lokuttaresu vā sabbesu taṇhā “dhammataṇhā”ti gahetvā yasmā sā taṇhā, tasmā kusalā na hoti, yasmā pana dhamme pavattā, tasmā akusalā na hotīti abyākatāti laddhīti dasseti. **Tihi koṭṭhāsehi chapi taṇhā saṃkhipitvā dassitā**, tasmā dhammataṇhāpi kāmataṇhādibhāvato na abyākatāti adhippāyo.

Dhammataṇhāabyākatātikathāvaṇṇanā niṭṭhitā.

Terasamavaggavaṇṇanā niṭṭhitā.

## 14. Cuddasamavaggo

### 1. Kusalākusalapaṭisandahanakathāvaṇṇanā

**686-690.** Tanti kusalaṃ akusalañcāti visuṃ sambandho daṭṭhabbo. **Taṃ** ubhayanti vā vacanaseso. **Paṭisandahatīti** ghaṭeti, anantaraṃ uppādetīti vuttaṃ hoti.

Kusalākusalapaṭisandahanakathāvaṇṇanā niṭṭhitā.

### 2. Saḷāyatanuppattikathāvaṇṇanā

**691-692.** Keci vādino “ānkure sākhāviṭapādisampannānaṃ rukkhādīnaṃ bījamattaṃ āvibhāvaṃ gacchatī”ti vadantīti tesam vādaṃ nidassanaṃ karonto āha “**sampannasākhāviṭapāna**”ntiādi.

Saḷāyatanuppattikathāvaṇṇanā niṭṭhitā.

### 3. Anantarapaccayakathāvaṇṇanā

**693-697.** Cakkhuṅca paṭicca rūpe ca uppajjati sotaviññāṇanti ettha “laddhivasena paṭijānāti”ti anantaruppattiṃ sallakkhentopi na so cakkhumhi rūpārammaṇaṃ sotaviññāṇaṃ icchati, atha kho sotamhiyeva saddārammaṇanti anantarūpaladdhivasena āpannattā “paṭijānāti”ti yuttaṃ vattum.

Anantarapaccayakathāvaṇṇanā niṭṭhitā.

### 4. Ariyarūpakathāvaṇṇanā

698-699. Sammāvācādi rūpaṃ maggo cāti icchanto “**ariyarūpa**”ntipi vadati.

Ariyarūpakathāvaṇṇanā niṭṭhitā.

### 5. Aññoanusayotikathāvaṇṇanā

700-701. “Sarāgotiādi pana tasmim samaye rāgassa appahīnattā sarāgoti vattabbata”nti purimāpāṭho, “**sānusayotiādi pana tasmim samaye anusayassa appahīnattā sānusayoti vattabbata**”nti pacchimāpāṭho, so yutto. So hi **na anusayapariyuṭṭhānānaṃ aññattaṃ, tasmā taṃ asādhakanti** etena sametīti.

Aññoanusayotikathāvaṇṇanā niṭṭhitā.

### 6. Pariyuṭṭhānaṃcittavippayuttantikathāvaṇṇanā

702. **Yasmā aniccādito manasikarotopi rāgādayo uppajjanti**, na ca te vipassanāya sampayuttā, tasmā pariyuṭṭhānaṃ cittavippayuttanti laddhīti adhippāyo.

Pariyuṭṭhānaṃcittavippayuttantikathāvaṇṇanā niṭṭhitā.

### 7. Pariyāpannakathāvaṇṇanā

703-705. **Tividhāyāti** kilesavatthuokāsavasena, kāmarāgakāmavitakkakāmāvacaradhammavasena vā tividhāya. **Kilesakāmavasenāti** kilesakāmabhūtakāmādhātubhāvenāti vuttaṃ hoti. **Adhippāyaṃ asallakkhentoti** rūpadhātusahagatavasena anusetīti, rūpadhātudhammesu aññatarabhāvena rūpadhātupariyāpannoti ca pucchitabhāvaṃ asallakkhentoti attho.

Pariyāpannakathāvaṇṇanā niṭṭhitā.

### 8. Abyākatakathāvaṇṇanā

706-708. **Diṭṭhigataṃ “sassato lokoti kho, vaccha, abyākatameta”nti sassatādibhāvena akathitattā** “abyākata”nti vuttanti sambandho. Ettha pana na diṭṭhigataṃ “abyākata”nti vuttaṃ, atha kho “ṭhapanīyo eso pañho”ti dassitaṃ, tasmā sabbathāpi diṭṭhigataṃ “abyākata”nti na vattabbanti yuttaṃ.

Abyākatakathāvaṇṇanā niṭṭhitā.

### 9. Apariyāpannakathāvaṇṇanā

709-710. **Tasmāti** yasmā diṭṭhirāgānaṃ samāne vikkhambhanabhāvepi “vītarāgo”ti vuccati, na pana “vigatadiṭṭhiko”ti, tasmā diṭṭhi lokiyapariyāpannā na hotīti atthaṃ vadanti. Rūpadiṭṭhiyā abhāvā pana kāmadhātupariyāpannāya diṭṭhiyā bhavitabbaṃ. Yadi ca pariyāpannā siyā, tathā ca sati kāmarāgo viya jhānalābhino diṭṭhipi vigaccheyyāti “vigatadiṭṭhiko”ti vattabbo siyā, na ca vuccati, tasmā apariyāpannā diṭṭhi. Na hi sā tassa avigatā diṭṭhi kāmarāgo viya kāmadiṭṭhi yena kāmadhātuyā pariyāpannā siyāti vadatīti veditabbaṃ.

Apariyāpannakathāvaṇṇanā niṭṭhitā.

Cuddasamavaggavaṇṇanā niṭṭhitā.

## 15. Pannarasamavaggo

### 1. Paccayatākathāvaṇṇanā

**711-717. Tasmā paccayatā vavatthitāti** hetupaccayabhūtaṃ dhammassa ārammaṇapaccayabhāvādinā viya adhipatipaccayatādinā ca na bhavitabbanti hetupaccayabhāvoyevetassa vavatthito hotīti attho.

Paccayatākathāvaṇṇanā niṭṭhitā.

### 2. Aññamaññapaccayakathāvaṇṇanā

**718-719. Apuññābhisaṅkhārova gahito** “nanu avijjā saṅkhārena saha-jātā”ti vuttatīti adhippāyo. **Sahajātaaññamaññaatthiavigatasampayuttavase-nāti** ettha nissayo kamabhedenā atthiggahaṇena gahito hotīti na vutto, kammāhārā asādhāraṇatāyāti veditabbā. Vakkhati hi “tīṇi upādānāni avijjāya saṅkhārā viya taṇhāya paccayā hontī”ti (kathā. aṭṭha. 718-719), tasmā upādānehi samānā evettha saṅkhārānaṃ paccayatā dassitīti.

Aññamaññapaccayakathāvaṇṇanā niṭṭhitā.

### 9. Tatiyasaññāvedayitakathāvaṇṇanā

**732. Tatiyasaññāvedayitakathāyaṃ sesasatte sandhāyāti** nirodhasamāpannato aññe yesaṃ nirodhasamāpattiyā bhavitabbaṃ, te pañcavokārasatte sandhāyāti adhippāyo, asaññasattānaṃ pi ca saññuppādā cutiṃ icchantīti sesasabbasatte sandhāyāti vā. **Sarīrapakatinti** tathārūpo ayaṃ kāyo, yathārūpe kāye pañisamphassaṃ pi kamantīti adikaṃ.

**733-734. Suttavirodho siyāti** idaṃ paravādiṃ sampaṭicchāpetvā vattabbaṃ.

Tatiyasaññāvedayitakathāvaṇṇanā niṭṭhitā.

### 10. Asaññasattupikākathāvaṇṇanā

**735. Saññāvirāgavasena pavattabhāvanā asaññasamāpattipīti** laddhikittane saññāvirāgavasena pavattabhāvaṇṇanā catutthajjhānasamāpattim “asaññasamāpattī”ti aggahetvā sāpi asaññitā saññāvedayitanirodhasamāpattiyeva nāmaṃti parassa laddhīti dasseti. **Yasmā asaññasamāpattim samāpannassa alobhādayo atthīti** ettha sakasamayāsiddhā catutthajjhānasamāpatti “asaññasamāpattī”ti vuttā.

**736. Saññāvirāgavasena samāpannattā asaññitā**, na saññāya abhāvatoti catutthajjhānasamāpattimeva sandhāya vadati.

Asaññasattupikākathāvaṇṇanā niṭṭhitā.

### 11. Kammūpacayakathāvaṇṇanā

**738-739. Kammena saha-jātoti pañhesu** “kammūpacayaṃ sandhāya paṭikkhipati, cittavippayuttaṃ sandhāya paṭijānāti”ti katthaci paṭho, “cittasampayuttaṃ sandhāya paṭikkhipati, cittavippayuttaṃ sandhāya paṭijānāti”ti aññattha. Ubhayampi vicāretabbaṃ.

**741. Tasmāti** tiṇṇampi ekakkhaṇe sabbhāvato tiṇṇaṃ phassānaṅca samodhānā ca ekattaṃ pucchatīti adhippāyo daṭṭhabbo.

Kammūpacayakathāvaṇṇanā niṭṭhitā.

Pannarasamavaggavaṇṇanā niṭṭhitā.

Tatiyo paṇṇāsako samatto.

## 16. Soḷasamavaggo

### 3. Sukhānuppadānakathāvaṇṇanā

**747-748.** Sukhānuppadānakathāyaṃ **yaṃ evarūpanti** yaṃ nevattano, na paresaṃ, na tassa, evarūpaṃ nāma anuppadinnaṃ bhavituṃ na arahatī aññaṃ asakkuṇeyyattāti laddhimattena paṭijānāti, na yuttiyāti adhippāyo.

Sukhānuppadānakathāvaṇṇanā niṭṭhitā.

### 4. Adhigayhamanasikārakathāvaṇṇanā

**749-753.** **Taṃcittatāyā**ti tadeva ārammaṇabhūtaṃ cittaṃ etassāti taṃcitto, tassa bhāvo taṃcittatā, tāya taṃcittatāya. Taṃ vā ālambakaṃ ālambitabbaṅca cittaṃ taṃcittaṃ, tassa bhāvo tasseva ālambakaālambitabbatā taṃcittatā, tāya codetunti attho.

Adhigayhamanasikārakathāvaṇṇanā niṭṭhitā.

### 9. Rūpaṃrūpāvacaṃrūpāvacaṃantikathāvaṇṇanā

**768-770.** Rūpaṃrūpāvacaṃrūpāvacaṃantikathāyaṃ **heṭṭhāti** cuddasamavagge **āgatapariyāpannakathāyaṃ** (kathā. aṭṭha. 703-705). “Samāpattesiya”ntiādi vuttanayameva. Yañcetha “atthi rūpaṃ arūpāvacaṃ”nti arūpāvacaṃkammaṃ katattā rūpaṃ vuttaṃ, tattha ca yaṃ vattabbaṃ, taṃ aṭṭhamavagge **arūperūpakathāyaṃ** (kathā. aṭṭha. 524-526) vuttanayamevāti.

Rūpaṃrūpāvacaṃrūpāvacaṃantikathāvaṇṇanā niṭṭhitā.

Soḷasamavaggavaṇṇanā niṭṭhitā.

## 17. Sattarasamavaggo

### 1. Atthiarahatopuññūpacayakathāvaṇṇanā

**776-779.** **Cittaṃ anādiyivāti** “kiriyaṃcittena dānādīpavattisabbhāvato”ti vuttaṃ kiriyaṃcittaṃ abyākataṃ anādiyivāti attho.

Atthiarahatopuññūpacayakathāvaṇṇanā niṭṭhitā.

### 2. Natthiarahatoakālamaccūtikathāvaṇṇanā

**780.** **Ayoniso gahetvāti** aladdhaviṇṇāpākavārānampi kammānaṃ byantūbhāvaṃ na vadāmīti atthaṃ

gahetvāti adhippāyo. Keci pana “kammānaṃ vipākaṃ appaṭisaṃviditvā puggalassa byantībhāvaṃ na vadāmīti evaṃ ayoniso atthaṃ gahetvā”ti vadanti.

**781. Tāva na kamatīti laddhiyā paṭikkhipatīti** tāva na kamati, tato paraṃ kamatīti laddhiyā paṭikkhipatīti adhippāyo. Ettha kira “sati jīvite jīvitāvasese jīvitā voropetī”ti vacanato attano dhammatāya marantaṃ koṭṭentassa vā sīsaṃ vā chindantassa natthi pāṇātipātoti ācariyā vadanti. Pāṇo pāṇasaññitā vadhakacittaupakkamamaraṇesu vijjamānesupi na tena upakkamena matoti natthi pāṇātipātoti adhippāyo. Evaṃ pana marantena tena ekacittavārampi dhammatāmaraṇato orato na matoti dubbhiñṇeyyamaṃ.

Natthiarahatoakālamaccūtikathāvaṇṇanā niṭṭhitā.

### 3. Sabbamidamaṃkammatotikathāvaṇṇanā

**784. Bījato ankurassevāti** yathā ankurassa abījato nibbatti natthi, tathā paccuppannapavattassapi akammato kammavipākato nibbatti natthi, taṃ sandhāya paṭikkhipatīti adhippāyo. **Deyyadhamavasena dānaphalaṃ pucchatīti** deyyadhamavasena yāya cetanāya taṃ deti, tassa dānassa phalaṃ pucchati, na deyyadhamassāti vuttaṃ hoti.

Sabbamidamaṃkammatotikathāvaṇṇanā niṭṭhitā.

### 4. Indriyabaddhakathāvaṇṇanā

**788. Vināpi aniccattenāti** “yāva dukkhā nirayā”tiādīsu (ma. ni. 3.250) viya dukkhārammaṇattenapi dukkhaṃ vattabbanti adhippāyo.

Indriyabaddhakathāvaṇṇanā niṭṭhitā.

### 7. Navattabbaṃsaṅghodakkhiṇaṃvisodhetītikathāvaṇṇanā

**793-794.** Navattabbaṃsaṅghodakkhiṇaṃvisodhetītikathāyaṃ **na ca tāni dakkhiṇaṃ visodhetuṃ sakkontīti** yathā puggalo sīlāparisodhanādīni katvā nirodhampi samāpajjitvā visodhetuṃ sakkoti, na evaṃ maggaphalānīti adhippāyo, appaṭiggahaṇatoti vā.

Navattabbaṃsaṅghodakkhiṇaṃvisodhetītikathāvaṇṇanā niṭṭhitā.

### 11. Dakkhiṇāvisuddhikathāvaṇṇanā

**800-801.** Dakkhiṇāvisuddhikathāyaṃ **visujjheyāti** etassa atthaṃ dassento “**mahapphalā bhaveyyā**”ti āha. **Dāyakasseva cittavisuddhi vipākadāyikā hotīti** paṭiggāhakanirapekkhā paṭiggāhakena paccayabhūtena vinā dāyakeneva mahāvīpākacetanattaṃ āpādikā, paṭiggāhakanirapekkhā vipākadāyikā hotīti adhippāyo. **Añño aññassa kārakoti yadi dāyakassa dānacetanā nāma paṭiggāhakena katā bhaveyya, yuttarūpaṃ siyāti** kasmā vuttaṃ, nanu laddhikittane “dāyakena dānaṃ dinnamaṃ, paṭiggāhakena vipāko nibbattitoti añño aññassa kārako bhaveyyā”ti vuttanti? Saccamaṃ, paṭiggāhakena vipākanibbattanampi pana dānacetanānibbattanena yadi bhaveyya, evaṃ sati añño aññassa kārakoti yuttarūpaṃ siyāti adhippāyo.

Dakkhiṇāvisuddhikathāvaṇṇanā niṭṭhitā.

Sattarasamavaggaṇṇanā niṭṭhitā.



## 18. Aṭṭhārasamavaggo

### 1. Manussalokakathāvaṇṇanā

**802-803. Ayonisoti** “tusiṭapuramaṃ sandhāyā” tiādikaṃ gahaṇaṃ sandhāyāha.

Manussalokakathāvaṇṇanā niṭṭhitā.

### 2. Dhammadesanākathāvaṇṇanā

**804-806. Tassa** ca desanaṃ sampaṭicchitvā sayameva ca āyasmatā ānandattherena desitoti vadati.

Dhammadesanākathāvaṇṇanā niṭṭhitā.

### 6. Jhānasāṅkantikathāvaṇṇanā

**813-816. Jhānasāṅkantikathāyaṃ uppaṭipāṭiyāti** paṭhamajjhānato vuṭṭhāya vitakkavicārā ādīnavato manasikātabbā, tato dutiyajjhānena bhavitabbanti evaṃ yo upacārānaṃ jhānānañca anukkamo, tena vināti attho.

Jhānasāṅkantikathāvaṇṇanā niṭṭhitā.

### 7. Jhānantarikakathāvaṇṇanā

**817-819. Jhānantarikā nāma esāti** paṭhamajjhānādīsu aññatarabhāvābhāvato na jhānaṃ, atha kho dakkhiṇapubbādīdisantarikā viya jhānantarikā nāma esāti. Katarā? Yoyaṃ avitakkavicāramatto samādhīti yojetabbaṃ.

Jhānantarikakathāvaṇṇanā niṭṭhitā.

### 9. Cakkhunārūpampassatītikathāvaṇṇanā

**826-827. Paṭijānaṃ sandhāyāti** “cakkhunā rūpaṃ disvā nimittaggāhī hotī” tiādīnā (dha. sa. 1352) nayena vuttaṃ manoviññāṇapaṭijānaṃ kira sandhāyāti adhippāyo, tasmā “evaṃ sante rūpaṃ manoviññāṇaṃ āpajjati manoviññāṇapaṭijānaṃ pana rūpadassanaṃ kathaṃ hotī” ti vicāretabbaṃ.

Cakkhunārūpampassatītikathāvaṇṇanā niṭṭhitā.

Aṭṭhārasamavaggavaṇṇanā niṭṭhitā.

## 19. Ekūnavīsativavaggo

### 1. Kilesapajahanakathāvaṇṇanā

**828-831. Anuppannāyeva nuppajjantīti pahīnā nāma hontī**, tasmā natthi kilesapajahanāti paṭikkhipati. Te pana neva uppajjitvā vigatā, nāpi bhavissanti, na ca uppannāti atīte kilese pajahatītiādi na vattabbanti dasseti.

Kilesapajahanakathāvaṇṇanā niṭṭhitā.

## 2. Suññatakathāvaṇṇanā

**832. Anattalakkhaṇaṃ tāva ekaccanti** arūpakkhandhānaṃ anattalakkhaṇaṃ vadati. **Ekena pariyāyenāti** anattalakkhaṇassa jarāmarañabhāvapariyāyenāti vadanti. Rūpakkhandhādīnañhi mā jīratu mā maratūti alabbhaneyyo avasavattanākāro anattatā, sā atthato jarāmarānameva, tañca ‘jarāmarānaṃ dvīhi khandhehi saṅgahita’nti (dhātu. 71) vuttattā arūpakkhandhānaṃ jarāmarānaṃ saṅkhārakkhandhapariyāpannanti ayametesam adhippāyo.

Suññatakathāvaṇṇanā niṭṭhitā.

## 3. Sāmaññaphalakathāvaṇṇanā

**835-836. Phaluppatti cāti** pattidhammaṃ vadati.

Sāmaññaphalakathāvaṇṇanā niṭṭhitā.

## 5. Tathatākathāvaṇṇanā

**841-843. Rūpādisabhāvatāsaṅkhātāti** ettha rūpādīnaṃ sabhāvatāti rūpādisabhāvatāti evamattho daṭṭhabbo. Bhāvaṃ hesa tathatāti vadati, na bhāvayoganti.

Tathatākathāvaṇṇanā niṭṭhitā.

## 6. Kusalakathāvaṇṇanā

**844-846. Anavajjabhāvamatteneva nibbānaṃ kusalanti** yaṃkiñci kusalaṃ, sabbaṃ taṃ anavajjabhāvamatteneva, tasmā nibbānaṃ kusalanti vuttaṃ hoti.

Kusalakathāvaṇṇanā niṭṭhitā.

## 7. Accantaniyāmakathāvaṇṇanā

**847. “Sakiṃ nimuggo nimuggova hoti”ti suttaṃ nissāyāti** tāya jātiyā lokuttarasaddhādīnaṃ anuppattiṃ sandhāya kataṃ avadhāraṇaṃ saṃsārakhāṇukabhāvaṃ sandhāya katanti maññamāno puthujjanassāyaṃ accantaniyāmatā, yāyaṃ niyatamicchādīṭṭhīti “atthi puthujjanassa accantaniyāmatā”ti vadati. Vicikicchuppatti niyāmantaruppatti ca accantaniyāmanivattakā vicāretvā gahetabbā.

Accantaniyāmakathāvaṇṇanā niṭṭhitā.

## 8. Indriyakathāvaṇṇanā

**853-856. Lokiyānampīti** lokuttarānaṃ viya lokiyānampī saddhādīnaṃyeva saddhindriyādibhāvadassanena lokiyasaddhindriyādibhāvaṃ sādhetuṃ **saddhādīnaṃyeva saddhindriyādibhāvadassanatthaṃ vuttanti** attho daṭṭhabbo.

Indriyakathāvaṇṇanā niṭṭhitā.

Ekūnavīsativavaggavaṇṇanā niṭṭhitā.

## 20. Vīsativavaggo

## 2. Ñāṇakathāvaṇṇanā

**863-865.** Ñāṇakathāyaṃ **dukkhaṃ parijānātīti lokuttaramaggañāṇameva dīpetīti** “dukkhaṃ parijānātī”ti vadanto idaṃ tava vacanaṃ lokuttaramaggañāṇameva dīpeti, na tasseva ñāṇabhāvaṃ. Kasmā? Yasmā na lokuttarameva ñāṇaṃ, tasmā na idaṃ sādhakanti vuttaṃ hoti.

Ñāṇakathāvaṇṇanā niṭṭhitā.

## 3. Nirayapālakathāvaṇṇanā

**867-868.** Paṇunnanti paṇuditaṃ, anavasesakhittanti attho.

Nirayapālakathāvaṇṇanā niṭṭhitā.

## 4. Tiracchānakathāvaṇṇanā

**869-871.** Tassa atthitāya paṭiññāti tassa hatthināgassa ca dibbayānassa ca atthitāyāti viṣuṃ yojetabbaṃ.

Tiracchānakathāvaṇṇanā niṭṭhitā.

## 6. Ñāṇakathāvaṇṇanā

**876-877.** Ñāṇakathāyaṃ **sace taṃ dvādasavatthukanti** ettha ca “lokuttara”nti vacanaseso, taṃ vā lokuttarañāṇaṃ sace dvādasavatthukanti attho. Pariññeyyanti pubbabhāgo, pariññātanti aparabhāgo, saccañāṇaṃ pana maggakkhaṇepi parijānanādikkasāadhanavasena hotīti āha “**saddhiṃ pubbabhāgaparabhāgehi**”ti.

Ñāṇakathāvaṇṇanā niṭṭhitā.

Viṣatimavaggavaṇṇanā niṭṭhitā.

Catuttho paṇṇāsako samatto.

## 21. Ekaviṣatimavaggo

### 1. Sāsanakathāvaṇṇanā

**878.** Tīsupi pucchāsu codanatthaṃ vuttanti tīsupi pucchāsu “sāsana”ntiādivacanaṃ vuttanti samudāyā ekadesānaṃ adhikaraṇabhāvena vuttāti daṭṭhabbā.

Sāsanakathāvaṇṇanā niṭṭhitā.

### 4. Iddhikathāvaṇṇanā

**883-884.** Iddhikathāyaṃ **atthi adhippāyaiddhīti** adhippāyavasena ijjhanato adhippāyoti evaṃnāmikā iddhi atthīti attho.

Iddhikathāvaṇṇanā niṭṭhitā.

## 7. Dhammakathāvaṇṇanā

**887-888.** Dhammakathāyaṃ **rūpaṭṭhato aññassa rūpassa abhāvāti** yo rūpassa niyāmo vucceyya, so rūpaṭṭho nāma koci rūpato añño natthīti rūpaṭṭhato aññaṃ rūpañca na hoti, tasmā rūpaṃ rūpameva, na vedanādisabhāvanti adhippāyena “rūpaṃ rūpaṭṭhena niyata”nti vattabbaṃ, na aññathā rūpaṭṭhena niyāmenāti adhippāyo. Tattha rūpato aññassa rūpaṭṭhassa abhāve dassite rūpaṭṭhato aññassa rūpassa abhāvo dassitoyeva nāma hotīti tameva rūpato aññassa rūpaṭṭhassa abhāvaṃ dassento “**rūpasabhāvo hī**”tiādīmāha. **Esa vohāro**ti rūpassa sabhāvo rūpasabhāvo, rūpassa attho rūpaṭṭhoti evaṃ aññattaṃ gahevā viya pavatto rūpasabhāvavohāro rūpaṭṭhavohāro vā vedanādīhi nānattameva so sabhāvoti nānattasaññāpanatthaṃ hotīti attho. **Tasmāti** rūpassa rūpaṭṭhena anaññattā. “Rūpaṃ rūpameva, na vedanādisabhāva”nti avatvā “**rūpaṃ rūpaṭṭhena niyata**”nti vadato tañca vacanaṃ vuttappakārena sadosaṃ, atha kasmā “rūpañhi rūpaṭṭhena niyatanti rūpaṃ rūpameva, na vedanādisabhāvanti adhippāyena vattabba”nti vadanto “rūpaṃ rūpaṭṭhena niyata”nti paṭijānātīti attho daṭṭhabbo. Nanu cetam attanāva vuttaṃ, na parenāti paṭijānātīti na vattabbanti? Na, attānampi paraṃ viya vacanato. Vattabbanti vā sakavādīnā vattabbanti vuttaṃ hoti. Yadi ca tena vattabbaṃ paṭijānāti ca so etamatthanti, atha kasmā paṭijānāti sakavādīti ayamettha attho. **Atthantaravasenāti** tattha vuttameva kāraṇaṃ nigūhitvā parena coditanti tameva kāraṇaṃ dassetvā codanaṃ nivatteti. **Iti aññathāti** rūpādisabhāvamattaṃ muñcitvā tena parikappitaṃ niyataṃ natthīti tassa parikappitassa nivattanatthaṃ puna teneva nayena codetuṃ “**micchattaniyata**”ntiādīmāhāti attho.

Dhammakathāvaṇṇanā niṭṭhitā.

Ekavīsativavaggavaṇṇanā niṭṭhitā.

## 22. Bāvīsativavaggo

### 2. Kusalacittakathāvaṇṇanā

**894-895.** Kusalacittakathāyaṃ **janakkhaṇeti** parinibbānacittato purimajavanakkhaṇe.

Kusalacittakathāvaṇṇanā niṭṭhitā.

### 3. Āneñjakathāvaṇṇanā

**896.** **Bhavaṅgacitteti** bhavaṅgapariyosānattā cuticittaṃ “bhavaṅgacitta”nti āha.

Āneñjakathāvaṇṇanā niṭṭhitā.

### 5-7. Tissopikathāvaṇṇanā

**898-900.** **Sattavassikaṃ gabbhaṃ disvā** “gabbheyyeva arahattappattihetubhūto indriyaparipāko atthī”ti “arahattappattipi atthī”ti maññati, ākāśasupinaṃ disvā “ākāśagamanādiabhiññā viya dhammābhisamayo arahattappatti ca atthī”ti maññatīti adhippāyo.

Tissopikathāvaṇṇanā niṭṭhitā.

### 9. Āsevanapaccayakathāvaṇṇanā

**903-905.** **Na koci āsevanapaccayaṃ āsevati nāmāti** yathā bījaṃ catumadhurabhāvaṃ na gaṇhāti, evaṃ bhāvanāsaṅkhātāṃ āsevanapaccayaṃ gaṇhanto āsevanto nāma koci natthīti attho.

Āsevanapaccayakathāvaṇṇanā niṭṭhitā.

## 10. Khaṇikakathāvaṇṇanā

**906-907.** Pathaviyādirūpesu kesañci uppādo kesañci nirodhoti evaṃ patitṭhānaṃ rūpasantatiyā hoti. Na hi rūpānaṃ anantarādipaccayā santi, yehi arūpasantatiyā viya rūpasantatiyā pavatti siyāti citte “citte mahāpathavi saṅṭhātī” tiādi coditaṃ.

Khaṇikakathāvaṇṇanā niṭṭhitā.

Bāvīsatimavaggavaṇṇanā niṭṭhitā.

## 23. Tevīsatimavaggo

### 1. Ekādhippāyakathāvaṇṇanā

**908. Karuṇādhippāyena ekādhippāyoti rāgādhippāyato aññādhippāyovāti vuttaṃ hoti. Eko adhippāyoti ettha ekatobhāve ekasaddo daṭṭhabbo. Samānatthe hi sati rāgādhippāyepi ekādhippāyenāti ekādhippāyatā atthīti.**

Ekādhippāyakathāvaṇṇanā niṭṭhitā.

### 3-7. Issariyakāmakārikākathāvaṇṇanā

**910-914.** Issariyena yathādhippetassa karaṇaṃ issariyakāmakārikā. Gaccheyyāti gabbhaseyyokkamaṃ gaccheyya. **Issariyakāmakārikāhetu nāma dukkarakārikā micchādīṭṭhiyā kariyatīti** ettha dukkarakārikā nāma issariyakāmakārikāhetu kariyamānā micchādīṭṭhiyā kariyatīti attho daṭṭhabbo, issariyakāmakārikāhetu nāma vinā micchādīṭṭhiyā kariyamānā natthīti vā.

Issariyakāmakārikākathāvaṇṇanā niṭṭhitā.

### 8. Patirūpakathāvaṇṇanā

**915-916.** Mettādayo sandhāya “mettādayo viya na rāgo rāgapatirūpako koci atthīti rāgameva gaṇhāti, evaṃ dosepī” ti vadanti.

Patirūpakathāvaṇṇanā niṭṭhitā.

### 9. Aparinipphannakathāvaṇṇanā

**917-918. Na aniccādibhāvanti ettha aniccādiko bhāvo etassāti aniccādibhāvanti rūpaṃ vuttaṃ. “Na kevalañhi paṭhamasaccameva dukkha”**nti vadantena **“dukkhaññeva parinipphanna”**nti dukkhasaccaṃ sandhāya pucchā katāti dassitaṃ hoti. Evaṃ sati tena “cakkhāyatanam aparinipphanna”ntiādi na vattabbaṃ siyā. Na hi cakkhāyatanādīni anupādinnāni lokuttarāni vā. **Tanti** “dukkhaññeva parinipphannaṃ, na pana rūpa”nti etaṃ rūpassa ca dukkhattā no vata re vattabbeti attho.

Aparinipphannakathāvaṇṇanā niṭṭhitā.

Tevīsatimavaggavaṇṇanā niṭṭhitā.

Kathāvatthupakaraṇa-mūlaṭīkā samattā.

Namo tassa bhagavato arahato sammāsambuddhassa

## Yamakapakaraṇa-mūlaṭīkā

### Ganthārambhavaṇṇanā

Kathāvatthupakaraṇena saṅkhepeneva desitena dhammesu viparītaggahaṇaṃ nivāretvā tesveva dhammesu dhammasaṅgahādīsu pakāsitesu dhammapuggalokāsādinissayānaṃ sannīṭṭhānasamsayānaṃ vasena nānappakāraosallatthaṃ yamakapakaraṇaṃ āradhamaṃ, taṃ samayadesadesakavaseneva dassetvā saṃvaṇṇanākkamañcassa anuppattaṃ “āgato bhāro avassaṃ vahitabbo”ti saṃvaṇṇanamassa paṭijānanto āha “**saṅkhepenevā**”tiādi.

Tattha **yamassa visayā**tiṭoti jātiyā sati maraṇaṃ hotīti jāti, pañca vā upādānakkhandhā yamassa visayo, taṃ samudayappahānena atītoti attho. Yamassa vā rañño visayaṃ maraṇaṃ, tassa āṇāpavattiṭṭhānaṃ desaṃ vā atīto. “Chaccābhiṭṭhānāni abhabba kātu”nti (khu. pā. 6.11; su. ni. 234) vuttānaṃ channaṃ abhabbatṭṭhānānaṃ desakoti **chaṭṭhānadesako**. Ayamā ekekā hutvā āvattā nīlā amalā ca tanuruhā assāti **ayamāvattanīlāmalatanuruho**.

Ganthārambhavaṇṇanā niṭṭhitā.

### 1. Mūlayamakaṃ

#### Uddesavāraṇṇanā

**1. Yamakānaṃ vasena desitattā**ti iminā dasasu ekekassa yamakasamūhassa taṃsamūhassa ca sakalassa pakaraṇassa yamakānaṃ vasena laddhavohāratam dasseti.

**Kusalākusalāmūlasaṅkhātānaṃ dvinnamaṃ atthānaṃ vasena atthayamakanti** etena “ye keci kusalā dhammā, sabbe te kusalamūlā”ti etasseva yamakabhāvo āpajjati ce? Nāpajjati ñātum icchitānaṃ dutiyapaṭhamapucchāsu vuttānaṃ kusalakusalāmūlavisesānaṃ, kusalamūlakusalavisesehi vā ñātum icchitānaṃ paṭhamadutiyapucchāsu sannīṭṭhānapadasaṅgahitānaṃ kusalakusalāmūlānaṃ vasena atthayamakabhāvassa vuttattā. Ñātum icchitānañhi visesānaṃ visesavantāpekkhānaṃ, taṃvisesavataṃ vā dhammānañca visesāpekkhānaṃ ettha padhānabhāvoti ekekāya pucchāya ekeko eva attho saṅgahito hotīti. Atthasaddo cettha na dhammavācako hetuphalādivācako vā, atha kho pāṭiatthavācako. Tenevāha “**tesaññeva atthāna**”ntiādi.

**Tīpi padāni ekato katvā**ti idaṃ nāmapadassa kusalādīnaṃ saṅgāhakattamattameva sandhāya vuttaṃ, na niravasesasaṅgāhakattam. Sabbakusalādīsaṅgāhanatthameva ca nāmapadassa vuttattā “**kusalattikamātikāya catūsu padesū**”ti vuttaṃ.

Uddesavāraṇṇanā niṭṭhitā.

#### Niddesavāraṇṇanā

**52. Aññamaññayamake ye keci kusalāti apucchitvā**ti ettha yathā dutiyayamake “ye keci kusalamūlā”ti apucchitvā “ye keci kusalā”ti pucchā katā, evamidhāpi “ye keci kusalā”ti pucchā kātabbā siyā purimayamakavisiṭṭhaṃ apubbaṃ gahetvā pacchimayamakassa appavattattāti adhippāyo. “Paṭilomapucchānurūpabhāvato”ti keci. Purimapucchāya pana atthavasena katāya tadanurūpāya

pacchimapucchāya bhavitabbaṃ anulome vigatasamsayassa paṭilome samsayuppattito. Tena na ca pacchimapucchānurūpāya purimapucchāya bhavitabbanti purimovettha adhippāyo yutto. **Imināpi byañjanena tassevatthassa sambhavatoti** idamevaṃ na sakkā vattum. Na hi kusalabyañjanattho eva kusalamūlena ekamūlabyañjanattho, teneva vissajjanampi asamānaṃ hoti. Kusalabyañjanena hi pucchāya katāya “avasesā”ti imasmim̐ ṭhāne “avasesā kusalā dhammā”ti vattabbaṃ hoti, itarathā avasesā kusalamūlasahajātā dhammāti, na ca tāni vacanāni samānatthāni kusalakusalābyākatadīpanatoti. Ayaṃ panettha adhippāyo siyā – “ye keci kusalā”ti imināpi byañjanena “ye keci kusalamūlena ekamūlā”ti vuttabyañjanatthasseva sambhavato dutiyayamake viya apucchitvā “ye keci kusalamūlena ekamūlā”ti pucchā katā. Na hi kusalamūlehi viya kusalamūlena ekamūlehi aññe kusalā santi, kusalehi pana aññe pi te santīti.

Paṭilomapucchāvaṇṇanāyaṃ “**kusalamūlena ekamūlā**”ti hi pucchāya katāya “**mūlāni yāni ekato uppajjanti**”ti heṭṭhā vuttanayeneva vissajjanaṃ kātabbaṃ bhaveyyāti vuttaṃ, tampi tathā na sakkā vattum. “Ye vā pana kusalamūlena aññamaññamūlā, sabbe te dhammā kusalamūlena ekamūlā”ti ca pucchite “āmanta” icceva vissajjanena bhavitabbaṃ. Na hi kusalamūlena aññamaññamūlesu kiñci ekamūlaṃ na hoti, yena anulomapucchāya viya vibhāgo kātabbo bhaveyya. Yattha tīṇi kusalamūlāni uppajjanti, tattha tāni aññamaññamūlāni ekamūlāni ca dvinnāṃ dvinnāṃ ekekena aññamaññekamūlattā. Yattha pana dve uppajjanti, tattha tāni aññamaññamūlāneva, na ekamūlānīti etassa gahaṇassa nivāraṇatthaṃ “mūlāni yāni ekato uppajjanti”tiādinaṃ vissajjanaṃ kātabbanti ce? Na, “āmanta”ti imināva vissajjanena taṃgahaṇanivāraṇato anulomapucchāvissajjanena ca ekato uppajjamānānaṃ dvinnāṃ tiṇṇaṃca mūlānaṃ aññamaññekamūlabhāvassa nicchitattā. Aññamaññamūlānañhi samānamūlatā eva ekamūlavacanena pucchīyati, na aññamaññasamānamūlatā, atthi ca dvinnāṃ mūlānaṃ samānamūlatā. Tesu hi ekekaṃ itarena mūlena taṃmūlehi aññehi samānamūlanti.

Aññamaññamūlatte pana nicchite ekamūlattasamsayābhāvato “sabbe te dhammā kusalamūlena ekamūlā”ti pucchā na katāti daṭṭhabbā. “Aññamaññassa mūlā etesanti aññamaññamūlā, samānatthena ekaṃ mūlaṃ etesanti ekamūlā”ti ubhayampi vacanaṃ mūlayuttatameva vadati, teneva ca ubhayatthāpi “kusalamūlenā”ti vuttaṃ. Tattha mūlayogasāmaññe ekamūlatte nicchite tabbiseso aññamaññamūlabhāvo na nicchito hotīti anulomapucchā pavattā, mūlayogavisesa pana aññamaññamūlatte nicchite na vinā ekamūlattena aññamaññamūlattaṃ atthīti mūlayogasāmaññaṃ ekamūlattaṃ nicchitameva hoti, tasmā “ekamūlā”ti pucchāṃ akatvā yathā kusalamūlavacanaṃ ekamūlavacanañca kusalabhāvadīpakaṃ na hotīti kusalabhāve samsayasabbhāvā paṭhamadutiyayamakesu “sabbe te dhammā kusalā”ti paṭilomapucchā katā, evaṃ aññamaññamūlavacanaṃ kusalabhāvadīpakaṃ na hotīti kusalabhāve samsayasabbhāvā kusalādhikārassa ca anuvattamānattā “sabbe te dhammā kusalā”ti paṭilomapucchā katāti.

**53-61.** Mūlanaye vutte eva atthe kusalamūlabhāvena mūlassa visesanena samānena mūlena aññamaññassa ca mūlena mūlayogaḍīpanena cāti iminā pariyāyantarena pakāsetum mūlamūlanayo vutto. Aññapadatthasamāsantena ka-kārena tīsupi yamakesu mūlayogameva dīpetum mūlakanayo vutto. Mūlamūlakanayavacanapariyāyo vuttappakārova.

**74-85. Abbohārikaṃ katvāti** na ekamūlabhāvaṃ labhamānehi ekato labbhamānattā sahetukavohārahitaṃ katvā. Na vā sahetukaduke viya ettha hetupaccayayogāyogavasena abbohārikaṃ kataṃ, atha kho sahetukavohārameva labhati, na ahetukavohāranti abbohārikaṃ kataṃ. **Ekato labbhamānakavasenāti** ahetukacittuppādanibbānehi hetupaccayarahitehi saha labbhamānarakūpavasenāti attho.

**86-97.** Yassaṃ pāḷiyāṃ “ahetukaṃ nāmamūlena na ekamūlaṃ, sahetukaṃ nāmamūlena ekamūla”nti (yama. 1.mūlayamaka.87) pāṭho āgato, tattha “ye keci nāmā dhammā”ti nāmānaṃ niddhāritattā “ahetukaṃ sahetuka”nti ca vutte “nāma”nti ca idaṃ viññāyamānamevāti na vuttanti vedittabbaṃ. Yattha pana “ahetukaṃ nāmaṃ, sahetukaṃ nāma”nti (yama. 1.mūlayamaka.87) ca pāṭho,

tattha supākaṭabhāvattham ‘nāma’nti vuttanti.

Niddesavāraṇṇanā niṭṭhitā.

Mūlayamakavaṇṇanā niṭṭhitā.

## 2. Khandhayamakam

### 1. Paṇṇattivāro

#### Uddesavāraṇṇanā

**2-3.** Khandhayamake chasu kālabhedeṣu puggalaokāsapuggalokāsavasena khandhānaṃ uppādanīrodhā tesam pariññā ca vattabbā. Te pana khandhā ‘rūpakkhandho’ tiādīhi pañcahi padehi vuccanti, tesam dasa avayavapadāni. Tattha yo rūpādiavayavapadābhīhito dhammo, kiṃ so eva samudāyapadassa attho. Yo ca samudāyapadena vutto, so eva avayavapadassāti etasmiṃ saṃsayatṭhāne rūpādiavayavapadehi vutto ekadeso sakalo vā samudāyapadānaṃ attho, samudāyapadehi pana vutto ekantena rūpādiavayavapadānaṃ atthoti imamattham dassetuṃ ‘rūpaṃ rūpakkhandho, rūpakkhandho rūpa’ntiādīnā **padasodhanavāro** vutto.

Puna ‘rūpakkhandho’ tiādīnaṃ samāsapadānaṃ uttarapadatthappadhānattā padhānabhūtaṃ khandhapadassa vedanādiupapadatthassa ca sambhavato yathā ‘rūpakkhandho’ ti etasmiṃ pade rūpāvayavapadena vuttassa rūpakkhandhabhāvo hoti rūpasaddassa khandhasaddassa ca samānādhikaraṇabhāvatoti, evaṃ tattha padhānabhūtena khandhāvayavapadena vuttassa vedanākkhandhādībhāvo hoti khandhapadena vedanādiupadānaṃ samānādhikaraṇattāti etasmiṃ saṃsayatṭhāne khandhāvayavapadena vutto dhammo koci kenaci samudāyapadena vuccati, na sabbo sabbenāti imamattham dassetuṃ ‘rūpaṃ rūpakkhandho, khandhā vedanākkhandho’ tiādīnā **padasodhanamūlacakkavāro** vutto. Evañca dassentena rūpādisaddassa visesanabhāvo, khandhasaddassa visesitabbabhāvo, visesanavisesitabbānaṃ samānādhikaraṇabhāvo ca dassito hoti.

Tenettha saṃsayo hoti – kiṃ khandhato aññampi rūpaṃ atthi, yato vinivattaṃ rūpaṃ khandhavisēnaṃ hoti, sabbeva khandhā kiṃ khandhavisēnaṃbhūtena rūpena visesitabbāti, kiṃ pana taṃ khandhavisēnaṃbhūtaṃ rūpanti? Bhūtopādāyarūpaṃ tasseva gahitattā. Niddese ‘khandhā rūpakkhandho’ ti padaṃ uddharitvā vissajjanaṃ katanti. Evaṃ etasmiṃ saṃsayatṭhāne na khandhato aññaṃ rūpaṃ atthi, teneva cetena rūpasaddena vuccamānaṃ suddhena khandhasaddena vuccate, na ca sabbe khandhā khandhavisēnaṃbhūtena rūpena visesitabbā, teneva te vibhajitabbā, esa nayo vedanākkhandhādīsupīti imamattham dassetuṃ ‘rūpaṃ khandho, khandhā rūpa’ntiādīnā **suddhakhandhavāro** vutto.

Tato ‘rūpaṃ khandho’ ti etasmiṃ anuññāyamāne ‘na kevalaṃ ayaṃ khandhasaddo rūpavisēnava, atha kho vedanādivisēnaṃ cā’ ti rūpassa khandhabhāvanicchayānantaraṃ khandhānaṃ rūpavisēnayaṃge ca saṃsayo hoti. Tattha na sabbe khandhā vedanādivisēnayaṃtā, atha kho keci kenaci visēnena yuñjantīti dassetuṃ **suddhakhandhamūlacakkavāro** vuttoti. Evaṃ yesaṃ uppādādayo vattabbā, tesam khandhānaṃ paṇṇattisodhanavasena tannicchayattham **paṇṇattivāro** vuttoti veditabbo.

**Cattāri cattāri cakkāni bandhitvāti** ettha cakkāvayavabhāvato cakkānīti yamakāni vuttāni ekekakhandhamūlāni cattāri cattāri yamakāni bandhitvāti. Iminā hi ettha atthēna bhavitabbanti. Cattāri cattāri yamakāni yathā ekekakhandhamūlakāni honti, evaṃ bandhitvāti vā attho daṭṭhabbo. Tattha ‘rūpaṃ rūpakkhandho’ ti evamādikam mūlapadaṃ nābhīṃ katvā ‘khandhā’ ti idaṃ nemim, ‘vedanākkhandho’ tiādīni are katvā cakkabhāvo vuttoti veditabbo, na maṇḍalabhāvena sambajjhanato.



Vedanākkhandhamūlakādīsūpi hi heṭṭhimam sodhetvāva pāṭho gato, na maṇḍalasambandhenāti. **Teneva ca kāraṇenāti** suddhakkhandhalābhamattameva gahetvā khandhavisēsane rūpādīmhi suddharūpādimmattatāya aṭṭhatvā khandhavisēsana bhāvasaṅkhātamaṃ rūpādiatthamaṃ dassetuṃ khandhasaddena saha yojetvā “kandhā rūpakkhando” tiādīnā nayena padaṃ uddharitvā atthassa vibhattattāti attho.

Uddesavāraṇṇanā niṭṭhitā.

### Niddesavāraṇṇanā

**26. Piya rūpaṃ sātārūpaṃ** “cakkhuṃ loke piya rūpaṃ...pe... rūpā loke...pe... cakkhuvīññāṇaṃ...pe... cakkhusamphasso...pe... cakkhusamphassajā vedanā...pe... rūpasāññā...pe... rūpasāñcetanā...pe... rūpataṇhā...pe... rūpavitakko...pe... rūpavicāro” ti (dī. ni. 2.400; ma. ni. 1.133; vibha. 203) evaṃ vuttaṃ taṇhāvattubhūtaṃ tebhūmakamaṃ veditabbaṃ, tasmā yaṃ pañcakkhandhasamudāyabhūtaṃ piya rūpasātārūpaṃ, taṃ ekadesena rūpakkhando hotīti āha “piya rūpaṃ sātārūpaṃ rūpaṃ na rūpakkhando” ti. Piyasabhāvatāya vā rūpakkhando piya rūpe pavīsati, na ruppanasabhāvenāti “piya rūpaṃ sātārūpaṃ rūpaṃ na rūpakkhando” ti vuttaṃ. **Saññāyamake tāva diṭṭhisāññāti** “viseṣo” ti vacanaseṣo. Tattha diṭṭhi eva saññā diṭṭhisāññā. “Sayamaṃ samādāya vatāni jantu, uccāvacaṃ gacchati saññasatto” ti (su. ni. 798), “saññāvirattassa na santi ganthā” ti (su. ni. 853) ca evamādīsū hi diṭṭhi ca “saññā” ti vuttāti.

**28.** “Na kandhā na vedanākkhandhoti? Āmantā” ti evaṃ khandhasaddappavattiyā abhāve vedanākkhandhasaddappavattiyā ca abhāvoti paṇṇattisodhanamattameva karotīti daṭṭhabbaṃ, na aññadhammasabbhāvo evettha pamāṇamaṃ. Evañca katvā “nāyatanā na sotāyatananti? Āmantā” tiādīm vakkhatīti.

**39. Rūpato aññe vedanādayoti** ettha lokuttarā vedanādayo daṭṭhabbā. Te hi piya rūpā ca sātārūpā ca na honti taṇhāya anārammaṇattāti rūpato aññe hontīti. **Rūpañca kandhe ca ṭhapetvā avasesāti** idampi etehi saddhim na-saddānaṃ appavattimattameva sandhāya vuttanti daṭṭhabbaṃ. Evañca katvā “cakkhuñca āyatane ca ṭhapetvā avasesā na ceva cakkhu na ca āyatanā” tiādīm (yama. 1.āyatanayamaka.15) vakkhatī. Na hi tattha avasesaggahaṇena gayhamānaṃ kañci atthi. Yadi siyā, dhammāyatanamaṃ siyā. Vakkhati hi “dhammo āyatananti? Āmantā” ti (yama. 1.āyatanayamaka.16). Taṇhāvattu ca na taṃ siyā. Yadi siyā, piya rūpasātārūpabhāvato rūpaṃ siyā “rūpaṃ kandhoti? Āmantā” ti (yama. 1.kandhayamaka.40) vacanato kandho cāti. Aṭṭhakathāyaṃ pana avijjamānepi vijjamānaṃ upādāya itthipurisādiggahaṇasabbhāvaṃ sandhāya **avasesāti** ettha paññattiyā gahaṇamaṃ katanti veditabbaṃ.

Niddesavāraṇṇanā niṭṭhitā.

### 2. Pavattivāraṇṇanā

**50-205.** Pavattivāre vedanākkhandhādīmūlakāni pacchimeneva saha yojetvā tīpi dve ekañca yamakāni vuttāni, na purimena. Kasmā? Amissakakālabhedesu vāresu atthavisēsābhāvato. Purimassa hi pacchimena yojitayamakameva pacchimassa purimena yojanāya pucchānaṃ uppaṭipāṭiyā vucceyya, atthe pana na koci viseṣoti. Pucchāvissajjanesūpi viseṣo natthi, tena tathā yojanā na katāti. Kālabhedā panettha cha eva vuttā. Atītena paccuppanno, anāgatenā paccuppanno, anāgatenātītoti ete pana tayo yathādassitā missakakālabhedā eva tayo, na viṣuṃ vijjantīti na gahitā. Tattha tattha hi paṭilomapucchāhi atītena paccuppannādayo kālabhedā dassitā, teneva ca nayena “yassa rūpakkhando uppajjittha, tassa vedanākkhandho uppajjati” tiādi sakkā yojetuṃ. Teneva hi missakakālabhedesu ca na pacchimāpacchimassa kandhassa purimāpurimena yojanaṃ katvā yamakāni vuttāni, amissakakālabhedesu gahitanīyāmena sukhaḡgahaṇatthampi pacchimāpacchimeneva yojetvā vuttānīti.

**Imināyeva ca lakkhaṇenā**tiadinā yena kāraṇena “purepañho”ti ca “pacchāpañho”ti ca nāmaṃ vuttaṃ, taṃ dasseti. Yassa hi sarūpadassanena vissajjanaṃ hoti, so paripūretvā vissajjetabbatthasaṅgaṇhanato paripuṇṇapañho nāma. Taṃvissajjanassa pana purimakotṭhāsena sadisatthātāya purepañho, pacchimakotṭhāsasadisatthātāya “pacchāpañho”ti ca nāmaṃ vuttaṃ. Sadisatthātā ca sannitṭhānasamsayapadavisesaṃ avicāretvā ekena padena saṅgahitassa khandhassa uppādanirodhalābhasāmaññamattena purepañhe daṭṭhabbā. Sannitṭhānapadasaṅgahitassa vā khandhassa anuññātavasena purepañho vuttoti yuttaṃ.

Sannitṭhānatthasseva paṭikkhipanaṃ paṭikkhepo, samsayatthanivāraṇaṃ paṭisedhoti ayaṃ paṭikkhepaṭisedhānaṃ viseso. **Pālipadameva hutvāti** pucchāpāliyā “nuppajjati”ti yaṃ padaṃ vuttaṃ, na-kāravirahitaṃ tadeva padaṃ hutvāti attho. Tattha uppattinirodhapaṭisedhassa paṭisedhanatthaṃ pāligatiyā vissajjanaṃ uppattinirodhānameva paṭisedhanatthaṃ paṭisedhena vissajjanaṃ katanti veditabbaṃ.

Catunnaṃ pañhānaṃ pañcannaṃca vissajjanānaṃ sattavīsatiyā ṭhānesu pakkhepo tadekadesapakkhepavasena vuttoti veditabbo. Paripuṇṇapañho eva hi sarūpadassanena ca vissajjanaṃ sattavīsatiyā ṭhānesu pakkhipitabbanti.

**Kiṃ nu sakkā ito paranti** ito pālivavatthānadassanādito añño kiṃ nu sakkā kātunti aññassa sakkuṇeyyassa abhāvaṃ dasseti.

“Suddhāvāsānaṃ tesam tattha rūpakkhandho ca nuppajjittha vedanākkhandho ca nuppajjitthā”ti etena suddhāvāsabhūmīsu ekabhūmiyampi dutiyā upapatti natthīti nāpitaṃ hoti. Paṭisandhito pabhuti hi yāva cuti, tāva pavattakammajasantānaṃ ekattena gahetvā tassa uppādanirodhavasena ayaṃ desanā pavattā. Tasmīhi abbotchinne kusalādīnaṃca pavatti hoti, vocchinne ca appavattīti teneva ca uppādanirodhā dassitā, tasmā tassa ekasattassa paṭisandhiuppādato yāva cutinirodho, tāva atītātā natthi, na ca tato pubbe tattha paṭisandhivasena kammajasantānaṃ uppannapubbanti khandhadvayampi “nuppajjitthā”ti vuttaṃ. Kasmā pana etāya pāliyā sakalepi suddhāvāse dutiyā paṭisandhi natthīti na viññāyatīti? Uddhamṣotapālisabbhāvā. Dvepi hi pāliyo samsandetabbāti.

“Asaññasattānaṃ tesam tattha rūpakkhandho uppajjissati”ti ettha “yassa yattha rūpakkhandho uppajjissati”ti etena sannitṭhānena visesitā asaṅgāsattāpi santīti te eva gahetvā “asaṅgāsattāna”nti vuttaṃ. Tena ye sannitṭhānena vajjitā, te tato pañcavokāraṃ gantvā parinibbāyissanti, na tesam puna asaṅgā upapattippasaṅgo atthīti te sandhāyāha – “pacchimabhavikānaṃ tesam tattha rūpakkhandho ca nuppajjissati vedanākkhandho ca nuppajjissati”ti (yama. 1.khandhayamaka.65). Ettha kiṃ pañcavokārādibhāvo viya pacchimabhavopi koci atthi, yattha tesamanuppatti bhavissatīti? Natthi pañcavokārādibhavesveva yattha vā tattha vā ṭhitānaṃ pacchimabhavikānaṃ “yassa yattha rūpakkhandho nuppajjissati”ti etena sannitṭhānena saṅgahitattā. Tesam tattha itarānuppattibhāvaṃca anujānanto “vedanākkhandho ca nuppajjissati”ti āhāti.

“Suddhāvāse parinibbantāna”nti idaṃ sappāṭisandhikānaṃ appāṭisandhikānaṃca suddhāvāsānaṃ taṃtaṃbhūmiyaṃ khandhaparinibbānavasena vuttanti veditabbaṃ. Sabbesaṅhi tesam tattha vedanākkhandho nuppajjitthāti. Yathā pana “nirujjhissati”ti vacanaṃ paccuppannepi uppādakkhaṇasamaṅgimhi pavattati, na evaṃ “nuppajjitthā”ti vacanaṃ paccuppanne pavattati, atha kho nuppajjitvā vigate atīte eva, tasmā “parinibbantānaṃ nuppajjitthā”ti vuttaṃ uppannasantānassa avigatattā. Anantā lokadhātuyoti okāsassa aparicchinnattā okāsavasena vuccamānaṃ uppādanirodhānampi paricchedābhāvato samkiṇṇatā hotīti “yattha vedanākkhandho uppajjati, tattha saññākkhandho nirujjhatīti? Āmantā”ti vuttaṃ.

Pavattivāraṇānaṃ niṭṭhitā.

### 3. Pariññāvāraṇṇanā

**206-208. Puggalokāsavāro labbhamānopīti** kasmā vuttaṃ, nanu okāsavārassa alābhe tassapi alābhena bhavitabbanti? Na, tatha puggalasseva pariññāvācanato. Puggalokāsavārepi hi okāse puggalasseva pariññā vuccati, na okāsassa. Okāsavāropi ca yadi vucceyya, “yattha rūpakkhandhaṃ parijānāti”ti okāse puggalasseva parijānanavasena vucceyya, tasmā puggalokāsavārāsseva labbhamānatā vuttā, na okāsavārassāti. Tenāha – “āmantā...pe... siyā”ti.

**Tenevāti** pavatte cittakkhaṇavasena tiṇṇaṃ addhānaṃ lābhato eva, aññathā cutiṇṇasandhikkhaṇe rūpakkhandhaparijānanassa abhāvā “yo rūpakkhandhaṃ parijānāti, so vedanākkhandhaṃ parijānāti”ti ettha “natthi”ti vissajjanena bhavitabbaṃ siyā, “āmantā”ti ca katanti. Sanniṭṭhānasamsayapadasaṅgahitānaṃ pariññānaṃ pavatte cittakkhaṇe eva lābhaṃ dassento “**lokuttaramaggakkhaṇasmiñhi**”tiādimāha. **Na parijānātīti pañhe puthujjanaṃ sandhāya āmantāti vuttanti** idaṃ puthujjanaṃ sabbathā pariññākiccassa abhāvato vuttaṃ. “Arahā rūpakkhandhaṃ na parijānāti no ca vedanākkhandhaṃ na parijānittha, aggamaggasamaṅgiṇca arahantaṅca ṭhapetvā avasesā puggalā rūpakkhandhaṅca na parijānanti vedanākkhandhaṅca na parijānitthā”ti pana vacanena “aggamaggasamaṅgiṃ ṭhapetvā añño koci parijānāti”ti vattabbo natthīti dassitaṃ hoti, tena tadavasesapuggale sandhāya “āmantā”ti vuttanti viññāyatīti.

Pariññāvāraṇṇanā niṭṭhitā.

Khandhayamakavaṇṇanā niṭṭhitā.

### 3. Āyatanayamakam

#### 1. Paṇṇattivāro

#### Uddesavāraṇṇanā

**1-9. Āyatanayamakādīsu** ca paṇṇattivāre padasodhanavārādīnaṃ vacane kāraṇaṃ khandhayamake vuttanayeneva veditabbaṃ. “**Ekādasa ekādasa katvā tettiṃsasataṃ yamakāni**”tiādinā kesuci potthakesu gaṇanā likhitā, sā tathā na hoti. “**Dvattiṃsasata**”ntiādinā aññattha likhitā.

Uddesavāraṇṇanā niṭṭhitā.

#### Niddesavāraṇṇanā

**10-17. Vāyanatṭhenāti** pasāraṇatṭhena, pākāṭabhāvātṭhena vā. “Kāyo dhammo”ti ca vuccamānaṃ sabbhaṃ sasabhāvaṃ āyatanaṃ evāti “kāyo āyatana”nti, “dhammo āyatana”nti ca ettha “āmantā”ti vuttaṃ. Kāyavācanena pana dhammavācanena ca avuccamānaṃ kañci sasabhāvaṃ natthīti “na kāyo nāyatanaṃ, na dhammo nāyatana”nti ettha “āmantā”icceva vuttaṃ.

Niddesavāraṇṇanā niṭṭhitā.

#### 2. Pavattivāro

#### 1. Uppādavāraṇṇanā

**18-21. Pavattivāre cakkhāyatanaṃ mūlakāni ekādasāti** paṭisandhicutivasena upādinnapavattassa uppādanīrodhavācane etasmīṃ alabbhamānavissajjanampi saddāyatanaṃ saddhiṃ yamakam

pucchāmattalābhena saṅgaṇhitvā vadatīti daṭṭhabbam. **Chasaṭṭhi yamakānī**ti ettha cakkhusotaghānāvihākāyarūpāyatanamūlakesu ekekaṃ saddāyatanamūlakāni pañcāti ekādasa yamakāni vissajjanavasena hāpetabbāni. Vakkhati hi “saddāyatanassa paṭisandhikkhaṇe anuppattito tena saddhiṃ yamakassa vissajjanameva natthī”ti (yama. aṭṭha. āyatanayamaka 18-21).

**Dutiyaṃ kiñcāpi paṭhamena sadisavissajjanantiādi** puggalavārameva sandhāya vuttanti daṭṭhabbam. Okāsavāre pana asadisavissajjanattā vuttaṃ, na taṃ sabbattha sadisavissajjananti nāpetuṃ puggalavārepi vissajjitanti. **Gandharasaphoṭṭhabbāyatanehi saddhiṃ tiṇi yamakāni sadisavissajjanānī**ti rūpāvacarasatte sandhāya “sacakkhukānaṃ agandhakāna”ntiādinā vissajjitabbattā vuttaṃ. Tesañhi virattakāmakammaṇibhattassa paṭisandhibījassa evaṃsabhāvattā ghānādīni gandhādayo ca na santīti. **Ghānāyatanayamakena sadisavissajjanattā**ti cakkhāyatanamūlakesu ghānāyatanayamakena saddhiṃ sadisavissajjanattāti attho. Nanu tattha “sacakkhukānaṃ aghānakānaṃ upapajjantāna”ntiādinā vissajjanam pavattaṃ, idha pana ghānāyatanamūlakesu “yassa ghānāyatanam upajjati, tassa jivhāyatanam upajjati? Āmantā”ti vissajjanena bhavitabbanti natthi sadisavissajjanatāti? Saccam, yathā pana tattha ghānāyatanayamakena jivhākāyāyatanayamakāni sadisavissajjanāni, evamidhāpi jivhākāyāyatanayamakāni sadisavissajjanāni, tasmā tattha tattheva sadisavissajjanatā pāliyaṃ anāruḷhatāya kāraṇanti. Nidassanabhāvena pana gahitaṃ cakkhāyatanamūlakānaṃ sadisavissajjanakānaṃ sadisavissajjanam nidassanabhāveneva kāraṇanti dassento “**ghānāyatanayamakena sadisavissajjanattā**”ti āha. Sadisavissajjanatā cettha ghānāyatanamūlakesu yebhuyyatāya daṭṭhabbā. Tesu hi jivhākāyāyatanayamakesu tiṇṇam pucchānaṃ “āmantā”ti vissajjanena bhavitabbam, pacchimapucchāya “sakāyākānaṃ aghānakānaṃ upapajjantāna”ntiādināti.

Atha vā yathā vedanākkhandhādīmūlakānaṃ saññākkhandhādiyamakānaṃ amissakakālabhedesu tīsu “āmantā”ti paṭivacanavissajjanena yathāvuttavacanassa vissajjanabhāvānujānaṃ kattabbanti apubbassa vattabbassa abhāvā vissajjanam na kataṃ, evamidhāpi ghānāyatanamūlakam jivhāyatanayamakam apubbassa vattabbassa abhāvā pāliṃ anāruḷhanti pākātoyamattho. Kāyāyatanayamakam pana dutiyapucchāya vasena vissajjitabbam siyā, sā ca cakkhāyatanamūlakesu ghānāyatanayamakena sadisavissajjanā, tasmā yassā pucchāya vissajjanā kātabbā, tassā ghānāyatanayamakena sadisavissajjanattā taṃsesāni pāliṃ anāruḷhānīti evamettha attho daṭṭhabbo. **Tathā**ti idam pāliānāruḷhatāsāmaññeneva vuttaṃ, na kāraṇasāmaññena. Ghānāvihākāyāyatanānaṃ pana agabbhaseyyakesu pavattamānānaṃ gabbhaseyyakesu ca āyatanapāripūrikāle sahaṇāyāyā avisesattā ca appavisesattā ca ekasmiṃ ghānāyatanayamake vissajjite itarāni dve, ghānāyatanamūlakesu ca vissajjitesu itaradvayamūlakāni na vissajjīyantīti veditabbāni. **Rūpāyatanamanāyatanehi saddhinti** “yassa rūpāyatanam upajjati, tassa manāyatanam upajjati”ti etissā pucchāya vuttehi rūpāyatanamanāyatanehi saddhinti adhippāyo. Rūpāyatanamūlakesu hi manāyatanayamake ādipucchāya gandharasaphoṭṭhabbayamakesu ādipucchānaṃ sadisavissajjanatā yamakānaṃ avissajjane kāraṇabhāvena vuttā. Dutiyapucchānañhi paṭivacanavissajjanena bhavitabbanti pubbe vuttanayena vissajjanam na kātabbam, ādipucchānañca na kātabbanti.

**Heṭṭhimehi sadisavissajjanattā**ti ettha gandhāyatanamūlakānaṃ rasaphoṭṭhabbayamakānaṃ rasāyatanamūlakassa ca phoṭṭhabbayamakassa paṭivacanavissajjaneneva bhavitabbanti pubbe vuttanayeneva vissajjanam na kātabbanti yesam kātabbam, tesam gandharasaphoṭṭhabbamūlakānaṃ manāyatanadhammāyatanayamakānaṃ cakkhādīpañcāyatanamūlakehi manāyatanadhammāyatanayamakehi sadisavissajjanattāti attho. Cakkhāyatanādīmūlakāni saddāyatanayamakāni saddāyatanamūlakāni sabbāni avissajjaneneva alabbhamānavissajjanatādassanena vissajjitāni nāma hontīti āha “**chasaṭṭhi yamakāni vissajjitāni nāma hontī**”ti.

**Jaccandhampi jaccabhadhirampī**ti ettha ca jaccabhadhiraggahaṇena jaccandhabadhiro gahitoti veditabbo. **Saghānakānaṃ sacakkhukānanti paripuṇṇāyatanameva opapātikam sandhāya vuttanti** ettha **eva-saddam vuttanti**-etassa parato yojetvā yathā “saghānakānaṃ acakkhukāna”nti idam

aparipuṇṇāyatanam sandhāya vuttam, na evam “saghānakānam sacakkhukāna”nti etam. Etam pana paripuṇṇāyatanam sandhāya vuttamevāti attho daṭṭhabbo. Tena jaccabadhirampi sandhāya vuttatā na vāritā hotīti.

**22-254. Yattha cakkhāyatananti rūpībrahmalokaṃ pucchatīti** niyamato tattha cakkhusotānam sahuṃpattimattam passanto vadati, okāsavāre pana tasmim puggalassa anāmaṭṭhattā yattha kāmādhātuyam rūpadhātuyaṅca cakkhāyatanam uppajjati, tattha sotāyatanampi ekantena uppajjatīti “āmantā”ti (yama. 1.āyatanayamaka.22) vuttam.

“Yassa vā pana rūpāyatanam uppajjissati, tassa cakkhāyatanam uppajjissatīti? Āmantā”ti kasmā paṭiññātam, nanu yo gabbhaseyyakabhāvam gantvā parinibbāyissati, tassa rūpāyatanam paṭisandhiyam uppajjissati, na pana cakkhāyatananti? Yassa rūpāyatanam uppajjissati, tassa tadavatthassa puggalassa rūpāyatanuppādato uddham cakkhāyatanasantānuppādassa pavattiyampi bhavissantassa paṭiññātabbattā. Atha kasmā “yassa vā pana rūpāyatanam nuppajjissati, tassa cakkhāyatanam nuppajjissatīti? Āmantā”ti paṭiññātam, nanu gabbhaseyyakassa pacchimabhavikassa upapajjantassa ekādasamasattāhā orato ṭhitassa rūpāyatanam nuppajjissati no ca cakkhāyatanam nuppajjissatīti? Tasmim bhava bhavissantassa uppādassa anāgatabhāvena avacanato. Bhavantare hi tassa tassa āyatanasantānassa yo ādiuppādo paṭisandhiyam pavatte ca bhavissati, so anāgatuppādo tabbhāvena vuccati addhāpaccuppannānantogadhattā. Na pana yo tasmimyeva bhava pavatte bhavissati, so anāgatuppādabhāvena vuccati addhāpaccuppannānantogadhattā. Addhāvasena hettha kammajapavattassa paccuppannādikālabhedo adhippeto. Evaṅca katvā **indriyayamake** (yama. 3.indriyayamaka.368) “yassa itthindriyam uppajjati, tassa purisindriyam uppajjissatīti? Pacchimabhavikānam itthīnam upapajjantīnam, yā ca itthiyo rūpāvacaṃ arūpāvacaṃ upapajjitvā parinibbāyissanti, yā ca itthiyo eteneva bhāvena katicī bhava dassetvā parinibbāyissanti, tāsam upapajjantīnam tāsam itthindriyam uppajjati, no ca tāsam purisindriyam uppajjissatī”ti vuttam. Na hi tāsam sabbāsam tasmim bhava pavatte purisindriyam na uppajjissati līngaparivattanasabbhāvā, bhavantare pana ādiuppādassa abhāvam sandhāya “no ca tāsam purisindriyam uppajjissatī”ti vuttam. Bhavantare hi ādiuppādassa anāgatattam adhippetanti. Evaṅca katvā “katicī bhava dassetvā”ti bhavaggahaṇam katanti.

“Āyatanānam paṭilābho jātī”ti (dī. ni. 2.388; vibha. 235) vacanato taṃtamāyatananibbattakakammena gahitapaṭisandhikassa avassaṃbhāvīyatanassa yāva āyatanapāripūri, tāva uppajjatīti pana atthe gayhamāne pucchādavyavissajjanam sūpapannaṃ hoti. Evaṅca satī “yassa vā pana sotāyatanam nuppajjissati, tassa cakkhāyatanam nuppajjatīti? Pacchimabhavikānam pañcavokāram upapajjantānam, ye ca arūpam upapajjitvā parinibbāyissanti, tesam upapajjantānam tesam sotāyatanam nuppajjissati, no ca tesam cakkhāyatanam nuppajjatī”ti evamādīsu (yama. 1.āyatanayamaka.95) gabbhaseyyakāpi pacchimabhavikādayo upapajjantā gahitā honti. Evaṅca katvā **indriyayamake** (yama. 3.indriyayamaka.186) “yassa vā pana somanassindriyam uppajjati, tassa cakkhundriyam uppajjatīti? Āmantā”ti idampi upapannaṃ hoti. Somanassindriyuppādakassa kammassa ekantena cakkhundriyuppādanato gabbhepi yāva cakkhundriyuppatti, tāva uppajjamānatāya tassā abhinanditabbattā.

Yam pana “yassa vā pana yattha rūpāyatanam uppajjittha, tassa tattha ghānāyatanam uppajjatīti? Kāmāvacarā cavantānam, aghānakānam kāmāvacaram upapajjantānam, rūpāvacarānam tesam tattha rūpāyatanam uppajjittha, no ca tesam tattha ghānāyatanam uppajjatī”ti ettha “aghānakānam kāmāvacaram upapajjantāna”nti (yama. 1.āyatanayamaka.76) vuttam, tam ye ekādasamasattāhā orato kālam karissanti, tesam ghānāyatananibbattakakammena gahitapaṭisandhikānam vasena vuttanti veditabam. “Yassa yattha ghānāyatanam na nirujjhati, tassa tattha rūpāyatanam na nirujjhissatīti? Kāmāvacaram upapajjantānam, aghānakānam kāmāvacarā cavantānam, rūpāvacarānam tesam tattha ghānāyatanam na nirujjhati, no ca tesam tattha rūpāyatanam na nirujjhissatī”ti hi ettha “aghānakānam kāmāvacarā cavantāna”nti (yama. 1.āyatanayamaka.181) vacanam anuppanneyeva ghānāyatane gabbhaseyyakānam cuti atthīti dīpeti. Na hi kāmāvacare gabbhaseyyakato añño aghānako atthi

**dhammahadayavibhaṅge** (vibha. 978 ādayo) “kāmadhātuyā upapattikkhaṇe kassaci aṭṭhāyatanāni pātubhavanti”ti avuttattāti. Atha kasmā opapātike eva sandhāya idha, indriyayamake ca yathādassitāsu pucchāsu “āmantā”ti vuttanti na viññāyatīti? Yamake sannitṭhānena gahitathassa ekadesa saṃsayatthasambhavena paṭivacanassa akaraṇato. Bhinditabbe hi na paṭivacanavissajjanam hoti. Yadi siyā, pariṇāvissajjanameva na siyāti. Atha kasmā “yassa vā pana somanassindriyam uppajjati, tassa cakkhundriyam uppajjati? Āmantā”ti (yama. 3.indriyayamaka.186) iminā “gabbhaseyyakānam somanassaṭṭhisandhi natthi”ti na viññāyatīti? “Kāmadhātuyā upapattikkhaṇe kassa dasindriyāni pātubhavanti? Gabbhaseyyakānam sattānam sahetukānam nāṇasampayuttānam upapattikkhaṇe dasindriyāni pātubhavanti kāyindriyam manindriyam itthindriyam vā purisindriyam vā jīvitindriyam somanassindriyam vā upekkhindriyam vā saddhindriya”ntiādivacanato (vibha. 1012).

Nirodhavāre anāgatakālabhede yathā tasseva cittassa nirodho anāgatabhāvena tassa uppattikkhaṇe vutto, evaṃ tasseva kammajasantānassa nirodho anāgatabhāvena tassa uppāde vattabboti sabbattha upapajantānam eva so tathā vutto, na uppannānam. Uppannānam pana aññassa anāgatassa santānassa nirodho anāgatabhāvena vattabbo, na tasseva. Tassa hi uppādānantaram nirodho āradhā nāma hotīti. Tasmā arahatam pavatte sotassa cakkhussa ca bhede satipi anāgatakālamāsanavaseneva “yassa cakkhāyatanam nirujjhissati, tassa sotāyatanam nirujjhissati? Āmantā. Yassa vā pana sotāyatanam nirujjhissati, tassa cakkhāyatanam nirujjhissati? Āmantā”ti vissajjanadvayam upapannameva hotīti. Yasmā ca upapattiantaram nirodho āradhā nāma hoti, taṃnitṭhānabhāvato pana cutiyā nirodhavacanam, tasmā pavatte niruddhepi santānekadesa aniruddham upādāya anitṭhitanirodhoti cutiyāva tassa nirodhoti vuccati. Vakkhati hi “yassa vā pana somanassindriyam nirujjhati, tassa cakkhundriyam nirujjhati? Āmantā”ti, tenetthāpi cutinirodhe eva ca adhippete yañca pavatte nirujjhissati, tañca nitṭhānavasena cutiyā eva nirujjhissati vuttanti “āmantā”ti yuttam paṭivacanam. “Sacakkhukāna”ntiādisu ca “paṭiladdhacakkhukāna”ntiādinā attho viññāyatīti.

“Yassa cakkhāyatanam na nirujjhati, tassa sotāyatanam na nirujjhissati? Sabbesam upapajantānam, acakkhukānam cavantānam tesam cakkhāyatanam na nirujjhati, no ca tesam sotāyatanam na nirujjhissati”ti ettha āruppe pacchimabhavike ṭhapetvā sabbe upapajantā, acakkhukā cavantā ca gahitāti daṭṭhabbā. Te hi dutiyakoṭṭhāsena saṅgayhantīti tadapekkhattā sāvasesamidam sabbavacanam acakkhukavacanañcāti. “Āruppe pacchimabhavikāna”nti ettha ca arūpato pañcavokāram agacchantā anaññūpapattikāpi “arūpe pacchimabhavikā”icceva saṅgayhantīti veditabbā. Esa nayo aññesupi evarūpesūti.

Pavattivāraṇṇanā nitṭhitā.

Āyatanayamakavaṇṇanā nitṭhitā.

#### 4. Dhātuyamakam

**1-19. Labbhamānānanti** idam pavattivāre saddadhātusambandhānam yamakānam cakkhuvīññādhātādisambandhānañca cutipaṭisandhivasena alabbhamānatam sandhāya vuttam.

Dhātuyamakavaṇṇanā nitṭhitā.

#### 5. Saccayamakam

##### 1. Paṇṇattivāro

##### Niddesavāraṇṇanā

**10-26. “Dukkham dukkhasaccanti? Āmantā”**ti ettha kiñcāpi dukkhadukkham saṅkhāradukkham

vipariṇāmadukkhanti tīsupi dukkhasaddo pavattati, “jātipi dukkhā”tiādinā (mahāva. 14; vibha. 190) jātiādīsu ca, so pana dukkhadukkhato aññattha pavattamāno aññanirapekkho nappavattati. Suddhañcettha dukkhapadaṃ aññanirapekkhaṃ gahetvā paṇṇattisodhanaṃ karoti, tena nippariyāyato dukkhasabhāvattā eva yaṃ dukkhadukkhāṃ, tasmīṃ dukkhadukkhe esa dukkhasaddo, tañca ekantena dukkhasaccamevāti “āmantā”ti vuttaṃ. Suddhasaccavāre saccavibhaṅge vuttetu samudayesu koci phaladhammesu natthi, na ca phaladhammesu koci nirodhoti vuccamāno atthi, maggasaddo ca phalaphalaṅgesu maggaphalattā pavattati, na maggakkiccasabhāvā. Pariniṭṭhitaniyyānakiccāni hi tāni. Niyyānavācako cettha maggasaddo, na niyyānaphalavācako, tasmā samudayo saccam, nirodho saccam, maggo saccanti etesupi “āmantā”icceva vissajjanaṃ kataṃ.

Atha vā padasodhanena padesu sodhitesu saccavisesanabhūtā eva dukkhādisaddā idha gahitāti viññāyanti. Tesam pana ekantena saccavisesanabhāvam, saccānañca tabbisesanayogavisesam dīpetuṃ suddhasaccavāro vuttoti saccavisesanānaṃ dukkhādīnaṃ ekantasaccattā “dukkhaṃ saccam...pe... maggo saccanti? Āmantā”ti vuttanti. Yathā cettha, evaṃ khandhayamakādīsipi suddhakhandhādivāresu khandhādivisesanabhūtānameva rūpādīnaṃ gahaṇaṃ yuttaṃ. **Aṭṭhakathāyam** (yama. aṭṭha. khandhayamaka 38) pana “yasmā piyarūpasātarūpasānkhātāṃ vā rūpaṃ hotu bhūtopādārūpaṃ vā, sabbam pañcasu khandhesu saṅgahaṃ gacchateva, tasmā āmantāti paṭijānāti”ti vacanena rūpādicakkhādīdukkhādiggahaṇehi suddhakhandhādivāresupi khandhādivisesanato aññepi gahitāti ayamatto dīpito hoti, tena tadanurūpatāvasena itaro attho vutto.

Niddesavāraṇṇanā niṭṭhitā.

## 2. Pavattivāraṇṇanā

**27-164. Antamaso suddhāvāsānampīti** idaṃ tesam ariyattā dukkhasaccena upapajjane āsaṅkā siyāti katvā vuttaṃ. **Tañhāvippayuttacittassāti** idaṃ pañcavokāraseneva gahetabbanti vuttaṃ. **Yassa dukkhasaccam uppajjati** etena pana sanniṭṭhānena sabbe upapajjantā pavattiyam catuvokāre maggaphalato aññacittānaṃ uppādakkaṇasamaṅgino pañcavokāre ca sabbacittānaṃ uppādakkaṇasamaṅgino saṅgahitāti tesveva sanniṭṭhānena nicchitesu keci “pavatte tañhāvippayuttacittassa uppādakkaṇe”ti etena dukkhasamudayesu ekakoṭṭhāsappavattisamaṅgino dassīyanti sanniṭṭhānena gahitasseva vibhāgadassanato, tena catuvokārānampi gahaṇaṃ upapannameva. Na hi tesu maggaphaluppādasamaṅgīsu pasaṅgatā atthi taṃsamaṅgīnaṃ tesam sanniṭṭhānena aggahitattāti. **Idaṃ idha na gahetabbanti** idaṃ catuvokāre phalasaṃpatticittaṃ idha saccānaṃ uppādavacane na gahetabbanti vuttaṃ hoti.

Ettha ca **sabbesaṃ upapajjantānanti** idaṃ kammajapavattassa paṭhamuppādadaṣṣanena vuttaṃ, asaṅgāsattāpettha saṅgahitā. **Pavatte tañhāvippayuttacittassa uppādakkaṇeti** idaṃ pana samudayasaccuppādavomissassa dukkhasaccuppādassa taṃrahitassa dassanavasena vuttaṃ. **Tañhāya uppādakkaṇeti** taṃsahitassa samudayasaccuppādavomissassa. Tesam pana asaṅgāsattānaṃ pavattiyam dukkhasaccassa uppādo sabbattha na gahito, tathā nirodho cāti. Maggasaccayamakepi eseva nayo. **Tesam tasmīṃ upapattikkhaṇe ca tañhāvippayuttacittuppattikkhaṇe cāti evamettha khaṇavasena okāso veditabboti** vuttaṃ, evaṅca sati “yassa yattha dukkhasaccam uppajjati, tassa tattha samudayasaccam uppajjissati”ti (yama. 1.saccayamaka.71) etassa vissajjane pacchimakoṭṭhāse “itaresam catuvokāraṃ pañcavokāraṃ upapajjantānaṃ, pavatte cittassa uppādakkaṇe tesam tattha dukkhasaccañca uppajjati samudayasaccañca uppajjissati”ti idaṃ na yujjeyya. Na hi upapattikkhaṇe cittuppattikkhaṇe ca samudayasaccam uppajjissatīti. Tasmā upapattikkhaṇatāñhāvippayuttacittuppattikkhaṇasamaṅgīnaṃ puggalānaṃ yasmīṃ kāmāvacarādiokāse sā upapatti cittuppatti ca pavattamānā, tattha tesanti okāsavasenevettha tattha-saddassa attho yujjati. Puggalokāsavāro hesa. Tattha puggalavisesadassanattam “sabbesaṃ upapajjantāna”ntiādi vuttaṃ, okāso pana yattha te, so evāti.

“**Sabbesaṃ cavantānaṃ pavatte cittassa bhaṅgakkhaṇe āruppe maggassa ca phalassa ca uppādakkhaṇe tesāṃ samudayasaccaṅca nuppajjati dukkhasaccaṅca nuppajjati**”ti ettha pana “pavatte cittassa bhaṅgakkhaṇe dukkhasaccaṃ nuppajjati”ti cittapaṭibaddhāvuttittā cittajarūpameva idhādhippetāṃ, na kammajādirūpaṃ cittaṃ anapekkhitvāva uppajjanatoti keci vadanti. “**Yassa vā pana samudayasaccaṃ nuppajjati**”ti etena pana sannitthānena gahito puggalo na cittaṃ apekkhitvāva gahito, atha kho yo koci evaṃpakāro, tasmā “tassa dukkhasaccaṃ nuppajjati”ti etena ca na cittāpekkhameva dukkhasaccaṃ vuttaṃ, atha kho yaṃ kiñcīti cittassa bhaṅgakkhaṇe yaṃ kiñci dukkhasaccaṃ nuppajjatīti ayamatto viññāyatīti. Na hi yamake vibhajitabbe avibhattā nāma pucchā atthīti.

“Suddhāvāsānaṃ dutiye cittevatamāne”ti idaṃ sabbantimena paricchena yassa yattha dukkhasaccaṃ uppajjittha, no ca samudayasaccaṃ, taṃdassanavasena vuttaṃ. Tasmim̄ pana dassite tena samānagatikattā dutiyākusalacittato purimasabbacittasamaṅgino teneva dassitā honti. Tesampi hi tattha dukkhasaccaṃ uppajjittha no ca tesāṃ tattha samudayasaccaṃ uppajjitthāti. Evañca katvā “itaresaṃ catuvokārapañcavokārāna”nti ettha yathāvuttā suddhāvāsā aggahitā honti. Yathā “yassa yattha dukkhasaccaṃ uppajjati, tassa tattha samudayasaccaṃ uppajjitthā”ti (yama. 1.saccayamaka.61) etassa vissajjane “suddhāvāsānaṃ upapatticcittassa uppādakkhaṇe”ti (yama. 1.saccayamaka.61) eteneva upapatticcittuppādakkhaṇasamaṅgisamānagatikā dutiyākusalato purimasabbacittuppādakkhaṇasamaṅgino dassitā hontīti na te “itaresa”nti etena gayhanti, evamidhāpi daṭṭhabbanti. “Itaresa”nti vacanaṃ pañcavokārānaṃ visesanatthaṃ, na catuvokārānaṃ. Na hi te pubbe vuttā vajjetabbā santi pañcavokārā viya yathāvuttā suddhāvāsāti. “Abhisametāvīnaṃ tesāṃ tattha dukkhasaccaṅca uppajjittha maggasaccaṅca uppajjitthā”ti (yama. 1.saccayamaka.41) etena sannitthānena puggalokāsā aññamaññaparicchinnā gahitāti yasmim̄ okāse abhisametāvīno, te evaṃ “abhisametāvīna”nti etena gahitāti daṭṭhabbā. Tena ye kāmāvacare rūpāvacare arūpāvacare vā abhisametāvīno rūpāvacaraṃ arūpāvacaraṃ vā upapannā, yāva tatthābhisamayo uppanno bhavissati, tāva te ettha na gayhanti, te pana purimakoṭṭhāse “suddhāvāsānaṃ dutiye citte vattamāne”ti evaṃ dassitehi suddhāvāse anuppannābhisamayehi samānagatikāti visuṃ na dassitā. “Anabhisametāvīna”nti gahitā ye sabbattha tattha ca anabhisametāvīno, tesu suddhāvāsānaṃ gahaṇakālavisesanattaṃ “suddhāvāsānaṃ dutiye citte vattamāne”ti (yama. 1.saccayamaka.42) vuttanti.

**Yassa cittassa anantarā aggamaggaṃ paṭilabhissanti**ti etena vodānacittasamaṅginā samānagatikā tato purimataracittasamaṅginopi yāva sabbantimatāṇhāsampayuttacittasamaṅgī, tāva dassitāti veditabbā. Esa nayo aññesu evarūpesūti.

**Pavatte cittassa bhaṅgakkhaṇeti** āgataṭṭhāne paṭisandhicittassapi bhaṅgakkhaṇaggahaṇaṃ daṭṭhabbaṃ, tathā “pavatte cittassa uppādakkhaṇe”ti āgataṭṭhāne ca cuticcittassapi uppādakkhaṇassāti. “Yassa dukkhasaccaṃ na nirujjhati, tassa samudayasaccaṃ na nirujjhissati”ti (yama. 1.saccayamaka.116) etassa vissajjane dvīsupi koṭṭhāsesu “arūpe maggassa ca phalassa ca bhaṅgakkhaṇe”iceva (yama. 1.saccayamaka.116) vuttaṃ, na visesitaṃ. Kasmā? Ekassapi maggassa ca phalassa ca bhaṅgakkhaṇasamaṅgino ubhayakoṭṭhāsabhajanato. **Yassa dukkhasaccaṃ na nirujjhati**ti etena sannitthānena gahitesu hi arupe maggaphalabhaṅgakkhaṇasamaṅgīsu kesañci tiṇṇaṃ phalānaṃ dvinnāṅca maggānaṃ bhaṅgakkhaṇasamaṅgīnaṃ niranantaṃ anuppādetvā antarantaṃ vipassanānikantiṃ bhavanikantiṃ uppādetvā ye uparimadge uppādessanti, tesāṃ samudayasaccaṃ nirujjhissatīti tesāmyeva pana kesañci antarā taṇhaṃ anuppādetvā uparimaggauppādentānaṃ maggaphalabhaṅgakkhaṇasamaṅgīnaṃ samudayasaccaṃ na nirujjhissatīti. Sāmaññavacanenapi ca purimakoṭṭhāse vuccamānena pacchimakoṭṭhāse vakkhamāne vajjetvāva gahaṇaṃ hotīti dassitoyaṃ nayoti.

Pavattivāraṇaṇā niṭṭhitā.

### 3. Pariññāvāraṇaṇā



**165-170. Pariññāvāre ...pe... tissopettha pariññā labbhantī**ti ettheva visesanaṃ khandhayamakādīsu sabbakhandhādīnaṃ viya sabbasaccānaṃ apariññeyyatādassanattamaṃ sacchikaraṇabhāvanāvasena imassa vārassa appavattidassanattamaṃ. Dukkhasa pariññatthaṃ samudayassa ca pahānatthaṃ bhagavati brahmacariyaṃ vussatīti pariññāpahānaṃ saccesu dassetuṃ dukkhe tīraṇapariññā vuttā, na pahānapariññā. Samudaye ca pahānapariññā, na tīraṇapariññā. Nātapariññā pana sādharmaṇāti ubhayattha vuttā. Maggaññaṇhi dukkhasamudayāni vibhāvetīti nātapariññā ca hoti, dukkhatīraṇakiccānaṃ nipphādanato tīraṇapariññā ca, samudayassa appavattikaraṇatova pahānapariññā cāti tissopi pariññā maggakkhaṇe eva yojetabbāti.

Pariññāvāraṇṇanā niṭṭhitā.

Saccayamakavaṇṇanā niṭṭhitā.

## 6. Saṅkhārayamaṃ

### 1. Paṇṇattivāraṇṇanā

1. Khandhādayo viya pubbe avibhattā kāyasaṅkhārādayoti tesamaṃ aviññātattā “assāsapassāsā kāyasaṅkhāro”tiādīna (saṃ. ni. 4.348) tayo saṅkhāre vibhajati. **Kāyassa saṅkhāro**ti paṭhame atthe sāmīatthe eva sāmivacanaṃ, dutiye atthe kattuatthe. **Vaciyā saṅkhāro**ti kammattthe sāmivacanaṃ. **Cittassa saṅkhāro**ti ca kattuattheyeva. So pana karaṇavacanaṃ atthoti katvā “**karaṇatthe sāmivacanaṃ katvā**”ti vuttaṃ.

2-7. **Suddhikaekekapadavasena atthābhāvatoti** padasodhanatammūlakacakkavārehi yopi attho dassito dvīhi padehi labbhamāno eko assāsapassāsādiko, tassa suddhikehi kāyādipadehi suddhikena ca saṅkhārapadena avacanīyattā yathā rūpapadassa khandhekadeso khandhapadassa khandhasamudāyo padasodhane dassito yathādhippeto attho atthi, evamaṃ ekekapadassa yathādhippetatthābhāvatoti adhippāyo. **Kāyo kāyasaṅkhāro**tiādi pana **vattabbaṃ siyāti** yadi visuṃ adīpetvā samudito kāyasaṅkhārasaddo ekattha dīpeti, kāyasaṅkhārasaddo kāyasaṅkhāratthe vattamāno khandhasaddo viya rūpasaddena kāyasaddena visesitabboti adhippāyena vadati. **Suddhasaṅkhāravāro hesāti** etena imassa vārassa padasodhanena dassitānaṃ yathādhippetānameva gahaṇato tesaṃ kāyādipadehi aggahitattā “kāyo kāyasaṅkhāro”tiādivacanaṃ ayuttiṃ dasseti. Idha pana saṅkhārayamaṃ kāyādipadānaṃ saṅkhārapadassa ca asamānādhikaraṇattā “kāyo saṅkhāro, saṅkhārā kāyo”tiādimhi vuccamāne adhippetatthapariccāgo anadhippetatthapariggaho ca kato siyāti suddhasaṅkhāratammūlacakkavārā na vuttā. Padasodhanavāratammūlacakkavārehi pana asamānādhikaraṇehi kāyādipadehi saṅkhārasaddassa visesaniyatāya dassitāya saṃsāyo hoti “yo atthantarappavattinā kāyasaddena visesito kāyasaṅkhāro, eso atthantarappavattīhi vacīcittēhi visesito udāhu añño”ti. Evamaṃ sesesupi. Ettha tesamaṃ aññattha dassanattamaṃ “kāyasaṅkhāro vacīsaṅkhāro”tiādīna anulomapaṭilomavasena cha yamakāni vuttānīti daṭṭhabbaṃ. Aṭṭhakathāyaṃ pana suddhasaṅkhāravāraṭṭhāne vuttattā ayaṃ nayo suddhasaṅkhāravāroti vutto.

Paṇṇattivāraṇṇanā niṭṭhitā.

### 2. Pavattivāraṇṇanā

19. Pavattivāre saṅkhārānaṃ puggalānaṃ okāsattā jhānaṃ bhūmi ca visuṃ okāsabhāvena gahitāti puggalavāre ca okāsavasena puggalaggahaṇena tesamaṃ dvīnaṃ okāsānaṃ vasena gahaṇaṃ hoti, tasmā “**vinā vitakkavicārehi assāsapassāsānaṃ uppādakkhaṇe**”ti dutiyatīyājñānokāsavasena gahitā puggalā visesetvā dassitāti daṭṭhabbā. Puna **paṭhamajjhānaṃ samāpannānanti** jñānokāsavasena puggalaṃ dasseti, **kāmāvacarānanti** bhūmokāsavasena. Dvippakārānampi pana tesamaṃ visesanattamaṃ “**assāsapassāsānaṃ uppādakkhaṇe**”ti. Tena rūpārūpāvacaresu

paṭhamajjhānasamāpannake kāmāvacare gabbhagatādike ca nivatteti. Kāmāvacarānampi hi gabbhagatādīnaṃ vinā assāsapassāsēhi vitakkavicārānaṃ uppatti atthi. Aṭṭhakathāyaṃ pana ekantikattā rūpārūpāvacarā nidassitā. **Vinā assāsapassāsēhi vitakkavicārānaṃ uppādakkaṇeti** etena pana dassitā puggalā paṭhamajjhānokāsā kāmāvacarādiokāsā ca assāsapassāsavirahaviṣiṭṭhā daṭṭhabbā. Iminā nayena sabbattha puggalavibhāgo veditabbo.

**21. “Paṭhamajjhāne kāmāvacareti kāmāvacarabhūmiyaṃ uppanne paṭhamajjhāne”**ti aṭṭhakathāyaṃ vuttaṃ, etasmiṃ pana atthe sati “catutthajjhāne rūpāvacare arūpāvacare tattha cittaśaṅkhāro uppajjati, no ca tattha kāyaśaṅkhāro uppajjati”ti etthāpi rūpārūpāvacarabhūmiṃsu uppanne catutthajjhāneti attho bhavēyya, so ca aṇiṭṭho bhūmiṃnaṃ okāśabhāvasseva aggahitatāpattito, sabbacatutthajjhānassa okāśavasena aggahitatāpattito ca, tasmā jhānabhūmokāśānaṃ saṅkaraṃ akatvā visuṃ eva okāśabhāvo yojetabbo. Paṭhamajjhānokāsepi hi kāyaśaṅkhāro ca uppajjati vacīśaṅkhāro ca uppajjati kāmāvacarokāse ca. Yādipi na sabbamhi paṭhamajjhāne sabbamhi ca kāmāvacare dvayaṃ uppajjati, tattha pana taṃdvayuppatti atthi katvā evaṃ vuttanti daṭṭhabbaṃ. Visuṃ okāśattā ca **“aṅgamattavasena cetthā”**tiādivacanāṃ na vattabbaṃ hotīti. Imamhi ca yamake avitakkavicāramattaṃ dutiyajjhānaṃ vicāravasena paṭhamajjhāne saṅgahaṃ gacchatīti daṭṭhabbaṃ. Muddhabhūtaṃ dutiyajjhānaṃ gahetvā itaraṃ asaṅgahitanti vā. Yassayatthake “nirodhasamāpannā”nti na labbhati. Na hi te asaṅgāsattā viya okāse hontīti.

**37. Suddhāvāsānaṃ dutiye citte vattamāneti** tesam paṭhamato avitakkaavicārato dutiye savitakkasavicārepi bhavanikantiāvajjane vattamāne ubhayaṃ nuppajjitthāti dassentena tato purimacittakkhaṇesupi nuppajjitthāti dassitameva hoti. Yathā pana cittaśaṅkhārassa ādidassanattaṃ “suddhāvāsānaṃ upapajjantāna”nti vuttaṃ, evaṃ vacīśaṅkhārassa ādidassanattaṃ “dutiye citte vattamāne”ti vuttanti daṭṭhabbaṃ.

Pavattivāraṇṇanā niṭṭhitā.

Saṅkhārayamakavaṇṇanā niṭṭhitā.

## 7. Anusayayamakam

### Paricchedaparinuddesavāraṇṇanā

**1.** Paccayapariggahapariyosānā ñātapariññāti paccayadīpakena mūlayamakena ñātapariññāṃ, khandhādīsu tīraṇabāhullato khandhādiyamahehi tīraṇapariññāṇaṃ vibhāvetvā anusayapahānantā pahānapariññāti pahātābhamuddhabhūtehi anusayehi pahānapariññāṃ vibhāvetuṃ anusayayamakam āradhāṃ. **Labhamānavasenāti** anusayabhāvena labhamānānaṃ vasenāti attho. Tīhākārehi anusayānaṃ gāhāpanaṃ tesu tathā aggahitesu anusayavārādīpāḷiyā duravabodhattā.

**Ayaṃ panettha purimesūti** etesu sānusayavārādīsu purimesūti attho. Atthavisesābhāvato “kāmadhātuṃ vā pana upapajjantassa kāmadhātuyā cutassa, rūpadhātuṃ vā pana upapajjantassa kāmadhātuyā cutassā”ti evamādīhi avuccamāne kathamayaṃ yamakadesanā siyāti? Nāyaṃ yamakadesanā, purimavārehi pana yamakavasena desitānaṃ anusayānaṃ cutiupapattivasena anusayāṭṭhānaparicchedadassanaṃ. Yamakadesanābāhullato pana sabbavārasamudāyassa anusayayamakanti nāmaṃ daṭṭhabbaṃ. Atha vā paṭilomapucchāpi atthavasena labbhanti, atthavisesābhāvato pana na vuttāti labhamānatāvasena etissāpi desanāya yamakadesanatā veditabbā.

**Anurūpaṃ kāraṇaṃ labhitvā uppajjantīti** etena kāraṇalābhe uppattiarahataṃ dasseti. Appahīnā hi anusayā kāraṇalābhe sati uppajjanti. Yāva ca maggena tesam anuppattiarahatā na katā hoti, tāva te evaṃpakārā evāti “anusayā”ti vuccanti. So evaṃpakāro uppajjati-saddena gahito, na khandhayamakādīsu viya uppajjamānatā. Teneva “yassa kāmarāgānusayo uppajjati, tassa paṭighānusayo

uppajjatī? Āmantā”tiādinā uppajjanavāro anusayavārena ninnānākaraṇo vibhatto. Anurūpaṃ kāraṇaṃ pana labhitvā ye uppajjimsu uppajjamānā ca, tepi appahīnaṭṭhena thāmagatā ahesuṃ bhavanti ca. Uppattiarahatāya eva ca te uppajjimsu uppajjanti ca, na ca atītānāgatapaccuppanato aññe uppattiarahā nāma atthi, tasmā sabbe atītānāgatapaccuppanā kāmarāgādayo “anusayā”ti vuccanti. Appahīnaṭṭheneva hi anusayā, appahīnā ca atītādayo eva, maggassa pana tādisānaṃ anuppattiarahatāpādanena anusayappahānaṃ hotīti. Appahīnākāro nāma dhammākāro, na dhammo, dhammo eva ca uppajjatī iminā adhippāyenāha “**appahīnākāro ca uppajjatī vattum na yujjati**”ti. **Sattānusayā**ti ettha yadi appahīnaṭṭhena santāne anusetīti anusayā, atha kasmā satteva vuttā, nanu sattānusayato aññesampi kilesānaṃ appahīnattā anusayabhāvo āpajjatī ce? Nāpajjati, appahīnamattasseva anusayabhāvassa avuttattā. Vuttañhi “anusayoti pana appahīnaṭṭhena thāmagatakilesa vuccati”ti (yama. aṭṭha. anusayayamaka 1), tasmā appahīnaṭṭhena thāmagato kilesoyeva anusayo nāmāti yuttam. Thāmagatanti ca aññehi asādhāraṇo sabhāvo daṭṭhabbo. Tathā hi dhammasabhāvabodhinā tathāgatena imeyeva “anusayā”ti vuttā. **Thāmagatoti** anusayasamaṅgīti attho.

Anusayauppajjanavārānaṃ samānagatikattā yathā “anusetī”ti vacanaṃ appahīnākāradīpakaṃ, evaṃ “uppajjati”ti vacanaṃ siyāti uppajjanavārena “uppajjati”ti vacanassa avuttatā sakkā vattunti ce? Taṃ na, vacanathavisesena taṃdvayassa vuttattā. “Anurūpaṃ kāraṇaṃ labhitvā uppajjati”ti hi etasmiṃ atthe avisiṭṭhepi “anusetī”ti vacanaṃ santāne anusayitattaṃ thāmagatabhāvaṃ dīpeti. Yadi tameva “uppajjati”ti vacanaṃ dīpeyya, kassaci visesassa bhāvā uppajjanavāro na vattabbo siyā, “uppajjati”ti vacanaṃ pana uppattiyoggaṃ dīpeti. Kasmā? Uppajjanavārena uppattiyoggassa dassitattā, anusayasaddassa sabbadā vijjamānānaṃ aparinipphanasayanatthātāya nivāraṇatthaṃ uppattiarahatāya thāmagatabhāvasaṅkhātassa yathādhippetasayanatthassa dassanatthaṃ “anusetīti anurūpaṃ kāraṇaṃ labhitvā uppajjati”ti yaṃ uppattiyoggavacanaṃ vuttam, taṃ suvuttamevāti adhippāyo. Tampi suvuttameva iminā tantippamāṇenāti sambandho. Tantittayenapi hi cittasampayuttatā dīpitā hoti.

Paricchedapariicchinnuddesavāraṇaṇā niṭṭhitā.

## Uppattiṭṭhānavāraṇaṇā

**2. Kāmadhātuyā dvīsu vedanāsūti kāmāvacarabhūmiyaṃ sukhāya ca upekkhāya cāti** aṭṭhakathāyaṃ kāmadhātuggahaṇaṃ dvinnaṃ vedanānaṃ visesanabhāvena vuttam, evaṃ sati kāmadhātuyā kāmarāgānusayassa anusayaṭṭhānatā na vuttā hoti. Dvīsu pana rāgesu bhavarāgassa tīsu dhātūsu rūpārūpadhātūnaṃ anusayaṭṭhānatā vuttāti kāmadhātuyā kāmarāgassa anusayaṭṭhānatā vattabbā. Dhātuvedanāsabbasakkāyapariyāpannavasena hi tippakāraṃ anusayānaṃ anusayaṭṭhānaṃ vuttanti. Tasmā tīsu dhātūsu kāmadhātuyā tīsu vedanāsu dvīsu vedanāsu ettha kāmarāgānusayo anusetīti visuṃ anusayaṭṭhānatā dhātuyā vedanānaṃca yojetabbā. **Dvīsu vedanāsūti** idaṅca vedanāsu anusayamāno kāmarāgānusayo dvīsveva anuseti, na tīsūti tiṇṇampi ṭhānatānivāraṇatthameva vuttanti na sabbāsu dvīsu anusayanappatto atthi, tena vedanāvīsesanatthaṃ na kāmadhātuggahaṇena koci attho. Bhavarāgānusayanaṭṭhānañhi aṭṭhānaṅca anusayānaṃ apariyāpannaṃ sakkāye kāmarāgānusayassa anusayaṭṭhānaṃ na hotīti pākātametaṃ. Yathā ca “dvīsu vedanāsū”ti vutte paṭighānusayānusayaṭṭhānatato aññā dve vedanā gayhanti, evaṃ bhavarāgānusayānusayanaṭṭhānatato ca aññā tā gayhanti.

Ettha ca dvīhi vedanāhi sampayuttesu aññesu ca piyarūpasātarūpesu iṭṭharūpādīsu uppajjamāno kāmarāgānusayo sātasantasukhagiddhiyā pavattatīti dvīsu vedanāsu tassa anusayanaṃ vuttam. Aññattha uppajjamānopi hi so imāsu dvīsu vedanāsu anugato hutvā seti sukhamicceva abhilabhatīti. Evaṃ paṭighānusayo ca dukkhavedanāsampayuttesu aññesu ca appiyarūpasātarūpesu aniṭṭharūpādīsu uppajjamāno dukkhapaṭikūlato dukkhamicceva paṭihaññatīti dukkhavedanameva anugato hutvā seti, tena pana tasmim anusayanaṃ vuttam. Evaṃ kāmarāgapaṭighānaṃ tīsu vedanāsu anusayavacanena iṭṭhaiṭṭhamajjhataṇiṭṭhesu ārammaṇapakatīyā viparītasaññāya ca vasena iṭṭhādibhāvena gahitesu kāmarāgapaṭighānaṃ uppatti dassitā hoti. Tatha uppajjamānā hi te tīsu vedanāsu anusenti nāma.

Vedanāttayamukhena vā ettha iṭṭhādīnaṃ ārammaṇānaṃ gahaṇaṃ veditabbaṃ, kāmādhātuādiggaṇaṇena kāmāssādādivatthubhūtānaṃ kāmābhavādīnaṃ. Tattha kāmāragānusayo bhavāssādavasena anusayamāno kāmādhātuyā anuseti, kāmāasukhāssādavasena anusayamāno sukhopekkaḥvedanāsu. Paṭigho dukkhapaṭighātavaseneva pavattatīti yattha tattha paṭihaññamānopi dukkhavedanāya eva anuseti. Rūpārūpabhavesu pana rūpārūpāvācaradhammesu ca kāmāssādassa pavatti natthīti tattha anusayamāno rāgo bhavarāgoicceva veditabbo. Dhātuttayavedanāttayaggahaṇaṇena ca sabbasakkāyapariyāpannānaṃ gahitattā “yattha kāmāragānusayo nānuseti, tattha diṭṭhānusayo nānuseti”ti (yama. 2.anusayayamaka.46) evamādīnaṃ vissajjanesu dhātuttayavedanāttayavinimuttaṃ diṭṭhānusayādīnaṃ anusayaṭṭhānaṃ na vuttanti daṭṭhabbaṃ. Nanu ca anuttaresu vimokkhesu pihaṃ upaṭṭhāpayato pihapaccayā uppannadomanasse paṭighānusayo nānuseti, tathā nekkhammassitasomanassupekkhāsu kāmāragena nānusayitabbanti tadanusayanaṭṭhānato aññāpi diṭṭhānusayānusayanaṭṭhānabhūtā kāmāvācaravedanā santīti? Hontu, na pana dhātuttayavedanāttayato aññaṃ tadanusayanaṭṭhānaṃ atthi, tasmā taṃ na vuttaṃ. Yasmā pana “yattha kāmāragānusayo ca paṭighānusayo ca mānānusayo ca nānuseti, tattha diṭṭhānusayo vicikicchānusayo nānusetīti? Āmantā”ti (yama. 2.anusayayamaka.52) vuttaṃ, tasmā avisesena dukkhaṃ paṭighānusayassa anusayanaṭṭhānanti samudāyavasena gahetvā vuttanti veditabbaṃ. Tathā lokiyasukhopekkaḥ kāmāragamānānusayanaṭṭhānanti.

Apica sutte “idhāvuso visākha, bhikkhu iti paṭisañcikkhati ‘kudāssu nāmāhaṃ domanassaṃ pajaheyya’nti, so iti paṭisañcikkhitvā paṭighaṃ tena pajahati, na tattha paṭighānusayo anusetī”ti nekkhammassitaṃ domanassaṃ uppādetvā taṃ vikkhambhetvā vīriyaṃ katvā anāgāmi maggena paṭighassa samugghātanāṃ sandhāya vuttaṃ. Na hi paṭigheneva paṭighappahānaṃ, domanassena vā domanassappahānaṃ atthīti. Paṭighuppattirahaṭṭhānatāya pana idha sabbaṃ dukkhaṃ “paṭighānusayassa anusayanaṭṭhāna”nti vuttanti daṭṭhabbaṃ. Nippariyāyadesanā hesā, sā pana pariyāyadesanā. Evañca katvā paṭhamajjhānavikkhambhitāṃ kāmāragānusayaṃ tathā vikkhambhitameva katvā anāgāmi maggena samugghātanāṃ sandhāya “vivicceva...pe... paṭhamāṃ jhānaṃ upasampajja viharati, rāgaṃ tena pajahati, na tattha rāgānusayo anusetī”ti vuttaṃ. Evaṃ catutthajjhānavikkhambhitāṃ avijjānusayaṃ tathā vikkhambhitameva katvā arahattamaggena samugghātanāṃ sandhāya “sukhassa ca pahānā...pe... catutthaṃ jhānaṃ upasampajja viharati, avijjaṃ tena pajahati, na tattha avijjānusayo anusetī”ti (ma. ni. 1.465) vuttaṃ. Na hi lokiyacatutthajjhānupekkaḥāya avijjānusayo sabbathā nānusetīti sakkā vattaṃ “sabbasakkāyapariyāpannesu dhammesu ettha avijjānusayo anusetī”ti (yama. aṭṭha. anusayayamaka 2) vuttattā, tasmā avijjānusayasseva vatthu catutthajjhānupekkaḥā, nekkhammassitadomanassañca paṭighānusayassa vatthu na na hotīti tatthāpi tassa anusayanaṃ veditabbaṃ. Avatthubhāvato hi idha anusayanaṃ na vuccati, na suttantesu viya vuttanayena taṃpaṭipakkhabhāvato taṃsamugghātakamaggassa balavūpanissayabhāvato cāti.

Ettha ca ārammaṇe anusayaṭṭhāne sati bhavarāgavajjo sabbo lobho kāmāragānusayoti na sakkā vattaṃ. Dukkhaṃ hi vedanāya rūpārūpadhātūsu ca anusayamānena diṭṭhānusayena sampayuttopi lobho lobho eva, na kāmāragānusayo. Yadi siyā, diṭṭhānusayassa viya etassapi ṭhānaṃ vattabbaṃ siyāti. Atha pana ajjhāsayavasena tanninnatāya anusayanaṭṭhānaṃ vuttaṃ. Yathā iṭṭhānaṃ rūpādīnaṃ sukhāya ca vedanāya appaṭiladdhaṃ vā appaṭilābhato samanupassato, paṭiladdhapubbaṃ vā atītaṃ niruddhaṃ vigataṃ pariṇataṃ samanupassato uppajjamāno paṭigho dukkhe paṭihaññānavaseneva pavattatīti dukkhameva tassa anusayanaṭṭhānaṃ vuttaṃ, nālambitaṃ, evaṃ dukkhādīsu abhinivesānavasena uppajjamānena diṭṭhānusayena sampayuttopi lobho sukhābhisaṅgavaseneva pavattatīti sātasantasukhadvayamevassa anusayaṭṭhānaṃ vuttanti bhavarāgavajjassa sabbalobhassa kāmāragānusayatā na virujjhati, ekasmiṃyeva ca ārammaṇe rajjanti dussanti ca. Tattha rāgo sukhajjhāsayo paṭigho dukkhajjhāsayoti tesāṃ nānānusayaṭṭhānatā hoti.

Evañca katvā “yattha kāmāragānusayo anuseti, tattha paṭighānusayo anusetīti? No”ti (yama. 2.anusayayamaka.14) vuttanti. Aṭṭhakathāyaṃ pana dvīsu vedanāsu iṭṭhārammaṇe ca domanassuppattiṃ vatvā “domanassamattameva pana taṃ hoti, na paṭighānusayo”ti (yama. aṭṭha. anusayayamaka 2)

vuttattā yathā tattha paṭigho paṭighānusayo na hoti, evaṃ dukkhādīsu uppajjamānena diṭṭhānusayena sahaḥājāto lobho kāmarāgānusayo na hoticceva viññāyatīti. Yaṃ panetaṃ vuttaṃ “**domanassamattameva pana taṃ hoti, na paṭighānusayo**”ti, **ettha na paṭighānusayoti** natthi paṭighānusayoti attho daṭṭhabbo. Na hi domanassassa paṭighānusayabhāvāsāṅkā atthīti.

**Desanā samkiṇṇā viya bhaveyyāti** bhavarāgassapi kāmādhātuyā dvīsu vedanāsu ārammaṇakaraṇavaseneva uppatti vuttā viya bhaveyya, tasmā ārammaṇavisesena visesadassanattaṃ evaṃ desanā katā sahaḥājāta vedanāvisesābhāvatoti adhippāyo.

Uppattiṭṭhānavāraṇṇanā niṭṭhitā.

## Mahāvāro

### 1. Anusayavāraṇṇanā

**3. Anuseti uppajjati**ti paccuppannavohārā pavattāvirāmasena veditabbā. Maggeneva hi anusayānaṃ virāmo vicchedo hoti, na tato pubbeti.

**20. Nāpi ekasmiṃ thāne uppajjanti, na ekaṃ dhammaṃ ārammaṇaṃ karontīti** ettha purimena ekasmiṃ cittuppāde uppatti nivāritā, pacchimena ekasmiṃ ārammaṇeti ayaṃ viseso. Puggalokāsavārassa paṭilome tesam tesam puggalānaṃ tassa tassa anusayassa ananusayanatṭhānaṃ pakatiyā pahānena ca veditabbaṃ, “tiṇṇaṃ puggalānaṃ dukkhāya vedanāya tesam tattha kāmarāgānusayo nānuseti, no ca tesam tattha paṭighānusayo nānuseti, tesaññeva puggalānaṃ rūpadhātuyā arūpadhātuyā apariyāpanne tesam tattha kāmarāgānusayo ca nānuseti, paṭighānusayo ca nānuseti”ti pakatiyā dukkhādīnaṃ kāmarāgādīnaṃ ananusayaṭṭhānataṃ sandhāya vuttaṃ, “dvinnāṃ puggalānaṃ sabbattha kāmarāgānusayo ca nānuseti, paṭighānusayo ca nānuseti”ti (yama. 2.anusayayamaka.56) anusayappahānena. Ettha purimanayena okāsaṃ avekkhitvā puggalassa vijjāmānānaṃ anusayānaṃ ananusayanaṃ vuttaṃ, pacchimanayena puggalaṃ avekkhitvā okāsassa kāmādhātuādīkassa anokāsātīti.

Anusayavāraṇṇanā niṭṭhitā.

### 2. Sānusayavāraṇṇanā

**66-131.** Sānusayapajahanapariññāvāresu “sānusayo, pajahati, parijānāti”ti puggalo vutto. Puggalassa ca imasmiṃ bhava sānusayoti evaṃ bhavavisesena vā, imasmiṃ kāmarāgānusayena sānusayo imasmiṃ itaresu kenacīti evaṃ bhavānusayavisesena vā sānusayatāniranusayatādīkā natthi. Tathā dvīsu vedanāsu kāmarāgānusayena sānusayo, dukkhāya vedanāya niranusayoti idampi natthi. Na hi puggalassa vedanā okāso, atha kho anusayānanti. Anusayassa pana tassa tassa so so anusayanokāso puggalassa tena tena anusayena sānusayatāya, tassa tassa pajahanaparijānanānañca nimittaṃ hoti, ananusayanokāso ca niranusayatādīnaṃ, tasmā okāsavāresu bhummaniddesaṃ akatvā “yato tato”ti nimittatthe nissakkavacanaṃ kataṃ, pajahanapariññāvāresu apādānatthe eva vā. Tato tato hi okāsato apagamakaraṇaṃ vināsaṃ pajahanaṃ parijānanañcīti.

Tattha **yatoti** yato anusayaṭṭhānato anulome, paṭilome ananusayaṭṭhānatoti attho. Anusayānānusayasseva hi nimittāpādānabhāvadassanattaṃ “rūpadhātuyā arūpadhātuyā tato mānānusayena sānusayoti (yama.2.anusayayamaka.77), pajahati”ti (yama. 2.anusayayamaka.143) ca “dukkhāya vedanāya tato kāmarāgānusayena niranusayoti (yama. 2.anusayayamaka.110), na pajahati”ti (yama. 2.anusayayamaka.174-176) ca evamādīsu rūpadhātuādayo eva bhummaniddeseneva niddiṭṭhāti. Aṭṭhakathāyaṃ pana catutthapañhavissajjanena sarūpato anusayanatṭhānassa dassitattā tadatthe ādipañhepi “yato”ti anusayanatṭhānaṃ vuttanti imamatthaṃ vibhāvetvā puna “yato”ti etassa

vacanattham dassetum “**uppannena kāmarāgānusayena sānusayo**”ti vuttam, tam pamādalikhitam viya dissati. Na hi uppanneneva anusayena sānusayo, uppattirahaṭṭhānatañca sandhāyeva nissakkavacanam na sakkā vuttam. Na hi apaniyāpannānam anusayuppattirahaṭṭhānatāti tam tatheva dissati. Evaṃ panettha attho daṭṭhabbo – yato uppannenāti yato uppannena bhavitabbaṃ, tenāti uppattirahaṭṭhāne nissakkavacanam katanti. Tathā sabbadhammesu uppajjanakenāti. Uppattiṭṭisedhe akate anuppattiyā anicchittā sabbadhammesu uppajjanakabhāvam āpannena anuppajjanabhāvam apaneti nāma. **Sabbatthāti** etassa pana sabbatṭhānatoti ayamattho na na sambhavati. Ttha-kārañhi bhummato aññatthāpi saddavidū icchantīti.

Sānusayavāraṇṇanā niṭṭhitā.

### 3. Pajahanavāraṇṇanā

**132-197.** Pajahanavāre yena kāmarāgānusayādayo sāvasesā pahīyanti, so te pajahatīti sannitṭhānam katvā vattabbo na hoti apajahanasabbhāvā, tasmā sannitṭhāne niravasesappajahanakoyeva pajahatīti vutto, tasmā “yo vā pana mānānusayam pajahati, so kāmarāgānusayam pajahatīti? No”ti (yama. 2.anusayayamaka.132) vuttam. Yasmā pana saṃsayapadena pahānakaraṇamattameva pucchati, na sannitṭhānam karoti, tasmā yathāvijjamānam pahānam sandhāya “yo kāmarāgānusayam pajahati, so mānānusayam pajahatīti? Tadekaṭṭham pajahati”ti vuttam. Paṭilome pana “nappajahatī”ti pajahanābhāvo eva sannitṭhānapadena saṃsayapadena ca vinicchito pucchito ca, tasmā yesam pajahanam natthi niravasesavasena pajahanakānam, te ṭhapetvā avasesā appajahanasabbhāveneva nappajahantīti vuttā, na ca yathāvijjamānena pahāneneva vajjitāti daṭṭhabbāti. “Anāgāmimaggasamaṅgiṇca aṭṭhamakañca ṭhapetvā avasesā puggalā kāmarāgānusayañca nappajahanti vicikicchānusayañca nappajahantī”ti (yama. 2.anusayayamaka.165) ettha **aṭṭhakathāyam** “puthujjano pahānapariññāya abhāvena nappajahati, sesā tesam anusayānam pahīnattā”ti (yama. aṭṭha. anusayayamaka 132-197) vuttam.

Tattha kiñcāpi kesañci vicikicchānusayo kesañci ubhayanti sesānam tesam pahīnattā atthi, tathāpi sotāpannādīnam vicikicchānusayassa pahīnattā ubhayāpajahanassa kāraṇam na hotīti tesam pahīnattā “nappajahantī”ti na sakkā vuttam, atha pana kāmarāgānusayañca nappajahantīti imam sannitṭhānena tesam puggalānam saṅgahitāḍassanattham vuttanti na tattha kāraṇam vattabbaṃ, pucchitassa pana saṃsayatthassa kāraṇam vattabbaṃ. Evaṃ sati “sesā tassa anusayassa pahīnattā”ti vattabbanti? Na vattabbaṃ “yo kāmarāgānusayam nappajahati, so diṭṭhānusayam vicikicchānusayam nappajahatī”ti paṭikkhipitvā pucchite sadisavissajjanake diṭṭhivicikicchānusaye sandhāya kāraṇassa vattabbattā, tasmā **tesam anusayānam pahīnattā**ti tesam diṭṭhivicikicchānusayānam pahīnattā te saṃsayatthasaṅgahite anusaye nappajahantīti attho daṭṭhabbo.

Pajahanavāraṇṇanā niṭṭhitā.

### 5. Pahīnavāraṇṇanā

**264-274.** Pahīnavāre phalaṭṭhavaseneva desanā āraddhāti anulomam sandhāya vuttam. Paṭilome hi puthujjanavaseneva desanā gahitāti. “Phalaṭṭhavasenevā”ti ca sādharmaṇavacanena maggasamaṅgīnam aggahitattam dīpeti. Anusayaccantapaṭipakkhekacittakkaṇikānañhi maggasamaṅgīnam na koci anusayo uppattiraho, nāpi anuppattirahattam āpādito, tasmā te na anusayasānusayapahīnappajjanavāresu gahitāti.

**275-296.** Okāsavāre so so anusayo attano attano okāse eva anuppattidhammatam āpādito pahīno, anāpādito ca appahīnoti pahīnāppahīnavacanāni tadokāsameva dīpentī, tasmā anokāse tadubhayāvattabbatā vuttāti. **Sādhāraṇaṭṭhāne tena saddhim pahīno nāma hotīti** tena saddhim samānokāse pahīno nāmāti attho, na samānakāle pahīnoti.

Pahīnavāraṇṇanā niṭṭhitā.

## 7. Dhātuvāraṇṇanā

**332-340.** Dhātuvāre **santānaṃ anugatā hutvā sayantīti** yasmim̐ santāne appahīnā, taṃsantāne appahīnabhāvena anugantvā uppattirahabhāvena sayantīti attho. Uppattirahatā eva hi anurūpaṃ kāraṇaṃ labhitvā uppajjantīti idhāpi yuttāti. Ettha ca na kāmādhātuādīni cha paṭinisedhavadānāni dhātuvisesaniddhāraṇāni na hontīti “na kāmādhātuyā cutassa na kāmādhātuṃ upapajjantassā”tiādimhi vuccamāne imaṃ nāma upapajjantassāti na viññāyeyya, tasmā taṃmūlikāsu yojanāsu “na kāmādhātuyā cutassa kāmādhātuṃ rūpadhātuṃ arūpadhātuṃ upapajjantassā”ti paṭhamam̐ yojetvā puna anukkamena “na kāmādhātuṃ upapajjantassā”tiādikā yojanā katā. Evañhi na kāmādhātuādīpadehi yathāvuttadhātuyoyeva gahitā, na kañcīti viññāyati. Yathā anusayavāre “anusetīti padassa uppajjantīti attho gahito”ti vuttaṃ, tatthāpi uppajjamānameva sandhāya uppajjantīti gahetuṃ na sakkā “yassa kāmarāgānusayo anuseti, tassa paṭighānusayo anusetīti? Āmantā”tiādivacanato. Athāpi appahīnataṃ sandhāya uppajjantīti attho tattha gahito, idhāpi so na na yujjati. **Bhaṅgāti** bhañjītabbā, dvidhā kātābbāti attho. Nanu na koci anusayo yattha uppajjantassa anuseti nānuseti cāti dvidhā kātābbā, tattheva kasmā “kati anusayā bhaṅgā? Anusayā bhaṅgā natthī”ti pucchāvissajjanāni katāni. Na hi pakārantarābhāve saṃsayo yuttoti? Na na yutto, “anusayā bhaṅgā natthī”ti avutte bhaṅgābhāvassa aviññātattāti.

Dhātuvāraṇṇanā niṭṭhitā.

Anusayayamakavaṇṇanā niṭṭhitā.

## 8. Cittayamaṃ

### Uddesavāraṇṇanā

**1-62.** Cittayamakavaṇṇanāyaṃ **ādītova tayo suddhikamahāvārā hontīti** ime tayo mahāvārā sarāgādikusalādīhi missakā suddhikā ca, tesu ādīto suddhikā hontīti attho. Missakesu ca ekekasmim̐ sarāgādīmissakacitte tayo tayo mahāvārā, te tattha tattha pana vutte sampiṇḍetvā “**soḷasa puggalavārā**”tiādi vuttaṃ, na nirantaram̐ vutteti. “Yassa cittaṃ uppajjati na nirujjhati, tassa cittaṃ nirujjhissati nuppajjissati”tiādinā uppādanīrodhānaṃ paccuppannānāgatakālānañca saṃsaggavasena ekekāya pucchāya pavattattā “**uppādanīrodhakālasambhedavāro**”ti vutto. Evaṃ sesānampi vārānaṃ taṃtaṃnāmatā pālīanusārena vedītabbā.

Uddesavāraṇṇanā niṭṭhitā.

### Niddesavāraṇṇanā

**63. Tathārūpasseva khīṇāsavassa cittaṃ sandhāyāti** idaṃ uppādakkaṇasamaṅgipacchīmacittasamaṅgimhi puggale adhippete tañca cittaṃ adhippetameva hotīti katvā vuttanti daṭṭhabbā. **Arahato pacchīmacittampīti** nuppajjati nirujjhatīti evaṃpakāram̐ bhaṅgakkhaṇasamaṅgimeva sandhāya vuttaṃ.

**65-82.** Uppādavārassa dutiyapucchāvissajjane **cittassa bhaṅgakkhaṇe, nirodhasamāpannānaṃ, asaṅgāsattānaṃ tesam̐ cittaṃ uppajjittha, no ca tesam̐ cittaṃ uppajjatīti** ettha “cittassa bhaṅgakkhaṇe tesam̐ cittaṃ uppajjitthā”ti etassa “sabbesam̐ cittaṃ khaṇapaccuppannameva hutvā uppādakkaṇaṃ atītattā uppajjittha nāmā”ti attho vutto. **Cittassa uppādakkaṇe tesam̐ cittaṃ uppajjittha ceva uppajjati cāti** etassapi uppādaṃ pattattā uppajjittha, anatītattā uppajjati nāmāti dvayametaṃ evaṃ na sakkā vuttuṃ. Na hi khaṇapaccuppanne “uppajjitthā”ti atītavohāro atthi. Yadi

siyā, **yaṃ vā pana cittaṃ uppajjittha, taṃ cittaṃ uppajjatī** ettha “no”ti avatvā vibhajitabbaṃ siyā. Tathā “**yaṃ cittaṃ uppajjati, taṃ cittaṃ uppajjitthā**”ti ettha ca “no”ti avatvā “āmantā”ti vattabbaṃ siyā. “**Cittassa bhaṅgakkhaṇe**”ti pana bhijjamānacittasamaṅgī puggalo vutto, tassa atītaṃ cittaṃ uppajjittha, na ca kiñci cittaṃ uppajjati. **Cittassa uppādakkhaṇeti** ca uppajjamānacittasamaṅgī puggalo vutto, tassapi atītaṃ cittaṃ uppajjittha, taṃ pana cittaṃ uppajjatīti evamettha attho daṭṭhabbo. Cittanti hi sāmaññavacanamaṃ ekasmiṃ anekasmiñca yathāgahitavisesse tiṭṭhatīti. “**Yassa vā pana cittaṃ uppajjissati, tassa cittaṃ uppajjatīti? Cittassa bhaṅgakkhaṇe**”ti ettha **yassa vā pana cittaṃ uppajjissatīti** etena sannitṭhānena gahitapuggalasseva cittassa bhaṅgakkhaṇeti evaṃ sabbattha sannitṭhānavasena niyamo veditabbo. Uppannuppajjamānavāro niruddhanirujjhamānavāro ca puggalavārādīsu tīsupi ninnānākaraṇā uddiṭṭhā niddiṭṭhā ca. Tattha puggalavāre avisesena yaṃ kañci tādīsaṃ puggalaṃ sandhāya “**uppannaṃ uppajjamāna**”ntiādi vuttaṃ, dhammavāre cittameva, puggaladhammavāre puggalaṃ cittañcāti ayamettha viseso daṭṭhabbo.

**83.** Atikkantakālavāre imassa puggalavārattā puggalo pucchitoti puggalasseva vissajjanena bhavitabbaṃ. Yathā **yassa cittaṃ uppajjitthāti** etena na koci puggalo na gahito, evaṃ **yassa cittaṃ uppajjamānaṃ khaṇaṃ khaṇaṃ vītikkantaṃ atikkantakāla**nti etena sannitṭhānena na koci na gahito. Na hi so puggalo atthi, yassa cittaṃ uppādakkhaṇaṃ atītaṃ natthi, te ca pana nirujjhamānakkhaṇātītacittā na na hontīti paṭṭhamo pañho “āmantā”ti vissajjitabbo siyā, tathā dutiyatatiyā. Catuttho pana “pacchimakittassa bhaṅgakkhaṇe tesam cittaṃ bhaṅgakkhaṇaṃ avītikkantaṃ, no ca tesam cittaṃ uppādakkhaṇaṃ avītikkantaṃ, itaresam cittaṃ bhaṅgakkhaṇaṇca avītikkantaṃ uppādakkhaṇaṇca avītikkanta”nti vissajjitabbo bhavēyya, tathā avissajjetvā kasmā sabbattha cittameva vibhattanti? Cittavasena puggalavavatthānato. Khaṇassa hi vītikkantatāya atikkantakālatāvacanena vattamānassa ca cittassa vasena puggalo uppādakkhaṇātītacitto vutto atītassa ca, tattha purimassa cittaṃ na bhaṅgakkhaṇaṃ vītikkantaṃ pacchimassa vītikkantanti evamādiko puggalavibhāgo yassa cittassa vasena puggalavavatthānaṃ hoti, tassa cittassa taṃtaṃkhaṇavītikkamāvītikkamadassanavasena dassito hotīti sabbavissajjanesu cittameva vibhattam. Atha vā nayidha dhammamattavisiṭṭho puggalo pucchito, atha kho puggalavisiṭṭhaṃ cittaṃ, tasmā cittameva vissajjitanti veditabbaṃ. Yādipi puggalappadhānā pucchā, athāpi cittappadhānā, ubhayathāpi dutiyapucchāya “āmantā”ti vattabbaṃ siyā, tathā pana avatvā nirodhakkhaṇavītikkamena atikkantakālatā na uppādakkhaṇavītikkamena atikkantakālatā viya vattamānassa atthīti dassanattaṃ “**atītaṃ citta**”nti vuttanti daṭṭhabbaṃ. **Yassa cittaṃ na uppajjamānanti** ettha uppajjamānaṃ khaṇaṃ khaṇaṃ vītikkantaṃ atikkantakālaṃ yassa cittaṃ na hotīti attho. Esa nayo “**na nirujjhamāna**”nti etthāpi.

**114-116.** Missakavāresu **yassa sarāgaṃ cittaṃ uppajjati na nirujjhati, tassa cittaṃ nirujjhissati nuppajjissatīti** pucchā, **notī** vissajjanañca aṭṭhakathāyaṃ dassitaṃ. Pāliyaṃ pana “yassa sarāgaṃ cittaṃ uppajjati na nirujjhati, tassa sarāgaṃ cittaṃ nirujjhissati nuppajjissatī”ti mātikāṭhapanāyaṃ vuttattā vissajjanepi tatheva sannitṭhānasamsayatthesu sarāgādimissakacittavaseneva pucchā uddharitvā “sarāgapacchimakittassa uppādakkhaṇe tesam sarāgaṃ cittaṃ uppajjati na nirujjhati nirujjhissati nuppajjissati, itaresam sarāgacittassa uppādakkhaṇe tesam sarāgaṃ cittaṃ uppajjati na nirujjhati nirujjhissati ceva uppajjissati cā”ti evamādinā nayena yebhuyyena suddhikavārasadisameva vissajjanaṃ kātabbanti katvā saṃkhittanti viññāyati.

Niddesavāraṇṇanā niṭṭhitā.

Cittayamakavaṇṇanā niṭṭhitā.

## 9. Dhammayamaṃ

### 1. Paṇṇattivāro



## Uddesavāraṇṇanā

1-16. Dhammayamakavaṇṇanāyaṃ **kusalādidhammānaṃ mātikaṃ ṭhapetvā**ti yathā mūlayamake kusalādidhammā desitā, yathā ca khandhayamakādīsū “pañcakkhandhā”tiādīnā aññathā saṅgahetvā desitā, tathā adesetvā yā kusalādīnaṃ dhammānaṃ “kusalākusalā dhammā”tiādīkā mātikā, taṃ idha ādimhi ṭhapetvā desitassāti attho.

Uddesavāraṇṇanā niṭṭhitā.

## 2. Pavattivāraṇṇanā

33-34. “Yassa kusalā dhammā uppajjanti, tassa abyākatā dhammā uppajjanti”ti etassa vissajjane “**abyākatā cāti cittasamuṭṭhānarūpavasena vutta**”nti aṭṭhakathāyaṃ vuttaṃ, imasmim̐ pana pañhe kammasamuṭṭhānādirūpañca labbhati, taṃ pana paṭilomavārassa vissajjane **sabbesaṃ cavantānaṃ, pavatte cittassa bhaṅgakkhaṇe, āruppe akusalānaṃ uppādakkhaṇe tesam̐ kusalā ca dhammā na uppajjanti abyākatā ca dhammā na uppajjanti**ti ettha pavatte cittassa bhaṅgakkhaṇe uppajjamānampi kammasamuṭṭhānādirūpaṃ aggahetvā “abyākatā ca dhammā na uppajjanti”ti vuttattā cittasamuṭṭhānarūpameva idhādhippetam̐. Kammasamuṭṭhānādirūpe na vidhānaṃ, nāpi paṭisedhoti keci vadanti, tathā cittasamuṭṭhānarūpameva sandhāya “yassa kusalā dhammā uppajjanti, tassa abyākatā dhammā nirujjhanti? No”ti (yama. 3.dhammayamaka.163) vuttanti. Taṃ panetaṃ evaṃ na sakkā vattum̐ cittassa bhaṅgakkhaṇe kammasamuṭṭhānarūpādīnampi uppādassa uppādakkhaṇe ca nirodhassa evamādīhi eva pālīhi paṭisedhasiddhito.

Ye ca vadanti “yathā paṭisambhidāmagge nirodhakathāyaṃ ‘sotāpattimaggakkhaṇe jātā dhammā ṭhapetvā cittasamuṭṭhānarūpaṃ sabbepi virāgā ceva honti virāgārammaṇā virāgagocarā virāgasamudāgatā virāgapaṭiṭṭhā’tiādīsū ‘ṭhapetvā rūpa’nti avatvā cittapaṭibaddhattā cittajarūpānaṃ ‘ṭhapetvā cittasamuṭṭhānarūpa’nti vuttaṃ, evamidhāpi cittapaṭibaddhattā cittajarūpameva kathita”nti, tañca tathā na hoti. Yesañhi sotāpattimaggo saḥajātapaccayo hoti, yesu ca virāgādiāsankā hoti, te sotāpattimaggasahajātā dhammā sotāpattimaggakkhaṇe jātā dhammāti tattha vuttā. **Sotāpattimaggakkhaṇe jātāti** hi vacanaṃ magge jātataṃ dīpeti, na ca kammajādīni amagge jāyamānāni maggakkhaṇe jātavohāraṃ arahanti tesam̐ tassa sotāpattimaggakkhaṇe saḥajātapaccayattābhāvato, tasmā maggakkhaṇe taṃsahajātadhammesu ṭhapetabbaṃ ṭhapetum̐ “ṭhapetvā cittasamuṭṭhānarūpa”nti vuttaṃ, idha pana kusalādidhammā yassa yattha uppajjanti nirujjhanti ca, tassa puggalassa tasmīñca okāse abyākatadhammānaṃ uppādanirodhānaṃ kusalādiṭṭhānaṃ appaṭibaddhattā ca āmaṭṭhā, na ca kammajādirūpaṃ abyākataṃ na hoti, tasmā sannīṭṭhānena gahitassa puggalassa okāse vā uppādanirodhesu vijjamānesu abyākatānaṃ te veditabbā, avijjamānesu ca paṭisedhetabbā, na ca acittapaṭibaddhā abyākatāti ettha na gahitāti sakkā vattum̐ nirodhasamāpannānaṃ asaññasattānañca uppādanirodhavacanatotī.

Catutthapañhe **pavatte akusalābyākatācittassa uppādakkhaṇeti** idam̐ “yassa vā pana abyākatā dhammā uppajjanti”ti etena sannīṭṭhānena gahitesu pañcavokāre akusalābyākatācittānaṃ catuvokāre ca abyākatācittasseva uppādakkhaṇasamaṅgino sandhāya vuttaṃ. Evaṃ sabbattha sannīṭṭhānavasena viseso veditabbo.

79. “**Ekāvajjanena 166 uppannassā**”ti vuttaṃ, nānāvajjanenapi pana tato purimatarajavanavīthīsū uppannassa “uppādakkhaṇe tesam̐ akusalā dhammā nuppajjissanti, no ca tesam̐ kusalā dhammā nuppajjanti”ti idam̐ lakkhaṇaṃ labbhateva, tasmā etena lakkhaṇena samānalakkhaṇaṃ sabbam̐ **yassa cittassa anantarā aggamaggaṃ paṭilabhissanti, tassa cittassa uppādakkhaṇeti** eteneva kusalānāgatabhāvapariyosānena tāya eva samānalakkhaṇatāya dīpitaṃ hotīti daṭṭhabbaṃ. Esa nayo akusalātibhāvassa abyākatātibhāvassa ca ādimhi “**dutiye akusale**”ti, “**dutiye citte**”ti ca vuttaṭṭhāne. Yathā hi bhāvanāvāre bhāvanāpahānānaṃ pariyosānena aggamaggena tato purimatarānīpi

bhāvanāpahānāni dassitāni honti, evamidhāpi taṃ taṃ tena tena ādinā antena ca dassitanti.

**100. Pañcavokāre akusalānaṃ bhaṅgakkhaṇe tesam akusalā ca dhammā nirujjhanti abyākatā ca dhammā nirujjhantīti** vacanena paṭisandhicittato soḷasamaṃ, tato parampi vā bhavanikanticittam hoti, na tato oranti viññāyatīti.

Pavattivāraṇṇanā niṭṭhitā.

Dhammayamakavaṇṇanā niṭṭhitā.

## 10. Indriyayamakam

### 1. Paṇṇattivāro

#### Uddesavāraṇṇanā

1. Indriyayamake vibhaṅge viya jīvitindriyam manindriyānantaram aniddisitvā purisindriyānantaram uddiṭṭham “tīṇimāni, bhikkhave, indriyāni. Katamāni tīṇi? Itthindriyam purisindriyam jīvitindriya”nti (saṃ. ni. 5.492) sutte desitakkamena. Pavattivāre hi ekantaṃ pavattiyam eva uppajjamānānaṃ sukhindriyādīnaṃ kammajānaṃ akammajānañca anupālakaṃ jīvitindriyam cutipaṭisandhīsu ca pavattamānānaṃ kammajānanti taṃmūlakāni yamakāni cutipaṭisandhipavattivāsena vattabbānīti veditabbāni. Cakkhundriyādīsu pana purisindriyāvasānesu yaṃ mūlakameva na hoti manindriyam, taṃ ṭhapetvā avasesamūlakāni cutiupapattivāseneva vattabbāni āyanayamake viya, tasmā jīvitindriyam tesam majjhe anuddisitvā ante uddiṭṭhanti.

Uddesavāraṇṇanā niṭṭhitā.

#### Niddesavāraṇṇanā

**94. Itthī itthindriyanti** ettha yasmā itthīti koci sabhāvo natthi, na ca rūpādidhamme upādāya itthiggahaṇaṃ na hoti, tasmā itthiggahaṇassa avijjamānampi vijjamānamiva gahetvā pavattito tathāgahitassa vasena “natthī”ti avatvā “no”ti vuttaṃ. Sukhassa ca bhedaṃ katvā “sukhaṃ somanassa”nti, dukkhassa ca “dukkhaṃ domanassa”nti vacaneneva somanassato aññā sukhā vedanā sukhaṃ, domanassato ca aññā dukkhā vedanā dukkhanti ayaṃ viseso gahitoyevāti “**sukhaṃ sukhindriyam dukkhaṃ dukkhindriya**”nti ettha “āmantā”ti vuttaṃ.

**140. Suddhindriyavāre cakkhu indriyanti** ettha dibbacakkhupaññācakkhūni paññindriyāni hontīti “āmantā”ti vuttaṃ. **Avasesam sotanti** taṃhāsotamevāha.

Niddesavāraṇṇanā niṭṭhitā.

### 2.Pavattivāraṇṇanā

**186.** Pavattivāre “chayimāni, bhikkhave, indriyāni. Katamāni cha? Cakkhundriyam...pe... kāyindriyam manindriya”nti (saṃ. ni. 5.495) sutte vuttanayena idha uddiṭṭham manindriyam cutipaṭisandhipavattīsu pavattamānehi kammajākammajehi sabbehipi yogaṃ gacchati, na ca jīvitindriyam viya aññadhammanissayena gahetabbaṃ, pubbaṅgamattāva padhānaṃ, tasmā kūṭam viya gopānasīnaṃ sabbindriyānaṃ samosaraṇaṭṭhānaṃ ante ṭhapetvā yojitaṃ. Jīvitindriyādīmūlakesu pavattiñca gahetvā gatesu “yassa jīvitindriyam uppajjati, tassa sukhindriyam uppajjati? Sabbesam upapajjantānaṃ, pavatte sukhindriyavippayuttacittassa uppādakkhaṇe tesam jīvitindriyam uppajjati, no

ca tesam sukhindriyam uppajjati, sukhindriyasampayuttacittassa uppādakkhaṇe tesam jīvitindriyaṅca uppajjati sukhindriyaṅca uppajjati”tiādīnā sukhadukkhadomanassindriyehi lokuttarindriyehi ca yojanā labbhati, tathā “yassa sukhindriyam uppajjati, tassa dukkhindriyam uppajjati? No”tiādīnā taṃmūlakā ca nayā. Tehi pana pavattiyāmyeva uppajjamānehi yojanā taṃmūlakā ca cutipaṭisandhipavattīsu pavattamānehi somanassindriyādīhi yojanāya jīvitindriyamūlakehi ca nayehi pākāṭāyevāti katvā na vuttāti daṭṭhabbā.

**“Sacakkhukānaṃ vinā somanassenāti upekkhāsahagatānaṃ catunnaṃ mahāvīpākapaṭisandhīnaṃ vasena vutta”**nti aṭṭhakathāyaṃ vuttaṃ, taṃ somanassavīrahitasacakkhukapaṭisandhinidassanavasena vuttanti daṭṭhabbā. Na hi “catunnaṃyevā”ti niyamo kato, tena taṃsamānalakkhaṇā parittavīpākārūpāvacarapaṭisandhiyopi dassitā honti. Tattha kāmāvacaresu somanassapaṭisandhisamānatāya mahāvīpākehi catūhi nidassanaṃ kataṃ, tena yathā sasomanassapaṭisandhikā acakkhukā na honti, evaṃ itaramahāvīpākapaṭisandhikāpīti ayamatto dassito hoti. Gabbhaseyyakānaṅca anuppannesu cakkhādīsu cavantānaṃ ahetukapaṭisandhikatā sahetukapaṭisandhikānaṃ kāmāvacarānaṃ niyamato sacakkhukādibhāvadassanena dassitā hoti. Gabbhaseyyakepi hi sandhāya “yassa vā pana somanassindriyam uppajjati, tassa cakkhundriyam uppajjati? Āmantā”ti idaṃ vacanaṃ yathā yujjati, tathā āyatanayamake dassitaṃ. Na hi sannīṭṭhānena saṅgahitānaṃ gabbhaseyyakānaṃ vajjana kārānaṃ atthi, “itthīnaṃ aghānakānaṃ upapajantīna”ntiādīsu (yama. 3.indriyayamaka.187) ca te eva vuttāti.

**Upekkhāya acakkhukānanti ahetukapaṭisandhivasena vuttanti** ettha ca kāmāvacare sopekkhaacakkhukapaṭisandhiyā taṃsamānalakkhaṇaṃ arūpapaṭisandhiṅca nidassetīti daṭṭhabbā. Kesuci pana potthakesu “ahetukārūpapaṭisandhivasenā”ti pāṭho dissati, so eva seyyo.

**“Tattha hi ekanteneva saddhāsatipaññāyo natthi, samādhivīriyāni pana indriyappattāni na hontī”**ti vuttaṃ, yadi pana samādhivīriyāni santi, “indriyappattāni na hontī”ti na sakkā vattum “samādhī samādhindriyanti? Āmantā”ti (yama. 3.indriyayamaka.113) “vīriyaṃ vīriyindriyanti? Āmantā”ti (yama. 3.indriyayamaka.111) vacanato. Ahetukapaṭisandhicitte ca yathā samādhilesa ekaggaṭā atthi, na evaṃ vīriyalesa atthi, tasmā evamettha vattabbaṃ siyā “tattha hi ekanteneva saddhāvīriyasatipaññāyo natthi, ekaggaṭā pana samādhilesa eva hoti”ti. Ayaṃ panettha adhippāyo siyā – yathā aññesu kesuci ahetukacittesu samādhivīriyāni honti indriyappattāni ca, evamidha samādhivīriyāni indriyappattāni na hontīti. Samādhivīriyindriyānameva abhāvaṃ dassento ahetukantarato viseseti. Tattha “samādhivīriyāni pana na hontī”ti vattabbe “indriyappattānī”ti samādhilesassa samādhindriyabhāvaṃ appattassa sabbhāvato vuttaṃ, na vīriyalesassa. Visenañhi visesitabbe pavattati. Yesu pana potthakesu “tattha ekanteneva saddhāvīriyasatipaññāyo natthī”ti pāṭho, so eva sundarataro.

Yāva cakkhundriyam nuppajjati, tāva gabbhagatānaṃ acakkhukānaṃ bhāvo atthīti iminā adhippāyenāha **“sahetukānaṃ acakkhukānanti gabbhaseyyakavasena ceva arūpivasena ca vutta”**nti. Gabbhaseyyakāpi pana avassaṃ uppajjanakacakkhukā na labbhantīti daṭṭhabbā. **Sacakkhukānaṃ nānavippayuttānanti kāmādhātuyaṃ duhetukapaṭisandhikānaṃ vasena vuttanti** idhāpi ahetukapaṭisandhikā ca acakkhukā labbhanteva. Itthipurisindriyasantānānampi upapattivasena uppādo, cutivasena nirodho bāhullavasena dassito. Kadāci hi tesam paṭhamakappikādīnaṃ viya pavattiyampi uppādanirodhā hontīti. Ettha purisindriyāvasānesu indriyamūlayamakesu paṭhamapucchāsu sannīṭṭhānehi gahitehi upapatticutivasena gacchantehi cakkhundriyādīhi niyamitattā jīvitindriyādīnaṃ pavattivasenapi labbhamānānaṃ upapatticutivaseneva dutiyapucchāsu sannīṭṭhānehi gahaṇaṃ vedītabbā.

**190.** Rūpajīvitindriyam cakkhundriyādisamānagatikam cutipaṭisandhivaseneva gacchati santānuppattinirodhadassanatoti āha **“pavatte somanassavippayuttacittassa uppādakkhaṇeti arūpajīvitindriyam sandhāya vutta”**nti. **Etesañceva aññesaṅca pañcindriyānaṃ**

**yathālābhavasenā**ti ettha etesaṃ jīvitindriyādīnaṃ cutipaṭṭisandhipavattesu, aññesañca cakkhundriyādīnaṃ cutipaṭṭisandhīsūti evaṃ yathālābho daṭṭhabbo. **Ayaṃ pana chedeyevā**ti ettha tassa tassa paripuṇṇapañhassa tasmim̐ tasmim̐ sarūpadassanena vissajjane vissajjite pacchimakoṭṭhāsassa chedoti nāmaṃ daṭṭhabbaṃ.

**Yassa vā pana somanassindriyaṃ na uppajjati, tassa jīvitindriyaṃ na uppajjati? Vinā somanassena upapajjantānaṃ pavatte somanassavippayuttacittassa uppādakkhaṇe tesam̐ somanassindriyaṃ na uppajjati, no ca tesam̐ jīvitindriyaṃ na uppajjati**ti ettha “nirodhasamāpannānaṃ asaññasattāna”nti avacanaṃ rūpajīvitindriyassa cakkhundriyādisamānagatikataṃ dīpeti. Tassa hi upapattiyāmyeva uppādo vattabboti. “Vinā somanassena upapajjantāna”nti ettha asaññasatte saṅgahetvā pavattivasena te ca nirodhasamāpannā ca na vuttā, anuppādoṇi panetassa cutiupapattīsveva vattabbo, na pavatteti. Pacchimakoṭṭhāsepi “sabbesaṃ cavantānaṃ, pavatte cittassa bhaṅgakkhaṇe tesam̐ somanassindriyañca na uppajjati jīvitindriyañca na uppajjati”ti evaṃ “sabbesaṃ cavantāna”nti ettheva asaññasatte saṅgañhitvā pavattivasena te ca nirodhasamāpannā na ca vuttā. Yassayatthake ca nirodhasamāpannā na dassetabbā na gahetabbāti attho. Na hi “nirodhasamāpannāna”nti vacanaṃ “asaññasattāna”nti vacanaṃ viya okāsadīpakaṃ, nāpi “upekkhāsampayuttacittassa uppādakkhaṇe, sabbesaṃ cittassa bhaṅgakkhaṇe”tiādivacanaṃ viya somanassindriyādīnaṃ anuppādakkhaṇadīpakaṃ, atha kho puggaladīpakamevāti.

Atītakālabhede **suddhāvāsānaṃ upapatticittassa uppādakkhaṇe tesam̐ tattha somanassindriyañca na uppajjitha jīvitindriyañca na uppajjithā**ti ettha “upapatticittassa uppādakkhaṇe”ti kasmā vuttaṃ, nanu “suddhāvāsaṃ upapajjantānaṃ, asaññasattānaṃ tesam̐ tattha somanassindriyañca na uppajjitha manindriyañca na uppajjithā”ti (yama. 3.indriyayamaka.277) ettha viya “upapajjantāna”nti vattabbanti? Na vattabbaṃ. Yathā hi somanassamanindriyānaṃ vasena upapajjantā puggalā upapatticittasamaṅgino honti, na evaṃ somanassajīvitindriyānaṃ vasena upapattisamaṅginoyeva honti. Jīvitindriyassa hi vasena yāva paṭhamarūpajīvitindriyaṃ dharati, tāva upapajjantā nāma honti. Tadā ca dutiyacittato paṭṭhāya “jīvitindriyañca na uppajjithā”ti na sakkā vattum arūpajīvitindriyassa uppajjivā niruddhattā, tasmā ubhayaṃ uppādakkhaṇena nidassitaṃ. Yathā hi “na nirujjhithā”ti idaṃ lakkhaṇaṃ upapatticittassa dvīsu khaṇesu labbhamānaṃ sabbapaṭṭhamena upapatticittassa bhaṅgakkhaṇena nidassitaṃ, evamidhāpi daṭṭhabbaṃ.

Anāgatakālabhede uppajjissamāne sanniṭṭhānaṃ katvā aññassa ca uppajjissamānatāva pucchitā. Tattha yathā paccuppannakālabhede sanniṭṭhānasam̐sayabhede hi uppajjamānasseva gahitattā “yassa cakkhundriyādīni uppajjanti, upapajjantassa tassa jīvitindriyādīni uppajjanti”ti upapajjantasseva pucchitānaṃ upapattiyāmyeva tesam̐ uppādo sambhavati, na aññattha, na evamidha “yassa cakkhundriyādīni uppajjissanti, upapajjantassa tassa jīvitindriyādīni uppajjissanti”ti upapajjantasseva pucchitānaṃ tesam̐ upapattito aññattha uppādo na sambhavati, tasmā “yassa cakkhundriyaṃ uppajjissati, tassa somanassindriyaṃ uppajjissati? Āmantā”ti vuttaṃ. Evañca katvā nirodhavārepi “yassa cakkhundriyaṃ nirujjhissati, tassa somanassindriyaṃ nirujjhissati? Āmantā”ti vuttaṃ. Na hi yassa cakkhundriyaṃ nirujjhissati, tassa somanassindriyaṃ na nirujjhissati, api pacchimabhavikassa upekkhāsahagatapaṭṭisandhikassa. Na hi upapajjantassa tassa cutito pubbeva somanassindriyanirodho na sambhavatīti. Ettha hi paṭhamapucchāsu sanniṭṭhānattho pucchitabbatthanissayo mādisova upapattippādindriyavā ubhayuppādindriyavā attho paṭinivattitvāpi pucchitabbatthassa nissayoti evaṃ viya dutiyapucchāsu sanniṭṭhānatthameva niyameti, na tattheva pucchitabbaṃ anāgatabhāvamattena sarūpato gahitaṃ uppādaṃ vā nirodhaṃ vā sam̐sayatthanti. Yasmā cevaṃ sanniṭṭhānatthassa niyamo hoti, tasmā “yassa vā pana somanassindriyaṃ uppajjissati, tassa cakkhundriyaṃ uppajjissati? Āmantā”ti (yama. 3.indriyayamaka.281) vuttaṃ. Esa nayo nirodhavārepi.

Paṭilome pana yathā anulome “uppajjissati nirujjhissati”ti uppādanirodhā anāgatā sarūpavasena vuttā, evaṃ avuttattā yathā tattha sam̐sayapadena gahitassa indriyassa pavattiyampi uppādanirodhā cakkhundriyādīmūlakesu yojitā, na evaṃ yojetabbā. Yathā hi uppādanirodhe atikkamitvā appatvā ca

uppādanirodhā sambhavanti yojetum, na evaṃ anuppādānirodhe atikkamitvā appatvā ca anuppādānirodhā sambhavanti abhūtābhāvassa abhūtābhāvaṃ atikkamitvā appatvā ca sambhavānuppattito, abhūtuppādanirodhābhāvo ca paṭilome pucchito, tasmāssa visesarahitassa abhūtābhāvassa vattamānānaṃ uppādassa viya kālantarayogābhāvato yādisānaṃ cakkhādīnaṃ uppādanirodhābhāvena pucchitabbassa nissayo sannitthānena sannicchito, tannissayā tādisānaṃyeva upapatticutiuppādanirodhānaṃ jīvitādīnaṃpi anuppādānirodhā samsayapadena pucchitā hotīti “yassa cakkhundriyaṃ nuppajjissati, tassa somanassindriyaṃ nuppajjissatīti? Āmantā”ti (yama. 3.indriyayamaka.308) ca, “yassa cakkhundriyaṃ na nirujjhissati, tassa somanassindriyaṃ na nirujjhissatīti? Āmantā”ti ca vuttaṃ, na vuttaṃ “ye arūpaṃ upapajjitvā parinibbāyissanti”tiādīnā jīvitindriyaupekkhindriyādīsu viya vissajjanantī.

**Ye rūpāvacaraṃ upapajjitvā parinibbāyissanti, tesam ghānindriyaṃ na uppajjissati, no ca tesam somanassindriyaṃ na uppajjissatī**”ti ettha ye sopekkhapaṭisandhikā bhavissanti, te “ye ca arūpaṃ upapajjitvā parinibbāyissanti”ti etena pacchimakoṭṭhāsavacanena taṃsamānalakkhaṇatāya saṅgahitāti ye somanassapaṭisandhikā bhavissanti, te eva vuttāti daṭṭhabbā.

Aṭṭhakathāyaṃ yesu ādimapotthakesu “atītānāgatavāre suddhāvāsānaṃ upapatticittassa bhaṅgakkhaṇe manindriyaṃca nuppajjitthāti dhammayamake viya uppādakkhaṇātikamavasena atthaṃ aggahetvā”ti likhitam, taṃ pamādalikhitam. Yesu pana potthakesu “paccuppannātītavāre suddhāvāsānaṃ upapatticittassa bhaṅgakkhaṇe manindriyaṃca nuppajjitthāti...pe... tasmim bhava anuppannapubbavasena attho gahetabbo”ti pāṭho dissati, so eva sundarataroti.

Pavattivāraṇṇanā niṭṭhitā.

### 3. Pariññāvāraṇṇanā

**435-482.** Pariññāvāre **lokiyaabyākatamissakāni cāti** dukkhasaccapariyāpannehi ekantapariññeyyehi lokiyaabyākatehi missakattā tāni upādāya manindriyādīnaṃ vedanākkhandhādīnaṃ viya pariññeyyatā ca vuttā. Yadi pariññeyyamissakattā pariññeyyatā hoti, kasmā dhammayamake “yo kusalaṃ dhammaṃ bhāveti, so abyākataṃ dhammaṃ parijānātī”tiādīnā abyākatapadena yojetvā yamakāni na vuttāntīti? Yathā “kusalaṃ bhāvemī, akusalaṃ pajahāmī”ti kusalākusalesu bhāvanāpahānābhiniveso hoti, tathā “vedanākkhandho anicca, dhammāyatanam anicca”ntiādīnā khandhādīsu parijānābhiniveso hoti, tattha vedanākkhandhādayo “anicca”ntiādīnā parijānitabbā, te ca vedanākkhandhādībhāvaṃ gahetvā parijānitabbā, na abyākatābhāvanti.

Kasmā panettha dukkhasaccabhājanīye āgatassa domanassassa pahātabbatāva vuttā, na pariññeyyatā, nanu dukkhasaccapariyāpannā vedanākkhandhādayo kusalākusalabhāvena aggahitā kusalākusalāpi pariññeyyātīti? Saccam, yathā pana vedanākkhandhādībhāvo bhāvetabbapahātabbābhāvehi vināpi hoti, na evaṃ domanassindriyabhāvo pahātabbābhāvena vinā hotīti imaṃ visesaṃ dassetum domanassindriyassa pahātabbatāva idha vuttā, na pariññeyyabhāvassa bhāvatoti daṭṭhabbo. **Akusalaṃ ekantato pahātabbamevā**ti etena pahātabbameva, na appahātabbanti appahātabbameva nivāreti, na pariññeyyabhāvanti daṭṭhabbam. Aññindriyaṃ bhāvetabbaniṭṭham, na pana sacchikātabbaniṭṭhanti bhāvetabbābhāvo eva tassa gahitoti. **“Dve puggalā”**tiādi “cakkhundriyaṃ na parijānātī”tiādikassa parato likhitabbam uppaṭipāṭiyā likhitanti daṭṭhabbam. Cakkhundriyamūlakañhi atikkamitvā domanassindriyamūlake idaṃ vuttaṃ “dve puggalā domanassindriyaṃ na pajahanti no ca aññindriyaṃ na bhāventī”ti (yama. 3.indriyayamaka.440).

Ettha ca puthujjano, aṭṭha ca ariyāti nava puggalā. Tesu puthujjano bhābbābhāvasena duvidho, so “puthujjano”ti āgataṭṭhānesu “cha puggalā cakkhundriyaṃca na parijānittha domanassindriyaṃca na pajahitthā”tiādīsu ca abhinditvā gahito. “Ye puthujjanā maggaṃ paṭilabhissanti”ti (yama. 1.saccayamaka.49, 51-52) āgataṭṭhānesu “pañca puggalā cakkhundriyaṃca parijānissanti

domanassindriyañca pajahissanti”’tiādīsu (yama. 3.indriyayamaka.451) ca bhabbo eva bhinditvā gahito. “Ye ca puthujjanā maggaṃ na paṭilabhissanti”’ti (yama. 1.saccayamaka.51) āgataṭṭhānesu “tayo puggalā domanassindriyañca nappajahissanti cakkhundriyañca na pariānissanti”’tiādīsu (yama. 3.indriyayamaka.455) ca abhabbo eva. Aggaphalasamaṅgī ca paṭhamaphalasamaṅgī arahā cāti duvidho. Sopi “arahā”’ti āgataṭṭhānesu “tayo puggalā anaññātāññassāmītindriyañca bhāvittha domanassindriyañca pajahitthā”’tiādīsu (yama. 3.indriyayamaka.444) ca abhinditvā gahito. “Yo aggaphalaṃ sacchikarotī”’ti (yama. 3.indriyayamaka.446) āgataṭṭhānesu “tayo puggalā domanassindriyaṃ pajahittha, no ca aññātāvindriyaṃ sacchikaritthā”’tiādīsu (yama. 3.indriyayamaka.444) ca paṭhamaphalasamaṅgī ca bhinditvā gahito. “Yo aggaphalaṃ sacchākāsī”’ti (yama. 3.indriyayamaka.443, 446) āgataṭṭhānesu itarovāti evaṃ puggalabhedaṃ ñatvā tattha tattha sannitṭhānena gahitapuggale niddhāretvā vissajjanaṃ yojetabbanti.

Pariññāvāraṇṇanā niṭṭhitā.

Indriyayamakavaṇṇanā niṭṭhitā.

Yamakapakaṇa-mūlaṭīkā samattā.

## Paṭṭhānapakaṇa-mūlaṭīkā

### Ganthārambhavaṇṇanā

Dibbanti kāmagaṇādīhi kīḷanti laḷanti, tesu vā viharanti, vijayasamatthatāyogena paccatthike vijetum icchanti, issariyaṭṭhānādisakkāradānaggahaṇaṃ taṃtaṃtaṭṭhānusāsanañca karontā voharanti, puññayogānubhāvappattāya jutiyā jotanti, yathābhilāsitañca visayaṃ appaṭighātena gacchanti, yathicchitanipphādane sakkontīti vā **devā**, devanīyā vā taṃtaṃbyasananitharaṇatthikehi saraṇaṃ parāyaṇanti gamanīyā, abhitthavanīyā vā. Sobhāvisesayogena kamanīyāti vā **devā**. Te tividhā – sammutidevā upapattidevā visuddhidevāti. Bhagavā pana niratisayāya abhiññākīḷāya, uttamehi dibbrahmaariyavihārehi, saparasantānasiddhāya pañcavidhamāravijayicchānipphattiyā, cittissariyasattadhanādisammāpaṭipattiaveccappasādasakkāradānaggahaṇasaṅkhātena dhammasabhāvapuggalaṃjjhāsayanurūpānusāsanaṅgīsaṅkhātena ca vohāratīsayena, paramāya paññāsariṇappabhāsaṅkhātāya jutiyā, anopamāya ca ñāṇasarīragatiyā, māravijayasabbaññuṅgaṇaparaitanipphādanesu appaṭihatāya sattiyā ca samannāgatattā sadevakena lokena saraṇanti gamanīyato, abhitthavanīyato, bhattivāsena kamanīyato ca sabbe te deve tehi guṇehi atikkanto atisayo vā devoti **devātidevo**. Sabbadevehi pūjanīyataro devoti vā **devātidevo**, visuddhidevabhāvaṃ vā sabbaññuṅgaṇālaṅkāraṃ pattattā aññadevehi atirekataro vā devo **devātidevo**. **Devānanti** upapattidevānaṃ tadā dhammapaṭiggāhakānaṃ. Sakkādīhi **devehi** pahārādaasurindādīhi **dānavehi** ca **pūjito**. Kāyavacīsaṃyamassa sīlassa indriyasaṃvarassa cittasaṃyamassa samādhissa ca paṭipakkhānaṃ accantapaṭippassaddhiyā **suddhasaṃyamo**.

**Isisattamoti** catusaccāvabodhagatiyā isayoti saṅkhyāṃ gatānaṃ satamaṃ pasatthānaṃ isīnaṃ atīsayena santo pasatthoti attho. Vipassīdayo ca upādāya bhagavā “sattamo”’ti vutto. Yato viññānaṃ paccudāvattati, taṃ nāmarūpaṃ samudayanirodhanena nirodhesīti **nāmarūpanirodhanō**. Atigambhīranayamaṇḍitadesanaṃ paṭṭhānaṃ nāma desesi pakaraṇanti sambandho.

Ganthārambhavaṇṇanā niṭṭhitā.

### Paccayuddesavaṇṇanā

“Ke pana te nayā, kiñca taṃ paṭṭhānaṃ nāmā”’ti nayidaṃ pucchitabbaṃ. Kasmā? Nidānakathāyaṃ

paṭṭhānasamānane anulomādīnaṃ nayānaṃ paṭṭhānassa ca dassitattāti imamatthaṃ vibhāvento “**sammāsambuddhena hi...pe... nāmāti hi vutta**”nti tattha vuttaṃ aṭṭhakathāpāliṃ āhari. Tattha gāthāthaṃ aṭṭhakathādhippāyaṅca parato vaṇṇayissāmāti.

Paṭṭhānanāmattho pana tikapaṭṭhānādīnaṃ tikapaṭṭhānādīnāmattho, imassa pakaraṇassa catuvīsatisamantapaṭṭhānasamodhānatā cettha vattabbā. Evañhi saṅkhepato paṭṭhāne ñāte vitthāro sukhaviññeyyo hotīti. Tattha ca nāmattho paṭṭhānaṃ vattabboti “**tattha yesaṃ...pe... nāmattho tāva evaṃ veditabbo**”ti vatvā sabbasādhāraṇassa paṭṭhānanāmasseva tāva atthaṃ dassento “**kenaṭṭhena paṭṭhāna**”ntiādīmāha. **Pa-kāro hīti** upasaggapadaṃ dasseti. So “pavibhattesu dhammesu, yaṃ seṭṭhaṃ tadupāgamuntīādīsu viya nānappakāratthaṃ dīpeti. Nanu pakārehi vibhattā pavibhattāti pa-iti upasaggo pakāratthameva dīpeti, na nānappakāratthanti? Na, tesam pakāraṇaṃ nānāvidhabhāvato. Atthato hi āpannaṃ nānāvidhabhāvaṃ dassetuṃ nānā-saddo vuttoti. Tattha ekassapi dhammassa hetuādīhi anekapaccayabhāvato ca ekekassa paccayassa anekadhammabhāvato ca nānappakārapaccayatā veditabbā.

**Hetupaccayādivasena vibhattattāti** etena dhammasaṅgahādīsu vuttato kusalādivibhāgato sātisayavibhāgataṃ paṭṭhānanāmalābhassa kāraṇaṃ dasseti. **Gotṭhāti** vajā. **Paṭṭhitagāvoti** gatagāvo. **Āgataṭṭhānasminti** mahāsīhanādasuttaṃ vadati. Pavattagamanattā etthāti vacanaseso. Atha vā gacchati etthāti gamanaṃ, sabbaññutaññāṇassa nissaṅgavasena pavattassa gamanattā gamanadesabhāvato ekekaṃ paṭṭhānaṃ nāmāti attho. Tattha aññehi gatimantehi atisayayuttassa gatimato gamanaṭṭhānabhāvadassanattaṃ “**sabbaññutaññāṇassā**”ti vuttaṃ. Tassa mahāvegassa purisassa papātaṭṭhānaṃ viya dhammasaṅgaṇādīnaṃ sāsaṅgagamaṇaṭṭhānabhāvaṃ imassa ca mahāpatho viya niraṣaṅgagamaṇaṭṭhānabhāvaṃ dassento atisayayuttagamanaṭṭhānabhāvo paṭṭhānanāmalābhassa kāraṇanti dasseti.

**Tikānanti** tikavasena vuttadhammānaṃ. **Samantāti** anulomādīhi sabbākārehipi gatāni catuvīsati hontīti attho. Etasmiṃ atthe **catuvīsatisamantapaṭṭhānānīti** “samantacatuvīsatiṭṭhānānī”ti vattabbe samantasaddassa parayogaṃ katvā vuttanti daṭṭhabbaṃ. Atha vā **samantā cha cha hutvāti** etena anulomādisabbakoṭṭhāsato tikādichachabhāvaṃ dasseti. Tena samantasaddo tikādichachapaṭṭhānavisesanaṃ hoti, na catuvīsativisesanaṃ, tasmā samantato paṭṭhānāni tāni catuvīsatiṭṭi katvā “**catuvīsatisamantapaṭṭhānānī**”ti vuttaṃ. Samantato vā dhammānulomādītikādīpaṭṭhānānītiādīpaccayānulomādīhetumūlakādīpapakārehi pavattāni paṭṭhānāni **samantapaṭṭhānāni**, anūnehi nayehi pavattānīti vuttaṃ hoti. Tāni pana catuvīsati honti. Tenevāha “**imesaṃ catuvīsatiyā khuddakapaṭṭhānasāṅkhātānaṃ samantapaṭṭhānānaṃ samodhānavasena**”ti.

**Hetu ca so paccayo cāti** iminā vacanena hetuno adhipatipaccayādibhūtassa ca gahaṇaṃ siyāti taṃ nivārento āha “**hetu hutvā paccayo**”ti. Etenapi so eva doso āpajjatiṭṭi punāha “**hetubhāvena paccayoti vuttaṃ hoti**”ti. Tena idha hetu-saddena dhammaggaṇaṃ na katam, atha kho dhammasattiviseso gahitoti dasseti. Tassa hi paccayasaddassa ca samānādhikaraṇataṃ sandhāya “hetu ca so paccayo cā”ti, “hetu hutvā paccayo”ti ca vuttaṃ. Evañca katvā parato pāliyaṃ “hetū hetusampayutta...pe... hetupaccayena paccayo”tiādīna (paṭṭhā. 1.1.1) tena tena hetubhāvādiupakārena tassa tassa dhammassa upakāratthaṃ vuttaṃ. Aṭṭhakathāyaṃ pana “yo hi dhammo yaṃ dhammaṃ appaccakkhāya tiṭṭhati vā uppajjati vā, so tassa paccayo”ti “mūlaṭṭhena upakārako dhammo hetupaccayo”ticcevamādinā dhammappadhānaniddesena dhammato aññā dhammasatti nāma natthīti dhammeheva dhammasattivibhāvanaṃ katanti daṭṭhabbaṃ. Idhāpi vā **hetu ca so paccayo cāti** dhammeneva dhammasattiṃ dasseti. Na hi hetupaccayotiādīko uddeso kusalādiuddeso viya dhammappadhāno, atha kho dhammānaṃ upakārappadhānoti. **Etīti** etassa attho vattatīti, tañca uppattiṭṭhitīnaṃ sādharmaṇavacanam. Tenevāha – “**tiṭṭhati vā uppajjati vā**”ti. Koci hi paccayo ṭṭitīyā eva hoti yathā pacchājātapaccayo, koci uppattiyāyeva yathā anantarādayo, koci ubhayassa yathā hetuādayoti.

**Upakāraḥkalakkhaṇoti** ca dhammena dhammasattiupakāraṃ dasseti ti daṭṭhabbaṃ. Hinoti paṭiṭṭhāti etthāti **hetu**. Anekattathā dhātusaddānaṃ hi-saddo mūla-saddo viya paṭiṭṭhatthoti daṭṭhabboti. Hinoti vā etena kammanidānabhūtena uddhaṃ ojaṃ abhiharantena mūlena viya pādapo tappaccayaṃ phalaṃ gacchati pavattati vuḍḍhiṃ virūḷhiṃ āpajjati ti **hetu**. **Ācariyānanti** revatatheraṃ vadati.

“Yoniso, bhikkhave, manasikaroto anuppannā ceva kusalā dhammā uppajjanti, uppannā ca kusalā dhammā abhivaḍḍhanti” tiādīhi (a. ni. 1.66-67) kusalabhāvassa yonisomanasikārapaṭibaddhatā siddhā hotīti āha “**yonisomanasikārapaṭibaddho kusalabhāvo**” ti. Eteneva akusalābyākatabhāvā kusalabhāvo viya na hetupaṭibaddhāti dassitaṃ hoti. Yaṃ paneke maññeyyūṃ “ahetukahetussa akusalabhāvo viya sahetukahetūnaṃ sabhāvato va kusalādibhāvo aññesaṃ taṃsāmpayuttānaṃ hetupaṭibaddho” ti, tassa uttaraṃ vattūṃ “**yadi cā**” tiādīmāha. **Alobho kusalo vā siyā abyākato vā**, yadi alobho sabhāvato kusalo, kusalattā abyākato na siyā. Atha abyākato, taṃsābhāvattā kusalo na siyā alobhasabhāvassa adosattābhāvo viya. Yasmā pana ubhayathāpi so hoti, tasmā yathā ubhayathā hontesu phassādīsu sampayuttesu hetupaṭibaddhakusalādibhāvaṃ pariyesatha, na sabhāvato, evaṃ hetūsupi kusalādītā aññapaṭibaddhā pariyesitabbā, na sabhāvato. Yaṃ vuttāṃ “sāmpayuttahetūsu sabhāvato va kusalādibhāvo” ti, taṃ na yujjati, sā pana pariyesiyamānā yonisomanasikārādipaṭibaddhā hotīti hetūsu viya sampayuttesupi yonisomanasikārādipaṭibaddho kusalādibhāvo, na hetupaṭibaddhoti siddhaṃ hotīti adhippāyo.

**Ārabhitvāpīti** ettha **pi**-saddena imamatthaṃ dasseti – rūpāyatanādimate yasmaṃ kismiñci ekasmiṃ aṭṭhatvā “yaṃ yaṃ dhammaṃ ārabbhā” ti aniyamena sabbarūpāyatana...pe... dhammāyatanānañca ārammaṇapaccayabhāvassa vuttattā na koci dhammo na hotīti.

“Chandavato kiṃ nāma na sijjhatī” tiādikaṃ purimābhisañkhārūpanissayaṃ labhitvā uppajjamāne citte chandādayo dhurabhūtā jeṭṭhakabhūtā sayāṃ sampayuttadhamme sādhaṃyānā hutvā pavattanti, taṃsāmpayuttadhammā ca tesāṃ vase vattanti hīnādibhāvena tadanuvattanato, tena te adhipatipaccayā hontī. Garukātabbampi ārammaṇaṃ tannināpāpabbhāraṇaṃ paccavekkhaṇaassādamaggaphalānaṃ attano vase vattayamānaṃ viya paccayo hoti, tasmāyaṃ attādhiñānaṃ paṭibhāvena upakāraḥkatā adhipatipaccayatāti daṭṭhabbā.

**Manoviññādhātūtiādi cittaniyamoti** ettha **ādi**-saddena santīraṇānantaraṃ voṭṭhabbaṃ, cutianantarā paṭisandhīti yassa yassa cittassa anantarā yaṃ yaṃ cittaṃ uppajjati, tassa tassa tadanantaruppādaniyamo taṃtaṃsahakārīpaccayavisiṭṭhassa purimapurimacittasseva vasena ijjhatīti dasseti. **Bhāvanābalena pana vāritattāti** ettha yathā rukkhassa vekhe dinne pupphituṃ samatthasseva pupphanāṃ na hoti, agadavekke pana apanīte tāyayeva samatthatāya pupphanāṃ hoti, evamidhāpi bhāvanābalena vāritattā samuṭṭhāpanasamatthasseva asamuṭṭhāpanāṃ, tasmīñca apagate tāyayeva samatthatāya samuṭṭhāpanāṃ hotīti adhippāyo.

**Byañjanamattatovettha nānākaraṇaṃ paccetabbāṃ, na atthato**ti upacayasantatiadhivacanāniruttipādānaṃ viya saddatthamattato nānākaraṇaṃ, na vacanīyatthato adhippāyo. Teneva saddatthavisesaṃ dassetuṃ “**katha**” tiādīmāha. Tattha purimāpacchimānaṃ nirodhuppādantarābhāvato nirantaruppādanasamatthatā anantarapaccayabhāvo. Rūpadhammānaṃ viya saṅghānābhāvato paccayapaccayuppannānaṃ sahāvattānābhāvato ca “idamito heṭṭhā uddhaṃ tiriya” ti vibhāgābhāvā attanā ekattamiva upanetvā suṭṭhu anantarabhāvena uppādanasamatthatā samanantarapaccayatā.

Uppādanasamatthatāti ca abyāpārattā dhammānaṃ yasmaṃ yadākāre niruddhe vattamāne vā sati taṃtaṃvisevantaṃ dhammā hontī, tassa sova ākāro vuccatīti daṭṭhabbo. Dhammānaṃ pavattimeva ca upādāya kālāvohāroti nirodhā vuṭṭhahantassa nevasaññānāsāññāyatanaphalāsamāpattīnaṃ asaññasattā cavantassa purimacutipacchimapāṭisandhīnañca nirodhuppādanirantarāyā kālantarāti natthīti daṭṭhabbā. Na hi tesāṃ antarā arūpadhammānaṃ pavattī atthi, yaṃ upādāya kālantarāti vucceyya, na ca



rūpadhammappavatti arūpadhammappavattiyā antaraṃ karoti aññasantānattā.  
Rūpārūpadhammasantatiyo hi dve aññamaññaṃ visadisasabhāvattā aññamaññaopakārabhāvena vattamānāpi visuṃyeva honti. Ekasantatiyañca purimapacchimānaṃ majjhe vattamānaṃ taṃsantatipariyāpannatāya antarakāraṃ hoti. Tādisañca kañci nevasaññañāsaññāyatanaphalasaṃpattīnaṃ majjhe natthi, na ca abhāvo antarakāraṃ hoti abhāvattāyeva, tasmā javanānantarassa javanassa viya, bhavaṅgānantarassa bhavaṅgassa viya ca niraṇṇatā suṭṭhu ca aniraṇṇatā hotīti tathā uppādanasaṃmatthātā nevasaññañāsaññāyatanacutīnampi daṭṭhabbā. Uppattiyā paccayabhāvo cettha anantarapaccayādīnaṃ pākāṭoti uppādanasaṃmatthātāva vuttā. Paccuppannaṃ pana dhammānaṃ pubbantāparantaparicchedena gahitānaṃ “uppajjati”ti vacanaṃ alabhantānaṃ “atīto dhammo paccuppannaṃ dhammassa anantarapaccayena paccayo”tiādīna (paṭṭhā. 2.18.5) anantarādipaccayabhāvo vuttoti na so uppattiyāyevāti viññāyati. Na hi kusalādiggahaṇaṃ viya paccuppannaggahaṇaṃ aparicchedaṃ, yato uppattimattasaṃgīnoyeva ca gahaṇaṃ siyā, teneva ca atītatīke paṭiccavārādayo na santīti.

**Uppajjamānova saḥuppādabhāvenāti** etthāpi uppattiyā paccayabhāvena pākāṭena ṭhitiyāpi paccayabhāvaṃ nidassetīti daṭṭhabbaṃ, paccayuppannaṃ pana saḥajātabhāvena upakāraṃ saḥajātapaccayatāti.

Attano upakāraṃ upakāraṃ **aññamaññaḥpaccayatā**, upakāraṃ ca aññamaññaṭṭāvaseneva daṭṭhabbā, na saḥajātādivasena. Saḥajātādīpaccayo hontoyeva hi koci aññamaññaḥpaccayo na hoti, na ca purejātapacchājātabhāvehi upakāraṃ upakāraṃ vatthukhandhā aññamaññaḥpaccayā hontīti.

**Taruādīnaṃ pathavī viya** adhiṭṭhānākārena pathavīdhātu sesadhātūnaṃ, cakkhādayo ca cakkhuviññānādīnaṃ upakāraṃ **cittakammaṃ paṭādayo viya** nissayākārena khandhādayo taṃtaṃnissayānaṃ khandhādīnaṃ.

**Tadadhīnavuttitāya attano phalena nissitoti** yaṃ kiñci kāraṇaṃ nissayoti vadati. Tattha yo bhuso, taṃ upanissayoti niddhāreti.

**Pakatoti** ettha **pa-kāro** upasaggo, so attano phalassa uppādane saṃmatthabhāvena suṭṭhukataṃ dīpeti. Tathā ca kataṃ attano santāne kataṃ hotīti āha “**attano santāne**”ti. Karaṇaṃ duvidhaṃ nipphādanaṃ upasevanañcāti dassetuṃ “**nipphādito vā**”tiādīmāha. Tattha **upasevito vāti** etena kāyaallīyāpanavasena upabhogūpasevanaṃ vijānañādivasena ārammaṇūpasevanañca dassetīti daṭṭhabbaṃ. Tena anāgatānampi cakkhusampadādīnaṃ ārammaṇūpasevanena yathāpaṭisevitānaṃ pakatūpanissayatā vuttā hoti.

Yathā pacchājātena vinā santānāvicchahetubhāvaṃ agacchantānaṃ dhammānaṃ ye pacchājātākārena upakāraṃ, tesam sā vippayuttākārādīhi visiṭṭhā upakāraṃ **pacchājātapaccayatā**, tathā nissayārammaṇākārādīhi visiṭṭhā purejātabhāvena vinā upakāraṃ **purejātapaccayatā**, evaṃ sabbattha paccayānaṃ paccayantarākāraṃ visiṭṭhā upakāraṃ yojetabbā.

**Gijjhapotakasarīraṇaṃ āhārāsācetanā viyāti** etena manosañcetanāhārasena pavattamānehi arūpadhammehi rūpakāyassa upatthambhitabhāvaṃ dasseti. Teneva “āhārāsā viyā”ti avatvā cetanāgahaṇaṃ karoti.

Kusalādībhāvena attanā sadisassa payogena karaṇīyassa punappunaṃ karaṇaṃ pavattanaṃ **āsevanattho**, attasadisasabhāvātāpādanaṃ vāsaṃ vā. **Ganthādīsu purimāpurimābhīyogo viyāti** purimā purimā āsevanā viyāti adhippāyo.

**Cittappayogo** cittakiriyā, āyūhananti attho. Yathā hi kāyavacīpayogo viññatti, evaṃ cittappayogo

cetanā. Sā tāya uppanakiriyatāvisiṭṭhe santāne sesapaccayasamāgame pavattamānānaṃ vipākakaṭattārūpānaṃpi teneva kiriyabhāvena upakārikā hoti. Tassa hi kiriyabhāvassa pavattattā tesam pavatti, na aññathāti. Sahajātānaṃ pana tena upakārikāti kiṃ vattabbanti.

**Nirussāhasantabhāvenāti** etena saussāhehi vipākadhammadhammehi kusalākusalehi sārammaṇādibhāvena sadisavipākabhāvaṃ dasseti. So hi vipākānaṃ payogena asādhatabbatāya payogena aññathā vā sesapaccayesu siddhesu kammaṃsa kaṭattāyeva siddhito nirussāho santabhāvo hoti, na kilesavūpasamasantabhāvo, tathāsantasabhāvato yeva bhavaṅgādayo duviññeyyā. Pañcadvārepi hi javanappavattiyā rūpādīnaṃ gahitatā viññāyati, abhinipātasampañcchanasantīraṇamattā pana vipākā duviññeyyāyeva. **Nirussāhasantabhāvāyāti** nirussāhasantabhāvattāyā. Etena tappaccayavatam avipākānaṃpi vipākānukulaṃ pavattiṃ dasseti.

Satipi janakatte upatthambhakattam āhārānaṃ padhānakiccanti āha **“rūpārūpānaṃ upatthambhakattena”**ti. Upatthambhakattañhi satipi janakatte arūpīnaṃ āhārānaṃ āhārajarūpasamuṭṭhāpakarūpāhārassa ca hoti, asatipi catusamuṭṭhānikarūpūpatthambhakarūpāhārassa, asati pana upatthambhakatte āhārānaṃ janakattam natthīti upatthambhakattam padhānaṃ. Janayamānopi hi āhāro avicchedavasena upatthambhayamāno yeva janetīti upatthambhanabhāvo āhārabhāvoti.

**Adhipatīyaṭṭhenāti** ettha na adhipatīpaccayadhammānaṃ viya pavattinivārake abhibhavitvā pavattanena garubhāvo adhipatīyaṭṭho, atha kho dassanādikiccesu cakkhuvīññāṇādīhi jīvane jīvantehi sukhītādibhāve sukhītādīhi adhimokkhaṃpaggahupaṭṭhānāvikkhepajānaṃsesu anaññātāññassāmīti pavattiyam ājānane aññātāvībhāve ca saddhādīsaḥajāteḥīti evam taṃtaṃkiccesu cakkhādīpaccayehi cakkhādīnaṃ anuvattanīyatā. Tesu tesu hi kiccesu cakkhādīnaṃ issariyam tappaccayānañca tadānupavattanena tattha pavattīti. Itthipurisindriyānaṃ pana yadipi līṅgādīhi anuvattanīyatā atthi, sā pana na paccayabhāvato. Yathā hi jīvitāhārā yesam paccayā honti, te tesam anupālakaupatthambhakā atthi, avīgatapaccayabhūtā ca honti, na evam itthipurisabhāvā līṅgādīnaṃ kenaci pakārena upakārikā honti, kevalam pana yathāsakeheva paccayehi pavattamānānaṃ līṅgādīnaṃ yathā itthādīggahaṇassa paccayabhāvo hoti, tato aññenākārena taṃsahitasantāne appavattito līṅgādīhi anuvattanīyatā indriyatā ca tesam vuccati, tasmā na tesam indriyapaccayabhāvo vutto. **Cakkhādayo arūpadhammānaṃyevāti** ettha sukhadukkhindriyāni cakkhādīggahaṇena gahitānīti daṭṭhabbāni.

Lakkhaṇārammaṇūpanijjhānabhūtānaṃ vitakkādīnaṃ vitakkanādivasena ārammaṇam upagantvā nijjhānaṃ pekkhanaṃ, cintanaṃ vā vitakkādīnaṃyeva sādharmaṇo byāpāro **upanijjhāyanaṭṭho**. **Ṭhapetvā sukhadukkhavedanādvayanti** sukhindriyadukkhindriyadvayam ṭhapetvāti adhippāyo. **“Sabbānīpi”**ti vatvā **“sattajhānaṅgāni”**ti vacanena ajhānaṅgānaṃ upekkhācittakaggatānaṃ nivattanaṃ katanti daṭṭhabbam. Yadi evam **“satta jhānaṅgāni”**ti eteneva siddhe **“ṭhapetvā sukhadukkhavedanādvaya”**nti kasmā vuttam? Vedanābhedesu pañcasu sukhadukkhadvayassa ekantena ajhānaṅgattadassanattam jhānaṅgattāhāne niddiṭṭhattā. Satipi vā jhānaṅgavohāre vedanābhedadvayassa ekantena jhānapaccayattābhāvadassanattam. Upekkhācittakaggatānaṃ pana yadipi jhānapaccayattābhāvo atthi, jhānapaccayabhāvo pana na natthīti **“sabbānīpi satta jhānaṅgāni”**ti ettha gahaṇam katam. Tattha **“sabbānīpi”**ti vacanam sabbakusalādībhedasāṅgaṇhanattam, na pana sabbacittupādagatasāṅgaṇhanattanti daṭṭhabbam.

**Yato tato vāti sammā vā micchā vāti attho. Ete pana dvepi jhānamaggapaccayā ahetukacittesu na labbhanti**ti idaṃ ahetukacittesu na labbhanti, na sahetukacittesūti sahetukacittesu alābhābhāvadassanattam vuttam, na ahetukacittesu lābhābhāvadassanattanti. Evam atthe gayhamāne ahetukacittesu katthaci kassaci lābho na vāritoti ettakameva viññāyeyya, na savitakkāhetukacittesu jhānapaccayasseva alābhābhāvadassanattam katanti. Ahetukacittesu vā lābhābhāvadassanattam pana imasmiṃ vacane savitakkāhetukacittesu jhānapaccayassa lābhābhāvo āpajjati, tasmā yena alābhena dhammasāṅgaṇiyam manodhātuādīnaṃ saṅghasūññatavāresu jhānaṃ na uddhaṭam, tam alābham sandhāya esa jhānapaccayassapi ahetukacittesu alābho vuttoti vedītabbo. Yathā hi sahetukesu

vitakkādīnaṃ sahaajāte saṃkaḍḍhitvā ekattagatabhāvakarāṇaṃ upanijjhāyanabyāpāro balavā, na tathā ahetukacittesu hoti. Imasmiṃ pana pakaraṇe dubbalampi upanijjhāyanaṃ yadipi kiñcimattampi atthi, tena upakāratā hotīti savitakkāhetukacittesupi jhānapaccayo vuttova, tasmā ye evaṃ paṭhanti “na ete pana dvepi jhānamaggapaccayā yathāsaṅkhyāṃ dvipaṇcaviññāṇaahetukacittesu labbhanti”ti, tesam so paṭho sundarataro, imassa pakaraṇassāyaṃ atthavaṇṇanā, na dhammasaṅgaṇiyāti.

Samaṃ pakārehi yuttatāya ekībhāvopagamena viya upakāratā **sampayuttapaccayatā**.

Yuttānampi satam vippayuttabhāvena nānattūpagamena upakāratā vippayuttapaccayatā. Na hi vatthusahajātapacchājātavasena ayuttānaṃ rūpādīnaṃ ārammaṇādiabhāvena upakārakānaṃ vippayuttānaṃ vippayuttapaccayatā atthīti. Rūpānaṃ pana rūpehi satipi avinibbhoge vippayogoyeva natthīti na tesam **vippayuttapaccayatā**. Vuttañhi “catūhi sampayogo catūhi vippayogo”ti (dhātu. 3).

**Paccuppannalakkhaṇenāti** paccuppannasabhāvena. Tena “atthi me pāpakammaṃ kata”nti (pārā. 38), “atthekacco puggalo attahitāya paṭipanno”ti (pu. pa. mātikā 4.24) ca evamādīsu vuttam nibbattaupalabbhamānatālakkhaṇaṃ atthibhāvaṃ nivāreti. Satipi janakatte upatthambhakappadhānā atthibhāvena upakāratāti āha “**upatthambhakattena**”ti. Idañca upatthambhakattaṃ vatthārammaṇasahajātādīnaṃ sādharmaṇaṃ atthibhāvena upakārakattaṃ daṭṭhabbaṃ.

Ārammaṇe phusanādivasena vattamānānaṃ phassādīnaṃ anekesaṃ sahabhāvo natthīti ekasmiṃ phassādisamudāye sati dutiyo na hoti, asati pana hoti, tena natthibhāvena upakāratā **natthipaccayatā**. Satipi purimataracittānaṃ natthibhāve na tāni natthibhāvena upakārakāni, anantameva pana attano atthibhāvena pavattioḷāsāṃ alabhamānānaṃ natthibhāvena pavattioḷāsāṃ dadamānaṃ viya upakāraṇaṃ hotīti “**pavattioḷāsādānena upakāratā**”ti āha.

Ettha ca abhāvamattena upakāratā okāsadānaṃ **natthipaccayatā**, sabhāvāvīgamena appavattamānānaṃ sabhāvāvīgamena upakāratā **vigatapaccayatā**, natthitā ca nirodhānantarasuññatā, vigatatā nirodhappattatā, ayametesam viaseso, tathā atthitāya sasabhāvato upakāratā **atthipaccayatā**, sabhāvāvīgamena nirodhassa appattiyā upakāratā **avigatapaccayatāti** paccayabhāvaviseso dhammāvīsesepi veditabbo. Dhammānañhi sattivisesaṃ sabbaṃ yāthāvato abhisambujjhivā tathāgatena catuvīsati paccayavisesā vuttāti bhagavati saddhāya “evaṃvīsesā ete dhammā”ti sutamayaññaṃ uppādetvā cintābhāvanāmayehi tadabhisamayāya yogo kātabbo.

Catūsu khandhesu ekassapi asaṅgahitattābhāvato nāmadhammekadesatā anantarādīnaṃ natthīti “**nāmadhammāvā**”ti vatvā na kevalaṃ paccayapaccayuppannabhāve bhajantānaṃ catunnaṃyeva khandhānaṃ nāmatā, atha kho nibbānañca nāmamevāti dassento “**nibbānassa asaṅgahitattā**”tiādīmāha. **Purejātapaccayo rūpekadesoti** ettha ekadesavacanena rūparūpato aññaṃ vajjeti, rūparūpaṃ pana kusalattike anāgatampi purejātapaccayabhāvena aññattha āgatameva. Vuttañhi “anidassanaappaṭiḷgho dhammo anidassanaappaṭiḷghassa dhammassa purejātapaccayena paccayo – ārammaṇapurejātaṃ, vatthupurejātaṃ. Ārammaṇapurejātaṃ vatthum itthindriyaṃ purisindriyaṃ āpodhātuṃ kabaḷikāraṃ āhāraṃ aniccato...pe... domanassaṃ uppajjati”ti (paṭṭhā. 2.22.39).

Paccayuddesavaṇṇanā niṭṭhitā.

## Paccayaniddeso

### 1. Hetupaccayaniddesavaṇṇanā

**1. Yo hetupaccayoti uddiṭṭho, so evaṃ veditabboti** etena hetusaṅkhātassa paccayadhammassa hetusampayuttakataṃsamuṭṭhānarūpasāṅkhātānaṃ paccayuppannānaṃ hetupaccayena paccayabhāvo hetupaccayoti uddiṭṭhoti. Yo pana hetubhāvena yathāvutto paccayadhammo yathāvuttānaṃ

paccayuppannānaṃ paccayo hoti, so hetupaccayoti uddiṭṭhoti veditabboti dasseti. Ubhayathāpi hetubhāvena upakāraḥatā hetupaccayoti uddiṭṭhoti dassitaṃ hoti. Esa nayo sesapaccayesupi. Upakāraḥatā pana dhammasabhāvo eva, na dhammato aññā atthīti. Tathā tathā upakāraḥatā taṃ taṃ dhammaṃ dassento hi bhagavā taṃ taṃ upakāraḥatāṃ dasseti.

**Hetū hetusampayuttakānanti** ettha paṭhamo **hetu**-saddo paccattaniddiṭṭho paccayaniddeso. Tena etassa hetubhāvena upakāraḥatā hetupaccayātīti dasseti. Dutiyo paccayuppannavisesanaṃ. Tena na yesaṃ kesañci sampayuttakānaṃ hetupaccayabhāvena paccayo hoti, atha kho hetunā sampayuttānamevāti dasseti. Nanu ca sampayuttasaddassa sāpekkhattā dutiye hetusadde avijjamānēpi aññassa apekkhitabbassa aniddiṭṭhattā attanāva sampayuttakānaṃ hetupaccayena paccayoti ayamattho viññāyatīti? Nāyaṃ ekanto. Hetusaddo hi paccattaniddiṭṭho ‘hetupaccayena paccayo’ ti ettheva byāvaṇo yadā gayhati, tadā sampayuttavisesanaṃ na hotīti sampayuttā avisiṭṭhā ye keci gahitā bhaveyyunti evaṃ sampayuttasaddena attani eva byāvaṇena hetusaddena visesanena vinā yesaṃ kesañci sampayuttānaṃ gahaṇaṃ hotīti taṃ sandhāya **“athāpi...pe... attho bhaveyyā”** ti āha. Nanu yathā ‘arūpino āhārā sampayuttakānaṃ dhammāna’ nti (paṭṭhā. 1.1.15), ‘arūpino indriyā sampayuttakāna’ nti (paṭṭhā. 1.1.16) ca vutte dutiyena āhāraggahaṇena indriyaggahaṇena ca vināpi āhārindriyasampayuttakāva gayhanti, evamidhāpi siyāti? Na, āhārindriyāsampayuttassa abhāvato. Vajjetabbābhāvato hi tattha dutiyaāhārindriyaggahaṇe asatipi taṃsampayuttakāva gayhantīti taṃ na kataṃ, idha pana vajjetabbāṃ atthīti vattabbāṃ dutiyaṃ hetuggahaṇanti.

Evampi **hetū hetusampayuttakānanti** ettha hetusampayuttakānaṃ so eva sampayuttakahetūti visesanassa akatattā yo koci hetu yassa kassaci hetusampayuttakassa hetupaccayena paccayoti āpajjatīti? Nāpajjati, paccattaniddiṭṭhasseva hetussa puna sampayuttavisesanabhāvena vuttattā, etadatthameva ca vināpi dutiyena hetusaddena hetusampayuttabhāve siddhepi tassa gahaṇaṃ kataṃ. Atha vā asati dutiye hetusadde hetusampayuttakānaṃ hetupaccayena paccayo, na pana hetūnanti evampi gahaṇaṃ siyāti tannivāraṇatthaṃ so vutto, tena hetusampayuttabhāvaṃ ye labhanti, tesāṃ sabbesaṃ hetūnaṃ aññesampi hetupaccayena paccayoti dassitaṃ hoti. Yasmā pana hetujhānamaggā patiṭṭhāmatātibhāvena nirapekkhā, na āhārindriyā viya sāpekkhā eva, tasmā etesveva dutiyaṃ hetādiggahaṇaṃ kataṃ. Āhārindriyā pana āharitabbaisitabbāpekkhā eva, tasmā te vināpi dutiyena āhārindriyaggahaṇena attanā eva āharitabbe ca isitabbe ca āhārindriyabhūte aññe ca sampayuttake paricchindantīti taṃ tattha na kataṃ, idha ca dutiyena hetuggahaṇena paccayuppannānaṃ hetunā paccayabhūteneva sampayuttānaṃ hetūnaṃ aññesañca paricchinnattā puna visesanakiccaṃ natthīti **pañhāvāre** ‘kusalā hetū sampayuttakānaṃ khandhāna’ ntiādīsu (paṭṭhā. 1.1.401) dutiyaṃ hetuggahaṇaṃ na katanti daṭṭhabbaṃ.

**Niddisitabbassa apākaṭattāti** taṃ-saddo purimavacanāpekkho vuttasseva niddeso ‘rūpāyatanāṃ cakkhuvīññānadhātuyā taṃsampayuttakāna’ ntiādīsu (paṭṭhā. 1.1.2) purimavacanena niddisitabbe pākaṭibhūte eva pavattati. Ettha ca paccattaniddiṭṭho hetusaddo ‘hetupaccayena paccayo’ ti ettha byāvaṇo sampayuttasaddena viya taṃ-saddenapi anapekkhanīyo añño ca koci niddisitabbappakāsako vutto natthi, tasmā ‘taṃsampayuttakāna’ nti ca na vuttanti adhippāyo.

**“Hetusampayuttakāna”** nti iminā pana paccayuppannavacanena asamattena paccayuppannavacanantarāpekkhena pubbe vuttena taṃ-saddena niddisitabbāṃ pākaṭīkataṃ, tena **“taṃsamutṭhānāna”** nti ettha taṃgahaṇaṃ katanti. Kiṃ pana tasmim̄ hetusampayuttakasadde taṃ-saddena niddisitabbāṃ pākaṭibhūtanti? Yehi hetūhi sampayuttā ‘hetusampayuttakā’ ti vuttā, te hetū ceva sampayuttakavisesanabhūtā tabbisesitā ca hetusampayuttakā. Tenāha **“te hetū cevā”** tiādī. Aññathā ‘te hetū cevā’ ti etassa paccattaniddiṭṭhena hetusaddena sambandhe sati yathā idha teneva taṃ-saddena niddisitabbā pākaṭā, evaṃ pubbepi bhavituṃ arahantīti ‘niddisitabbassa apākaṭattā ‘taṃsampayuttakāna’ nti na vutta’ nti idaṃ na yujjeyyāti. Duvidhampi vā hetuggahaṇaṃ apanetvā taṃsaddavacanīyatāṃ codeti pariharati ca. **Taṃsamutṭhānānanti** ca hetusamutṭhānānanti yuttaṃ. Hetū hi paccayāti.

**Cittajarūpaṃ ajanayamānāpīti pi-**saddena janayamānāpi. Yadi “cittasamuṭṭhānāna”nti vacanena paṭisandhikkhaṇe kaṭattārūpassa aggahaṇato taṃ na vuttaṃ, sahaajātapaccayavibhaṅge cittacetāsikānaṃ tassa kaṭattārūpassa paccayabhāvo na vutto bhaveyya. Yadi ca tattha cittasamuṭṭhānānaṃ paccayabhāvena taṃsamānalakkhaṇānaṃ kaṭattārūpānampi paccayabhāvo nidassito, evamidhāpi bhavitabbaṃ. “Cittasamuṭṭhānāna”nti pana avatvā “taṃsamuṭṭhānāna”nti vacanaṃ cittasamuṭṭhānānaṃ sabbacittacetāsikasamuṭṭhānatādassanattamaṃ. Evampakārena hi taṃsamuṭṭhānavacanena tattha tattha vuttaṃ samuṭṭhānavacanaṃ visesitaṃ hoti. Nanu “cittacetāsikā dhammā cittasamuṭṭhānāna”nti vacanena cittasamuṭṭhānānaṃ cittacetāsikasamuṭṭhānatā vuttāti? Na vuttā. Cittacetāsikānaṃ paccayabhāvo eva hi tattha vuttoti.

**Cittapaṭibaddhavuttitāyāti** eteneva hetuādipaṭibaddhatañca dasseti. “Yañca, bhikkhave, ceteti, yañca pakappeti, yañca anuseti, ārammaṇametamaṃ hoti, viññāṇassa ṭhitiyā ārammaṇe sati paṭiṭṭhā viññāṇassa hoti, tasmim paṭiṭṭhite viññāṇe viruḷhe nāmarūpassa avakkanti hoti, nāmarūpapaccayā saḷāyatana”nti (saṃ. nī. 2.39) imasmimpi sutte paṭisandhināmarūpassa viññāṇapaccayatā vuttāti āha “**tasmim paṭiṭṭhite**”tiādi.

Purimatarasiddhāya pathaviyā bījapaṭiṭṭhānaṃ viya purimatarasiddhe kamme tannibbattasseva viññāṇabījassa paṭiṭṭhānaṃ kammassa kaṭattā uppattīti vuttaṃ hoti. Tenāha – “**kammaṃ khettaṃ, viññāṇaṃ bīja**”nti. Kassa pana taṃ khettaṃ bījañcāti? Nāmarūpaṅkurassa.

**Ayañca panatthoti** paṭisandhiyaṃ kammajarūpānaṃ cittapaṭibaddhavuttitā. **Okāsavasenevāti** nāmarūpokāsavaseneva. So hi tassa atthassa okāsoti. **Vatthurūpamattampīti** vadanto vatthurūpassa upatthambhakānaṃ sesarūpānampi tadupatthambhakabhāveneva arūpadhammānaṃ paccayabhāvaṃ dasseti, sahabhavanamattaṃ vā. Tattha kāyabhāvādikalāpānaṃ katthaci abhāvato katthaci abhāvābhāvato “vatthurūpamattampi vinā”ti āha. **Sassāmiketī** etasseva visesanattamaṃ “**sarājake**”ti vuttaṃ.

**Pavattiyaṃ kaṭattārūpādīnaṃ paccayabhāvapaṭibāhanatoti** idaṃ kasmā vuttaṃ, nanu tesamaṃ paccayabhāvappasaṅgoyeva natthi “hetū sahaajātāna”nti (paṭṭhā. atṭha. 1.1) vacanato. Na hi yesamaṃ hetū sahaajātapaccayo na honti, tāni hetusahaajātāni nāma honti. Yadi siyumaṃ, “kusalaṃ dhammaṃ sahaajāto abyākato dhammo uppajjati na hetupaccayā”tiādi ca labbheyya, na pana labbhati, tasmā na tāni hetusahaajātānīti? Saccametamaṃ, yo pana hetūhi samānakāluppattimattaṃ gahetvā hetusahaajātabhāvaṃ maññeyya, tassāyaṃ pasaṅgo atthīti idaṃ vuttanti daṭṭhabbaṃ. Bhagavā pana vacanānaṃ lahugarubhāvaṃ na gaṇeti, bodhaneyyānaṃ pana ajjhāsayaṅnurūpato dhammasabhāvaṃ avilomanto tathā tathā desanaṃ niyāmetīti na katthaci akkharānaṃ bahutā vā appatā vā codetabbāti.

Hetupaccayaniddesavaṇṇanā niṭṭhitā.

## 2. Ārammaṇapaccayaniddesavaṇṇanā

**2. Uppajjanakkhaṇeyevāti** etena vattamānakkhaṇekadesena sabbamaṃ vattamānakkhaṇaṃ gayhatīti daṭṭhabbaṃ. Na hi uppajjanakkhaṇeyeva cakkhuvīññāṇādīnaṃ rūpādīni ārammaṇapaccayo, atha kho sabbasmim vattamānakkhaṇeti. Tena ālambiyamānānampi rūpādīnaṃ cakkhuvīññāṇādivattamānatāya pure pacchā ca vijjamānānaṃ ārammaṇapaccayatābhāvaṃ dasseti, ko pana vādo anālambiyamānānaṃ. **Na ekato hontīti** nīlādīni sabbarūpāni saha na honti, tathā saddādayopīti attho. “Yaṃ ya”nti hi vacanaṃ rūpādīni bhindatīti. Tattha purimenatthena “uppajjantī”ti vacanena ārammaṇapaccayabhāvalakkhaṇādīpanattamaṃ “**yaṃ yaṃ dhamma**”ntiādi vuttanti dasseti, pacchimena “yaṃ ya”nti vacanena rūpādībhedaḍīpanattanti. “**Yaṃ yaṃ vā panārabbhā**”ti etassa vaṇṇanāyaṃ dassitasabbārammaṇādivasena vā idhāpi attho gahettabboti.

**Evamaṃ vuttanti** yathā nadīpabbatānaṃ sandanaṃ ṭhānañca pavattaṃ avirataṃ avicchinnanti

sandanti tiṭṭhantīti vattamānavacanaṃ vuttaṃ, evaṃ ‘‘ye ye dhammā’’ti atītānāgatapaccuppannānaṃ sabbasaṅgahasamudāyavasena gahitattā tesam uppajjanaṃ pavattanaṃ aviratanti uppajjantīti vattamānavacanaṃ vuttanti adhippāyo. Ime pana na hetādipaccayā sabbepi atītānāgatānaṃ honti. Na hi atīto ca anāgato ca atthi, yassete paccayā siyuṃ. Evañca katvā atītattike atītānāgatānaṃ na koci paccayo vutto, tasmā idhāpi ‘‘uppajjantī’’ti vacanena yesaṃ rūpādayo ārammaṇadhammā ārammaṇapaccayā honti, te paccuppannāva dassitāti daṭṭhabbā. Tesu hi dassitesu atītānāgatesu taṃtaṃpaccayā ahesuṃ bhavissanti cāti ayamatto dassito hoti, na pana taṃtaṃpaccayavantatā. Paccayavanto hi paccuppannāyevāti.

Ettha ca ‘‘**yaṃ yaṃ dhammaṃ ārabbhā**’’ti ekavacananiddesaṃ katvā puna ‘‘**te te dhammā**’’ti bahuvacananiddeso ‘‘yaṃ ya’’nti vuttassa ārammaṇadhammassa anekabhāvopi atthīti dassanattho. Cattāro hi khandhā saheva ārammaṇapaccayā honti, te sabbepi ārabbhā uppajjamānampi tesu ekekaṃ ārabbhā uppajjamānaṃ na na hoti, tasmā vedanādīsu phassādīsu ca ekekassapi ārammaṇapaccayabhāvadassanattham ‘‘**yaṃ ya**’’nti vuttaṃ, sabbesaṃ ekacittuppādapariyāpannānaṃ ārammaṇapaccayabhāvadassanattham ‘‘**te te**’’ti. Tattha yo ca rūpādiko ekekova yaṃyaṃ-saddena vutto, ye ca aneke phassādayo ekekavasena yaṃyaṃ-saddena vuttā, te sabbe gahetvā ‘‘te te’’ti vuttanti daṭṭhabbaṃ. Atha vā yasmiṃ kāle ārabbhā uppajjanti, tasmīṃ kāle nīlādīsu cittuppādesu ca ekekameva ārabbhā uppajjantīti dassanattham ‘‘**yaṃ ya**’’nti vuttaṃ, te pana ālambiyamānā rūpārammaṇadhammā ca aneke, tathā saddādīrammaṇadhammā cāti dassanattham ‘‘**te te**’’ti.

**Nibbānārammaṇaṃ kāmāvacararūpāvacarakusalassa aperiyaṇato kusalavipākassa kāmāvacararūpāvacarakiriyassa cāti imesaṃ channaṃ rāsīnaṃ ārammaṇapaccayo hotīti** idaṃ pubbenivāsānussatiñāṇena khandhapaṭibaddhānussaraṇakāle nibbānampi rūpāvacarakusalakiriyānaṃ ārammaṇaṃ hotīti iminā adhippāyena vuttaṃ. Evaṃ sati yathā ‘‘appamāṇā khandhā pubbenivāsānussatiñāṇassa ārammaṇapaccayena paccayo’’ti (paṭṭhā. 2.12.58) vuttaṃ, evaṃ ‘‘nibbāna’’nti ca vattabbaṃ siyā, na ca taṃ vuttaṃ. Na hi nibbānaṃ pubbe nivuṭṭhaṃ asaṅkhatattā, na ca pubbenivāsānussatiñāṇena pubbe nivuṭṭhesu appamāṇakkhandhesu ñātesu nibbānājanane na tena payojanaṃ atthi. Yathā hi cetopariyañāṇaṃ cittaṃ vibhāventameva cittārammaṇajānanassa kāmāvacarassa paccayo hoti, evamidampi appamāṇakkhandhe vibhāventameva tadārammaṇajānanassa kāmāvacarassa paccayo hotīti. Diṭṭhanibbānoyeva ca pubbe nivuṭṭhe appamāṇakkhandhe anussarati, tena yathādiṭṭhameva nibbānaṃ tesam khandhānaṃ ārammaṇanti daṭṭhabbaṃ, na pana pubbenivāsānussatiñāṇena tadārammaṇavibhāvanaṃ kātabbaṃ. Vibhūtaṃ hi taṃ tassāti. Evaṃ anāgataṃsañāṇepi yathārahaṃ yojetabbaṃ, tasmā nibbānaṃ na kassaci rūpāvacarassa ārammaṇanti ‘‘catunnaṃ rāsīna’’nti vuttaṃ yuttaṃ.

Ārammaṇapaccayaniddesavaṇṇanā niṭṭhitā.

### 3. Adhipatipaccayaniddesavaṇṇanā

**3. Dhuranti dhuraggāhaṃ. Jeṭṭhakanti seṭṭhaṃ. Chandādhipati chandasampayuttakānanti** ettha purimachandassa samānarūpena tadanantaraṃ niddiṭṭhena taṃsambandhena chandasaddeneva paccayabhūtaṃ chandassa sampayuttakavisesanabhāvo dassito hotīti ‘‘chandādhipati sampayuttakāna’’nti avatvā ‘‘chandasampayuttakāna’’nti vuttanti daṭṭhabbaṃ. Esa nayo itaresupi.

**Garukāraccittikāravasena vāti** kusalābyākātānaṃ pavattiṃ dasseti. Aladdhaṃ **laddhabbaṃ**, laddhaṃ **avijahitabbaṃ**. Yena vā vinā na bhavitabbaṃ, taṃ **laddhabbaṃ**, tassevattho **avijahitabbanti**. **Anavaññātanti** avaññātampi adosadassitāya assādanena anavaññātamaṃ katvā.

Micchattaniyatā appanāsadisā mahābalā vinā adhipatinā nuppajjantīti ‘‘**ekantenevā**’’ti āha. Kammakilesāvaraṇabhūtā ca te saggāvaraṇā ca maggāvaraṇā ca paccakkhasaggānaṃ kāmāvacaradevānampi uppajjitumaṃ na arahanti, ko pana vādo rūpārūpīnanti.

**Kāmāvacarādibhedato pana tividho kiriyārammaṇādhīpati lobhasahagatākusalasseva ārammaṇādhīpatipaccayo hotīti** idam parasantānagatānaṃ sārammaṇadhammānaṃ “ajjhāttārammaṇo dhammo bahiddhārammaṇassa dhammassa adhipatipaccayena paccayo”ti etassa abhāvato “bahiddhārammaṇo dhammo bahiddhārammaṇassā”ti ettha ca ārammaṇādhīpatino anuddhaṭṭā adhipatipaccayatā natthīti viññāyamānēpi “bahiddhā khandhe garuṃ katvā assādetī”tiādivacanāṃ (paṭṭhā. 2.20.31) nissāya arahato kiriyadhammā puthujjanādīhi garuṃ katvā assādiyantīti iminā adhippāyena vuttanti daṭṭhabbam. “Sanidassanasappaṭiḡhā khandhā”tiādīsu (paṭṭhā. 2.22.30) viya khandhasaddo rūpe eva bhavituṃ arahatīti vicāritametaṃ. Puthujjanādīkāle vā anāgate kiriyadhamme garuṃ katvā assādanāṃ sandhāyetaṃ vuttaṃ. “Nevavipākanavipākadhammadhamme khandhe garuṃ katvā assādeti abhinandatī”tiādivacanato (paṭṭhā. 1.3.96) kiriyadhammā rāgadiṭṭhīnaṃ adhipatipaccayo honteva, te ca “atīttārammaṇe anāgate khandhe garuṃ katvā assādetī”tiādivacanato (paṭṭhā. 2.19.23) anāgatā tebhūmakāpi adhipatipaccayo hontīti. Āvajjanakiriyasabbhāvato pana idampi vicāretabbam.

Adhipatipaccayaniddesavaṇṇanā niṭṭhitā.

#### 4. Anantarapaccayaniddesavaṇṇanā

4. Yathā okāsadānavisesabhāvena natthivīgatā vuttā, na evaṃ anantarasamanantarā, ete pana cittaniyāmahetuvisesabhāvena vuttā, tasmā taṃ cittaniyāmahetuvisesabhāvaṃ dassento “**cakkhuvīññādhātu**”tiādinā dhātuvasena kusalādivasena ca niddesamāha. Tattha “manovīññādhātu manovīññādhātuyā”ti vutte paccayapaccayuppannaviseso na viññāyatīti “purimā purimā pacchimāya pacchimāyā”ti vattabbam siyā. Tathā ca satī dhātuvisesena cittaviseso dassanaṃ yaṃ kātuṃ āraddho, taṃ vocchijjeyya. “Manovīññādhātu manodhātuyā”ti idampi na sakkā vattuṃ niyāmābhāvato, “manodhātu cakkhuvīññādhātuyā”ti ca tatheva na sakkā. Na hi manodhātu cakkhuvīññādhātuyāyeva anantarapaccayoti niyāmo atthi, tasmā pākāṭā pañcaviññādhātuyō ādiṃ katvā yāva dhātuvisesaniyāmo atthi, tāva nidassanena nayam dassetvā puna niravasesadassanattham “**purimā purimā kusalā**”tiādimāha. **Sadisakusalānanti** vedanāya vā hetūhi vā sadisakusalānaṃ anurūpakusalānanti vā attho. Tena bhūmibhinnānampi paccayabhāvo vutto hoti. **Bhavaṅgaggahaṇena** kusalākusalāmūlakesu cutipi gahitāti daṭṭhabbam, abyākatāmūlake tadārammaṇampi.

**Kāmāvacarakiriyāvajjanassāti** kāmāvacarakiriyāya āvajjanassāti āvajjanaggahaṇena kāmāvacarakiriyam visesetīti daṭṭhabbam. Kāmāvacaravipāko kāmāvacarakiriyarāsissa ca anantarapaccayo hoti, honto ca āvajjanassevāti ayañhettha adhippāyo. Āvajjanaggahaṇeneva cettha voṭṭhabbanampi gahitanti daṭṭhabbam.

Anantarapaccayaniddesavaṇṇanā niṭṭhitā.

#### 6. Sahajātapaccayaniddesavaṇṇanā

6. “Aññamaññassāti añño aññassā”ti porāṇapāṭho. Pāḷiyam pana “aññamaññam sahajātapaccayena paccayo”ti ettha vuttassa “aññamañña”nti imassa attho vattabbo, na avuttassa “aññamaññassā”ti imassa, na ca samānatthassapi saddantarassa atthe vutte saddantarassa attho vutto hoti, tasmā “**aññamaññanti añño aññassā**”ti paṭhanti. Okkantīti pañcavokārapaṭisandhiyeva vuccati, na itarāti iminā adhippāyenāha “**pañcavokārabhave paṭisandhikkhaṇe**”ti. **Rūpino dhammā arūpīnaṃ dhammānanti** idam yadipi pubbe “okkantikkhaṇe nāmarūpa”nti vuttaṃ, tathāpi na tena khaṇantare paccayabhāvo rūpīnaṃ nivāritoti tannivāraṇattham vuttaṃ. **Kañci kāleti** keci kismiñci kāleti vā attho. Tena rūpino dhammā keci vatthubhūtā kismiñci paṭisandhikāleti rūpantarānaṃ vatthussa ca kālantare arūpīnaṃ sahajātapaccayam pubbe anivāritam nivāreti. Evañca katvā “kañci kāla”nti vā “kismiñci kāle”ti vā vattabbe vibhattivipallāso kato. Tena hi “kañci”ti upayogekavacanāṃ “**rūpino dhammā**”ti etena saha sambandhena paccattabahuvacanassa ādeso, “**kāle**”ti iminā sambandhena bhummekavacanassāti viññāyati. Purimena ca “**eko khandho vatthu ca tiṇṇanam**

**khandhāna**’ntiādinā nāmasahitasseva vatthussa “nāmassa paccayo”ti vattabbatte āpanne etena kevalasseva tathā vattabbataṃ dasseti.

**Tayo na aññamaññavasenā**ti labbhamānepi katthaci aññamaññasahajātapaccayabhāve vacanena asaṅgahitattā tassa evaṃ vuttanti daṭṭhabbaṃ. **Catusamuṭṭhānikassa rūpassa** ekadesabhūte **kammamuṭṭhānarūpe** samudāyekadesavasena sāmivacanāṃ daṭṭhabbaṃ, niddhāraṇe vā.

Sahajātapaccayaniddesavaṇṇanā niṭṭhitā.

### 8. Nissayapaccayaniddesavaṇṇanā

8. Nissayapaccayaniddese “rūpino dhammā arūpīnaṃ dhammānaṃ kismiñci kāle”ti idaṃ na labbhāti. Yaṃ panettha labbhāti “rūpino dhammā kecī”ti, tattha te eva dhamme dassetuṃ “**cakkhāyatana**”ntiādi vuttanti. “**Vatthurūpaṃ pañcavokārabhave**”ti vuttattā “**ṭhapetvā āruppavipāka**”nti idaṃ na vattabbanti ce? Na, “tebhūmakavipākassā”ti vutte pañcavokārabhave anuppajjanakaṃ ṭhapetabbaṃ ajānantassa tassa pakāsetabbattā.

Nissayapaccayaniddesavaṇṇanā niṭṭhitā.

### 9. Upanissayapaccayaniddesavaṇṇanā

9. **Te tayopi rāsayoti** upanissaye tayo anekasaṅgāhakatāya rāsayoti vadati. Etasmiṃ pana upanissayaniddese ye purimā yesaṃ pacchimānaṃ anantarūpanissayā honti, te tesāṃ sabbesāṃ ekanteneva honti, na kesañci kadāci, tasmā yesu padesu anantarūpanissayo saṅgahito, tesu “kesañcī”ti na sakkā vuttanti na vuttaṃ. Ye pana purimā yesāṃ pacchimānaṃ ārammaṇapakatūpanissayā honti, te tesāṃ na sabbesāṃ ekantena honti, yesāṃ uppattipaṭibāhikā paccayā balavanto honti, tesāṃ na honti, itaresāṃ honti. Tasmā yesu padesu anantarūpanissayo na labbhāti, tesu “kesañcī”ti vuttaṃ. Siddhānaṃ paccayadhammānaṃ yehi paccayuppannehi akusalādīhi bhavitabbaṃ, tesāṃ kesañcīti ayañcetta atho, na pana avisesena akusalādīsu kesañcīti.

**Purimā purimā kusalā...pe... abyākatānaṃ dhammānanti** yesāṃ upanissayapaccayena bhavitabbaṃ, tesāṃ abyākatānaṃ pacchimānanti daṭṭhabbaṃ. Na hi rūpābyākataṃ upanissayaṃ labhatīti. Kathaṃ? Ārammaṇānantarūpanissaye tāva na labhati anārammaṇattā pubbāparaniyamena appavattito ca, pakatūpanissayañca na labhati acetanena rūpasantānena pakatassa abhāvato. Yathā hi arūpasantānena saddhādayo nipphādītā utubhojanādayo ca upasevitā, na evaṃ rūpasantānena. Yasmiñca utubījādike kammādike ca sati rūpaṃ pavattati, na taṃ tena pakataṃ hoti. Sacetanasseva hi uppādanupatthambhanupayogādivasena cetanaṃ pakappanaṃ pakaraṇaṃ, rūpañca acetananti. Yathā ca nirīhakesu paccayāyattesu dhammesu kesañci sārammaṇasabhāvātā hoti, kesañci na, evaṃ sappakaraṇasabhāvātā nippakaraṇasabhāvātā ca daṭṭhabbā. Utubījādayo pana aṅkurādīnaṃ tesu asantesu abhāvato eva paccayā, na pana upanissayādibhāvato. Purimapurimānaṃyeva panettha upanissayapaccayabhāvo bāhullavasena pākaṭavasena ca vutto. “Anāgate khandhe patthayamāno dānaṃ detī”tiādivacanato (paṭṭhā. 2.18.8) pana anāgatāpi upanissayapaccayā honti, te purimehi ārammaṇapakatūpanissayehi taṃsamānalakkhaṇatāya idha saṅgayhantīti daṭṭhabbā.

**Puggalopi senāsanampīti puggalasenāsanaggahaṇavasena** upanissayabhāvaṃ bhajante dhamme dasseti, **pi-saddena** cīvarāraññarukkhapabbatādiggahaṇavasena upanissayabhāvaṃ bhajante sabbe saṅgaṇhāti. “Abyākato dhammo abyākatassa dhammassa upanissayapaccayena paccayo”tiādīsu hi “senāsanāṃ kāyikassa sukhaṃ”tiādivacanena senāsanaggahaṇena upanissayabhāvaṃ bhajantāva dhammā upanissayapaccayena paccayoti imamatthaṃ dassentena puggalādīsipi ayaṃ nayo dassito hotīti. Paccuppannāpi ārammaṇapakatūpanissayā paccuppannatāya senāsanasamānalakkhaṇattā ettheva saṅgahitāti daṭṭhabbā. Vakkhati hi “paccuppannaṃ utuṃ bhojanaṃ senāsanāṃ upanissāya jhānaṃ



uppādeti”tiādīnā senāsanassa paccuppanabhāvaṃ viya paccuppanānaṃ utuādīnaṃ pakatūpanissayabhāvaṃ, “paccuppanaṃ cakkhuṃ...pe... vatthuṃ paccuppanne khandhe garuṃ katvā assādeti”tiādīnā (paṭṭhā. 2.18.4) cakkhādīnaṃ ārammaṇūpanissayabhāvañcāti. Paccuppanānampi ca tādisānaṃ pubbe pakatattā pakatūpanissayatā daṭṭhabbā.

Kasiṇārammaṇādīni ārammaṇameva honti, na upanissayoti iminā adhippāyena “**ekaccāyā**”ti āha.

Arūpāvacarakusalampi yasmim kasiṇādīmhi jhānaṃ anuppāditaṃ, tasmim anuppanajhānuppādane sabbassa ca uppanajhānassa samāpajane iddhividhādīnaṃ abhiññānañca upanissayoti imamatthaṃ sandhāyāha “**tebhūmakakusalo catubhūmakassapi kusalassā**”ti. Vuttampi cetam “arūpāvacaraṃ saddhaṃ upanissāya rūpāvacaraṃ jhānaṃ vipassanaṃ maggaṃ abhiññaṃ samāpattiṃ uppādeti”ti (paṭṭhā. 4.13.285). Kāmāvacarakusalaṃ rūpāvacarārūpāvacaravipākānampi taduppādakakusalānaṃ upanissayabhāvavasena, paṭisandhinyāmakassa cutito purimajavanassa ca vasena upanissayo, rūpāvacarakusalaṃ arūpāvacaravipākassa, arūpāvacarakusalañca rūpāvacaravipākassa taduppādakakusalūpanissayabhāvenāti evaṃ paccekaṃ tebhūmakakusalānaṃ catubhūmakavipākassa tebhūmakakiriyassa ca yathāyogaṃ paccayabhāvo veditabbo. Pāḷiyampi hi pakatūpanissayo nayadassanamatteneva pañhāvāresu vissajjitoti.

**Iminā pana nāyenāti** lokuttaranibbattaṃ upanissāya sinehuppādanalesenāti attho. Lokuttarā pana dhammā akusalānaṃ na kenaci paccayena paccayo hontīti na idaṃ sārato daṭṭhabbanti adhippāyo. Kāmāvacarādītihetukabhavaṅgaṃ kāyikasukhādi ca rūpāvacarādikusalānaṃ upanissayo, arūpāvacaravipāko rūpāvacarakusalassa taṃ patthetvā tannibbattakakusaluppādanatthaṃ uppādiyamānassa, rūpāvacarakiriyassa ca pubbe nivuttādīsu arūpāvacaravipākajānanatthaṃ jhānābhiññāyo uppādentassa arahato, catubhūmakavipākānaṃ pana taduppādakakusalūpanissayabhāvavasena so so vipāko upanissayo. Tenāha “**tathā tebhūmakavipāko**”ti. Yadi pi arahattaphalattaṃ jhānavipassanā uppādeti anāgāmī, na pana tena taṃ kadāci diṭṭhapubbaṃ puthujjanādīhi sotāpattiphalādīni viya, tasmā tāni viya tesam jhānādīnaṃ imassa ca aggaphalaṃ na jhānādīnaṃ upanissayo. Upaladdhapubbasadisameva hi anāgatampi upanissayoti. Tenāha “**upariṭṭhimaṃ kusalassapī**”ti.

Kiriyaatthapaṭisambhidādimpi patthetvā dānādikusalaṃ karontassa tebhūmakakiriyāpi catubhūmakassapi kusalassa upanissayapaccayena paccayo. Yonisomanasikāre vattabbameva natthi, taṃ upanissāya rāgādiuppādane akusalassa, kusalākusalūpanissayabhāvamukhena catubhūmakavipākassa. Evaṃ kiriyassapi yojetabbaṃ. Tenāha “**kiriyaśākhātopi pakatūpanissayo catubhūmakānaṃ kusalādikhandhānaṃ hotiyevā**”ti. Nevavipākanavipākadhammadhammesu pana utubhojanasenāsanānameva tiṇṇaṃ rāsīnaṃ pakatūpanissayabhāvadassanaṃ nayadassanamevāti. **Imasmim paṭṭhānamahāpakaraṇe āgatanāyenāti** idaṃ “kusalaṃ dhammaṃ paṭicca abyākato dhammo uppajjati na upanissayapaccayā, kusale khandhe paṭicca cittasamuṭṭhānaṃ rūpa”nti (paṭṭhā. 1.1.91) evamādikaṃ upanissayapaṭikkhepaṃ, anulome ca anāgamaṃ sandhāya vuttaṃ. **Suttantikapariyāyenāti** “viññāṇūpanisaṃ nāmarūpaṃ, nāmarūpanisaṃ saḷāyatana”ntiādikena (saṃ. ni. 2.23),

“Yathāpi pabbato selo, araññasmiṃ brahāvane;  
Taṃ rukkhā upanissāya, vaḍḍhante te vanappatī”ti (a. ni. 3.49). –

Ādikena ca.

Upanissayapaccayaniddesavaṇṇanā niṭṭhitā.

## 10. Purejātapaccayaniddesavaṇṇanā

**10.** Nayadassanavasena yāni vinā ārammaṇapurejātena na vattanti, tesam cakkhuviññāṇādīnam ārammaṇapurejātadassanena manodvārepi yaṃ yādārammaṇapurejātena vattati, tassa tadālambitaṃ sabbampi rūparūpaṃ ārammaṇapurejātanti dassitameva hoti, sarūpena pana adassitattā “**sāvasesavasena desanā katā**”ti āha. Cittavasena kāyaṃ pariṇāmayato iddhividhābhīññāya ca aṭṭhārasasu yaṃkiñci ārammaṇapurejātaṃ hotīti daṭṭhabbaṃ.

**Tadārammaṇabhāvī**noti ettha paṭisandhibhāvīno vatthupurejātābhāvena itarassapi abhāvā aggahaṇaṃ. Bhavaṅgabhāvīno pana gahaṇaṃ kātabbaṃ na vā kātabbaṃ paṭisandhiyā viya aparibhattassa ārammaṇassa ārammaṇamattabhāvato, “manodhātūnañcā”ti ettha santīraṇabhāvīno manoviññādhātuyāpi.

Purejātapaccayaniddesavaṇṇanā niṭṭhitā.

### **11. Pacchājātapaccayaniddesavaṇṇanā**

**11. Tassevā**ti idaṃ kāmāvacararūpāvacaravipākānaṃ niravasesadassitapurejātadassanavasena vuttaṃ, rūpāvacaravipāko pana āhārasamuṭṭhānassa na hotīti.

Pacchājātapaccayaniddesavaṇṇanā niṭṭhitā.

### **12. Āsevanapaccayaniddesavaṇṇanā**

**12. Paṅṇatarabalavatarabhāvavisiṭṭhanti** etena vipākābyākatato viseseti.

Āsevanapaccayaniddesavaṇṇanā niṭṭhitā.

### **13. Kammaṇapaccayaniddesavaṇṇanā**

**13.** Cetanāsampayuttakammaṃ abhijjhādi kammaṇapaccayo na hotīti “**cetanākammamevā**”ti āha. Satīpi hi vipākadharmadhammatte na cetanāvajjā evaṃsabhāvāti. **Attano phalaṃ uppādetuṃ samatthenā**ti kammaṇassa samatthāta tassa kammaṇapaccayabhāvo vuttāti daṭṭhabbā.

**Pañcavokāreyeva, na aññatthā**ti etena kāmāvacaracetanā ekavokāre rūpampi na janetīti dasseti.

Kammaṇapaccayaniddesavaṇṇanā niṭṭhitā.

### **14. Vipākapaccayaniddesavaṇṇanā**

**14.** Vipākapaccayaniddese yesaṃ ekantena vipāko vipākapaccayo hoti, tesam vasena nayadassanaṃ kataṃ. Na hi āruppe bhūmidvayavipāko rūpassa paccayo hoti.

Vipākapaccayaniddesavaṇṇanā niṭṭhitā.

### **15. Āhārapaccayaniddesavaṇṇanā**

**15. Kabaḷaṃ karitvā ajjhoharī**noti asitapītādivatthūhi saha ajjhoharīnoti vuttaṃ hoti. Pātābasāyitabbāni hi sabhāvavasena kabaḷāyeva hotīti.

**Sesatisantīsamūṭṭhānassa anupālakova hutvā**ti ettha cittasamuṭṭhānassa āhārapaccayabhāvo vicāretvā gahetabbo. Na hi cittasamuṭṭhāno kabalīkāro āhāro nocittasamuṭṭhāno tadubhayañca

cittasamuṭṭhānakāyassa āhārapaccayo vutto, tividhopi pana so nocittasamuṭṭhānakāyassa vuttoti.

Āhārapaccayaniddesavaṇṇanā niṭṭhitā.

## 16. Indriyapaccayaniddesavaṇṇanā

**16. Arūpajīvitindriyampi saṅgahitanti** missakattā jīvitindriyaṃ na sabbena sabbaṃ vajjitabbanti adhippāyo.

**Avinibbhuttadhammānanti** ettha ayaṃ adhippāyo – rūpārūpānaṃ aññaṃaññaṃ avinibbhuttavohāro natthīti arūpānaṃ indriyapaccayabhūtāni paccayantarāpekkhāni cakkhādīni attano vijjamānakkhaṇe avinibbhuttadhammānaṃ indriyapaccayatāṃ aphaṇṭānīpi indriyapaccayā siyuṃ. Yo pana nirapekkho indriyapaccayo avinibbhuttadhammānaṃ hoti, so attano vijjamānakkhaṇe tesāṃ indriyapaccayatāṃ aphaṇṭāno nāma natthi. Yadi ca itthindriyapurisindriyāni indriyapaccayo līṅgādīnaṃ siyuṃ, avinibbhuttānaṃ tesampi siyuṃ. Na hi rūpaṃ rūpassa, arūpaṃ vā arūpassa vinibbhuttassa indriyapaccayo atthīti. Sati cevaṃ itthipurisindriyehi avinibbhuttattā kalalādīkāle ca līṅgādīni siyuṃ, yesaṃ tāni indriyapaccayatāṃ phareyyuṃ, na ca pharanti. Tasmā na tehi tāni avinibbhuttakāni, avinibbhuttattābhāvato ca tesāṃ indriyapaccayatāṃ na pharanti. Aññesaṃ pana yehi tāni sahaḥjātāni, tesāṃ abhijabhāvato yeva na pharanti, tasmā āpannavinibbhuttabhāvānaṃ tesāṃ līṅgādīnaṃ avinibbhuttānaṃ aññesaṃca samānakalāpadhammānaṃ indriyapaccayatāya aphaṇṭāto tāni indriyapaccayo na hontīti. Yesaṃ bhijabhūtāni itthipurisindriyāni, tesāṃ līṅgādīnaṃ aparamatthabhāvato keci, te pana kalalādīkālepi līṅgādīnaṃ tadanurūpānaṃ atthitaṃ icchanti.

Jātibhūmivasena vuttetu bhedesu kusalajātiyaṃ rūpāvacarakusalameva āruppe ṭhapetabbanti “**ṭhapetvā pana rūpāvacarakusalaṃ avasesā kusalākusala**”ti vuttaṃ. Paṭhamalokuttaraṃ pana domanassayuttaṃca viṣuṃ ekā jāti bhūmi vā na hotīti āruppe alabbhamānampi na ṭhapitaṃ. Hetuādīsūpi “tathā apariyāpannakusalahetu, tathā akusalahetu”tiādīsū (paṭṭhā. aṭṭha. 1.1) esa nayo yojetabbo.

**Ṭhitikkhaṇeti** idaṃ rūpajīvitindriyassa sahaḥjātapaccayatābhāvaṃ sandhāya vuttaṃ. Uppādakkhaṇepi pana tassa indriyapaccayatā na sakkā nivāretuṃ. Vakkhati hi “abyākataṃ dhammaṃ paṭicca...pe... asaññasattānaṃ ekaṃ mahābhūtaṃ paṭicca...pe... indriyapaccayaṃ kammaṃ paccayasādisa”nti (paṭṭhā. 1.1.66). Na hi asaññasattānaṃ indriyapaccayā uppajjamānassa rūpassa rūpajīvitindriyato añño indriyapaccayo atthi, pañcavokāre pavatte ca kaṭattārūpassa. Paṭiccavārādayo ca cha uppādakkhaṇameva gahetvā pavattā, evaṃca katvā pacchājātapaccayo etesu anulomato na ṭiṭṭhatīti.

Indriyapaccayaniddesavaṇṇanā niṭṭhitā.

## 17. Jhānapaccayaniddesavaṇṇanā

**17. Vitakkavicārapītisomanassadomanassupekkhācittakaggatāsāṅkhātānīti** ettha yadipi somanassadomanassasaṅkhātāni jhānaṅgāni natthi, sukhadukkhasaṅkhātāni pana somanassadomanassabhūtāneva jhānaṅgāni, na kāyikasukhadukkhabhūtānīti imassa dassanatthaṃ somanassadomanassaggahaṇaṃ kataṃ. Nanu ca “dvipaṇcaviññānavajjesū”ti vacaneneva kāyikasukhadukkhāni vajjitānīti sukhadukkhaggahaṇameva kattabbanti? Na, jhānaṅgasukhadukkhānaṃ jhānaṅgabhāvavisesanato. “Dvipaṇcaviññānavajjesu sukhadukkhupekkhācittakaggatāsāṅkhātānī”ti hi vutte dvipaṇcaviññānesu upekkhācittakaggatāhi saddhiṃ kāyikasukhadukkhānīpi vajjitānīti ettakameva viññāyati, na pana yāni sukhadukkhāni jhānaṅgāni hontī, tesāṃ jhānaṅgabhūto sukhabhāvo dukkhabhāvo ca viśesito, tasmā somanassadomanassabhāvavisiṭṭhoyeva sukhadukkhabhāvo sukhadukkhānaṃ jhānaṅgabhāvoti dassanatthaṃ somanassadomanassaggahaṇaṃ karoti. Tena “dvipaṇcaviññānavajjesū”ti vacanena vajjiyamānānampi sukhadukkhānaṃ

somanassadomanassabhāvābhāvato jhānaṅgabhāvābhāvoti dassitaṃ hoti. Yathāvajjitā pana sukhadukkhopekkhekaggatā kasmā vajjitāti? Yattha jhānaṅgāni uddharīyanti cittuppādakaṇḍe, tattha ca jhānaṅgāni anuddhaṭṭā. Kasmā pana na uddhaṭṭāti taṃ dassetuṃ **“pañcannaṃ pana viññāpakāyāna”**ntiādimāha.

**Abhinipātamattattāti** etena āvajjanasampaṭicchanaṃattāyapi cintanāpavattiyā abhāvaṃ dasseti. **“Tesu vijjamaṇānīpi upekkhāsukhadukkhānī”**ti porāṇapāṭho. Tattha upekkhāsukhadukkhēva taṃsamānalakkhaṇāya cittekaggatāyapi yathāvutteneva kāraṇena anuddhaṭṭabhāvo dassitoti daṭṭhabbo. Pubbe pana satta aṅgāni dassentena cattāri aṅgāni vajjitānīti tesam vajjane kāraṇaṃ dassentena na samānalakkhaṇena lesena dassetabbaṃ. Aṭṭhakathā hesāti. Yadi ca lesena dassetabbaṃ, yathāvuttēsupi tīsu ekameva vattabbaṃ siyā, tiṇṇaṃ pana vacanena tato aññassa jhānaṅgāni uddhaṭṭabhāvo āpajjati, yathāvuttakāraṇato aññena kāraṇena anuddhaṭṭabhāvo vā, tasmā taṃdosapariharāṇatthaṃ **“upekkhācittēkaggatāsukhadukkhānī”**ti paṭhanti. Ye pana **“jhānaṅgabhūtehi somanassādīhi sukhadukkhena avibhūtabhāvena pākāṭatāya indriyakiccayuttatāya ca samānānaṃ sukhādīnaṃ jhānaṅgāni anuddhaṭṭabhāve kāraṇaṃ vattabbaṃ, na cittekaggatāyāti sā ettha na gahitā”**ti vadanti, tesam taṃ rucimattaṃ. Yadi jhānaṅgasamānānaṃ jhānaṅgāni anuddhaṭṭabhāve kāraṇaṃ vattabbaṃ, cittekaggatā cettha jhānaṅgabhūteya vicikicchāyuttamanodhātūādīsu cittekaggatāya samānāti tassā anuddhaṭṭabhāve kāraṇaṃ vattabbamevāti. Sesāhetukesupī jhānaṅgaṃ uddhaṭṭameva uddharaṇaṭṭhāne cittuppādakaṇḍeti adhippāyo.

Jhānapaccayaniddesavaṇṇanā niṭṭhitā.

## 18. Maggapaccayaniddesavaṇṇanā

**18. Paññā vitakko sammāvācākamantājīvā vīriyaṃ sati samādhi micchādīṭṭhi micchāvācākamantājīvāti imāni dvādasāṅgānī**ti ettha duvidhampi saṅkappaṃ vīriyaṃ samādhiṇca vitakkavīriyasamādhivacanēhi saṅgaṇhitvā **“ayameva kho, āvuso, aṭṭhaṅgiko micchāmaggo abrahmacariyaṃ. Seyyathidaṃ – micchādīṭṭhi...pe... micchāsamādhi”**tiādīhi (saṃ. ni. 5.18) suttavacanēhi micchāvācākamantājīvesupī maggaṅgavohārasiddhito tehi saha dvādasāṅgāni idha labbhamānāni ca alabbhamānāni ca maggaṅgavacanasāmaññena saṅgaṇhitvā vuttāni. Evañhi suttantavohāropi dassito hoti, evaṃ pana dassentena **“maggapaccayaniddese maggaṅgānī”**ti evaṃ uddharitvā tassa pāṭhagatassa maggaṅgasaddassa atthabhāvena imāni dvādasāṅgāni na dassetabbāni. Na hi pāṭiyāṃ maggaṅgasaddassa micchāvācākamantājīvoti attho vattabbo. Tehi sammāvācādīhi paṭipakkhā cetanādhammā tappaṭipakkhabhāvato yeva **“micchāmaggaṅgānī”**ti sutte vuttāni, na pana maggapaccayabhāvena. Maggaṅgāni maggapaccayabhūteya ca idha pāṭiyāṃ **“maggāṅgānī”**ti vuttāni, na ca aññāṃ uddharitvā aññassa attho vattabbo. Pariyāyanipariyāyamaggaṅgadassanattaṃ pana icchantena pāṭigatamaggaṅgasaddapatirūpako añño maggaṅgasaddo ubhayapadattho uddharitabbo yathā **“adhikaraṇaṃ nāma cattāri adhikaraṇānī”**ti (pārā. 386, 405). Idha pana **“maggapaccayaniddese maggaṅgānī”**ti pāṭigatoyeva maggaṅgasaddo uddhaṭṭo, na ca atthuddharaṇavasena dassetvā adhippetatthaniyamaṇaṃ kataṃ, tasmā pāṭiyāṃ maggaṅgasaddassa micchāvācādīnaṃ atthabhāvo mā hotūti **“sammādīṭṭhisāṅkappavācākamantājīvavāyāmasatisamādhimicchādīṭṭhisāṅkappavāyāmasamādhayoti imāni dvādasāṅgānī”**ti paṭhanti. Nanu evaṃ **“ahetukacittuppādavajjesū”**ti na vattabbaṃ. Na hi tesu sammādīṭṭhiādayo yathāvuttā santi, ye vajjetabbā siyunti? Na, uppattiṭṭhānaniyamaṇatthattā. Ahetukacittuppādavajjesveva etāni uppajjanti, nāhetukacittuppādesu. Tatthuppannāni dvādasāṅgānī ayañhettha attho.

Maggapaccayaniddesavaṇṇanā niṭṭhitā.

## 20. Vippayuttapaccayaniddesavaṇṇanā

**20. Sampayogāsaṅkāya abhāvatoti** etena sampayogāsaṅkāvatthubhūto upakārahāvo vippayuttapaccayatāti dasseti.

Vippayuttapaccayaniddesavaṇṇanā niṭṭhitā.

### 21. Atthipaccayaniddesavaṇṇanā

**21.** Kusalādivasena pañcavidho atthipaccayo vutto, na nibbānaṃ. Yo hi atthibhāvābhāvena anupakārako atthibhāvaṃ labhitvā upakārako hoti, so atthipaccayo hoti. Nibbānaṅca nibbānārammaṇānaṃ na attano atthibhāvābhāvena anupakāraṃ hutvā atthibhāvalābhena upakāraṃ hoti. Uppādādiyuttānaṃ vā natthibhāvopakāratāvirusuddho upakārahāvo atthipaccayatāti na nibbānaṃ atthipaccayo.

Sati ca yesaṃ paccayā honti, tehi ekato puretaṃ pacchā ca uppannatte saḥajātādipaccayattābhāvato āha “**āhāro indriyaṅca saḥajātādibhedam na labhati**”ti. Tadabhāvo ca etesaṃ dhammasabhāvavasena daṭṭhabbo.

Atthipaccayaniddesavaṇṇanā niṭṭhitā.

### 22-23-24. Natthivigataavigatapaccayaniddesavaṇṇanā

**22-23. Paccayalakkhaṇameva hettha nānanti** etena natthivigatapaccayesu atthivigatapaccayesu ca **byañjanamatteyeva nānattam, na attheti** idaṃ yo paccayoti attho, tasmim nānattam natthi, byañjanasaṅgahite paccayalakkhaṇamatteyeva nānattanti imamattham sandhāya vuttanti viññāyati.

Natthivigataavigatapaccayaniddesavaṇṇanā niṭṭhitā.

Paccayaniddesavaṇṇanā niṭṭhitā.

### Paccayaniddesapakiṇṇakavinicchayakathāvaṇṇanā

“**Lobhadosamohā vipākapaccayāpi na honti, sesānaṃ sattarasannaṃ paccayānaṃ vasena paccayā honti**”tiādimapāṭho. Ettha ca lobhadosamohānaṃ paccekaṃ sattarasahi paccayehi paccayabhāvo vutto, sabbe hetū saha aggahetvā ekadhammassa anekapaccayabhāvadassanattam amohādīnaṃ visuṃ gahitattāti dosassapi sattarasahi paccayabhāvo āpajjati, tathā ca sati dosassapi garukaraṇaṃ pāliyaṃ vattabbaṃ siyā. “Akusalo pana ārammaṇādhipati nāma lobhasahagatacittuppādo vuccati”ti (paṭṭhā. aṭṭha. 1.4) etthāpi lobhadosasahagatacittuppādāti vattabbaṃ siyā, na pana vuttam, tasmā dosassa adhipatipaccayatāpi nivāretabbā. Na ca “**sesāna**”nti vacanena adhipatipaccayo nivārito, atha kho saṅgahito purejātādīhi yathāvuttehi sesattāti tannivāraṇattam dosam lobhamohehi saha aggahetvā visuṅca aggahetvā “doso adhipatipaccayopi na hoti, sesānaṃ paccayānaṃ vasena paccayo hoti”ti paṭṭhanti. **Iminā nāyena**ti etena phoṭṭhabbāyatanassa saḥajātādipaccayabhāvaṃ, sabbadhammānaṃ yathāyogaṃ hetādipaccayabhāvaṅca dasseti. Na hi etaṃ ekapaccayassa anekapaccayabhāvadassananti rūpādīnaṃ pakatūpanissayabhāvo ca etena dassitoti daṭṭhabbo.

Catunnaṃ khandhānaṃ bheda cakkhuvīññādhātuādayoti bhedaṃ anāmasitvā te eva gahetvā āha “**catūsu khandhesū**”ti. **Micchāvācākamantājīvā tehi ceva kammāhārapaccayehi cāti ekūnavīsati**dhāti idamevaṃ na sakkā vuttuṃ. Na hi micchāvācādayo micchādīṭṭhi viya maggapaccayā honti cetanāya maggapaccayattābhāvato. Yadi ca bhavēyya, pañhāvāre “kammappaccayā magge tīṇi”ti vattabbaṃ siyā, tasmā micchāvācādīnaṃ maggapaccayabhāvo na vattabbo. Paṭṭhānaṃvaṇṇanā hesā. Sesapaccayabhāvo ca cetanāya anekapaccayabhāvavacanena vuttoyevāti na idaṃ paṭṭhitabanti na

paṭhanti. **“Ahirikaṃ...pe... middhaṃ uddhaccaṃ vicikicchā”**tiādimaṇṇaṃ, vicikicchā pana adhipatipaccayo na hotīti taṃ tattha apaṭhitvā **“vicikicchāssāmacchariyakukkuccāni tato adhipatipaccayaṃ apañevā”**ti evamettha paṭhanti.

**“Cattāri mahābhūtāni ārammaṇa...pe... purejātavippayuttaatthiavigatavasena dasadhā paccayā honti, puna tathā hadayavatthū”**ti purimaṇṇaṃ, mahābhūtāni pana vippayuttapaccayā na hontīti **“purejātaatthiavigatavasena navadhā paccayā honti, vippayuttapaccayaṃ pakkhipitvā dasadhā vatthu”**nti paṭhanti. **Ettakamevettha apubbanti** etasmiṃ purejātapaccaye sahaṇṇānissayehi apubbam rūpasaddagandharasāyatanaṃ mattamevāti attho, ārammaṇāni panetāni ārammaṇapaccayadhammānaṃ anekapaccayabhāve vuttānīti sabbātikantapaccayāpekkhā etesaṃ apubbatā natthīti. **Indriyādīsu apubbam natthīti** rūpajīvitindriyassapi arūpajīvitindriyato apubbassa paccayabhāvassa abhāvaṃ maññaṃānena apubbatā na vuttā. Tassa pana purejātapaccayabhāvato apubbatā. Kabaḷīkārahāssa ca purejātena saddhiṃ sattadhā paccayabhāvo yojetabbo.

**Ākāro**ti mūlādiākāro. **Atthoti** tenākārena upakāratā. **“Yenākārenā”**ti etassa vā atthavacanam **“yenatthenā”**ti. **Vipākahetūsuyeva labbhatīti** ettha amohavipākahetussa adhipatipaccayabhāvo ca lokuttaravipākeyeva labbhatīti. Evaṃ sabbattha labbhamānālabbhamānaṃ sallakkhetabbaṃ. Vippayuttam apaṭhitvā **“chahākārehi”**ti purimaṇṇaṃ, taṃ pana paṭhitvā **“sattahākārehi”**ti paṭhanti. Ukkaṭṭhapaṇicchedo hettha vuccati, na ca yaṃ ārammaṇam nissayo hoti, taṃ vippayuttam na hotīti.

Anantarasamanantaresu yaṃ kammaṇapaccayo hoti, taṃ na āsevanapaccayo. Yañca āsevanapaccayo hoti, na taṃ kammaṇapaccayoti daṭṭhabbaṃ. **“Pakatūpanissayo pakatūpanissayovā”**ti vuttam, kammaṇapaccayopi pana so hoti, tasmā **“kammaṇapaccayo cā”**ti paṭhanti. Ayaṃ panettha attho – pakatūpanissayo yebhuyyena pakatūpanissayova hoti, koci panettha kammaṇapaccayo ca hotīti. **“Ārammaṇapurejāte panettha indriyavippayuttapaccayatā na labbhatī”**ti vuttam. Tattha **ārammaṇapurejātanti** yadi kañci ārammaṇabhūtam purejātam vuttam, ārammaṇabhūtassa vatthussa vippayuttapaccayatā labbhatīti sā na labbhatīti na vattabbā. Atha pana vatthupurejātato aññaṃ vatthubhāvarahitārammaṇameva **“ārammaṇapurejāta”**nti vuttam, tassa nissayapaccayatā na labbhatīti **“nissayindriyavippayuttapaccayatā na labbhatī”**ti vattabbam. **Ito uttaripīti** purejātato paratopīti attho, ito vā indriyavippayuttato nissayindriyavippayuttato vā uttari ārammaṇādhipatīdi ca labbhamānālabbhamānaṃ veditabbanti attho vattabbo. Kammādīsu pana labbhamānālabbhamānaṃ na vakkhatīti purimoyevettha attho adhippeto.

**“Kabaḷīkāro āhāro āhārapaccayovā”**ti purimaṇṇaṃ, atthiavigatapaccayopi pana so hoti, tena **“kabaḷīkāro āhāro āhārapaccayattam avijahantova atthiavigatānaṃ vasena aparehipi dvihākārehi anekapaccayabhāvam gacchati”**ti paṭhanti.

**“Yathānurūpaṃ jhānapaccaye vuttānaṃ dasannaṃ hetuadhipatīnañcāti imesaṃ vasenā”**ti purimaṇṇaṃ, **“yathānurūpaṃ jhānapaccaye vuttānaṃ maggavajjānaṃ navannaṃ hetuadhipatījhānañcāti imesaṃ vasenā”**ti pacchimaṇṇaṃ, tesu vicāretvā yutto gahetabbo.

Samanantaraniṛuddhatāya ārammaṇabhāvena ca sadiso paccayabhāvo paccayasabhāgatā, viruddhapaccayatā paccayavisabhāgatā. **“Iminā upāyena”**ti vacanato hetuādīnaṃ sahaṇṇānaṃ sahaṇṇābhāvena sabhāgatā, sahaṇṇātasahaṇṇānaṃ hetuārammaṇādīnaṃ aññaṃānāvisabhāgatāti evamādinā upāyena sabhāgatā visabhāgatā yojetabbā.

**Janakāyeva, na ajanakāti** janakabhāvappadhānāyeva hutvā paccayā honti, na upatthambhakabhāvappadhānāti attho daṭṭhabbo. Yesam hetuādayo paccayā honti, te tehi vinā neva uppajjanti, na ca pavattantīti tesam ubhayappadhānatā vuttā. Na hi te anantarādayo viya jananeneva pavattim karontīti.

Sabbesaṃ t̄hānaṃ kāraṇabhāvo sabbat̄thānaṃ, taṃ etesaṃ at̄thīti **sabbat̄thānikā**. Upanissayaṃ bhindantena tayopi upanissayā vattabbā, abhinditvā vā upanissayaggahaṇameva kātabbāṃ. Tattha bhindanaṃ pakatūpanissayassa rūpānaṃ paccayattābhāvadassanattamaṃ, ārammaṇānantarūpanissayānaṃ pana pubbe ārammaṇādhipatīanantaraggahaṇehi gahitattā tesu ekadesena anantarūpanissayena itarampi dassetīti daṭṭhabbāṃ. **Purejātapacchājātāpi asabbat̄thānikā arūparūpānaññeva yathākkamena paccayabhāvato**ti ettha purejātapaccayo anantarādīsu eva vattabbo taṃsamānagatikattā, na ca yugaḷabhāvo pacchājātena saha kathane kāraṇaṃ asabbat̄thānikadassanamattassa adhippetattāti taṃ tattha paṭhitvā “pacchājātōpi asabbat̄thāniko rūpānaṃyeva paccayabhāvato”ti paṭhanti.

Paccayaniddesapakiṇṇakavinicchayakathāvaṇṇanā niṭṭhitā.

## Pucchāvāro

### 1. Paccayānulomavaṇṇanā

**Ekekaṃ tikadukanti** ekekaṃ tikaṃ dukañcāti attho, na tikadukanti.

**Paccayā cevāti** ye kusalādidhamme paṭiccāti vuttā, te paṭiccatthaṃ pharantā kusalādipaccayā cevāti attho. Tenevāha “**te ca kho saha jātāvā**”ti. Yehi pana hetādipaccayehi uppatti vuttā, te saha jātāpi honti asaha jātāpīti. Ettha paṭiccasaha jātavārehi samānatthehi paṭiccasaha jātābhidhānehi samānatthaṃ bodhentena bhagavatā pacchimavārena purimavāro, purimavārena ca pacchimavāro ca bodhitoti veditabbo. Esa nayo paccayanissayavāresu saṃsaṭṭhasampayuttavāresu ca, evañca niruttikosallaṃ janitaṃ hotīti.

“Te te pana pañhe uddharitvā puna kusalo hetu hetusampayuttakānaṃ dhammānaṃ”nti likhitaṃ. “Kusalā hetū sampayuttakānaṃ khandhānaṃ”nti (paṭṭhā. 1.1.401) pañhāvārapāṭhoti pamādalekhā esāti pāliyaṃ āgata pāṭhameva paṭhanti. Purimavāresu saha jātānissayasampayuttapaccayabhāvehi kusalādidhamme niyame tvā tasmim̄ niyame kusalādīnaṃ hetupaccayādīhi uppattiṃ pucchitvā vissajjanaṃ kataṃ, na tattha “ime nāma te dhammā hetādipaccayabhūtā”ti viññāyanti, tasmā tattha “siyā kusalaṃ dhammaṃ paṭicca kusalo dhammo uppajjeyya hetupaccayā”ti (paṭṭhā. 1.1.25) evamādīhi saṅgahite paṭiccatthādīpharaṇakabhāve hetādipaccayapaccayuppannesu hetādipaccayānaṃ nicchayābhāvato pañhā nijjaṭā niggumbā ca katvā na vibhattā, idha pana “siyā kusalo dhammo kusalassa dhammassa hetupaccayena paccayo”ti evamādīhi saṅgahitā hetādipaccayabhūtā kusalādayo paccayuppannā ca nicchitā, na koci pucchāsaṅgahito attho anicchito nāma atthīti āha “**sabbepi te pañhā nijjaṭā niggumbā ca katvā vibhattā**”ti. Pañhā pana uddharitvā vissajjanaṃ sabbattha samānanti na taṃ sandhāya nijjaṭatā vuttāti daṭṭhabbā.

**Uppattiyā paññāpitattāti** pucchāmatteneva uppattiyā ṭhapitattā pakāsittā, nānappakārehi vā ñāpitattāti attho.

**25-34. Parikappapucchāti** vidhipucchā. **Kim̄ siyāti** eso vidhi kim̄ atthīti attho. Kim̄ siyā, atha na siyāti sampucchanāṃ vā parikappapucchāti vadati. Kimidaṃ sampucchanāṃ nāma? Samecca pucchanāṃ, “kim̄ suttantaṃ pariyāpuṇeyya, atha abhidhamma”nti aññena saha sampadhāraṇanti attho. Yo kusalo dhammo uppajjeyya hetupaccayā, so kusalaṃ dhammaṃ paṭicca siyāti etasmim̄ atthe sati pacchājātavipākapaccayesupi sabbapucchānaṃ pavattito “yo kusalo dhammo uppajjeyya pacchājātavipākapaccayā, so kusalaṃ dhammaṃ paṭicca siyā”ti ayamatto viññāyeyya, tathā ca sati pacchājātavipākapaccayā vipākapaccayāti uppajjamānaṃ niddhāretvā tassa kusalaṃ dhammaṃ paṭicca bhavanassa pucchanato kusalānaṃ tehi paccayehi uppatti anuññātāti āpajjati, na ca taṃtaṃpaccayā uppajjamānānaṃ kusalādīnaṃ kusalādidhamme paṭicca bhavanamatthitā ettha pucchitā, atha kho uppatti, evañca katvā vissajjane “kusalaṃ dhammaṃ paṭicca kusalo dhammo uppajjati”ti uppattiyeva vissajjitāti, tasmā ayamatto sadosoti “**atha vā**”ti atthantaravacanaṃ vuttaṃ.

Tattha “kusalo dhammo uppajjeyyā”ti uppattiṃ anujānitvā “hetupaccayā siyā eta”nti tassā hetupaccayā bhavanapucchanam, “uppajjeyya hetupaccayā”ti hetupaccayā uppattiṃ anujānitvā tassā “siyā eta”nti bhavanapucchanañca na yuttam. Anuññātāñhi nicchitamevāti. Tasmā ananujānitvā “kusalam dhammam paṭicca kusalo dhammo uppajjeyya hetupaccayā”ti evaṃ yathāvuttam uppajjanam kiṃ siyāti pucchati daṭṭhabbam. **Uppajjeyyāti** vā idampi sampucchanameva, kusalam dhammam paṭicca kusalo dhammo kiṃ uppajjeyya hetupaccayāti attho. **Siyāti** yathāpucchitasseva uppajjanassa sambhavam pucchati “kiṃ evaṃ uppajjanam siyā sambhaveyyā”ti, ayam nayo siyāsaddassa pacchāyojane. Yathāṭṭhāneyeva pana ṭhitā “siyā”ti esā sāmāññapucchā, tāya pana pucchāya “idaṃ nāma pucchita”nti na viññāyatīti tassāyeva pucchāya visesanattham “kusalam dhammam paṭicca kusalo dhammo uppajjeyya hetupaccayā”ti pucchati, evaṃ visesitabbavisesanabhāvena dvepi pucchā ekāyeva pucchāti daṭṭhabbā.

**Gamanussukkavacananti** gamanassa samānakattukapacchimakālakiriyāpekkhavacananti attho. Yadipi paṭigamanuppattīnam purimapacchimakālatā natthi, paccayapaccayuppannānam pana sahaṭṭānampi paccayapaccayuppannabhāvena gahaṇam purimapacchimabhāvene va hotīti gahaṇappavattiākāravasena paccayāyattatātaṭṭapaṭilābhasaṅkhātānam paṭigamanuppattikiriyānampi purimapacchimakālavohāro hotīti daṭṭhabbo. Gamanam vā uppatti evāti gacchantassa paṭigamanam uppajjantassa paṭiuppajjanam samānakiriyā. Paṭikaraṇaṅhi paṭisaddatthoti. Tasmā “kusalam dhamma”nti upayoganiddiṭṭham paccayam uppajjamānam paṭicca tadāyattuppattiyā paṭigantvāti ayamettha attho, tena **paṭiccāti** sahaṭṭapaccayam katvāti vuttam hoti. Sahaṭṭapaccayakaraṇaṅhi uppajjamānābhimukhauppajjamānam paṭigamanam, tam katvāti paṭiccasaddassa atthoti.

**35-38. Tāsu pāliyam dveveva dassitāti** hetārammaṇaduke dvinnam pucchānam dassitattā vuttam. Ettha ca ekamūlakādibhāvo pucchānam vuttoti veditabbo, paccayānam pana vasena sabbapaṭhamo paccayantarena avomissakattā suddhikanayo, dutiyo ārammaṇādīsu ekekassa hetu eva ekamūlakanti katvā ekamūlakanayo. Evaṃ hetārammaṇadukādīnam adhipatiādīnam mūlabhāvato dukamūlakādāyo nayā veditabbā. Tevīsati mūlakanayo ca tato param mūlassa abhāvato “sabbamūlaka”nti pāliyam vutto. Tattha napumsakaniddesena eka...pe... sabbamūlakaṃ paccayagamanam pāligamanam vāti viññāyati, eka...pe... sabbamūlakaṃ nayam asammuyhantenāti upayogo vā, idha ca sabbamūlakanti ca tevīsati mūlakasseva vuttattā paccanīye vakkhati “yathā anulome ekekassa padassa ekamūlakaṃ...pe... yāva tevīsati mūlakaṃ, evaṃ paccanīyepi vitthāretabba”nti (paṭṭhā. aṭṭha. 1.42-44).

**39-40. “Ārammaṇapaccayā hetupaccayāti ettāvātā ārammaṇapaccayam ādim katvā hetupaccayapariyosāno ekamūlakanayo dassito”**ti vuttam, evaṃ sati vinaye viya cakkabandhanavasena pāligati āpajjati, na heṭṭhimasodhanavasena. Heṭṭhimasodhanavasena ca idha abhidhamme pāli gatā, evañca katvā vissajjane “ārammaṇapaccayā hetuyā tīṇi, adhipatipaccayā tīṇi, adhipatipaccayā hetuyā nava, ārammaṇe tīṇi”tiādīnā heṭṭhimam sodhetvāva pāli pavattā. Yo cettha “ekamūlakanayo”ti vutto, so suddhikanayova. So ca visesābhāvato ārammaṇamūlakādīsu na labbhati. Na hi ārammaṇādīsu tasmim tasmim ādimhi ṭhapitepi paccayantarena sambandhābhāvena ādimhi vuttasuddhikato visesattho labbhati, teneva vissajjanepi ārammaṇamūlakādīsu suddhikanayo na dassitoti, tasmā “ārammaṇapaccayā hetupaccayā ārammaṇapaccayā adhipatipaccayā...pe... ārammaṇapaccayā avigatapaccayā”ti (paṭṭhā. 1.1.39) ayam heṭṭhimasodhanavasena ekasmim ārammaṇapaccaye hetupaccayādi ke yojetvā vutto ekamūlakanayo daṭṭhabbo. “Ārammaṇapaccayā...pe... avigatapaccayā”ti vā ekamūlakesu anantarapaccayassa mūlakaṃ ārammaṇam dassetvā ekamūlakādīni saṃkhipitvā sabbamūlakassāvāsānena avigatapaccayena niṭṭhāpitanti daṭṭhabbam. **Adhipatipaccayā anantarapaccayā samanantarapaccayā sahaṭṭapaccayā aññamaññapaccayāti** idaṃ mūlameva dassetvā ekamūlakādīnam saṃkhipanam daṭṭhabbam, na suddhikadassanam, nāpi sabbamūlake katipayapaccayadassanam.

**41.** Tato nissayādīni mūlānīpi saṃkhipitvā avigatamūlakanayam dassetuṃ “**avigatapaccayā hetupaccayā**”tiādī āradham. Etasmiñca suddhikassa adassanena ārammaṇamūlakādīsu visum visum



suddhikanayo na labbhatīti ñāpito hoti. Na hi ādi katthaci saṃkhepantaragato hoti. Ādiantehi majjhimānaṃ dassanañhi saṅkhepo, ādito pabhuti katicī vatvā gatidassanaṃ vāti. Dutiyaatukkaṃ vatvā “vigatapaccayā”ti padaṃ uddharitvā t̄hapitaṃ. Tena osānacatukkaṃ dasseti. Tatiyaatukkato pabhuti vā pañcakamūlāni saṃkhipitvā sabbamūlakassa avasānena niṭṭhapeti.

Ettha ca dukamūlakādīsu yathā hetuārammaṇadukena saddhiṃ avasesā paccayā yojitā, hetuārammaṇādhipatitīkādihi ca avasesāvasesā, evaṃ hetuadhipatidukādīhi hetuadhipatianantaratikādīhi ca avasesāvasesā yojetabbā siyuṃ. Yadi ca sabbesaṃ paccayānaṃ mūlabhāvena yojitattā hetumūlake hetuadhipatiādīdukānaṃ adhipatimūlakādīsu adhipatihetuādīdukehi vireso natthi. Te eva hi paccayā uppaṭipāṭiyā vuttā, tathāpi ārammaṇamūlakādīsu ārammaṇādhipatidukādīnaṃ avasesāvasesehi, hetumūlake ca hetuadhipatianantaratikādīnaṃ avasesāvasesehi yojane atthi vireseti. Yasmā pana evaṃ yojiyamānesupi sukhaḅḅhaṇaṃ na hoti, na ca yathāvuttāya yojanāya sabbā sā yojanā paññavatā na sakkā viññātuṃ, tasmā tathā ayojetvā anupubbeneva yojanā katāti daṭṭhabbā. Dhammānaṃ desanāvīdhāne hi bhagavāva pamāṇanti. Gaṇanāgāthā ādimapaṭṭhe kāci viruddhā, tasmā suṭṭhu gaṇetvā gaḅḅabbā.

“**Dvāvīsatiyā tikesu ekekaṃ tikaṃ dukānaṃ satena satena saddhiṃ yojetvā**”ti vuttaṃ, taṃ dukatikapaṭṭhāne kesañci potthakānaṃ vasena vuttaṃ. Kesuci pana ekeko duko dvāvīsatiyā dvāvīsatiyā tikehi yojito, tañca gamanaṃ yuttaṃ. Na hi tattha tikassa yojanā atthi, atha kho tikānaṃ ekekena padena dukassāti. Tattha chasaṭṭhiyā tikaḅḅdesu ekekena saṃsanditvā chasaṭṭhi hetudukā, tathā sahetukadukādayo cāti dukānaṃ chasaṭṭhikāni chasaḅḅassāni honti. Tesu ekekasmim̄ paṭicavārādayo satta vārā nayā pucchā ca sabbā dukapaṭṭhāne hetudukena samānā.

“**Dukasate ekekaṃ dukam̄ dvāvīsatiyā tikehi saddhiṃ yojetvā**”ti ca vuttaṃ, tampi tikadukapaṭṭhāne kesañci potthakānaṃ vasena vuttaṃ. Vuttanayena pana yuttagamanesu ekeko tiko dukasatena yojito. Tattha hetupadaṃ pakkhipitvā vutto eko kusalattiko, tathā nahetupadaṃ...pe... araṇapadanti kusalattikānaṃ dve satāni honti, tathā vedanāttikādīnaṃpīti sabbesaṃ catusaṭṭhikāni cattāri saḅḅassāni honti. Tesu ekekasmim̄ vāranayapucchā tikaḅḅṭṭhāne kusalattikena samānā.

“**Cha anulomamhi nayā sugambhīrā**”ti vacanato panāti etena idaṃ dasseti – “anulomamhī”ti “tikādayo chanayā”ti ca avisesena vuttattā paṭicavārādivasena sattavidhampi anulomaṃ saha gaḅḅtvā “**cha anulomamhī**”ti vuttaṃ, anulomādivasena catubbidhaṃ tikaḅḅṭṭhānaṃ saha gaḅḅtvā “**tikañca paṭṭhānavara**”nti, tathā catubbidhāni dukapaṭṭhānādīni saha gaḅḅtvā “**dukuttama**”ntiādiṃ vatvā “**cha nayā sugambhīrā**”ti vuttanti imamattaṃ gaḅḅtvā imasmim̄ paccayānulome sattappaḅḅhede chapi ete paṭṭhānā paṭṭhānanayā catuppaḅḅhedā pucchāvasena uddharitabbāti. Evañhi sabbasmim̄ paṭṭhāne sabbo paccayānulomo dassito hotīti. Paccanīyagāthādīsupi eseva nayo. Ettha ca dukatikapaṭṭhānādīsu viresetibbehi tikehi paṭṭhānaṃ **tikaḅḅṭṭhānaṃ**. Dukānaṃ tikaḅḅṭṭhānaṃ **dukatikaḅḅṭṭhānaṃ**. Dukavisesitā vā tikā dukatikā, dukatikānaṃ paṭṭhānaṃ **dukatikaḅḅṭṭhānanti** iminā nayena vacanattho veditabbo. Dukādivisesitassa cettha tikādīpadassa dukādībhāvo daṭṭhabbo. Dukapaṭṭhānameva hi tikaḅḅadasaṃsandanasena dukapadasaṃsandanasena ca pavattaṃ dukatikapaṭṭhānaṃ dukadukapaṭṭhānañca, tathā tikaḅḅṭṭhānameva dukapadasaṃsandanasena tikaḅḅadasaṃsandanasena ca pavattaṃ tikadukapaṭṭhānaṃ tikaḅḅṭṭhānañcāti.

Paccayānulomavaṇṇanā niṭṭhitā.

## 2. Paccayapaccanīyavaṇṇanā

42-44. **Tevīsatiṃmūlakanti idaṅcetta dumūlakaṃyeva sandhāya vuttanti** idaṃ dukamūlake pucchānaṃ mūlabhūtā tevīsati dukā sambhavantīti tassa “teviīsatiṃmūlaka”nti nāmaṃ katvā yāva yattako paḅḅhedo atthi, tāva tattakaṃ tevīsatiṃmūlakaṃ yathānulome vitthāritaṃ. **Evaṃ paccanīyepi vitthāretabbanti** dukamūlakena tikamūlakādīsu nayam̄ dasseti iminā adhippāyena vuttaṃ siyā. Yadi

pana yāva tevīsatiṃ mūlaṃ yathā vitthāritanti ayamatto adhippeto, “yāva tevīsatiṃ mūla”ntveva pāṭhena bhavitabbaṃ siyā. Na hi “tevīsatiṃ mūla”nti etassa byañjanassa tevīsatiṃ mūlakanti ayamatto sambhavati. Yathā anulome “ekekapaḍassā”tiādinā pana ekamūlādisabbamūlakapariyosānaṃ tattha nayadassanavasena dassitaṃ ekekassa paḍassa vitthāraṃ dassetiṃ sabbamūlakameva cettha “tevīsatiṃ mūla”nti vuttanti veditaṃ. Tañhi tevīsatiyā paccayānaṃ avasesassa paccayassa mūlabhāvato “tevīsatiṃ mūla”nti ca tato paraṃ mūlassa aññaṃ abhāvato “sabbamūla”nti ca vuccati.

Paccayapaccanīyavaṇṇanā niṭṭhitā.

### 3. Anulomapaccanīyavaṇṇanā

**45-48. Anulome vuttesu sabbesu ekamūlakādīsu ekekaṃ paḍaṃ parihāpetvāti** tattha ekamūlake catuvīsati paccayapaḍāni idha ekamūlake tevīsati, eko pana paccayo mūlabhāvena ṭhito apubbatābhāvato agaṇanūpago. Tattha dumūlake tevīsati paccayapaḍāni gaṇanūpaḍāni, idha dumūlake dvāvīsati evaṃ parihāpetvāti attho.

Anulomato ṭhitassa paccanīyato alabbhamānānaṃ suddhikapaccayānañca alabbhamānataṃ sandhāya “**labbhamānapaḍāna**”nti vuttaṃ. Na hi aññāthā pucchāvasena koci paccayo alabbhamāno nāma atthi. Vissajjanāvaseneva vā pavattaṃ anulomapaccanīyadesanaṃ sandhāya “**labbhamānapaḍāna**”nti vuttaṃ.

Anulomapaccanīyavaṇṇanā niṭṭhitā.

Pucchāvāraṇṇanā niṭṭhitā.

#### 1. Kusalattikaṃ

#### 1. Paṭiccvāraṇṇanā

#### 1. Paccayānulomaṃ

#### (1) Vibhaṅgavāro

**53. Yā kusalattike labhanti, na tāyeva vedanāttikādīsūti** tikapadanānattamattena vinā mūlāvasānavasena sadisataṃ sandhāya “**na tāyevā**”ti vuttaṃ, na ca kevalaṃ tikantareyeva, kusalattikepi pana yā paṭiccvāre labhanti, na tāyeva paccayavārādīsūti sabbapucchāsamāharaṇaṃ idha kattabbameva. **Dhammānulomapaccanīye ca tikapaṭṭhāne vitakkattikapītittikānaṃ vissajjane sabbāpetā vissajjanaṃ labhanti** ettha pītittikaggahaṇaṃ na kātabbaṃ. Na hi tattha ekūnapaññaṃ pucchā vissajjanaṃ labhanti.

**Tena saddhinti tena sahaṅgāpaccayabhūtena saddhinti** attho daṭṭhabbo. “**Yāva nirodhagamaṇā uddhaṃ pajjati**”ti ca “**uppādādayo vā pāpuṇāti**”ti ca vacanehi khaṇattayasamaṅgī uppajjati vuccati anuññātaṃ viya hoti, uppādakkhaṇasamaṅgīyeva pana evaṃ vuttoti daṭṭhabbo.

**Yasmā pana eko khandho ekassātiādi** idha kusalavacanena gahite khandhe sandhāya vuttaṃ. Vedanāttikādīsū pana ekaṃ khandhaṃ paṭicca dvinnāṃ, dve paṭicca ekassapi, hetudukādīsū ca saṅkhārakkhandhekadesaṃ paṭicca saṅkhārakkhandhekadesassapi uppatti vuttati saha uppajjamānānaṃ sabbesaṃ dhammānaṃ paccayo honto ekekassapi dukatikādibhedānañca paccayo nāma hotiyeva, tathā dukādibhedānañcāti.

“**Rūpena saddhiṃ anuppattito āruppavipākañca na gahetabba**”nti vuttaṃ, taṃ pana na sabbasmiṃ etasmiṃ vacane gahetabbaṃ, atha kho “cittasamuṭṭhānañca rūpa”nti ettheva. Na kevalañca āruppavipākova, atha kho lokuttaravipākakiriyābyākatampi āruppe uppajjamānaṃ ettha na gahetabbaṃ. “Vipākābyākatam kiriyābyākatam ekaṃ khandham paṭicca tayo khandhā”ti ettha pana na kiñci rūpena vinā saha vā uppajjamānaṃ sahetukaṃ vipākakiriyābyākatam aggahitaṃ nāma atthi. Tattha pana yaṃ rūpena saha uppajjati, tassa paccayuppannavisesaṃ dassetuṃ “**cittasamuṭṭhānañca rūpa**”nti vuttaṃ.

“**Vatthum paṭicca khandhā**”ti ettake vattabbe paccayabhūtaṃ vattuṃ “kaṭattā ca rūpa”nti etasmiṃ sāmāññavacane paccayuppannabhāvena aggahitatāpattiṃ nivāretuṃ “**khandhe paṭicca vatthū**”ti vuttaṃ. **Khandhe paṭicca vatthu, vatthum paṭicca khandhāti** vā vatthukhandhānaṃ aññamaññapaccayabhūtānaṃ paccayabhāvavisesadassanattamaṃ aññamaññāpekkhamaṃ vacanadvayaṃ vuttaṃ sāmāññena gahitampi visuṃ uddhaṭamaṃ.

**Mahābhūtepi paṭicca uppattidassanattanti** yaṃ cittasamuṭṭhānarūpaṃ kaṭattārūpañca upādārūpaṃ upādārūpaggahaṇena vinā “khandhe paṭicca uppajjati”ti vuttaṃ, tassa mahābhūtepi paṭicca uppattidassanattanti attho. Etasmiṃ pana dassane khandhapaccayasahitāsahitañca sabbaṃ upādārūpaṃ ito paresu saha jātapaccayādīsu saṅgahitanti imamatthaṃ sandhāya “**kaṭattārūpaṃ paṭisandhiyampi**”ti **pi**-saddo vuttoti daṭṭhabbo.

**Mahābhūte paṭicca upādārūpanti vuttanayenāti** “mahābhūte paṭicca cittasamuṭṭhānaṃ rūpaṃ kaṭattārūpaṃ upādārūpa”nti ettha atthato ayaṃ nayo vuttoti sandhāyāha.

**54. Rūpamissakā pahāyāti** yāsu pucchāsu rūpena vinā paccayuppannaṃ na labbhati, atha kho rūpamissakameva labbhati, tā pahāyāti adhippāyo.

**57. “Tiṇṇam sannipātā gabbhassa avakkanti hoti”ti vacanatoti** gabbhaseyyakapaṭisandhiyā pañcakkhandhasabbhāvena tāya samānalakkhaṇā sabbāpi pañcavokārapaṭisandhi okkantināmakāti sādheti. Paripuṇṇadhammānaṃ vissajjanaṃ ettha atthīti **paripuṇṇavissajjana**.

Ettha ca “ekaṃ mahābhūtaṃ paṭicca tayo...pe... mahābhūte paṭicca cittasamuṭṭhānaṃ rūpaṃ kaṭattārūpaṃ upādārūpa”nti (paṭṭhā. 1.1.53) ettāvataṃ pañcavokāre sabbaṃ cittakammasamuṭṭhānarūpaṃ dassitaṃ. Avasesaṃ pana dassetuṃ “**bāhira**”ntiādi vuttaṃ. Tattha **bāhiranti** etena anindriyabaddharūpaṃ dasseti, puna **āhārasamuṭṭhānaṃ utusamuṭṭhānanti** etehi sabbaṃ indriyabaddhaṃ āhārautusalakkaṇarūpaṃ. Tattha “utusamuṭṭhānaṃ eka”ntiādinā asaññasattānampi utusamuṭṭhānaṃ vuttamevāti daṭṭhabbaṃ. Na hi tattha tassa vajjane kāraṇaṃ atthīti. Ādimhi pana “ekaṃ mahābhūtaṃ paṭiccā”tiādi avisesavacanaṃ saha jātaṃ arūpampi paccayaṃ hetādi ke ca paccaye bahutare labhantaṃ cittasamuṭṭhānaṃ kaṭattārūpadvayaṃ saha saṅgaṇhitvā vuttaṃ, evañca katvā tassa pariyoṣāne “mahābhūte paṭicca cittasamuṭṭhānarūpaṃ kaṭattārūpaṃ upādārūpa”nti vuttaṃ, tasmā tattha kaṭattārūpaṃ cittasamuṭṭhānasambandhaṃ taṃsamānagatikaṃ pañcavokāre vattamānameva gahitanti aggahitaṃ kaṭattārūpaṃ dassetuṃ “**asaññasattānaṃ ekaṃ mahābhūtaṃ paṭiccā**”tiādi vuttaṃ, tasmā upādārūpaṃ idhapi kamma paccayavibhaṅge viya “mahābhūte paṭicca kaṭattārūpaṃ upādārūpa”nti (paṭṭhā. 1.1.63) kaṭattārūpabhāvavisiṭṭhaṃ upādārūpaṃ gahitanti daṭṭhabbaṃ. Na hi vuttassa utusamuṭṭhānassa punavacane payojanaṃ atthīti.

Kasmā pana yathā bāhirādīsu “mahābhūte paṭicca upādārūpa”nti avisesetvā upādārūpaṃ vuttaṃ, evaṃ avatvā cittakammajaupādārūpāni “cittasamuṭṭhānaṃ rūpaṃ kaṭattārūpaṃ upādārūpa”nti hetupaccayādīsu saha “cittasamuṭṭhānaṃ rūpaṃ upādārūpaṃ asaññasattānaṃ...pe... kaṭattārūpaṃ upādārūpa”nti adhipatipaccayādīsu visuṃ cittasamuṭṭhānarūpabhāvakaṭattārūpabhāvehi visesetvā vā vuttānīti? Tattha bāhiraggahaṇādīhi viya ettha mahābhūtānaṃ kenaci avisesitattā. Apica iddhicittanibbattānaṃ kamma paccayānañca iṭṭhāniṭṭhānaṃ bāhirarūpāyatanādīnaṃ cittaṃ kammañca hetādīsu na koci paccayo, āhārautusalakkaṇānaṃ pana cittaṃ pacchājātabhāvena upatthambhakameva,

na janakaṃ, mahābhūtāneva pana tesam sahaḥajātibhāvena janakāni, tasmā satipi cittaena kammena ca vinā abhāve hetādipaccayabhūtehi arūpehi uppajjamānāni cittasamuṭṭhānarūpakatattārūpabhūtāneva upādārūpāni honti, na aññānīti imaṃ viesaṃ dassetuṃ cittakammajesveva upādārūpesu viesaṃ kataṃ. Aññāni vā samānajātikeṇa rūpeṇa samuṭṭhānāni pākaṭavisesanānevāti na viesaṃ arahanti, etāni pana asamānajātikehi arūpehi samuṭṭhitāni viesaṃ arahantīti viśeṣitānīti vedītabbāni. Yathā vā cittakammāni cittakammāsamuṭṭhānānaṃ savisesena paccayabhāvena paccayā honti sahaḥajātibhāvato mūlakaraṇabhāvato ca, na evaṃ utuāhārā taṃsamuṭṭhānānanti cittakammajāneva viśeṣitānīti viesaṃ arahanti. Itarāni pana mahābhūtaviseseneva viśeṣitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

### 58. Aññamaññapaccaye khandhe paṭicca vatthu, vatthuṃ paṭicca khandhāti

kandhavatthūnaṃ aññamaññapaccayatādassanena pubbe viśeṣitānīti viesaṃ arahanti. Itarāni pana mahābhūtaviseseneva viśeṣitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

kandhavatthūnaṃ aññamaññapaccayatādassanena pubbe viśeṣitānīti viesaṃ arahanti. Itarāni pana mahābhūtaviseseneva viśeṣitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

kandhavatthūnaṃ aññamaññapaccayatādassanena pubbe viśeṣitānīti viesaṃ arahanti. Itarāni pana mahābhūtaviseseneva viśeṣitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

kandhavatthūnaṃ aññamaññapaccayatādassanena pubbe viśeṣitānīti viesaṃ arahanti. Itarāni pana mahābhūtaviseseneva viśeṣitāni, idha upādārūpavisesanena mahābhūtāni viya. Na hi aññataravisesanaṃ ubhayavisesanaṃ na hotīti.

Kasmā panettha “kusalaṃ dhammaṃ paṭicca abyākatā dhammo uppajjati aññamaññapaccayā, kusale khandhe paṭicca cittasamuṭṭhānā mahābhūtā”ti evamādi na vuttaṃ, nanu yadeva paṭiccattham pharati, na teneva aññamaññapaccayena bhavitabbaṃ hetupaccayādīhi viya. Na hi yaṃ “ekaṃ tayo dve ca khandhe paṭiccā”ti vuttaṃ, te hetupaccayabhūtā eva honti. Esa nayo ārammaṇapaccayādīsupi. Paccayavāre ca “abyākatā dhammaṃ paccayā kusalo dhammo uppajjati aññamaññapaccayā”ti (paṭṭhā. 1.1.256) vuttaṃ, na vatthu kusalānaṃ aññamaññapaccayo hoti, atha ca pana taṃpaccayā khandhānaṃ aññamaññapaccayā uppatti vuttā eva. Yadi pi kusalā khandhā mahābhūtānaṃ aññamaññapaccayā na honti, tathāpi te paṭicca tesam uppatti vattabbā siyāti? Na vattabbā khandhasahaḥajātanā mahābhūtānaṃ khandhānaṃ paccayabhāvābhāvato. Aññamaññasaddo hi na hetādīsaddo viya nirapekkho, sahaḥajātīsaddo viya vā aññatarapekkho, atha kho yathāvuttetaretarapekkho. Paccayapaccayuppannā ca khandhā mahābhūtā idha yathāvuttā bhavēyyuṃ, tesu ca mahābhūtā khandhānaṃ na koci paccayo. Yassa ca sayam paccayo, tato tena tannissitena vā aññamaññapaccayena uppajjamānaṃ aññamaññapaccayā uppajjati vattabbataṃ arahati, yathā khandhe paṭicca khandhā, vatthuṃ paccayā khandhā. Tasmā attano paccayassa paccayattābhāvato tadapekkhattā ca aññamaññasaddassa khandhe paṭicca paccayā ca mahābhūtānaṃ aññamaññapaccayā uppatti na vuttā, na aññamaññapaccayā ca vuttā. Khandhā pana vatthuṃ paccayā uppajjamānā vatthussa pacchājātapaccayā honti, tannissitena ca aññamaññapaccayena uppajjanti. Tasmā vatthuṃ paccayā khandhānaṃ kusalādīnaṃ aññamaññapaccayā uppatti vuttāti.

### 59. Na sā gahitāti cakkhāyatanādīni nissayabhūtāni paṭiccāti na vuttanti adhippāyo.

Nissayapaccayabhāvena pana na cakkhāyatanādīni ārammaṇapaccayabhāvena rūpāyatanādīni viya na gahitānīti.

60. Dvīsu upanissayesu vattabbameva natthi, ārammaṇūpanissayampi pana ye labhanti, tesam vasena ārammaṇapaccayasadisanti evaṃ vuttanti dassetuṃ “**tattha kiñcāpi**”ti āha. Tattha “na sabbe akusalā abyākatā ārammaṇūpanissayaṃ labhanti”ti purimapaṭho. Kusalāpi pana mahaggatā ekantena, kāmāvacarā ca kadāci na labhanti “**na sabbe kusalākusalābyākatā**”ti paṭhanti.

61. Purejātapaccaye yathā aññattha paccayaṃ aniddisitivāva desanā katā, evaṃ akatvā kasmā “**vatthuṃ purejātapaccayā**”ti vuttanti? Niyamasabbhāvā. Hetuādīsu hi niyamo natthi. Na hi tehi uppajjamānānaṃ alobhādīsu kusalādīsu rūpādīsu ca ayameva paccayoti niyamo atthi, idha pana vatthu

na vatthudhammesu purejātapaccayā uppajjamānānaṃ dhammānaṃ niyamato chabbidhaṃ vatthu purejātapaccayo hotīti imamatthaṃ dassetuṃ idaṃ vuttaṃ. Ārammaṇapurejātampi hi vatthupurejāte avijjamāne na labbhāti, evañca katvā paṭisandhivipākassa napurejātapaccayā eva uppatti vuttā, paccuppannārammaṇassapi tassa purejātapaccayo na uddhaṭo. “Nevavipākanavipākadhammadhammaṃ paṭicca vipāko dhammo uppajjati purejātapaccayā”ti etassapi alābhato tattha “purejāte tīṇī”ti (paṭṭhā. 1.3.124) vuttanti.

**63. Tathā paṭisandhikkhaṇe mahābhūtānanti mahābhūtānaṃ** ekakkhaṇikanānākkhaṇikakammaṇapaccayavaseneva tadupādārūpānampi vadatīti ca daṭṭhabbaṃ. **Kaṭattārūpānanti** pavattiyāṃ kaṭattārūpānanti adhippāyo.

**64. Yathālābhavasenā**ti indriyarūpesu yaṃ yaṃ paṭisandhiyaṃ labbhāti, tassa tassa vasena.

**69.** Vippayuttapaccayā uppajjamānānampi kesañci niyamato vatthu vippayuttapaccayo, kesañci khandhā, na ca samānavippayuttapaccayā eva kusalādike paṭicca uppajjamānā uppajjanti, atha kho nānāvippayuttapaccayāpi, tasmā taṃ visesaṃ dassetuṃ “**vatthuṃ vippayuttapaccayā, khandhe vippayuttapaccayā**”ti tattha tattha vuttaṃ. Tattha tadāyattavuttiāya paccayuppanno paccayaṃ paccayaṃ karotīti imassatthassa vasena upayogavacanaṃ daṭṭhabbaṃ. Vatthuṃ khandhe vippayuttapaccayakaraṇatoti ayañhettha attho. Aṭṭhakathāyaṃ pana “**vatthuṃ paṭicca vippayuttapaccayā, vatthunā vippayuttapaccayatāṃ sādherentā**”ti attho vutto, tattha kusalānaṃ khandhānaṃ vatthuṃ paṭicca uppatti natthīti “vatthuṃ paṭiccā”ti na sakkā vattunti, idaṃ pana paṭiccasaddena ayojetvā “paṭicca uppajjanti vatthuṃ vippayuttapaccayā”ti yojetvā tassattho “vatthunā vippayuttapaccayatāṃ sādherentā”ti vuttoti daṭṭhabbo. Kiṃ pana paṭiccāti? Yaṃ “ekam khandha”ntiādikam pāliyaṃ paṭiccāti vuttaṃ. Tameva atthaṃ pākaṭaṃ katvā “vatthuṃ vippayuttapaccayāti khandhe paṭicca khandhā, vatthunā vippayuttapaccayatāṃ sādherentā”ti paṭhanti. Anantarattā pākaṭassa abyākatacittasamuṭṭhānasseva gahaṇaṃ mā hotūti “**abyākatacittasamuṭṭhānampi kusalākusalacittasamuṭṭhānampi**”ti āha. Āsannampi dūrampi sabbanti vuttaṃ hotīti.

**71-72. “Ime vīsati paccayāti saṃkhipitvā dassitānaṃ vasenetāṃ vutta”**nti vuttaṃ. Tattha yadi ekenapi desanaṃ saṃkhipitaṃ saṃkhipitameva, ādimhi pana tayo paccayā vippayuttapaccayo ekampi padaṃ aparihāpetvā vitthāritāti te cattāro pacchājātañca vajjetvā “ime ekūnavīsati paccayā”ti vattabbaṃ siyā. Ettakā hi saṃkhipitvā dassitāti. Ye pana pāliyaṃ vitthāritaṃ avitthāritañca sabbaṃ saṅgahetvā vuttanti vadanti, tesam “ime tevīsati paccayā”ti pāṭhena bhavitabbaṃ. Ādimhi pana tayo paccaye vitthārite vajjetvā yato pabhuti saṅkhepo āradhho, tato catutthato pabhuti saṃkhipitaṃ vitthāritañca saha gahetvā “ime tevīsati paccayā”ti vuttanti daṭṭhabbaṃ.

Vibhaṅgavāraṇaṇā niṭṭhitā.

## (2) Saṅkhyāvāro

**73. Tathā purejātapaccayeti yathā aññamaññapaccaye viseso vibhaṅge atthi, tathā** purejātapaccayepi atthīti attho. “Vatthuṃ purejātapaccayā”ti hi tattha viseso paṭisandhiabhāvo cāti. **Vipākāni ceva vithicittāni ca na labbhantīti** etena “kiriyaḃyākatam ekam khandham paṭiccā”tiādike (paṭṭhā. 1.1.53) vibhaṅge vipākābyākatābhāvaṃ kiriyaḃyākate ca ajavanassa sabbena sabbaṃ alabbhamānataṃ visesaṃ dasseti.

**74. Ekamūlake dassitāya desanāya labbhamānagaṇanaññeva ādāyāti** idaṃ etasmiṃ anulome suddhikanaye dassitagaṇanato tato paresu navesu aññissā bhāvaṃ sandhāya vuttaṃ. Abahugaṇanena yuttassa tena samānagaṇanatā ca imasmiṃ anulomeyeva daṭṭhabbā. Paccanīye pana “nahetupaccayā nārammaṇe eka”ntiādim (paṭṭhā. 1.1.104) vakkhatīti.

**76-79. Te pana sañkhipitvā tevīsatiṃmūlakovettha dassitoti** ettha pacchājātavipākānaṃ parihīnattā “dvāvīsatiṃmūlako”ti vattabbaṃ siyā sāsevanasavipākānaṃ vasena. Duvidhampi pana dvāvīsatiṃmūlakaṃ saha gahetvā saṅgahite tasmim̐ ubhayasabbhāvato “tevīsatiṃmūlako”ti āhāti daṭṭhabbaṃ. Āsevanavipākānaṃ vā virodhābhāve sati pucchāya dassitanayena tevīsatiṃmūlakena bhavitabbaṃ, tassa ca nāmaṃ dvāvīsatiṃmūlake āropetvā “tevīsatiṃmūlako”ti vuttanti ayamettha ruḷhī.

**Ārammaṇapade cevāti** etena ekamūlake aññapadāni vajjeti. Na hi ekamūlake hetādīsu tayovāti adhippāyo. Suddhikanayo pana ārammaṇamūlakādīsu na labbhatīti ārammaṇamūlake “navā”ti etāya adhikagaṇanāya abhāvadassanattaṃ “**ārammaṇe ʒhitena sabbattha tīṇeva pañhā**”ti vuttaṃ. Tattha kātabbāti vacanaseso. **Tīṇevāti** ca tato uddhaṃ gaṇanaṃ nivāreti, na adho paṭikkhipati. Tena “vipāke eka”nti gaṇanā na nivāritāti daṭṭhabbā. Tīsu ekassa antogadhatāya ca “tīnevā”ti vuttanti. **Itīti**adinā “sabbattha tīnevā”ti vacanena attano vacanaṃ daḷhaṃ karoti.

**80-85. Ye ...pe... taṃ dassetunti** etthāyamadhippāyo – yadipi avigatānantaraṃ “ārammaṇapaccayā hetuyā tīṇī”ti vuttepi unataragaṇanena saddhim̐ saṃsandane yā gaṇanā labbhāti, sā dassitā hoti, tathāpi unataragaṇanehi samānagaṇanehi ca saddhim̐ saṃsandane unatarā samānā ca hoti, na evaṃ āvikaraṇavasena dassitā hoti, vipallāsayojanāya pana tathā dasseti. Vacanena vā hi līngena vā atthavisesāvikaṇaṃ hotīti. **Tenetam̐ āvikarotīti** etthāpi evameva adhippāyo yojetabbo. Paccanīyādīsupi pana “nārammaṇapaccayā nahetuyā ekaṃ...pe... novigatapaccayā nahetuyā eka”ntiadinā (paṭṭhā. 1.1.107) mūlapadaṃ ādimhiyeva ʒhapetvā yojanā katā, na ca tattha etaṃ lakkhaṇaṃ labbhāti, tasmā mūlapadassa ādimhi ʒhapetvā yojanameva kamo, na cakkabandhananti “ārammaṇapaccayā hetuyā tīṇī”tiādi yojitaṃ, na ca viññāte atthe vacanena līngena ca payojanamattāhīti.

Paccayānulomavaṇṇanā niṭṭhitā.

### Paṭiccavāro

### Paccayapaccanīyavaṇṇanā

**86-87. “Ahetukaṃ vipākābyākatanti idaṃ rūpasamuṭṭhāpakavaseneva veditabba”**nti vuttaṃ, sabbasaṅgāhakavasena panetaṃ na na sakkā yojetuṃ.

**93. Sahajātapurejātapaccayā saṅgahaṃ gacchantīti** ettha ca sahajātā ca hetādayo purejātā ca ārammaṇādayo paccayā saṅgahaṃ gacchantīti attho daṭṭhabbo. Na hi napacchājātapaccayā uppajjamānā dvīheva sahajātapurejātapaccayehi uppajjanti, atha kho pacchājātavajjehi sabbehīti.

**94-97. Nāhārapaccaye ekaccaṃ rūpameva paccayapaccayuppannanti** yaṃ paṭicca uppajjati, so paccayo rūpamevāti katvā vuttaṃ. Yasmā pana paccayā uppajjati, so arūpampi hoti yathā kammaṃ kaṭattārūpassa.

**99-102. Namaggapaccaye** yadipi cittasamuṭṭhānādayo sabbe rūpakoṭṭhāsā labbhanti, tathāpi yaṃ maggapaccayaṃ labhati, tassa pahīnattā “**ekaccaṃ rūpaṃ paccayuppanna**”nti vuttaṃ, evameva pana nahetupaccayādīsupi ekaccarūpassa paccayuppannatā daṭṭhabbā.

**107-130. Nāhāranandriyanajhānanamaggapaccayā sabbattha sadisavissajjanāti** idaṃ etesu mūlabhāvena ʒhitesu gaṇanāya samānataṃ sandhāya vuttaṃ. Mūlānañhi idha vissajjanaṃ gaṇanāyeva, na sarūpadassananti. **Nasahajātādicatukkaṃ idhāpi parihīnamevāti** suddhikanaye viya mūlesupi parihīnamevāti attho.

Paccayapaccanīyavaṇṇanā niṭṭhitā.

### Paccayānulomapaccanīyavaṇṇanā

**131-189. Hetādhīpatimaggapaccayesu anulomato ʒhitesu...pe... aʒṭha paccanīyato na labbhantī** tiṇṇampi sādharmaṇānaṃ paccanīyato alabbhamānānaṃ sabbesaṃ saṅgahavasena vuttaṃ, tasmā maggapaccaye itarehi sādharmaṇā satteva yojetabbā. Adhipatipaccaye anulomato ʒhite hetupaccayopi paccanīyato na labbhati, so pana maggena asādharmaṇoti katvā na vuttoti daṭṭhabbo. Yehi vinā arūpaṃ na uppajjati, te ekantikattā arūpaṭṭhānikāti idha vuttāti daṭṭhabbā, tena purejātāsevanapaccayā tehi vināpi arūpassa uppattito vajjitā honti. Sabbatṭhānikā aññamaññaāhārindriyā ca tehi vinā arūpassa anuppattito saṅgahitāti. **Ūnataragaṇanānaṃyeva vasesā**ti yadi anulomato ʒhitā ekakādayo dvāvīsati pariyoṣānā ūnataragaṇanā honti, tesāṃ vasena paccanīyato yojitassa tassa tassa gaṇanā veditabbā. Atha paccanīyato yojito ūnataragaṇano, tassa vasena anulomato ʒhitassapi gaṇanā veditabbāti attho. “Aññamaññaapaccayā nārammaṇe eka”nti ādivacanato (paṭṭhā. 1.1.146) pana na idaṃ lakkhaṇaṃ ekantikāṃ.

Paccayānulomapaccanīyavaṇṇanā niṭṭhitā.

### Paccayapaccanīyānulomavaṇṇanā

**190. Sabbatthevā**ti na kevalaṃ hetumhiyeva, atha kho sabbesu paccayesu paccanīkato ʒhitesūti attho. Purejātaṃ āsevanaṇca alabhantaṃ kañci nidassanavasena dassento “**paṭisandhivipāko panā**”ti ādimāha.

“**Purejātapacchājātāsevanavipākavippayuttasu paccanīkato ʒhitesu ekaṃ ʒhapetvā avasesā anulomato labbhantī**”ti idaṃ avasesānaṃ lābhamattaṃ sandhāya vuttaṃ. Na sabbesaṃ avasesānaṃ lābhanti daṭṭhabbaṃ. Yadi pi hi pacchājāte pasaṅgo natthi “anulomato sabbattheva na labbhantī”ti apavādassa katattā, purejāto pana vippayutte paccanīkato ʒhite anulomato labbhantīti idampi avasesā sabbeti atthe gayhamāne āpajjeyya. Yampi keci “vippayuttapaccayarahite āruppepi ārammaṇapurejātassa sambhavaṃ ṇāpetuṃ evaṃ vutta”nti vadanti, tampi tesāṃ rucimattameva. Na hi yattha vatthupurejātaṃ na labbhanti, tatha ārammaṇapurejātābhāvena upakāraṃ hotīti dassitoyaṃ nayoti. **Yujjamaṇakavasesā**ti paccanīkato ʒhitassa ʒhapetabbattā vuttaṃ, yujjamaṇakapaccayuppannavasena vāti attho. “Maggapaccaye paccanīkato ʒhite hetupaccayo anulomato na labbhantī”ti purimapaṭṭho, adhipatipaccayopi pana na labbhantīti “**hetādhīpatipaccayā anulomato na labbhantī**”ti paṭhanti. Adhipatipaccaye paccanīkato ʒhite pacchājātato añño anulomato alabbhamāno nāma natthīti na vicāritaṃ. Aññamañña paccanīkato ʒhite “arūpanaṃyevā”ti vuttā nava anulomato na labbhanti, tampi paccanīkato ʒhitehi ārammaṇapaccayādīhi sadisatāya suviññeyyanti na vicāritaṃ bhavissatīti.

**191-195. Yāva āsevanā sabbāṃ sadisanti** na aññamaññaena ghaṭitassa mūlassa vitthāritattā tato parāni mūlāni sandhāya vuttaṃ. Tesu hi anulomato yojetabbapaccayā ca pañhā cāti sabbāṃ sadisanti.

**Imasmiṃ paccanīyānulometi** etassa “**imesampi pakiṇṇakānaṃ vasettha gaṇanavāro asammoḥato veditabbo**”ti etena saha sambandho. Tatha **etthā**ti etesu paccayesūti attho veditabbo. Imasmiṃ paccanīyānulome labbhamaṇesu paccayuppannadhammesupīti vā yojetabbāṃ. Tatha **pi**-saddena imamatthaṃ dīpeti – na kevalaṃ paccayesveva kismiñci paccanīkato ʒhite keci anulomato na labbhanti, atha kho paccayuppannadhammesupi koci ekaccaṃ paccayaṃ labhamāno kañci paccayaṃ na labhantīti. Tatha kammaṇapaccayaṃ labhamāno yebhuyyena indriyapaccayaṃ labhanti, maggapaccayaṃ labhamāno yebhuyyena hetupaccayaṃ, tathā ca jhānapaccayaṃ labhamāno maggapaccayanti etesveva lābhālābhā vicāritā. **Yatthā**ti pañcavokārapavatte asaṇṇesu ca. **Rūpadhammā**ti yathāvuttāni kaṭattārūpāneva sandhāya vadati. Na hi pañcavokārapavatte sabbe rūpadhammā hetāṇi na labhantīti. “Hetādhīpativipākindriyapaccaye na labhantī”ti purimapaṭṭho, jhānamaggepi pana na labhantīti “**hetādhīpativipākindriyajhānamaggapaccaye na labhantī**”ti paṭhanti. Ye rūpadhammānaṃ paccayā

honti, tesu arūpaṭṭhānikavajjesu eteyeva na labhantīti adhippāyo. Pacchājātāhāravippayuttapaccayepi hi pavatte kaṭattārūpaṃ labhatīti. Labbhamānālabbhamānapaccayadassanamattañcetaṃ, na tehi paccayehi uppattianuppattidassananti. Evaṃ indriyapaccayālābho jīvitindriyaṃ sandhāya vutto siyā. Yathāvuttesu hi dhammavasena pacchājātādittayampi alabhantaṃ nāma kaṭattārūpaṃ natthi. Ko pana vādo sabbatṭhānikakammesu. Indriyaṃ pana alabhantaṃ atthi, kintaṃ? Jīvitindriyanti. Yadi evaṃ upādārūpāni sandhāya aññamaññapaccayampi na labhantīti vattabbaṃ, taṃ pana pākaṭanti na vuttaṃ siyā. Arūpindriyālābhamā vā sandhāya indriyapaccayālābho vuttoti daṭṭhabbo.

**196-197. Nārammaṇamūlakesu dukādīsu hetuyā pañcāti** yadipi tikādīsu “hetuyā pañcā”ti idaṃ natthi, tathāpi dukādīsu sabbattha anuttānaṃ vattukāmo “dukādīsū”ti sabbasaṅgahavasena vatvā tattha yaṃ ādiduke vuttaṃ “hetuyā pañcā”ti, taṃ niddhāreti. Keci pana “nārammaṇamūlake hetuyā pañcā”ti pāṭhaṃ vadanti. “Aññamaññe ekanti bhūtarūpameva sandhāya vutta”nti purimapaṭho, vatthupi pana labbhatīti “**bhūtarūpāni ceva vatthuñca sandhāya vutta**”nti paṭhanti. **Timūlaketi** idhāpi dumūlakaṃ timūlakanti vadanti.

**203-233. Nakammamūlake hetuyā tīṇītiādīsu cetanāva paccayuppannāti** idaṃ “hetuyā tīṇī”ti evaṃpakāre cetanāmattasaṅgāhake sandhāya vuttanti daṭṭhabbaṃ. **Ādi-saddo** hi pakāratthova hotīti. Sahajātaaññamaññanissayāhāraatthiavigatesu pana rūpampi labbhatīti.

Paccayapaccanīyānulomavaṇṇanā niṭṭhitā.

Paṭiccavāraṇṇanā niṭṭhitā.

## 2. Sahajātavāraṇṇanā

**234-242. Kusalaṃ dhammaṃ sahajāto, kusalaṃ ekaṃ khandhaṃ sahajātotiādīsu** sahajātasaddena sahajātapaccayakaraṇaṃ sahajātāyattabhāvagamaṇaṃ vā vuttanti tassa karaṇassa gamanassa vā kusalādīnaṃ kammabhāvato upayogavacanaṃ katanti daṭṭhabbaṃ. Esa nayo paccayavārādīsipi. Tatrāpi hi paccayasaddena ca nissayapaccayakaraṇaṃ nissayāyattabhāvagamaṇaṃ vā vuttaṃ, saṃsaṭṭhasaddena ca sampayuttapaccayakaraṇaṃ sampayuttāyattabhāvagamaṇaṃ vāti taṃkammabhāvato upayogavacanaṃ kusalādīsu katanti. **Sahajātampi ca upādārūpaṃ bhūtarūpassa paccayo na hotīti** “paṭiccā”ti iminā vacanena dīpito paccayo na hotīti attho. “**Upādārūpaṃ bhūtarūpassā**”ti ca nidassanavasena vuttaṃ. Upādārūpassapi hi upādārūpaṃ yathāvutto paccayo na hoti, vatthuvajjāni rūpāni ca arūpānanti.

Sahajātavāraṇṇanā niṭṭhitā.

## 3. Paccayavāraṇṇanā

**243. Paccayāti** ettha pati ayo paccayo. Pati-saddo patiṭṭhatthaṃ dīpeti, aya-saddo gatim, patiṭṭhābhūtā gati nissayo paccayoti vuttaṃ hoti, tato paccayā, paccayakaraṇato tadāyattabhāvagamaṇato vāti attho.

“Mahābhūte paccayā cittasamuṭṭhānaṃ rūpa”nti (paṭṭhā. 1.1.245) bhūtopādārūpāni saha saṅgaṇhitvā vuttaṃ. Aṭṭhakathāyaṃ pana **cittasamuṭṭhāne ca mahābhūte nissāya cittasamuṭṭhānaṃ upādārūpanti** sayam nissayo ahutvā nissaye uppajjamānena upādārūpena nidassanaṃ katanti daṭṭhabbaṃ.

**255. Asañña...pe... kaṭattārūpaṃ upādārūpanti** ettha yo paṭiccavāre sahajāte kammautujānaṃ, kamme ca ekantānekantakammajānaṃ vasena attho vutto, so nādhippeto eva “kaṭattārūpa”nti



kammasamuṭṭhānarūpasseva sabbassa ca gahitattāti taṃ pahāya yathāgahitassa kaṭattārūpassa viśesanavasena “**upādārūpasāṅkhātaṃ kaṭattārūpa**”nti atthamāha. Mahābhūte pana paṭicca paccayā ca mahābhūtaṇaṃ uppatti na nivāretabbāti upādārūpaggahaṇena kaṭattārūpaggahaṇaṃ aviseṣetvā upādārūpaṇaṃ nivattetabbānaṃ atthitāya kaṭattārūpaggahaṇeneva upādārūpaggahaṇassa viśesanaṃ daṭṭhabbaṃ.

**269-276.** “Abyākatena abyākataṃ, kusalaṃ, akusala”nti vattabbe “abyākatena kusalaṃ, akusalaṃ, abyākata”nti, “kusalaṃ dhammaṃ paṭicca kusalo ca akusalo ca dhammā kusalassāti anāmasitvā”ti ca purimāpāṭhe pamādalekhā daṭṭhabbā.

**286-287. Nahetupaccayā napurejāte dveti** ettha aṭṭhakathāyaṃ “āruppe pana ahetukamohassa ahetukakiriyassa ca vasena dveti vuttā, navippayutte dveti āruppe ahetukākusalakiriyavasenā”ti vuttaṃ, taṃ labbhamānesu ekadesena nidassanavasena vuttanti daṭṭhabbaṃ. Āruppe pana ahetukamohassa ahetukakiriyāya ahetukapaṭisandhiyā ekaccassa ca rūpassa vasena dve vuttāti, navippayutte dveti āruppe ahetukākusalakiriyāekaccarūpaṇaṃ vasenāti vuttanti. “**Nonatthinovigatesu ekanti sabbarūpassa vasenā**”ti vuttaṃ, nahetumūlakattā imassa nayassa hetupaccayaṃ labhantaṃ na labbhatīti “ekaccassa rūpassa vasenā”ti bhavitabbaṃ. Cakkhādidhammavasena pana cittasamuṭṭhānādikoṭṭhāsavasena vā sabbhaṃ labbhatīti “sabbrūpassā”ti vuttaṃ siyā.

**289-296. Āgatānāgatanti** pañhavasena vuttaṃ, **labbhamānālabbhamānanti** āgate ca pañhe labbhamānālabbhamānadhammavasena.

Paccayavāraṇṇanā niṭṭhitā.

#### 4. Nissayavāraṇṇanā

**329-337. Paccayavārena nissayapaccayabhāvanti** nissayavāre vuttassa nissayapaccayabhāvaṃ niyametunti attho.

Nissayavāraṇṇanā niṭṭhitā.

#### 5. Saṃsaṭṭhavāraṇṇanā

**351-368.** Saṃsaṭṭhavāre paccanīye “navippayutte paṭisandhi natthī”ti idaṃ vatthuvirahitāya paṭisandhiyā viśuṃ anuddharaṇato vuttaṃ. Paṭiccavārādīsu hi sahaṅgātassa paccayabhāvadassanattamaṃ savatthukā paṭisandhi uddhaṭā, sā idhāpi adhipatipurejātāsevanesu nakammanavipākanajhānavippayuttesu na labbhatī, aññesu ca anulomato paccanīyato ca labbhamānapaccayesu labbhatīti imassa viśesassa dassanattamaṃ uddhaṭāti. **Sesā terasa na labbhantīti** ettha “sesā cuddasā”ti bhavitabbaṃ. **Na jhāne ekanti ahetukapañcaviññāṇavasenāti** pañcaviññāṇaṃ hetupaccayavirahitamattadassanattamaṃ ahetukaggahaṇaṃ katanti daṭṭhabbaṃ, “**namagge ekanti ahetukakiriyavasenā**”ti vuttaṃ, “ahetukavipākakiriyavasenā”ti bhavitabbaṃ.

**369-391. Heṭṭhā vuttanayenevāti** paṭiccavāre anulomapaccanīye vuttanayena. “**Nahetupaccayuppannesu ahetukamohova jhānamaggapaccayaṃ labhati, sesā na labhantī**”ti vuttaṃ, sesesu pana pañcaviññāṇavajjāhetukakkhandhā taṃsamuṭṭhānā paccayuppannadhammā jhānapaccayaṃ labhanti, na paccanīyanulome dvinnāṃ paccayānaṃ anulomena saha yojanā atthīti jhānamaggapaccayaṃ sahitaṃ labhatīti ca na sakkā vattaṃ, tasmā “ahetukamohova maggapaccayaṃ labhati”ti vattabbaṃ.

Saṃsaṭṭhavāraṇṇanā niṭṭhitā.

## 6. Sampayuttavāraṇṇanā

**392-400.** Sadisaṃ sampayuttaṃ saṃsaṭṭhaṃ vokiṇṇaṅca saṃsaṭṭhaṃ na hotīti ubhayaṃ aññamaññāpekkhaṃ vuccamānaṃ aññamaññassa niyāmakam hotīti.

Sampayuttavāraṇṇanā niṭṭhitā.

## 7. Pañhāvāravibhaṅgavaṇṇanā

**401-403.** Yehi paccayehi kusalo kusalassa paccayo hoti, te paccaye paṭipāṭiyā dassetunti yathākkamena āgatāgatapaṭipāṭiyā dassetunti attho. **Kusalo kusalassāti** nidassanamattametam, tena kusalo kusalādīnaṃ, akusalo akusalādīnaṃ, abyākato abyākatādīnaṃ, kusalābyākatā kusalādīnantiādiko sabbo pabhedo nidassito hotīti yathānidassite sabbe gahetvā āha “**te paccaye paṭipāṭiyā dassetu**”nti.

**404.** Datvāti ettha **dā**-saddo sodhanatthopi hotīti mantvā āha “**visuddham katvā**”ti. **Tesañhi tam cittanti** tesanti vattabbatārahaṃ sakadāgāmaggāpurecārikaṃ tam gotrabhucittanti adhippāyo. **Vipassanākusalam pana kāmāvacaramevāti** paccayuppannaṃ bhūmito vavatthapeti. **Tenevāti** dhammavaseneva dassanato, desanantarattāti adhippāyo.

**405.** Assādanaṃ sarāgassa somanassassa sasomanassassa rāgassa ca kiccanti āha “**anubhavati ceva rajjati cā**”ti. Abhinandanaṃ pītikiccasahitāya taṇhāya kiccanti āha “**sappītikataṇhāvasenā**”ti. **Diṭṭhābhinandanā** diṭṭhiyeva. Ettha pana pacchimatthameva gahetvā “**abhinandantassa attā attaniyantiādivasena...pe... diṭṭhi uppajjati**”ti vuttaṃ. Abhinandanā pana diṭṭhābhinandanāyevāti na sakkā vattum “bhāvanāya pahātabbo dhammo bhāvanāya pahātabbassa dhammassa ārammaṇa...pe... bhāvanāya pahātabbaṃ rāgaṃ assādeti abhinandati”ti (paṭṭhā. 2.8.72) vacanato, tasmā purimopi attho vuttoti daṭṭhabbo. Dvīsu pana somanassasahagatacittesu yathāvuttena somanassena rāgena ca assādentassa tesuyeva sappītikataṇhāya catūsopi diṭṭhābhinandanāya abhinandantassa ca diṭṭhi uppajjatiṭṭipi sakkā yojetum. **Jātivasenāti** suciṇṇasāmaññavasenāti attho.

**406.** **Tadārammaṇatāti** tadārammaṇabhāvena. Vibhattilopo hettha katoti. Bhāvavantaṃ vā añño bhāvo natthīti bhāvene va vipākaṃ viseseti, vipāko tadārammaṇabhāvabhūtoti attho. Viññāṇaṅcāyatananevasaññānāsaññāyatanavipākānaṃ viya na kāmāvacaravipākānaṃ niyogato vavatthitaṃ idaṅca kammaṃ ārammaṇanti tam labbhamānampi na vuttaṃ. Tadārammaṇena pana kusalārammaṇabhāvena samānalakkhaṇatāya kammārammaṇā paṭisandhiādayopi dassitāyevāti daṭṭhabbā. **Paṭilomato vā ekantarikavasena vāti** vadantena anulomato samāpajjane yebhuyyena āsannasamāpattiyā ārammaṇabhāvo dassitoti daṭṭhabbo. Yathā pana paṭilomato ekantarikavasena ca samāpajjantassa anāsannāpi samāpatti ārammaṇam hoti, evaṃ anulomato samāpajjantassapi bhaveyyāti. “**Cetopariyaññassātiādīni parato āvajjanāya yojetabbāni**”ti vatvā “**yā etesaṃ āvajjanā, tassā**”ti attho vutto, evaṃ sati “iddhividhaññassā”tiṭṭipi vattabbaṃ siyā. Yasmā pana kusalā khandhā abyākatassa iddhividhaññassa ārammaṇam na hontīti tam na vuttaṃ, cetopariyaññādīnaṅca hontīti tāni vuttāni, tasmā kiriyānaṃ cetopariyaññādīnaṃ yāya kāyaci āvajjanāya ca kusalārammaṇāya kusalā khandhā ārammaṇapaccayena paccayoti evamattho daṭṭhabbo.

**407-409.** **Vippaṭisārādivasena vāti ādi**-saddena ādīnavadassanena sabhāvato ca aniṭṭhatāmattaṃ saṅgaṇhāti, akkhantibhedā vā.

**410.** **Rūpāyatanam cakkhaviññāṇassātiādīnā** viññāṇakāyehi niyatārammaṇehi abyākatassa abyākatānaṃ ārammaṇapaccayabhāvaṃ nidasseti. Sabbassa hi vattum asakkuṇeyyattā ekasmiṃ santāne dhammānaṃ ekadesena nidassanaṃ karotīti.

**413-416.** **Catubhūmakam kusalam** ārammaṇādhipatipaccayabhāvena dassitaṃ, paccayuppannaṃ

pana kāmāvacarameva.

**417.** Apubbato cittasantānato vuṭṭhānaṃ bhavaṅgameva, taṃ pana mūlāgantukabhavaṅgasaṅkhātāṃ tadārammaṇaṃ pakatibhavaṅgañca. **Anulomaṃ sekkhāya phalasaṃpattiyā**ti ettha kāyaci sekkhaphalasaṃpattiyā avajjetabbattā vattabbaṃ natthīti nevasaññānāsaññāyatanakusalaṃ phalasaṃpattiyāti imaṃ nibbisesanaṃ phalasaṃpattiṃ uddharitvā dassento āha “**phalasaṃpattiyāti anāgāmiphalasaṃpattiyā**”ti. **Kāmāvacarakiriyā duvidhassapi vuṭṭhānassā**ti ettha kiriyānantaraṃ tadārammaṇavuṭṭhāne yaṃ vattabbaṃ, taṃ cittuppādakaṇḍe vuttameva.

**Tā ubhopi...pe... dvādasannanti** idaṃ somanassasahagatamanoviññāṇadhātuvasena vuttaṃ, upekkhāsahagatā pana yathāvuttānaṃ dasannaṃ viññāṇadhātūnaṃ voṭṭhabbanakiriyassa manodhātukiriyassa cāti dvādasannaṃ hotīti daṭṭhabbaṃ.

**423.** Dānādipuññakiriyāyattā sabbasampattiyo paṭivijjhivāti sambandho. **Na panetaṃ ekantena gahetabbanti** “balavacetaṇāva labbhati, na dubbalā”ti etaṃ ekantaṃ na gahetabbāṃ, daḷhaṃ vā na gahetabbanti adhippāyo. Kiṃ kāraṇanti? Balavato dubbalassa vā katokāsassa antarāyaṃ paṭibāhitvā vipaccanato “yaṃkañci yadi vipākaṃ janeti, upanissayo na hotī”ti navattabbattā cāti dassento “**katokāsaññī**”tiādimāha. Vipākattike pana pañhāvārapaccanīye “vipākadhammadhammo vipākassa dhammassa ārammaṇapaccayena paccayo, upanissayapaccayena paccayo, kammaṇapaccayena paccayo”ti (paṭṭhā. 1.3.93) kammaṇapaccayassa visuṃ uddhaṭattā, vedanāttike ca pañhāvārapaccanīye “nahetupaccayā nārammaṇapaccayā naupanissaye aṭṭhā”ti (paṭṭhā. 1.2.87) vuttattā “vipākajanakampi kiñci kammaṃ upanissayapaccayo na hotī”ti sakkā vattunti.

**Tasmiṃ vā viruddhoti** taṃnimittaṃ viruddho, **viruddhanti** vā pāṭho. **Omānanti** parassa pavattaomānaṃ. **Rāgo** rañjanavasena pavattā kāmarāgataṇhā, “iti me cakkhuṃ siyā anāgatamaddhānaṃ, iti rūpā”ti appaṭiladdhassa paṭilābhāya cittapaṇidahanataṇhā **patthanā**ti ayametesāṃ viseso.

**Tesu aññampī**tesu yaṃkiñci pubbe hanitato aññampi pāṇaṃ hanatīti attho.

**Punappunaṃ añāpanavasena vā**ti mātughātakammaena sadisatāya pubbe pavattāyapi añattacetanāya mātughātakammaṇāmaṃ āropetvā vadanti. Esa nayo **dvīhi pahārehī**ti etthāpi.

**Yatheva hi...pe... uppādeti nāmā**ti rāgaṃ upanissāya dānaṃ detīti rāgaṃ upanissāya dānavasena saddhaṃ uppādetīti ayamatto vutto hotīti iminā adhippāyena vadati. Yathā rāgaṃ upanissāya dānaṃ detīti evamādi hoti, evaṃ rāgādayo saddhādīnaṃ upanissayapaccayoti idampi hotīti dasseti. **Kāyikaṃ sukhanti**ādīnaṃ ekato dassanena visuṃyeva na etesaṃ paccayabhāvo, atha kho ekatopīti dassitaṃ hotīti daṭṭhabbaṃ.

**425. Upatthambhakattena paccayattāyevā**ti etena idaṃ dasseti – na purimavāresu viya imasmiṃ paccayena uppattī vuccatī, atha kho tassa tassa paccayuppannassa tesāṃ tesāṃ dhammānaṃ taṃtaṃpaccayabhāvo, na ca pacchājātakhandhā upatthambhakattena paccayā na hontī, tenesa pacchājātapaccayo idha anulomato āgatoti.

**427. Cetanā vatthussapi paccayoti** attano paṭiṭṭhābhūtassapi kammaṇapaccayoti adhippāyo.

Kasmā panettha paccayavāre viya nissayaatthiavigatesu dumūlakadukāvasānā pañhā na uddhaṭāti? Alabbhamānattā. Tattha hi paccayuppannappadhānattā desanāya kusalo ca abyākato ca dhammā ekato uppajjamānā kusalābyākatapaccayā labbhantīti “kusalañca abyākatañca dhammaṃ paccayā kusalo ca abyākato ca dhammā uppajjantī”ti (paṭṭhā. 1.1.246) vuttaṃ. Yato tato vā ubhayapaccayato

paccayuppannessa uppattimattamyeva hi tattha adhippetam, na ubhayassa ubhinnaṃ paccayabhāvoti. Idha pana paccayappadhānattā desanāya kusalābyākatā kusalābyākatānaṃ ubhinnaṃ nissayādibhūtā na labbhantīti “kusalo ca abyākato ca dhammā kusalassa ca abyākatassa ca dhammassa nissayapaccayena paccayo”tiādi na vuttaṃ.

Pañhāvāravibhaṅgavaṇṇanā niṭṭhitā.

### Pañhāvārassa ghaṭane anulomaṇaṇā

**439. “Ettha pana purejātampi labbhati”**ti vuttaṃ, yadi evaṃ kasmā “tathā”ti vuttanti? “Tīṇi”ti gaṇanamattasāmaññato.

**440.** “Adhipatipaccaye ṭhapetvā vīmaṃsaṃ sesādhipatino visabhāgā”ti purimapāṭho nidassanavasena daṭṭhabbo. Yasmā pana hetupaccayassa visabhāgena ekena ārammaṇena nidassanaṃ akatvā anantarādīni vadanto sabbe visabhāge dasseti, tasmā indriyamaggapaccayā ca visabhāgā dassetabbāti “adhipatindriyamaggapaccayesu ṭhapetvā paññaṃ sesā dhammā visabhāgā”ti paṭhanti. **Tathā bhāvābhāvato** hetupaccayabhāve saha-jātādipaccayabhāvato. Nanu yathā amohavajjānaṃ hetūnaṃ hetupaccayabhāve adhipatindriyamaggapaccayabhāvo natthīti paññāvajjānaṃ adhipatipaccayādīnaṃ visabhāgatā, evaṃ kusalādihetūnaṃ hetupaccayabhāve vipākappaccayabhāvābhāvato hetuvajjānaṃ vipākānaṃ visabhāgatāya bhavitabbanti? Na bhavitabbaṃ, ubhayapaccayasahite cittacetāsikarāsīmhi hetupaccayabhāve vipākappaccayattābhāvābhāvato. Yathā hi hetusaha-jātappaccayasahitarāsīmhi satipi hetuvajjasabbhāve hetūnaṃ hetupaccayabhāve saha-jātappaccayattābhāvo natthīti na hetuvajjānaṃ saha-jātānaṃ hetussa visabhāgatā vuttā, evamidhāpīti. Esa nayo vippayuttapaccayepi. Apica paccayuppannesseva paccayā vuccantīti paccayuppannakkhaṇe tathā bhāvābhāvavasena sabhāgatāya vuccamānāya nānākkhaṇavasena visabhāgatā tasseva na vattabbāti.

**Kusalā vīmaṃsāti** idaṃ “kusalā vīmaṃsādhipatī”ti evaṃ vattabbaṃ. Na hi anadhipatibhūtā vīmaṃsā adhipatipaccayo hotīti.

**441-443. “Sace pana vippayuttapaccayo pavisati, itarāni dve labhati”**ti purimapāṭho, “kusalo dhammo kusalassa ca abyākatassa cā”ti idaṃ pana na labbhantīti “kusalo abyākatassa, abyākato abyākatassāti dve labhati”ti paṭhanti. **Īnataragaṇanesūti** yesu pavitṭhesu īnatarā gaṇanā hoti, tesūti attho. Tīṇi dve ekanti evaṃ īnataragaṇanesu vā aññaṃaññādīsū pavisantesu tesam vasena tikato ūnaṃ yathāladdhañca ekanti gaṇanaṃ labhantīti attho.

**Avipākānīti** anāmaṭṭhavipākānīti attho, na vipākaheturahitānīti.

**Tattha sabbepi saha-jātavipākā cevāti** tattha ye saha-jātā paccayuppannā vuttā, te sabbepi vipākā ceva vipākasaha-jātārūpā cāti attho. **Taṃsamutṭhānarūpā cāti** ettha paṭisandhiyaṃ kaṭattārūpampi taṃsamutṭhānaggahaṇeneva saṅgaṇhātīti veditabbaṃ. “Taṃsamutṭhānarūpakaṭattārūpā ca labbhanti”tipi paṭhanti. **Catutthe vipākacittasamuṭṭhānarūpamevāti** etthāpi eseva nayo. “Kaṭattārūpañcā”tipi pana paṭhanti.

**Evampīti** “etesu pana ghaṭanesu sabbapaṭhamānī”tiādinā vuttanayenapi. Ghaṭanesu pana yo yo paccayo mūlabhāvena ṭhito, taṃpaccayadhammānaṃ niravasesaūnaūnatarāūnatamalābhakkamena ghaṭanā vuccati, niravasesalābhe ca paccayuppannānaṃ niravasesalābhakkamena. Tathā ūnalābhādīsūti ayaṃ kamo veditabbo.

Hetumūlakam niṭṭhitam.

**445.** Vatthuvaseṇa sanissayaṃ vakkhatīti na idaṃ labbhamānassapi vatthussa vaseṇa ghaṭananti

adhippāyenāha “**ārammaṇavaseneva vā**”ti.

**446. Sahajātena pana saddhiṃ ārammaṇādhipatī, ārammaṇādhipatinā ca saddhiṃ saḥajātaṃ na labbhatī**ti idaṃ yathā saḥajātapurejātā eko nissayapaccayo atthipaccayo ca honti, evaṃ saḥajātārammaṇādhipatīnaṃ ekassa adhipatipaccayabhāvassa abhāvato vuttaṃ. Nissayabhāvo hi atthiavigatabhāvo ca saḥajātapurejātanissayādīnaṃ samāno, na panevaṃ saḥajātārammaṇādhipatibhāvo samāno. Saḥajāto hi ārammaṇabhāvaṃ anupagantvā attanā saha pavattanavasena adhipatī hoti, itaro ārammaṇaṃ hutvā attani ninnatākaraṇena. Saḥajāto ca vijjamānabhāvene va upakārako, itaro atītānāgatopi ārammaṇabhāvene va, tasmā saḥajātārammaṇapaccayā viya bhinnasabhāvā saḥajātārammaṇādhipatinoti na te ekato eva adhipatipaccayabhāvaṃ bhajanti, teneva pañhāvāravibhaṅge ca “kusalo ca abyākato ca dhammā kusalassa dhammassa adhipatipaccayena paccayo”tiādi na vuttanti.

**447-452.** Sāhārakaghaṭṭanānaṃ purato vīriyacittavīmaṃsānaṃ sādharmaṇavasena anāhārakāmaggaṅkāni saindriyaghaṭṭanāni vattabbāni siyuṃ “adhipatisaḥajātanissayaindriyaatthiavigatanti satta. Adhipatisaḥajātaaññamaññanissayaindriyasampayuttaatthiavigatanti tīpi. Adhipatisaḥajātanissayaindriyavippayuttaatthiavigatanti tīpi. Adhipatisaḥajātanissayavipākaindriyaatthiavigatanti ekaṃ. Adhipatisaḥajātaaññamaññanissayavipākaindriyasampayuttaavigatanti ekaṃ. Adhipatisaḥajātanissayavipākaindriyavippayuttaatthiavigatanti eka”nti. Kasmā tāni na vuttānīti? Indriyabhūtaṃ adhipatiṃ āhāramaggehi aññassa abhāvā. Cittādhipatī hi āhāro, vīriyavīmaṃsā ca maggo hoti, na ca añño indriyabhūto adhipatī atthi, yassa vasena anāhārakāmaggaṅkāni saindriyaghaṭṭanāni vattabbāni siyuṃ, tasmā tāni avatvā cittādhipatīādīnaṃ ekantena āhāramaggaḥāvadassanattaṃ sāhārakasamaggaṅkāne va vuttāni. Tesu ca samaggakesu dve paccayadhammā labbhanti, sāhāraṃ ekoyevāti samaggaṅkāni pubbe vattabbāni siyuṃ. Saindriyākaṅkāni pana yehi āhāramaggehi bhinditabbāni, tesu kamavasena pacchā vuttāni. Aṭṭhakathāyaṃ pana **sadisattā**ti samaggaḥākatena samānattā, anantararūpattāti vā attho.

**457-460. Kusalyākato abyākatassāti cattārīti** abyākatasahitassa kusalassa paccayabhāvadassanavasena kusalamūlakeseva dumūlakampi āharitvā vuttaṃ. **Abyākate vatthurūpampī**ti idaṃ “kaṭattārūpampī”ti evaṃ vattabbāṃ. “**Dutiyaḥāṭṭane abyākatavissajjane rūpesu vatthume va labbhatī**”ti purimapaṭṭho, bhūtarūpampi pana labbhatīti “vatthuṅca bhūtarūpaṅca labbhatī”ti paṭṭhanti. “**Catutthe cittasamuṭṭhānarūpame vā**”ti vuttaṃ, “cittasamuṭṭhānarūpaṃ paṭṭisandhikkhaṇe kaṭattārūpaṅcā”ti pana vattabbāṃ. **Savipākesu paṭṭhame vipākā ce va vipākacittasamuṭṭhānarūpaṅcā**ti ettha **catutthe vipākacittasamuṭṭhāname vā**ti idha ca kaṭattārūpampi vipākacittasamuṭṭhānaggaḥāṇena gahitanti daṭṭhabbāṃ. “Kaṭattārūpaṅcā”tipi pana paṭṭhanti. Ettha pana saḥajātaaññamaññanissayavipākāsampayuttavippayuttaatthi avigatamūlakesu ghaṭṭanesu hetukammaññānamaggehi ghaṭṭanāni na yojitāni, yathāvuttesu atthiavigatamūlavajjesu āhāre na, nissayavippayuttaatthiavigatavajjesu adhipatīindriyehi ca. Kasmāti? Tesu hi yojyamānesu taṃtaṃcittuppādekadesabhūtaṃ hetuādayo arūpadhammā va paccayabhāvena labbhanti. Tena tehi ghaṭṭanāni hetumūlakādīsu vuttasadisāne va rūpamissakattābhāvena suviññeyyānīti na vuttāni. Atthiavigatehi pana yojyamāno āhāro nissayādīhi adhipatīindriyāni ca rūpamissakāni hontīti adhipatāhārindriyamūlakesu vuttasadisānīpi ghaṭṭanāni atthiavigatamūlakesu nissayādīmūlakesu ca āhāre na adhipatīindriyehi ca supākaṭabhāvattaṃ yojitānīti daṭṭhabbānīti.

**462-464.** Nissayamūlake “**chaṭṭhe tīṇīti kusalādīni cittasamuṭṭhānassā**”ti purimapaṭṭho, cakkhādīni pana cakkhuviññānādīnaṃ labbhanti “abyākatassa cakkhāyatanādīni cā”ti paṭṭhanti.

**466.** Upanissayamūlake pakatūpanissayavasena vuttesu dvīsu paṭṭhame “**lokiyakusalākusalacetanā paccayabhāvato gahetabbā**”ti vuttaṃ, lokuttarāpi pana gahetabbā va.

**473-477.** Kammamūlake **paṭisandhiyaṃ vatthupīti** ettha na pavatte viya khandhāyeva paccayuppanabhāvena gahetabbāti adhippāyo. Vipākāvīpākasādhāraṇavasena vuttetu catūsu paṭhame “**arūpena saddhiṃ cittasamuṭṭhānarūpaṃ labbhati**”ti vuttaṃ, kaṭattārūpampi pana labbhateva. Imasmiṃ pana kammamūlake “kammaṃpaccayā ārammaṇe dve”ti, ārammaṇamūlake ca “ārammaṇapaccayā kamme dve”ti kasmā na vuttaṃ, nanu kusalākusalacetanā kammārammaṇānaṃ paṭisandhiyādīnaṃ kammaṃpaccayo ārammaṇapaccayo ca hoti. Yathā ca ārammaṇabhūtaṃ vatthum ārammaṇanissayapaccayabhāvena vuccati, evaṃ kammampi ārammaṇapaccayabhāvena vattabbanti? Na, dvinnāṃ paccayabhāvānaṃ aññamaññaṇapaṭikkhepatō. Paccuppanaṃhi vatthu nissayabhāvaṃ apariccajītvā tenevākārena tannissitena ālambiyamānaṃ nissayabhāvena ca nissayapaccayoti yuttaṃ vattum. Kammaṃ pana tasmīṃ kate pavattamānānaṃ katūpacitabhāvena kammaṃpaccayo hoti, nārammaṇākārena, visayamattatāvasena ca ārammaṇapaccayo hoti, na santānavisesaṃ katvā phaluppādanasaṅkhātena kammaṃpaccayākārena, tasmā kammaṃpaccayabhāvo ārammaṇapaccayabhāvaṃ paṭikkhipati, ārammaṇapaccayabhāvo ca kammaṃpaccayabhāvanti “kammaṃpaccayo hutvā ārammaṇapaccayo hoti”ti, “ārammaṇapaccayo hutvā kammaṃpaccayo hoti”ti ca na sakkā vattunti na vuttaṃ. Esa ca sabhāvo vattamānānaṃca ārammaṇapurejātānaṃ vatthucakkhādīnaṃ, yaṃ ārammaṇapaccayabhāvena saha nissayādipaccayā hontīti vattabbatā, atītaṃ ca kammaṃpaccayo yaṃ sabhāvo, yaṃ ārammaṇapaccayabhāvena saha kammaṃpaccayo hotīti navattabbatā. Yathā sahaṇāpurejātānissayānaṃ saha nissayapaccayabhāvena vattabbatā sabhāvo, sahaṇāpurejātānissayānaṃ saha adhipatipaccayabhāvena navattabbatā, evamidhāpīti.

**478-483.** **Nirādhipativīññāṇāhārasenā**ti anāmaṭṭhādhipatibhāvassa viññāṇāhārasa vasenāti adhippāyo. **Vatthu parihāyatīti** aññamaññaṇampi labhantassa vatthussa vasena sabbassa kaṭattārūpassa parihānaṃ dasseti.

**484-495.** “**Tatiye arūpindriyāni rūpāna**”nti vuttaṃ, cakkhādīni ca pana cakkhuviññāṇādīnaṃ labbhanti. **Tato vīriyavasena maggasampayuttāni chāti** ettha yadipi vīmaṃsā labbhati, vīriyassa pana vasena taṃsamānagatikā vīmaṃsāpi gahitāti “vīriyavasenā”ti vuttaṃ.

**511-514.** Vippayuttamūlake “**dasame kusalādayo cittasamuṭṭhānāna**”nti vuttaṃ, paṭisandhiyaṃ pana “khandhā kaṭattārūpānaṃ vatthu ca khandhāna”nti idampi labbhati. “**Ekādasame paṭisandhiyaṃ vatthu khandhāna**”nti vuttaṃ, taṃ vipākāpaccayassa aggahitattā yassa vatthussa vasena ghaṭanaṃ kataṃ, tassa dassanavasena vuttaṃ. “Khandhā ca vatthussa”ti idampi pana labbhateva. “**Dvādasame paṭisandhiyaṃ khandhā kaṭattārūpāna**”nti pubbapāṭho, cittasamuṭṭhānāni pana na vajjetabbānīti “dvādasame khandhā pavatte cittasamuṭṭhānarūpānaṃ paṭisandhiyaṃ kaṭattārūpānaṃca”ti paṭhanti.

**515-518.** Atthipaccayamūlake paṭhamaghaṭane “**arūpavatthārammaṇamahābhūtaindriyāhārānaṃ vasena sahaṇāpurejātapacchājātapaccayā labbhanti**”ti vuttaṃ, “āhārindriyapaccayā cā”tipi pana vattabbaṃ. Na hi indriyāhārānaṃ vasena sahaṇāpurejādayo labbhanti. “**Dutiye pacchājātakabaḷikārāhārā na labbhanti**”ti vuttaṃ, sabbānīpi pana alabbhamānāni dassetuṃ “pacchājātakabaḷikārāhārārūpajīvitindriyarūpādīrammaṇāni ca na labbhanti”ti paṭhanti, chaṭṭhaṃ sabbesaṃ indriyānaṃ vasena vuttaṃ. Sattame tato rūpajīvitindriyamattaṃ parihāyatīti evametesāṃ vireso vattabbo. **Tato ekādasame**ti ettha **tatoti** navamatoti attho. **Terasame vatthārammaṇāti** ettha vatthuggahaṇena cakkhādivatthūnīpi gahitāni, tathā **cuddasame vatthumevāti** etthāpi. “**Sattarasame pana tadeva ārammaṇādhipatibhāvena, aṭṭhārasamepi tadeva ārammaṇūpanissayavasenā**”ti purimapaṭho, “ārammaṇūpanissayavasenā”ti yaṃ pana sattarasamato vireso na hoti, vatthārammaṇānaṃ pana sattarasame aṭṭhārasame ca vatthusseva paccayabhāvo vireso “sattarasame pana ārammaṇādhipatibhāvena cakkhādīni ca, aṭṭhārasame vatthusseva ārammaṇūpanissayavasenā”ti paṭhanti.

**519.** Sahaṇāni viya sahaṇātena kenaci ekena paccayena aniyamitattā tāni pakīṇṇakānīti vuttānīti ettha purejātapacchājātāhārindriyāni sahaṇātena aññamaññaṇānaṃca asāmaññaṇavasena vippakīṇṇāni vuttāni.

Ārammaṇamūlake anantarasamanantarapurejātāti ettha upanissayopi paṭhitabbo.

Yesu pākaṭā hutvā paññāyanti, tāni dassetuṃ **“hetumūlakādīna”**ntiādimāha.

Alobhāditaṃtaṃnāmavasena pana hetuārammaṇādhipatiāhārindriyajhānamaggapaccayadhammā evaṃ pākaṭā hutvā na paññāyeyyunti te paricchedavasena dassento **“dvādaseva hi hetū”**tiādimāha. Tena **“ettakāyeva paccayadhammā”**ti nicchayaṃ katvā pākaṭo hutvā apaññāyamānopi tesveva maggitabboti dasseti. Tattha **cha ārammaṇā**ti etena ārammaṇādhipati rūpādiārammaṇabhāvato saṅgahitoti taṃ aggahetvā **“cattāro adhipatayo”**ti vuttaṃ. **Ekantena kusalavipākā**ti idaṃ indriyesu aññindriyavasena labbhati. **Ekantena akusalavipākā**ti idaṃ pana na sakkā laddhuṃ. Jhānaṅgesvapi hi dukkhaṃ akusalameva vipākassa ajhānaṅgattā. Cittaṭṭhitipi akusalavipākakiriyā hotīti. Akusalassa vipākā akusalavipākāti evaṃ pana atthe gayhamāne indriyesu dukkhindriyavasena labbheyya, kusalavipākākusalavipākavisesena pana paccayayojanā natthīti ayamatto adhippetoti sakkā vattunti.

Pañhāvārassa ghaṭane anulomagaṇanā niṭṭhitā.

### Paccanīyuddhāraṇanā

**527. Ekena lakkhaṇenā**ti **“kusalo dhammo kusalassa dhammassa nahetupaccayena paccayo”**ti hetupaccayato aññena paccayena paccayoti attho. Hetupaccayato ca aññe paccayā aggahitaggahaṇena aṭṭha honti, tesu kusalo kusalassa tīhi paccayehi paccayo, akusalassa dvīhi, evaṃ tasmim tasmim paccaye paccanīyato ṭhite tato aññe paccayā imesveva ārammaṇādīsu aṭṭhasu paccayesu yathāyogam yojetabbāti idamettha lakkhaṇaṃ veditabbaṃ. Etesu ca aṭṭhasu paccayesu purimapurimehi asaṅgahite saṅgahetvā pacchimapacchimā vuttāti ārammaṇato aññesaṃ dvinnaṃ vasena upanissayo, vatthupurejātassa vasena purejātaṃ, sahaṅjātato upanissayato ca, aññissā cetanāya vasena kammaṃ, sahaṅjātato aññassa kabaḷikārāhārassa vasena āhāro, sahaṅjātato purejātato ca aññassa rūpajīvitindriyassa vasena indriyaṃ vuttanti daṭṭhabbaṃ. Evañca katvā **“kusalo dhammo kusalassa dhammassa ārammaṇapaccayena paccayo, sahaṅjātaupanissayapaccayena paccayo”**ticceva (paṭṭhā. 1.1.404, 419, 423) vuttaṃ, tadaññābhāvā na vuttaṃ **“kammāhārindriyapaccayena paccayo”**ti, tasmā **“ārammaṇādhipati ārammaṇapaccaye saṅgahaṃ gacchati”**ti evaṃ vattabbaṃ. Yaṃ pana parittattike pañhāvārapaccanīye **“appamāṇo dhammo appamāṇassa dhammassa sahaṅjātaupanissayapaccayena paccayo”**ti (paṭṭhā. 2.12.66, 74) ettha ārammaṇassa avacanaṃ, taṃ purimehi asaṅgahitavasena vuttānaṃ saṅgahitavivajjanābhāvato upanissayato aññārammaṇābhāvato ca, na pana ārammaṇūpanissayassa ārammaṇe asaṅgahitattā.

Atthiavigatapaccayā yadipi sahaṅjātapurejātapacchājātāhārindriyānaṃ vasena pañcavidhāva, sahaṅjātapurejātānaṃ pana pacchājātāhārānaṃ pacchājātindriyānañca sahāpi atthiavigatapaccayabhāvo hoti, na tiṅṅaṃ vippayuttatā viya viṣumyevāti **“atthiavigatesu ca ekekassa vasena chahi bhedehi ṭhitā”**ti atthiavigatapaccayalakkhaṇesu ekekaṃ saṅgahetvā vuttaṃ.

**“Rūpindriyapaccayo pana ajjhatabhiddhābhedato duvidho”**ti vuttaṃ, taṃ **“ajjhattikabāhirabhedato”**ti evaṃ vattabbaṃ.

**Catuvīsatiyāpī**ti na soḷasannaṃyeva, nāpi aṭṭhannaṃyeva, atha kho catuvīsatiyāpīti attho. Ārammaṇabhūtānaṃ adhipatiupanissayapaccayānaṃ upanissaye nissayapurejātavippayuttaatthiavigatānañca purejāte saṅgaho atthīti ārammaṇapaccayaṃ ārammaṇapaccayabhāveveva ṭhapetvā tadekadesassa tesañca upanissayādīsu saṅgahaṃ vattukāmo **“ārammaṇapaccaye ārammaṇapaccayova saṅgahaṃ gacchati, na sesā tevīsati”**ti āha. **Catutthe purejātapaccayeti** ettha yathā **“upanissayapaccaye adhipatibhūto ārammaṇapaccayo”**ti vuttaṃ, evaṃ **“purejātabhūto ārammaṇapaccayo”**tipi vattabbaṃ, taṃ pana tattha vuttanayena gahetuṃ sakkāti katvā na vuttaṃ siyā. Atha pana **“ārammaṇato aññaṃ purejātaggahaṇena gahita”**nti na vuttaṃ, evaṃ sati upanissayaggahaṇenapi ārammaṇato aññassa gahitatāya bhavitabbanti **“adhipatibhūto**

ārammaṇapaccayo upanissaye saṅgahaṃ gacchatī”ti na vattabbaṃ siyāti.

**Yesu pañhesu...pe... ekova paccayo āgatoti** ettha āgatovāti evaṃ evasaddo ānetvā yojetabbo. Tena dvādasamacuddasamesu pañhesu saḥajātapurejātesu ekeko paccayo na anāgato hoti, atha kho āgatovāti tesu aññatarapaṭikkhepe tepi pañhā parihāyantīti dassitaṃ hotīti. **Yasmiṃ pana pañheti** dutiyachattapañhesu ekekavasena gahetvā ekavacanena niddisīyati. **Evanti** ārammaṇaupanissayavasenāti attho. Tena dvādasamacuddasame nivatteti. Tesupi hi dve paccayā āgatā, na pana ārammaṇaupanissayavasenāti. **Avasesānaṃ vasesāni** avasesānaṃ labbhamānaṃ vasesāni daṭṭhabbaṃ. Na hi terasamaṇnasamesu pacchājātepi paṭikkhitte āhārindriyānaṃ vasena te pañhā labbhanti, atha kho saḥajātasseva vasesāni. **Idameva cettha lakkhaṇanti** aṭṭhannaṃ paccayānaṃ sabbapaccayasāṅgahakattaṃ, ukkaṭṭhavasena pañhāparicchedo, te te paccaye saṅgahetvā dassitapaccayaparicchedo, tasmīṃ tasmīṃ paccaye paṭikkhitte tassa tassa pañhassa parihānāparihāntī etaṃ sabbam sandhāya vuttanti daṭṭhabbaṃ. Teneva “**iminā lakkhaṇenā**”ti vuttaṃ.

**Tatrāti** pabhedaparihānīsu. **Tīhi paccayehi ekūnavīsati paccayā dassitāti** “nahetupaccayā”ti ettha labbhamānapaccaye sandhāya vuttaṃ. Ayaṃ pana paccayuddhāro sabbapaccanīyassa sādharmaṇalakkhaṇavasena vutto, na “nahetupaccayā”ti ettheva labbhamānapaccayadassanavasena. Evañca katvā hetudukapañhāvārapaccanīye “hetudhammo hetussa dhammassa ārammaṇapaccayena paccayo, saḥajātapaccayena paccayo, upanissayapaccayena paccayo”ti (paṭṭhā. 3.1.43) vuttaṃ, aññathā “nahetupaccayā”ti ettha labbhamānapaccayadassane “saḥajātapaccayena paccayo”ti na vattabbaṃ siyā, tasmā idhāpi sabbalabbhamānapaccayasāṅgahavasena paccayuddhārassa vuttattā tīhi paccayehi vīsati paccayā dassitāti daṭṭhabbā. Yaṃ vuttaṃ “tatrāyaṃ vitthārakathā”ti, tatra pabhede vitthārakathaṃ vatvā parihānīyaṃ dassento “**tasmīṃ pana paccaye...pe... te parato vakkhāmā**”ti āha.

**528. Tathā akusalādikesupi catūsu pañhesu tehi tehi paccayehi te teyeva paccayā dassitāti** kusalādikesu dassitehi aññesaṃ abhāvaṃ sandhāya vuttanti veditabbaṃ. Na hi “akusalo dhammo kusalassa dhammassā”ti ettha dvīhi paccayehi tayo paccayā dassitā, atha kho dveyeva, abyākatassapi akusalo ārammaṇādhipatipaccayo na hotīti.

**530. Saḥajātapaccayā pana na honti vatthumissakattāti** asaḥajātapaccayena vatthunā saḥajātapaccayabhāvena gahitattā tena saddhiṃ saḥajātapaccayā na hontīti dasseti, na pana suddhānaṃ saḥajātapaccayabhāvaṃ nivāreti. Vatthunā pana saddhiṃ yena nissayādīnā paccayā honti, tameva nissayādiṃ visesetaṃ saḥajātanti vuttanti dassento “**tasmā tesa**”ntiādīmāha.

Imasmīṃ pana paccayuddhāre ārammaṇaupanissayakammaatthipaccayesu catūsu sabbapaccaye saṅgaṇhitvā kasmā tesam vasena paccayuddhāro na katoti? Missakāmissakassa atthipaccayavibhāgassa duviññeyyattā. Na hi “avibhāgena atthipaccayena paccayo”ti vutte sakkā viññātuṃ “kiṃ suddhena saḥajātaatthipaccayena purejātapacchājātāhārindriyaatthipaccayena vā, atha saḥajātapurejātamissakena pacchājātāhāramissakena pacchājātindriyamissakena vā”ti. Atthipaccayavisesesu pana saḥajātādīsu sarūpato vuccamānesu yattha suddhānaṃ saḥajātādīnaṃ paccayabhāvo, tattha “saḥajātapaccayena paccayo”tiādīnā suddhānaṃ, yattha ca missakānaṃ paccayabhāvo, tattha “saḥajātam purejāta”ntiādīnā missakānaṃ gahaṇato suviññeyyā hoti, tasmā atthipaccayavisesadassanattaṃ saḥajātādayo gahitā, tena ca sabbapaccayānaṃ catūsu paccayesu saṅgaho dassito hoti.

Kasmā pana saḥajātapurejāte aggahetvā nissayo, purejātapacchājāte aggahetvā vippayutto vā atthipaccayavisesabhāvena na vuttoti? Avattabbattā, nissayo tāva na vattabbo saḥajātapurejātānaṃ suddhānaṃ missakānañca nissayapaccayabhāvato vibhajitabbatāya atthipaccayena avisiṭṭhattā, vippayuttapaccayo ca saḥajātapurejātapacchājātābhāvato atthipaccayo viya visesitabboti so viya na vattabbo. Saḥajātapurejātānañca missakānaṃ atthipaccayabhāvo hoti, na vippayuttabhāvo. Tathā saḥajātapacchājātānañca missakānaṃ atthipaccayabhāvo hoti. Vakkhati hi “anupādinnaanupādāniyo dhammo upādinnupādāniyassa ca anupādinnaanupādāniyassa ca dhammassa atthipaccayena paccayo



sahajātaṃ pacchājāta’’nti (paṭṭhā. 1.4.84), na pana vippayuttapaccayabhāvo, tasmā vippayuttaggahaṇena missakānaṃ atthipaccayabhāvassa aggahaṇato na so atthipaccayaviseso bhavitum yuttoti bhiyyopi na vattabbo.

Nanu ca sahajātapaccayo ca hetuādīhi visesitabboti sopi nissayavippayuttā viya atthipaccayavisesabhāvena na vattabboti? Na, viruddhapaccayehi avisesitabbattā. Nissayavippayuttā hi atthipaccayo viya uppattikālaviruddhehi paccayehi visesitabbā, na pana sahajāto. Hetuādayo hi sahajātā eva, na uppattikālaviruddhāti.

Paccanīyuddhāravaṇṇanā niṭṭhitā.

### **Paccanīyagaṇanavaṇṇanā**

#### **Nahetumūlakavaṇṇanā**

**532. Suddho ārammaṇapaccayo parihāyatīti** ettha suddhaggahaṇena na kiñci payojanaṃ. Ārammaṇe hi paccanīyato ṭhite adhipatipaccayādibhūto ārammaṇapaccayo parihāyatiyevāti. **Suddhoti** vā aṭṭhasu paccayesu kevalaṃ ārammaṇapaccayo parihāyati, na sesāti dasseti. **Ekādasannanti** sahajāte saṅghaṃ gacchantesu pannarasasu aññamaññaṃ vipākasaṃpayuttavippayutte vajjetvā ekādasannaṃ vasena. **Teti** te sahajāte antogadhāyeva tasmim paṭikkhitte aññenākārena vissajjanaṃ na labhantīti dasseti, anantogadhā pana ārammaṇādhipatipurejātanissayādayo ārammaṇādiākārena labhantīti.

**Kiñcāpi sahajātapaccayoyeva natthīti** tasmim paṭikkhitte ime vārā na labbheyyum, atha kho nissayaatthiavigatānaṃ vasena ete labhitabbā siyunti adhippāyo. **Yasmā panāti**adinā yadipi sahajātapaccayo natthi, yasmā pana sahajātapaccayadhamme ṭhitā ete na nissayādayo na hontī, yasmā ca sahajāte paṭikkhitte ye paṭikkhitā hontī, te idha sahajātapāṭikkhepena paṭikkhitā, tasmā tepi vārā na labbhantīti dasseti.

**Ṭhapetvā sahajātapaccayanti** etena nissayādibhūtañca sahajātapaccayaṃ ṭhapetvāti vuttanti daṭṭhabbaṃ. Kusalato pavattamānesu kusalābyākatesu kusalassa kusalo aññamaññaṃ paccayo hotīti imamattaṃ sandhāyāha “**aññamaññaṃ paccayadhammasena pavattisabbhāvato**’’ti. **Ye dhammā aññamaññaṃ paccayasāṅghaṃ gatīti** tesam tesam paccayuppannānaṃ paccayabhāvena vuccamānā ye dhammā attano paccayuppannabhāvena vuccamānānaṃ aññamaññaṃ paccayoti saṅghaṃ gatīti attho. Kusalo ca kusalassa aññamaññaṃ paccayoti katvā kusalābyākatānaṃ aññamaññaṃ paccayasāṅghaṃ gateheva dhammehi paccayo hoti, samudāyabhūto ekadesabhūtehi ayamettha adhippāyo. Kusalo pana kusalassa aññamaññaṃ paccayabhūteheva kusalābyākatānaṃ sahajātādīhi, na aññathāti aññamaññe paṭikkhitte so vāro parihāyatīti vattabbaṃ.

**Catunnaṃ khandhānaṃ ekadesovāti** sahajāte sandhāya vuttaṃ. Asahajātā hi āhārindriyā rūpakkhandhekadesova hontī. **Teti** te vippayuttapaccayadhammā.

**533. “Dumūlakādivasena paccayagaṇanaṃ dassetu**’’nti likhitaṃ, “paccanīyagaṇanaṃ dassetu’’nti pana vattabbaṃ. Paccanīyavāragaṇanā hi dassitāti.

“**Vipākaṃ panettha naupanissayapaccayena saddhim ghaṭitattā na labbhati**’’ti vuttaṃ, vipākassapi pana kammaṃ upanissayo ahutvāpi kammaṃ paccayo hotīti vipākattike dassitametanti.

Nahetumūlakavaṇṇanā niṭṭhitā.

**534. Satta pañca tīpi dve ekanti paricchinnagaṇanānti** sattādi paricchedehehi paricchinnagaṇanāni

vissajjanāni hetumūlake dassitānīti āha.

**538. Nanissayapaccayā naupanissayapaccayā napacchājāte tīṇīti** mūlakam sankhipitvā dasamūlake “napacchājāte tīṇī”ti vuttaṃ gaṇanam uddharati. “**Tesu kaṭattārūpaṇca āhārasamuṭṭhānaṇca paccayuppanna**”nti vuttaṃ, dvīsu pana vipāko tatiye tesamuṭṭhānikakāyo ca paccayuppanno hotiyeva.

**545. Abyākato ca sahaajātaabyākatassāti** “arūpābyākato arūpābyākatassa, rūpābyākato ca rūpābyākatassā”ti etaṃ dvayaṃ sandhāya vuttaṃ. Rūpābyākato pana arūpābyākatassa, arūpābyākato ca rūpābyākatassa sahaajātapaccayo honto vippayuttapaccayo hotiyeva. “Abyākato sahaajātāhārindriyavasena abyākatassāti evaṃ pañcā”ti pana vattabbaṃ.

**546. Noatthipaccayā nahetuyā navāti** ettha “ekamūlakekāvasānā anantarapakatūpanissayavasena labbhanti”ti vuttaṃ, atthipaccaye pana paṭikkhittē aṭṭhasu paccayesu sahaajātapurejātapacchājātāhārindriyāni paṭikkhittāni, ārammaṇaupanissayakammāni tīṭhānīti tesam tīṇṇaṃ tīṭhānaṃ vasena labbhanti vattabbaṃ. Sabbattha hi aṭṭhasu paccayesu ye ye paṭikkhittā, te te apanetvā ye ye tīṭhā, tesam vasena te te vārā labbhanti idamettha lakkhaṇanti. **Yāva nissayampīti** na kevalaṃ nārammaṇeyeva tathā, atha kho yāva nissayaṃ, tāva tathāpi naupanissaye dve kātābātī attho. Naupanissayato hi purimesu ca navapi labbhanti, naupanissaye pana pavatte atthiārammaṇaupanissayapaṭikkhepena satta paccayā paṭikkhittāti avasiṭṭhassa kammassa vasena dveyevāti.

Paccanīyagaṇanavaṇṇanā niṭṭhitā.

### Anulomapaccanīyavaṇṇanā

**550. Sadisavārāti** anurūpavārāti attho. Naaññamaññe laddhesu hi ekādasasu “kusalo kusalassa akusalo akusalassā”ti ime hetuyā laddhesu sattasu imeheva dvīhi samānā honti, atthābhāvato pana na anurūpāti. Atha vā vacanato atthato ca uddesato yathāyogaṃ niddesato cāti sabbathā samānatam sandhāya “**sadisavārā**”ti āha.

**551. Paṭisandhināmarūpaṃ sandhāyāti** paṭisandhiyaṃ hetunāmapaccayaṃ vatthurūpaṇca paccayuppannaṃ sandhāya. **Tīṇi kusalādīni cittasamuṭṭhānarūpassāti** ettha “abyākato kaṭattārūpassa cā”ti idampi vattabbaṃ.

**556.** Adhipatimūlake **nahetuyā dasāti** dvinnampi adhipatīnaṃ vasena vuttaṃ, **nārammaṇe sattāti** sahaajātādhipatissa, **nasahajāte sattāti** ārammaṇādhipatissāti evaṃ sabbattha tasmim tasmim paccaye paṭikkhittē ghaṭanesu ca tasmim tasmim paccaye ghaṭite mūlabhāvena tīṭhite paccaye ye dhammā parihāyanti, ye ca tiṭṭhanti, te sādhuṃkaṃ sallakkhetvā ye dhammā tīṭhā yesam paccayā honti, tesam vasena gaṇanā uddharitabbā. Anulome vuttagaṭite hi mūlabhāvena tīṭhite paccayā paccanīyato yojitāti tatha laddhāyeva paccanīyato tīṭhite paccayānaṃ vasena samānā unā ca sakkā viññātunti.

Anulomapaccanīyavaṇṇanā niṭṭhitā.

### Paccanīyānulomavaṇṇanā

**631. Ūnataragaṇanena saddhiṃ atirekagaṇanassapi gaṇanam parihāpetvāti** ettha anulomato yojyamānena paccayena saddhiṃ paccanīyato tīṭhassa atirekagaṇanassapi gaṇanam parihāpetvāti adhippāyo. Parihāpanagaṇanāya ūnataragaṇanena saddhiṃ samānattaṇca na ekantikaṃ. Nahetunārammaṇadukassa hi gaṇanā adhipatipaccayena yojyamānena ūnataragaṇanena saddhiṃ

parihīnāpi adhipatipaccaye laddhagaṇānāya na samānā, atha kho tatopi ūnatarā hotīti āha “**na panetaṃ sabbasaṃsandanesu gacchati**”ti.

Nissaye paccanīyato t̄hite sahaḷāte ca anulomato atīṭṭhamānānaṃ hetuādināṃ sahaḷātassa ca aṭṭhānaṃ pākaṭanti apākaṭameva dassento “**vattupurejāto anulomato na tiṭṭhati**”ti āha. **Āhāre vā**tiādinā idam dasseti – sahaḷāte paccanīyato t̄hite anulomato atīṭṭhamānā jhānamaggasampayuttā āhāre vā indriye vā paccanīyato t̄hite tiṭṭhanti hetuādayopi tiṭṭhanti. Sabbajhānamaggehi pana catukkhandhekadesabhūtānaṃ sampayuttena ca catukkhandhabhūtānaṃ sabbesaṃ tesam anulomato t̄hānaṃ dasseti daṭṭhabbaṃ, itaresu vattabbameva natthi. **Adhipatiupanissayā**ti ārammaṇamissānampi anulomato t̄hānaṃ dasseti.

“**Indriye ekanti rūpajīvitindriyavasena**”ti vuttaṃ, “cakkhundriyādināṃ rūpajīvitindriyassa ca vasena”ti pana vattabbam. **Kamena gantvā vippayutte tīṇi**ti idam pākaṭabhāvattham “navamūlakādīsū vippayutte tīṇi”ti evaṃ kesuci potthakesu uddhaṭam. **Imāni ca dve pacchājātindriyavasena**ti idam “imāni ca dve pacchājātāhārindriyavasena”ti ca vattabbam.

Nahetumūlakavaṇṇanā niṭṭhitā.

**636. Naaññamaññapaccayā hetuyā tīṇi kusalādīni cittasamuṭṭhānānanti** ettha “paṭisandhiyaṃ kaṭattārūpānañcā”tipi vattabbam. **Hetuyā vuttehi tīṇi**ti vārasāmaññameva sandhāya vadati, tathā **kamme tīṇi hetuyā vuttānevā**ti ca. Paccayesu pana sabbattha viseso sallakkhetabbo. **Adhipatiyā tīṇi**ti naaññamaññanahetunaārammaṇapaccayā adhipatiyā tīṇi etāni heṭṭhā hetuyā vuttānevāti.

**644. Yathā ca heṭṭhā**ti yathā nahetumūlake yāva navipākā, tāva gantvā nāhārindriyesu ekekameva gahitaṃ, tathā idhāpi nārammaṇamūlakādīsū ekekameva gahitanti adhippāyo.

**648. Nānākkhaṇikā kusalākusalacetanā kammamuṭṭhānarūpassā**ti ettha “vipākāna”ntipi vattabbam. **Āhārindriyesu tīṇi sahaḷātasadisāni** rūpassapi paccayabhāvato, **jhānamaggādīsū tīṇi hetusadisāni** arūpānaṃyeva paccayabhāvatoti adhippāyo daṭṭhabbo. **Ādi-saddena** ca “navippayuttanahetunārammaṇapaccayā adhipatiyā tīṇi”tiādīni (paṭṭhā. 1.1.649) saṅgaṇhāti.

**650. Yaṃ panā**ti yaṃ paccayaṃ sakaṭṭhāne anulomato labhantampi aggahetvā tato paretarā paccanīyato gayhanti, so paccayo pacchā anulomatova yojanaṃ labhatīti attho. Yathā pana nahetumūlakādīsū nāhāre ghaṭite indriyavasena, nindriye ca ghaṭite āhārasena pañhalābho hotīti tesu aññataraṃ paccanīyato ayojetvā anulomato yojitaṃ, evaṃ noatthinoavigatamūlakesu upanissaye ghaṭite kammavasena, kamme ca ghaṭite upanissayavasena pañhalābho hotīti tesu aññataraṃ paccanīyato ayojetvā anulomato yojitanti veditabbam. Evametasmim paccanīyānulome sabbāni mūlāni dvedhā bhinnāni nāhāranindriyāni naupanissayanakammāni ca patvāti.

Paccanīyānulomavaṇṇanā niṭṭhitā.

Kusalattikavaṇṇanā niṭṭhitā.

## 2. Vedanāttikavaṇṇanā

1. Vedanārūpanibbānāni pana tikamuttakāni paṭiccādinīyamaṃ paccayuppannavacanañca na labhanti. Paṭiccavārādīsū pana chasu yato hetupaccayādito tikadhammānaṃ uppatti vuttā, tattha yathānurūpato ārammaṇādipaccayabhāvena labhantīti veditabbānīti.

**10. Sabbaarūpadhammapariggāhakā pana sahaḥjātādayo paccayāti** iminā kusalattikepi pariḥīnaṃ sahaḥjātaṃ rūpārūpadhammapariggāhakattā ādimhi ṭhapetvā ādisaddena sabbārūpadhammapariggāhakavacanena ca paccayuppannavasena sabbaarūpadhammapariggāhakānaṃ ārammaṇādīnaṃ pariḥāniṃ dassētī daṭṭhabbaṃ. Tena kusalattikapariḥīnānaṃ sabbatṭhānikānaṃ catunnaṃ sabbatikādīsu pariḥāni dassitā hoti. **Pacchājātapaccayaṇca vināva uppattitoti** etena pana pacchājātapaccayassa anulome pariḥāniṃ, paccanīye ca lābhaṃ dasseti. **Sahaḥjātādayoti** vā sahaḥjātamūlakā sahaḥjātanibandhanā paṭiccādiṃ pharantehi sahaḥjātadhammehi vinā paccayā ahontāti vuttaṃ hoti. Kasmā pana sahaḥjātanibandhanā sabbārūpadhammapariggāhakā ca ye, teva pariḥāyanti, na pana yo sahaḥjātanibandhano sabbārūpadhammapariggāhako ca na hoti, so pacchājātoti tattha kāraṇaṃ vadanto **“sahaḥjātādīhi vinā anuppattito pacchājātapaccayaṇca vināva uppattito”**ti āha. Tattha **sahaḥjātādīhi vināti** sahaḥjātanibandhanehi sabbārūpadhammapariggāhakehi ca vināti attho. Atha vā sahaḥjātanibandhanānameva pariḥāni, na pacchājātassa sahaḥjātanibandhanassāti etheva kāraṇaṃ vadanto **“sahaḥjātādīhi vinā anuppattito pacchājātapaccayaṇca vināva uppattito”**ti āha. Sahaḥjātanibandhanāpi pana sabbaarūpadhammapariggāhakāyeva pariḥāyantīti dassitametanti.

**17. Navipākepi eseva nayoti** nayadassanameva karoti, na ca paccayapaccayuppannasāmaññadassanaṃ. Sukhāya hi adukkhamasukhāya ca vedanāya sampayutte dhamme paṭicca tāhi vedanāhi sampayuttā ahetukakiriyadharmā vicikicchuddhaccasahaḥjātamoho cāti ayañhettha nayoti. **Navippayutte ekanti āruppe āvajjanavasena vuttanti** idaṃ āvajjanāhetukamohānaṃ vasena vuttanti daṭṭhabbaṃ.

**25-37.** Anulomapaccanīye **yathā kusalattikaṃ, evaṃ gaṇetabbanti** hetumūlakādīnaṃ nayānaṃ ekamūlakadvimūlakādivasena ca yojetvā gahetabbatāsāmaññaṃ sandhāya vuttaṃ, na gaṇanasāmaññaṃ. Ito paresupi evarūpesu eseva nayo. **Ahetukassa pana cittuppādassāti**ādi nahetumūlakaṃ sandhāya vuttaṃ, “ahetukassa pana cittuppādassa mohassa cā”ti panettha vattabbaṃ. Mohassa cāpi hi ahetukassa adhipatiabhāvato adhipatino nahetumūlake anulomato aṭṭhānanti. **Parivattetvāpīti** nahetupaccayā naadhipatipaccayā ārammaṇe tīṇīti evaṃ purato ṭhitampi ārammaṇādiṃ pacchato yojetvāti attho.

**39.** Pañhāvāre **domanassaṃ uppajjatīti** etena taṃsampayutte dasseti. Upanissayavibhaṅge “saddhāpañcakesu mānaṃ jappeti diṭṭhiṃ gaṇhātīti kattabbaṃ, avasesesu na kattabba”nti idaṃ pāṭhagatidassanatthaṃ vuttaṃ, na pana rāgādīhi mānadiṭṭhīnaṃ anuppattito. Kusalattikepi hi rāgādīsu “mānaṃ jappeti diṭṭhiṃ gaṇhātī”ti pāli na vuttā, “rāgo doso moho māno diṭṭhi patthanā rāgassa dosassa mohassa mānassa diṭṭhiyā patthanāya upanissayapaccayena paccayo”ti (paṭṭhā. 1.2.53) pana rāgādīnaṃ mānadiṭṭhiupanissayabhāvo vutto. Tathā idhāpi daṭṭhabbanti. “Sukhāya vedanāya sampayuttena pana cittaṃ gāmaghātaṃ nigamaghātaṃ karoti”ti somanassasampayuttalobhasahagatacittena gāmanigamaviluppanaṃ sandhāya vuttaṃ.

**62. Suddhānanti** paccayapaccayuppannapadānaṃ anaññattaṃ dasseti. **Purejātapacchājātā panettha na vijjanti. Na hi purejātā pacchājātā vā arūpadhammā arūpadhammānaṃ paccayā hontīti** ettha **purejātāti** imasmim tike vuccamānā adhikārappattā sukhāya vedanāya sampayuttādayova arūpadhammānaṃ purejātā hutvā paccayā na honti purejātattābhāvato adhippāyo, tathā pacchājātattābhāvato pacchājātā vā hutvā na hontīti.

**63-64. Sādhipatiamohavasenāti** adhipatibhāvasahitāmohavasenāti attho.

**83-87. Nahetupaccayā...pe... naupanissaye aṭṭhāti** nahetupaccayā nārammaṇapaccayā naupanissaye aṭṭhāti evaṃ saṅkhipitvā uddharati. **Nānākkhaṇikakammappaccayavasena veditabbāti** idaṃ “dukkhāya vedanāya sampayutto sukhāya vedanāya sampayuttassā”ti etaṃ vajjetvā avasesesu aṭṭhasupi nānākkhaṇikakammappaccayasambhavaṃ sandhāya vuttaṃ. Na hi sahaḥjātapaccayo aṭṭhasupi labbhati, atha kho tīsvevāti.

Vedanāttikavaṇṇanā niṭṭhitā.

### 3. Vipākattikavaṇṇanā

1-23. Vipākattike **vipākadhammaṃ paṭiccāti** vipākaṃ dhammaṃ paṭicca. Samāsenapi hi soyevattho vuttoti pāliyaṃ samāsaṃ katvā likhitaṃ.

24-52. “Nevavipākanavipākadhammadhammaṃ paṭicca nevavipākanavipākadhammadhammo uppajjati navipākappaccayā”ti etassa vibhaṅge “**mahābhūte paṭicca cittasamuṭṭhānaṃ rūpaṃ upādārūpa**”nti ettakameva vuttaṃ, na vuttaṃ “kaṭattārūpa”nti. Taṃ khandhe paṭicca uppajjamānassa mahābhūte paṭicca uppattidassanattattā na vuttaṃ. Na hettha kaṭattārūpassa khandhe paṭicca uppatti atthi, yassa mahābhūte paṭicca uppatti vattabbā siyā. Pavattiyaṃ pana kaṭattārūpaṃ “**asaññasattānaṃ...pe... mahābhūte paṭicca kaṭattārūpaṃ upādārūpa**”nti eteneva dassitaṃ hoti. Evañca katvā asaññasattānaṃ rūpasamānagatikattā nāhārapaccaye ca pavattiyaṃ kaṭattārūpaṃ na uddhaṭaṃ. Tampi hi uppādakkhaṇe āhārapaccayena vinā uppajjatīti uddharitabbaṃ siyāti.

Vipākattikavaṇṇanā niṭṭhitā.

### 4. Upādinnattikavaṇṇanā

15. Upādinnattike **anupādinnaanupādāniyaṃ dhammaṃ paṭicca anupādinnaanupādāniyo dhammo uppajjati nādhīpatipaccayāti** etena sayāṃ adhipatibhūtattā avirahitārammaṇādhīpatīsipi adhipati duvidhenapi adhipatipaccayena uppajjatīti na vattabbo, ayametassa sabhāvoti dasseti.

72. **Upādinnupādāniyo kabaḷikārāhāro upādinnupādāniyassa kāyassa āhārapaccayena paccayoti** ettha kammajānaṃ rūpānaṃ abhantaragatā oḷā tasseva kammajakāyassa rūpajīvitindriyaṃ viya kaṭattārūpānaṃ anupālanupatthambhanavasena paccayo, na janakavasenāti ayamattho atṭhakathāyaṃ vutto. Etasmiṃ pana atthe satī **upādinnupādāniyo ca anupādinnaanupādāniyo ca dhammā upādinnupādāniyassa dhammassa atthipaccayena paccayo pacchājātindriyanti** ettha “āhāra”ntipi vattabbaṃ, yadi ca kammajā oḷā sakalāparūpānameva āhārapaccayo hoti, evaṃ satī “upādinnupādāniyo kabaḷikārāhāro anupādinnaanupādāniyassa kāyassa āhārapaccayena paccayo”ti na vattabbaṃ siyā, vuttañcidam, tampi anajjhohaṭāya sasantānagatāya upādinnojāya anupādinnaanupādāniyassa kāyassa āhārapaccayaṃ sandhāya vuttaṃ. Evañca satī “upādinnupādāniyo ca anupādinnaanupādāniyo ca dhammā anupādinnaanupādāniyassa dhammassa atthipaccayena paccayo”ti (paṭṭhā. 1.4.85) ayampi pañho pacchājātāhārasena uddharitabbo siyā, tasmā ajjhohaṭassa upādinnāhārasa lokuttarakkhaṇe abhāvato dumūlakesu paṭhamapañhe “āhāra”nti na vuttaṃ. Dutiyapañho ca na uddhaṭo, na itarassa upādinnāhārasa kāmabhava asambhavābhāvato ajjhohaṭameva maṇḍūkādīsarīragataṃ upādinnāhāraṃ sandhāya “upādinnupādāniyo kabaḷikārāhāro upādinnupādāniyassa ca anupādinnaanupādāniyassa ca kāyassa āhārapaccayena paccayo”ti (paṭṭhā. 1.4.74) vadantānaṃ vādo balavataro. Na hi ajjhohaṭamattāva maṇḍūkādayo kucchivitthataṃ na karonti, na ca balaṃ na upajjāyanti, na ca rūpaviseso na viññāyātīti.

“Anupādinnaanupādāniyo dhammo upādinnupādāniyassa ca anupādinnaanupādāniyassa ca dhammassa atthipaccayena paccayo sahaajātaṃ pacchājāta”nti (paṭṭhā. 1.4.83) evamādīhi idha vuttehi ekamūlakadukatikāvāsānapañhavissajjanehi “kusalo dhammo kusalassa ca abyākatassa ca dhammassa atthipaccayena paccayo sahaajāta”ntiadinā idha dutiyadukāvasāne viya vissajjanaṃ labbhatīti viññāyati. Sukhāvabodhanatthaṃ pana tattha sahaajātavaseneva vissajjanaṃ kataṃ. Paccaniye pana sahaajātasseva apaṭikkhepe lābhato, paṭikkhepe ca alābhato sahaajātapaccayavaseneva ekamūlakadukāvasānā tattha uddhaṭā, idha panetehi vissajjanehi eko dhammo sahaajātādīsu atthipaccayavisesesu anekehipi anekesaṃ dhammānaṃ eko atthipaccayo hotīti dassitaṃ hoti. Eko hi dhammo ekassa dhammassa ekeneva

atthipaccayavisesena atthipaccayo hoti, eko anekesaṃ ekenapi anekehipi, tathā aneko ekassa, aneko anekesaṃ samānante paccayuppannadhammaṇaṃ, atthipaccayavisesesu pana pañcasu sahaajātaṃ purejāteneva saha atthipaccayo hoti, anaññadhammatte pacchājātena ca, na nānādhammatte.

Yadi siyā, “**upādinnupādāniyo ca anupādinnaanupādāniyo ca dhammā upādinnupādāniyassa dhammassa atthipaccayena paccayo pacchājātaṃ indriya**”nti ettha “sahajāta”ntipi vattabbaṃ siyā. Kammajānañhi bhūtānaṃ sahaajātānaṃ pacchājātānañca lokuttarānaṃ ekakkhaṇe labbhamānānampi eko atthipaccayabhāvo natthi sahaajātapacchājātānaṃ nānādhammaṇaṃ viruddhasabhāvattāti taṃ na vuttanti veditabbaṃ. Evañca katvā paccanīye ca “**naindriye bāvīsā**”ti vuttaṃ. Aññathā hi indriyapaṭikkhepepi sahaajātapacchājātavasena tassa pañhassa lābhato “tevisā”ti vattabbaṃ siyāti. Purejātaṃ sahaajāteneva saha atthipaccayo hoti, na itarehi, tampi vatthu tamsahitapurejātameva, na itaraṃ. Kusalattike hi pañhāvāre “navippayuttapaccayā atthiyā pañcā”ti (paṭṭhā. 1.1.649) vuttaṃ, sanidassanattike pana “vippayutte bāvīsā”ti. Yaṃ pana tattha atthivibhaṅge paccayuddhāre ca timūlakekavasānaṃ uddhaṭaṃ, taṃ vatthusahitassa ārammaṇapurejātassa sahaajātena, saha paccayabhāvato pacchājātaṃ āhārindriyeheva, anaññadhammatte ca sahaajātena ca, āhāro pacchājātindriyeheva, indriyaṃ pacchājātāhārenāti evametam atthipaccayavibhāgaṃ sallakkhetvā anulome paccanīyādīsū ca labbhamānā pañhā uddharitabbā.

Upādinnattikavaṇṇanā niṭṭhitā.

## 6. Vitakkattikavaṇṇanā

22. Vitakkattike paṭiccavārānulome **adhipatiyā tevīsāti** sattasu mūlakesu yathākkamaṃ satta pañca tīṇi ekaṃ tīṇi tīṇi ekanti evaṃ tevīsā, **aññamaññe aṭṭhavīsā** satta pañca pañca tīṇi cattāri tīṇi ekanti evaṃ, **purejāte ekādasa** tīṇi cattāri dve dutiyatatiyadumūlakesu ekaṃ ekanti evaṃ, tathā āsevane. Aññāni gaṇānāni hetuārammaṇasadisāni.

31. Paccanīye nādhipatipaccaye paṭhamapañhe “avitakkavicāramatte khandhe paṭicca avitakkavicāramattā adhipatī”ti vatvā puna “vipākaṃ avitakkavicāramattaṃ ekaṃ khandhaṃ paṭiccā”tiādinaṃ vissajjanaṃ kataṃ, na pana avisesena. Kasmā? Vipākavajjanaṃ avitakkavicāramattakkhandhānaṃ ekantena sādhipatibhāvato. Vipākānaṃ pana lokuttarānameva sādhipatibhāvo, na itaresanti te visuṃ niddhāretvā vuttā. Lokuttaravipākādhipatissa cettha purimakoṭṭhāseyeva saṅgaho veditabbo.

38. Nāsevanamūlake **avitakkavicāramattaṃ vipākena saha gacchantenāti** etaṃ mūlaṃ avitakkavicāramattaavitakkavicārapadehi avitakkehi saha yojentena napurejātasadisāṃ pālīgamaṇaṃ kātābanti vuttaṃ hoti. Sadisatā cettha yebhuyyena visadisatā ca daṭṭhabbā. Tattha hi āruppe avitakkavicāramattaṃ idha vipākaṃ avitakkavicāramattantiādi yojetābanti ayamettha viseso. Idañca nāsevanavibhaṅganantaraṃ likhitabbaṃ, na jhānānantaraṃ, kesuci potthakesu likhitaṃ.

Paccayavāre **paṭhamaghaṭane pavattipaṭisandhiyoti** dumūlakesu paṭhame sattasupi pañhesu pavattiñca paṭisandhiñca yojetvāti vuttaṃ hoti.

49. Paccanīye **sattasu ṭhānesu satta mohā uddharitabbā mūlapadesu evāti** savitakkasavicārādipadesu mūlapadameva avasānabhāvena yesu pañhesu yojitaṃ, tesu sattasu pañhesu satta mohā uddharitabbāti attho.

Pañhāvārapaccanīye “avitakkavicāramatto dhammo avitakkavicāramattassa dhammassa ārammaṇasahaajātaupanissayakammappaccayena paccayo”ti kesuci potthakesu pāṭho dissati, upanissayena pana saṅgahitattā “kammappaccayena paccayo”ti na sakkā vuttaṃ. Upādinnattikapañhāvārapaccanīye hi “anupādinnaanupādāniyo dhammo anupādinnaanupādāniyassa

dhammassa sahaajātaupanissayapaccayena paccayo’’ti (paṭṭhā. 1.4.58, 62) ettakameva vuttaṃ. Parittattikapañhāvārapaccanīye ca ‘‘mahaggato dhammo mahaggatassa dhammassa ārammaṇasahaajātaupanissayapaccayena paccayo’’ti (paṭṭhā. 2.12.57, 65, 73) ettakameva vuttanti. Ettakameva ca avitakkavicāramattaṃ kammaṃ appamāṇaṃ mahaggatañca, tañca dubbalaṃ na hotīti etehiyeva vacanehi viññāyatīti.

Vitakkattikavaṇṇanā niṭṭhitā.

### 8. Dassanenapahātabbattikavaṇṇanā

Dassanenapahātabbattike **dassanena pahātabbo dhammo bhāvanāya pahātabbassa dhammassa ekenapi paccayena paccayo na hotīti** idaṃ paṭiccasamuppādavibhaṅge vicāritanayena vicāretabbanti.

Dassanenapahātabbattikavaṇṇanā niṭṭhitā.

### Pucchāgaṇanagāthāyo

Kusalādi ekakattaya-mathādi antena majjhimantena;  
Ādi ca majjhena dukā, tayo tikeko ca viññeyyo.

Tesvekekaṃ mūlaṃ katvā, taṃ sattasattakā pucchā;  
Ekekapaccaye yathā, bhavanti ekūnapaññāsa.

Chasattatādhikasataṃ, sahasamekañca suddhike pucchā;  
Esa ca nayonulome, paccanīye cāti nāññattha.

Rāsiguṇitassa rāsissaḍḍhaṃ, saha rāsikassa piṇḍo so;  
Rāsissa vā sahekassaḍḍhaṃ, puna rāsinā guṇitaṃ.

Iti hetumūlakāduka-tikādayo chacca sattatisatā dve;  
Catuvīsattettha pucchā, aḍḍhuḍḍhasahassanahutañca.

Tāsaṃ yasmā suddhika-nayo na paccekapaccaye tasmā;  
Catuvīsati guṇitānaṃ, sasuddhikānaṃ ayaṃ gaṇanā.

Lakkhattayaṃ dvinahutaṃ, pañca sahasāni satta ca satāni;  
Dvāpaññāsā etā, anulome piṇḍitā pucchā.

Anulomasadisagaṇanā, bhavanti pucchānaye ca paccanīye;  
Hāpetvā pana sese, nayadvaye suddhike laddhā.

Chappaññāsa bhavanti pucchā, chasatasahitañca lakkhaterasakaṃ;  
Pucchānayesu gaṇitā, paṭiccavāre catūsvapi.

Sattahi guṇitā kusalattike dvayaṃ, navutiñceva pañcasatā;  
Cattāri sahasāni ca, tathekanavute ca lakkhakā.

Nādvāvīsati guṇitā, tikesu sabbesu vīsati ca koṭi;  
Lakkhattayaṃ sahasaṃ, catuvīsati cāpi viññeyyā.

## Tikapāṭṭhānaṃ.

Ekakapaccaye pana, nava nava katvā saṣoḷasadvīsatāṃ;  
Hetudukapāṭṭhamavāre, paṭṭhamanaye suddhike pucchā.

Hetādimūlakanaye-svekekasmim dukādibhedayute;  
Caturāsītīcatusata-sahitaṃ saḥassadvayaṃ pucchā.

Tā catuvīsatiḡuṇitā, sasuddhikā ettha honti anulome;  
Dvattimśaṭṭhasatādhika-saḥसानavakaḍḍhalakkhakā.

Evam paccanīye dve, suddhikarahitā catūsvato honti;  
Channavutaṭṭhasataṭṭha-timśasahassadvilakkhakāni.

Tā pana sattagūṇā dve, sattatisatadvayaṃ saḥassāni;  
Dvāsattati honti tato, soḷasa lakkhāni hetuduke.

Tā satagūṇā dukasate, satadvayaṃ sattavīsati saḥassā;  
Dvāsattatilakkhāni ca, soḷasakoṭi tato pucchā.

## Dukapāṭṭhānaṃ.

Dukatikapāṭṭhāne tika-pakkhepo hoti ekamekaduke;  
Tassa chasaṭṭhigūṇena te, chasaṭṭhisatāṃ dukā honti.

Hetudukaladdhapucchā, guṇitā tehi ca honti tikapadameva;  
Dukapāṭṭhāne pucchā, tāsāṃ gaṇanā ayaṃ ñeyyā.

Dvāpaññāsa satāni ca, naveva nahutāni nava ca saṭṭhiñca;  
Lakkhāni tīhi sahitaṃ, satāṃ saḥassañca koṭīnaṃ.

## Dukatikapāṭṭhānaṃ.

Tikadukapāṭṭhāne tika-mekekaṃ dvisatabhedanaṃ katvā;  
Dvāvīsadvīsatagūṇā, ñeyyā kusalattike laddhā.

Pucchā aṭṭhasatādhika-catusaḥassadvilakkhayuttānaṃ;  
Koṭīnaṃ chakkamatho, koṭisaḥassāni cattāri.

## Tikadukapāṭṭhānaṃ.

Tikatikapāṭṭhāne, tesatṭhividhekekabhedanā tu tikā;  
Tehi ca guṇitā kusala-ttikapucchāpi honti pucchā tā.

Dvādasa pañcasatā catu-saṭṭhisahassāni navuti cekūnā;  
Lakkhānamekasatṭhi, dvādasasatakoṭīyo ceva.

## Tikatikapāṭṭhānaṃ.

Dvayahīnadvayasatagūṇo, ekeko dukaduke tehi;



Hetuduke laddhā saṅkhya-bhedehi ca vaḍḍhitā pucchā.

Chasatayutāni pañcā-sītisahassāni lakkhanavakaṅca;  
Ekādasāpi koṭi, puna koṭisatāni tettiṃsa.

Dukadukapaṭṭhānaṃ.

Sampiṇḍitā tu pucchā, anulome chabbidhepi paṭṭhāne;  
Chattiṃsatisatasahassa-ṭṭhakayutasattanahutāni.

Lakkhāni chacca cattā-līseva navātha koṭiyo dasa ca;  
Sattakoṭisatehi ca, koṭisahassāni nava honti.

Tā catuḡuṇitā pucchā, catuppabhede samantapaṭṭhāne;  
Catucattālīsasatattayaṃ, sahasāni terasa ca.

Sattāsīti ca lakkhānaṃ, koṭīnaṅca sattasattatiyo;  
Hontiṭṭhasatāniṭṭha-tiṃsasatasahassāni iti gaṇanā.

Paṭṭhānassa pucchāgaṇanagāthā.

Paṭṭhānapakaraṇa-mūlaṭṭikā samattā.

Iti bhadantaānandācariyakena katā līnatthapadavaṇṇanā

Abhidhammassa mūlaṭṭikā samattā.